

3
L U C Æ
T O Z Z I
NEAPOLITANI
IN HIPPOCRATIS APHORISMOS
COMMENTARIA,
PARS SECUNDA:

UBI UNIVERSÆ MEDICINÆ,
tum Theoreticæ, tum Practicæ celebriores Quæ-
stiones perpenduntur, atque nedùm Recentiorum
inventis, sed & genuinæ ejusdem Hippocratis menti
congruentes, quàm dilucidè explicantur.

TOMUS TERTIUS.



VENETIIS, MDCCXI.

Apud Nicolaum Pezzana.

SUPERIORUM PERMISSU, AC PRIVILEGIIS.

THE
UNITED STATES
DEPARTMENT OF THE INTERIOR
BUREAU OF LAND MANAGEMENT
WASHINGTON, D. C.

EXTRACT FROM THE REPORT OF THE

COMMISSIONER OF THE GENERAL LAND OFFICE
FOR THE YEAR 1890

CHAPTER I. LANDS BELONGING TO THE UNITED STATES



LANDS BELONGING TO THE UNITED STATES

CONTAINING A LIST OF THE LANDS BELONGING TO THE UNITED STATES
AND A DESCRIPTION OF THE SAME

LUCAE TOZZIO
PUBL. MEDIC. PROFESS. CLARISS.
APHORISMORUM HIPPOCRATIS
COMMENTARIA
IN LUCEM EDENTI,

ita hoc Epigrammate

PRÆCEPTORI SUO

auspicatur

NICOLAUS GRÆCUS A. ET M. D.

U^T Librum adspexit liquido Sebethus ab alveo,
Arte nova nitidum, sic stupefactus ait.

Est Liber, an Sidus? Prælo, an demittitur Astris?

Est Author Phœbus, Tozzius anne meus?

Tozzius est Author: neque enim me ludit imago:

Phœbum nosco equidem: non ita, Phœbe, nites.

Sic latans Fluvijs, lætæque sonantibus undis,

Complet Fama tuba Solis utramque domum.

Tozzi quàm felix! Phœbo nam major in Arte:

Quòd Fama vivet plausibus usque Liber.

AD DOMINUM
LUCAM TOZZI
EXCELLENTISSIMUM MEDICUM,

ET PHILOSOPHUM,

ut suas in HIPPOCRATEM lucubraciones promulget.

EPIGRAMMA.

R Umpe moras calami: quid publica vota moraris?
Quid Coi differs pandere scripta senis?
Ille quidem stygiis alios servavit ab umbris,
Se servare sua non potis arte fuit.
Ergo age, & exorti redivivum laude Magistrum
Restituas nobis, restituasque sibi.
Sic erit, ut debent alii cui munera vite,
Ipse tibi vitam debeat Hippocrates.

Addictissimus Servus
Hieronymus Vitalianus.

Τ Ω Α Τ Τ Ω

ἐπιγράμματα

Φῶ, λίγεται πλάττειν λείχεα τὸ ἔμβριον ἄρτους,
καὶ κατὰ δὲ μωρὸν σχῆμ' ἀγαθὸν διδόναι.
Αὐτὰ, δυσμέροισι χρησάμενός Κόσμο γέροντος
τὴν τι καλὴν μορφήν, ἀσφαλὲς τι δίδως.

Octavii Sanctorii.



LUCAE TOZZI

In Tertium librum Aphorismorum

HIPPOCRATIS COMMENTARIA.

APHORISMUS I.

*Mutationes temporum potissimum
pariunt morbos : & in quibusdam
temporibus magna mutationes,
aut frigoris, aut caloris, & alia
pro ratione eodem modo.*



Inter Causas externas morbos inferre valentes præcipuus plane Aer est, qui cum nos perpetuo ambiat, atque assidua inspiratione Viscera vitalia subeat, & cum sanguine in Pulmonibus misceatur, sicuti ubi purus, ac salubris est, Vitam, valetudinemque tutatur, ita si alieno vitio inficiatur, aut halituum labe fœdetur, potenter admodum nostra Corpora alterat, & inquinat. Cum autem innumeris prope modum mutationibus obnoxius sit, & vicissim variis, differentibus quoque, vaporibus, nebulis, rore, *Tozzi Op. Med. Tom. III.*

pruina, pluvia, nivibus, ventis, mincratum halitibus, cæterisque depravetur, unde diversimodè quocumque nos afficit, propterea factum puto, cur Hippocrates illius rationem maximam præ cæteris habuerit, atque lib. de Natura Hom. decreverit à Spiritu, seu Aere, & à cibis, potibusque omnia morborum genera proficisci. Et lib. de Flatib. Aer est, inquit, maximus in omnibus, quæ Corpori accidunt, author, & dominus. Atque iterum: Mortalibus vitæ, & morborum ægrotis, solus is est author. Et mox: Subiiciam igitur & illud, quod non aliundè unquam verisimile sit morbos evenire, quàm ab Aere, si is aut plus, aut minus, aut cumulatior, aut morbidis foribus inquinatior in Corpus se ingerat, sed & nunc etiam demonstrabo omnes morbos ex hoc oriundos Corporibus innasci, ac generari, &c. Hoc autem libro speciatim memorans mutationes Aeri contingentes

tes à Temporum varietate, primum inquit, illas potissimum morbos parere; ut propterea cæteris aliis Causis externis ægitudines inferre valentibus Temporum mutationes præferat.

At quamquam sint ejusmodi mutationes, non levis est inter Interpretes disceptatio. Nonnulli eas solum existimant, quæ in quatuor anni Tempestatibus contingunt, præsertim cum vices illæ commutant. Alii, ubi debitam Temperiem non servant, ut cum Æstas Autumni, & Ver Æstatis morem referre videtur. Plerique ad caloris, ac frigoris inæquales vicissitudines ascribunt. At ipse existimaverim, omnem, & quamcumque mutationem subitam, ac humanis Corporibus incongruentem, comprehendendi, cum indefinitè illas Hippocrates memoraverit, & ab omnibus pari modo nostra corpora præter naturam affici possint.

Et quidem cum ab Hyeme in Ver mutatur temporis constitutio, quem admodum Aer incalcescit, dies noctes superant, & Soldiutius nostrum Horizontem illustrat; sic pariter humana Corpora ad alia disponuntur, valde differentia ab his, quibus ex præcedenti Hyeme fuerant affecta; & multò magis cum ex temperato Vere fit transitus in Æstatem, per quam ex maximo Aeris æstu ob Solis accessum ad nostrum verticem vehementius Corpora alterantur, & in acutas admodum ægitudines incidunt, quæ & longè graviore accident sub Autumno, aliter, aliterque affectis corporibus ex immutato in aliam habitudinem Aere, ut & adventante Hyeme in aliam omninò differentem, uti subsequenter Aphorismis singulatim recensebimus. In his præterea Temporum Anni mutationibus, periculosissima specialius lib.

de Aer. & loc. esse ait Hippocrates, ambo Solstitia, maxime Æstivum, atque utrumque Æquinoctium, præsertim verò Autumnale, quippe tunc valde mutabilis fieri solet Aeris status, & repentinè plerumque contingunt alterationes ex ingruentibus pluviis, grandinibus, ventis. *Oportet autem;* subdit idem, *& Astrorum exortus considerare, præcipue Canis, deinde Arcturi, & Pleiadum occasum: Morbi enim in his maxime diebus judicantur, aliique perimunt, alii verò desinunt, aut in aliam speciem, aliumque statum transmutantur;* ut propterea ibidem existimet non minimam partem conferre ad Rem Medicam ipsam Astronomiam, sed omninò plurimam, cum una cum temporibus, & Ventriculi in Homnibus mutantur.

Verumenimverò istiusmodi Quaternaria Anni divisio, quæ nobis Europæis Zonam temperatam incolentibus congruit, minimè cæteris omnibus Terræ habitatoribus pariformiter respondet; cum sub Zona Torrida aliquibus, scilicet sub Æquatore sitis, Æstas duplex accidat. Sole perlustrante signa Arietis, & Libræ, quæ Nobis sunt Æquinoctialia; aliis verò, videlicet Accolis, cum Sol utrinque posita signa migrat, quæ cæteroqui fixa dicuntur, prout in alterutram ad Æquinoctiali partem declinant; in aliis verò signis à vertice remotioribus Hyemes, aut potius caloris remissiones, Veri, & Autumno quodammodo respondentes fiunt. Sed & Antæcis diversa quoque accidunt; nam quibus in signis Sol Nobis Æstatem facit, illis parit Hyemem, & contra; & ubi Nobis incipit Ver, illis inchoat Autumnus: ut sileam nunc, quas omninò diversas etiam sortiuntur Temper-

pestatum mutationes, qui Antipodes Nobis sunt, & qui frigidas Zonas inhabitant, ab Astronomis, ac Geographis abundantissimè recollectas. Underidiculus planè fuit ille, qui inter theses quasdam publicè propugnandas, primam fecit, qua indefinitè atque universim fetutaturum asseverabat, quatuor solùm esse cunctis Anni Tempora. Huic à prime cohærebat Plinianum illud ex Apelle: *Nil ultra crepidas.*

Sed tamen omittenda non est, quæ Veteribus fuit in usu Anni Temporum distributio. Illis enim, etsi communem Zonam, eademque Climata nobiscum colerent, Annum aliter partiri visum est, & quidem in septem tempora, ut memorat Galenus hoc eodem *lib. comm. 14.* & latius *1. epidem. comm. 1. temp. pest. 1.* Primum autem ab Æquinoctio Verno, sive ab ingressu Solis in signum Arietis, ad ortum Vergiliarum, seu Plejadum, Ver constituebant; Ab istarum ortu ad Solstitium Æstivum, tempus secundum, & quodammodò Æstatis initium. Tertium Æstivum, à Solstitio ad ortum Caniculæ extendebatur. Quartum ab ortu Caniculæ ad ortum Arcturi, Opora dictum. Quintum Autumnale, ab ortu Arcturi ad Plejadum occasum: vocabant *σπυράτον*. Sextum ab occasu Plejadum ad Solstitium hybernium. Septimum demùm à Solstitio hyberno ad Vernale æquinoctium: quod *τιν ποταμία* appellabant, seu Tempus insitionis, & cum à flante Favonio purpureæ Violæ exoriuntur. Et quamvis Cardanus in *comment. istius Aphorismi* summo studio conetur rem hanc à Galeno non satis bene explicatam, nec nostris temporibus congruentem, in meliorem calculum revocare, quia tamen ante Gregorianam correctionem scripsit, quo

tempore Vernale Æquinoctium contingebat ad IV. Idus Martii circiter; ac deinceps Astrorum ortus, atque occasus evariarunt; propterea fit, ut nec illius computus adamussim traditæ rationi, atque Anni partitioni respondeat. Vernum namque Æquinoctium nostra hac ætate ex Gregoriana correctione accidit XII. aut XIII. circiter Kal. Aprilis. Ortus primarum Plejadum VIII. Idus circiter Maii, ultimarum ad Kal. Junii. Solstitium æstivum ad IX. Kal. Julii. Ortus Sirii ipsis ferè Kal. Augusti: Procyonis verò ad IX. Kal. ejusdem ferè, quo tempore Etesiae spirare solent. Arcturi exortus ad Nonas Octobris. Occasus Plejadum ad XII. Kal. Decembris. Demum Brumale Solstitium X. Kal. Januarii propè. Porro hæc deinceps etiam evariabunt, cum observationibus summi illius Astronomi Tychonis Brahei, inerrantes stellæ quorannis secunda 51. secundùm ordinem signorum progrediantur.

Sed & cum his observabiles quoque sunt dies Caniculares, ab ortu utriusque Canis ad finem usque Augusti, de quibus Hippocrates 4. *Aphor. 5. sub Cane, & ante Canem*: Dies Halcionii, qui circa festum Divi Martini tranquilli, & aprici esse solent. Ortus etiam, & occasus Hyadum elabente Majo, atque imminente Decembre; itemque Lunæ elationes, ac depressoitates circa Tellurem in suis Apogeis, & Perigæis, aliaque hujus generis plura ab Agricolis potissimum, & Nautis passim observata, cum ex his putent Aerem plurimum immutari, exoriri ventos, grandines, procelas; unde corpora etiam vehementer affici contingit.

Cum insuper Anni tempus naturalem, & consuetam non servat constitutionem, varias, diversasque

ægritudines progignit ; puta cùm per Æstatem pluviæ ingruunt, & per Hyemem Aultri perflant impetuosius, Ver alget, æstuat Autumnus. Ita namque graves, morbosasque constitutiones accidisse refert idem Hippocrates *in libris Epidemiorum*, & notatur *hoc eodem 3. Aphor. à text. 11. inferius.*

De cæteris verò mutationibus meminuit idem Hippocrates *hoc eod. 3. Aphor. 4.* inquit: *In Temporibus quando eadem die modò calor, modò frigus viget, autumnales morbos expectare oportet.* Neque solum caloris, aut frigoris vehementes, & subitæ alterationes, sed etiam humiditatis, & siccitatis mutationes morbosicæ esse consueverunt, ut propterea quacumque de Causa Aer permutetur, aut afficiatur, humana Corpora perturbari contingat; unde si crassus, nebulosus, turbulentus, nimbosus, ventis agitatus; mox omninò tranquillus, apricus, fervidus, densatus, aut laxatus fiat, non leviter nocebit : Natura enim nostra, quemadmodum congruentibus, & assuetis gaudet, ita repentinas, ac incongruentes mutationes, atque vicissitudines ægrè ferre solet. Quamobrem subdit Hippocrates, & *in quibusdam temporibus magna mutationes aut frigoris, aut caloris, & alia proratione, eodem modo;* quibus comprehendì quoque videntur, quæ incolatu, exercitiis, indumentis, aliisque similibus subitæ mutationes sunt, ut indies experimur; ab his etenim repentè mutatis, diversimodè quoque Aer nos afficit, inturbata præsertim perspiratione.

Quarta autem sit vis Aeris in Corporibus quibuscumque permutandis, alterandisque, vel ex eo quisque coniiciet, quòd quæ ab eo defen-

duntur, diutissimè produrant : sic Vinum ad annos integros servatur ferens ætatem, atque vigorem inconcussum, cùm oleo ab ambiente Aere præmunitur. Fructus recentes cera obliiti ad remotissimas Regiones devehuntur, & nedum incorrupti, sed perindè ac ab arboribus tum decerpti. Pari modo multa servantur in melle, vino, ejusque spiritu, cæterisque liquoribus; sed & in milio, arena, cineribus, aliisque, quibus illa ab Aeris contactu præcaveantur; Et in Machina pneumatica Boylei, exhausto Aere, diutissimè carnes, fraga, mora, cerasa, pruna, aliique fructus, floresque varii, adeò illibata aservantur, ut nec marcescant, nec acorem contrahant. Vinum quoque, cervisia, ac sanguis ipse ab animalibuseductus, etsi longo tempore in eadem sint reposita, non aliter indè postè extrahuntur, ac fuerunt inclusa. Aeris quippè vi, atque efficacia, quam Elateris nomine insignitum Recentiores Philosophi voluerunt, suscitantur in Corporibus fermentationes, commotionesque internæ, ut & acerba quæque maturitati subiiciantur, atque in jam maturis mobiles, tenuioresque partes adigantur, exsolvanturque, quinimmò pro variorum Corporum, halituum, & vaporum cum ipso intermissione, variæ, multigenæque excitentur mutationes; undè experimur ædificia ad oras maritimas exposita per elaterem cum vaporibus acido-muriaticis Aëquoris commistum, sensim corrodi, atque manifestè consumi. Quamobrem jure optimò credi potest vorax Tempus cuncta consumere dentibus ab Aere mutuatis, præsertim cùm diversimodè is affectus per tempestatum vicissitudines, multifariam quoque halituum, & vaporum commissione acui-

acuitur, & erodentior evadit. Atque hinc non temerè Olymp. Nemeſian. *Eclog.* 3. cecinit.

Omniatempus alit, tempus rapit, uſus in arcto eſt. Ab uno ſiquidem Aere conſumimur ſimul, & alimur, unde principium alimenti Aer Hippocrati dicitur, & enarratorum hæcenus accidentium cauſa: atqui uſus ejus in arcto quoque eſt; nam ſicuti juvat in plerisque, ita in multis aliis nocere ſolet: unde Cauſa indifferens ſtatuitur à Medicis, cùm quo vario illius uſu & obſeſſe, & prodèſſe poſſit.

At verò præter Temporum Anni varietates, notabiles quoque in Aere ſunt mutationes, indeque corporum alterationes, atque ægritudines, à Ventis: hi namque non ſolum Acrem vel repurgant, vel inquinant, adeoque ſerenitatem, vel nebulas afferunt, æſtum, vel algorem; ſed etiam variis, multigenisque vaporibus, ac halitibus inſiciunt, nitroſis, ſulphureis, aluminofiſis, viſtriolicis, mercurialibus, aliisque, quibus reſpiratio in Animantibus non minimùm offenditur, & permeans ſanguis per pulmones inſicitur, unde ſæpenumèr Catarrhi, Tuſſes, Hæmoptoes, Pleuritides, Anginæ, Dyſenterix, Febres, aliæque ægritudines pernicioſiſſimæ exoriuntur. Sunt autem ex his aliqui ſtatis temporibus perſiſtentes, ut etiam aves ad Nos perducant: ſunt & alii, qui indifferenter. Verumtamen & Regiones pleræque certis quibuſdam ſtatibus ſubiiciuntur, ut Urbs hæc noſtra Neapolis Auſtralibus ventis ſerè perpetim afflata, ut propterea diſtillationes, atque artuum dolores, & Capitis languores ſubeat; ſed & quidam Telluris tractus peculiareſ ventos ſunt ſortiti ſtatis temporibus proſperos, vel adverſos.

Hiſtoriis eſt jam notiſſimùm ſaviſſe in Græciam diram Peſtem ventorum afflatu ex Ægypto delatam, quam perpetuiſ monimentis deſcribere ſoluta oratione Thucydides, atque heroico carmine Lucretius. Haſ autem ex depravato Aere affectiones, alterationeſque, ſolus ignis corrigere, atque delere poterit, cùm & Hippocrates ipſe in Græciæ peſtilentiis integras ſylvas incendi juſſerit ad Aeris repurgationem. Cæterùm quia non omnes Homines in ejuſmodi Temporum mutationibus, & Aeris alterationibus æquabiliter afficiuntur, vel agrotant, ſed qui ſolum, aut habitudine, aut humoribus, ſunt diſpoſiti, propterea ſequentibus Aphoriſmſ, quibus Tempeſtatibus, ac particularibus Temporum mutationibus Corporum habitudines ſpecialiter ſubiiciantur, ſigillatim enunciat.

APHORISMUS II.

Naturarum alia quidem ad Aëſtatem; alia verò ad Hyemem, bene, malève, ſe habent.

Innumeris Experimentis eſt comprobatum, non omnes Homines quavis Anni tempeſtate æquè bene Vitam degere, atque inculpata valetudine frui, ſed quosdam in una, alios in alia ſalubrius vivere: & quidem lacertoſos, atque obefos, ambienti frigido faciliùs obſiſtere, meliùſque valere; gracileſ verò multùm affici, atque offendi: cùm tamen contrà hi meliùſ ſe habeant Aëſtate, illi deteriùſ; Unde ex Temporum mutationibus potiùſ uni, quàm alteri afficiuntur, prout ipſorum habitudo, ac propenſio huic, vel illi tempeſtati magis ſubiicitur.

Naturas tùm hic, tùm alibi Galenus

V. Hipp.
de hum.

Commo-
da, & in-
commo-
da Ven-
torum. V.
I. de Ae-
re Aq. &
loc. lib.
de hum.
& de ſtat

lenus Temperies interpretatur, quippe qui omnia corporibus humanis contingentia, calore, frigore, humiditate, ac siccitate, veluti primis qualitatibus, est metitus: quomobrem in Æstate melius, quàm in Hyeme illos habere ait, quorum Temperies frigida, humidaque est; qui verò Temperamento sunt præditi calido sicco, salubrius in Hyeme, de-terius in Æstate. Verùm hac ratione obesa Corpora, quæ frigida, & humida, ab ipso dicuntur, salubriorem degerent vitam Æstate, quàm Hyeme; & contrà gracilia, veluti calida sicca, malè se haberent in Æstate, & benè in Hyeme; cùm tamen obesa Corpora efficacius obstant hyberno, frigidoque ambienti, à quo graviter gracilia offenduntur.

Naturas hic igitur exponere oportebit, quas alibi nos Corporum constitutiones, & habitudines appellavimus, desumptas à textura partium similiarum organicas componentium, unà cùm sanguinis illas irrigantis conformatione: quibus enim sanguis inest floridus, vegetus, vividus, qui quaquaversum partes subeat, & ad obeundas operationes agilitet, hos calidam temperiem, seu constitutionem, nactus dicemus; quibus verò, parte potius austifica refertus est, obefiores erunt, sed minùs calida præditi temperatura. Confert autem ambiens Aer, sive calidior, sive frigidior evadat, ad ejusmodi Corporum constitutiones vigorandas, vel permutandas, inspiratione simul, & perspiratione; quomobrem tempore æstivo, quia tenuior sanguis evadit ex inspirato aere, & ex cute rariori promptius perspirant crassiora ejusdem repurgamenta, propterea hebetes, & humidæ Corporum constitutiones, salubrius tunc degunt; deterius verò hyeme,

impedita ejusmodi perspiratione, & sanguine à frigidiori Aere aliquatulum constipato. Ita pariter reliquæ Corporum habitudines melius Æstate, pejus Hyeme degent, quatenus ab utroque, hoc, vel alterutro Aeris beneficio, emolumentum, aut detrimentum ex adverso sortientur. Neque verò perpetuò verum est frigiditas, quas vocant, aut calidas temperaturas, Æstate benè, Hyeme malè, ac vicissim se habere, nisi ex memoratis Causis inspirationis, trãspirationisque, sanguis benè, vel malè afficiatur; siquidem fieri potest, ut frigidò præditi temperamento, sicut & calido, obesi simul, & graciles, æquè malè se habeant in Hyeme, atque in Æstate, si nimirum effectus in illis sanguis, in his valdè tenuis, faciliè disperdatur, & evanescat, ab ingenti Aeris æstu; & opprimatur, atque hebetetur à Brumæ algore. Undè plerisque novi ex utraque Anni tempestate aspera, ferè quotannis ægrotare, & solum vitam ducere salubriorem tempore verno, aut etiam æstivo, modò calor remissior foret, aut aerem incoherent temperationem, zephyrisque perflatum; quoniam in his imbecilla sanguinis constitutio, & laxa textura membrorum, utrumque excessum ferre non poterat. Sic levis lucernæ flammula citò extinguitur, cùm si algenti, densa-que aeri exponatur, tum si dilatrato, ventilatoque, immò etiam radiis solaribus vehementer verberato, aut aliter intensius excalefacto. Jure ergo optimo Hippocrates Naturas Hominum indiscriminatim commemoravit, nulla caloris, aut frigoris, alteriusve qualitatis facta mentione.

APHORISMUS III.

Morbi quoque, alii ad alia bene, vel male se habent, & quadam ætates ad tempora, & loca, & victus genera.

Quod dixerat de Naturis, & Corporum constitutionibus, nunc de ægritudinibus, deque ipsis ægrotantibus, illorumque ætatibus pronunciat, ut sensus sit, Morbos in quibusdam mitiores evadere, & securiores, in aliis verò graviore, periculosioresque, prout ægrotantes ipsi hac, vel illa habitudine præditi, in unam, vel alteram morborum constitutionem proclives fuerint. Sic graciles ex distillationibus, Tussi, Dysenteria; obesi verò ex Asthmate, Hydrope, Sopore, Palpitatione gravius afficiuntur: In ætate puerili minùs periculosæ sunt Variolæ, quam in ætate consistenti, ac senili. Faciliùs pariter, citiùsque desinunt Quartanæ, Obstructiones, & Articulorum dolores Æstate, quàm Hyeme. Hydropses, & Cachexiæ, in montanis, ac maritimis locis leviùs affligunt, meliusque curantur; In campestribus verò Phthises, & Atrophix. Attenuans victus gravior in juventute, & in morbis à tenuibus humoribus exortis; ut & plenior, ac consistentior in succiplenis. Horum autem omnium latissimè meminit *in libris Epidemiorum* Hippocrates, ubi Epidemios morbos referens populariter grassantes, non omnes tamen ægros æquabiliter affectos narrat, sed pro varia cuiusque habitudine, ac natura, itemque ætate, tempore, regione, diæta, alios graviùs, alios leviùs ægrotasse, neque singulos cum uno, eodemque genere symptomatium.

lib. 1. &
3.

Sed numad Morbos potiùs, an veriùs ad Causas respexerit Hippocrates, & unde bene, vel male ægritudines se habere dixerit ad alia, atque alia comparatas, dubitari poterit. Et quidem in textu videtur solum ægritudines memorasse, ut effectus nostris sensibus magis obvios. Sed reverà Causas magis prospexisse dicendum est: nam morbi bene, vel male se habent ad alia, aut alia, quatenus Causæ illos efficientes, aut conservantes, absconduntur, vel emendantur; aut contra augentur, & exasperantur: non enim alia de causa tertianæ febres Æstate breviantur, & ingravescent, nisi quia humorillas fovens promptius dissipatur, aut contra acuitur. Sic pariter dolores articulares citiùs desinere solent Æstate, seriùs Hyeme, quia per æstum vitiosi succi attenuantur, & exsolvuntur, per hybernium verò frigus detinentur, & incrassescunt. Perperam proinde agunt, qui in præscribendo victu ægrotantibus, summo studio adnuntur adversus morbos pugnare, cum in calidis, quas vocant, ægritudinibus frigefactia cibaria præcipiunt, etiam si humores prædicent crudos, & phlegmaticam, tenacemque pituitam; quamobrem febricitantes omnes pari modo cibant, oleribus, jusculis, consumptis, cum feminibus, syrupis, & electuariis refrigerantibus, ut propterea Morbos insanabiles reddant, vel protrahant.

Præterea adjecit Hippocrates quasdam ætates ad quædam tempora, loca, & victus genera, etiam bene, vel male se habere, videlicet quia, *Pueri*, ut inquit Celsus, *pro lib. 2. c. 1.* ximique his, Vere optimè valent, & Æstate primatutissimi sunt, Senes Æstate, & Autumni prima parte, Juvenes Hyeme, quique inter juven-

tam,

tam, senes autemque sunt: inimicior autem Senibus Hyems, Aestas Adolescentibus est. Quidam salubriorem ducunt vitam in maritimis, alii in montanis locis: & nonnulli uno victus genere bene valent, alio quamvis perfectiori, non item.

Hinc ergo prudens Medicus pro varia Corporum constitutione, atque habitudine, diversimodè in illorum ægitudinibus se gerat, & prout noverit in hanc, aut aliam, cum morbos, morborumque Causas, tum ægrotos, ipsorumque naturas, atque ætates propendere constitutionem, ita hoc, vel illud utetur victu, ac medicamento, cavens ea, quæ omnino dissimilanea ejusmodi Tempestatibus, & Constitutionibus videbuntur. Non semel autem contigit, populares quosdam morbos feliciter depulisse indicto statim à principio vomitu, sed & alios, propinatis positionibus gelidarum aquarum, quæ vim alexipharmacam participarent. Quandoque præstat morbum protinus validissimis remediis adoriri; interdum verò ejus impetum effugere, ac declinare, Celsi consilio *lib. 2. cap. 5.* dicentis: *Neque ulla alia spes in malis magnis est, quam ut impetum morbi trabendo aliquis effugiat, porrigaturque in id tempus, quod curationi locum præstet.* Qui itaque sciverit ægitudines per suos impetus, ac tempora, in variis Corporum habitudinibus, atque ætatibus, secundum vicissitudines moderari, planè is in Medicina facienda magnus erit.

A P H O R I S M U S . I V .

In temporibus, quando eadem die modò calor, modò frigus fit, Autumnales morbos expectare oportet.

Damna ex mutationibus Temporum universim oriri antea exposuerat, nunc speciatim morbos futuros autumnales pronunciat, quandocumque eadem die modò calor, modò frigus vigeat, idque sive in Vere, sive in Æstate, sive in cæteris Anni temporibus contingat. Neque solum si eadem die, sed etiam si longa dierum serie, ejusmodi mutationes fiant; sed enim eodem die contingentes frigoris, & caloris mutationes, periculosiores procul dubio sunt, quippe quæ subitaneæ, & repentinae, celeriter Corpora agitant, perturbantesque ad opposita; unde speciatim etiam notantur frigoris, & caloris alterationes; veluti quæ sensibilius solidas Corporis partes commovent, atque in contraria deducunt: Calore enim humores liquantur, & ad sudorem disponuntur, viscera laxantur, pori cutis rarehunt, & halituum perspiratio uberior fit: frigore verò ista cohibetur, densantur humores, & promotus sudor impeditur; quare ex inæquali, & subita hac commotione, graves noxas ingruere necessum est, quales sunt Autumnales. Morbi siquidem in Autumno evenientes inconstantes sunt, & mali moris, quandoquidem nullum planè tempus eo majores habet inæqualitates: etenim mane, & circa Solis occasum frigus persentitur, & longè majus noctu; Meridie verò calor nimius invalescit; ut propterea ea tempestate plurimi, gravesque morbi passim ingruant.

Non

Non tamen quis existimet, ex unico dumtaxat die, mutationem è calido in frigidum vicissim habitam, morbos portendere graves, & autumnales, sed cum diu perduraverit: siquidem quod semel accidit, facile à quocumque etiam debili toleratur; neque tantæ efficacitatis esse potest, ut vehementer corpora concutiat, & sensibilem noxam imprimat. Itaque oportet, ut iteratis diebus ejuscemodi permutationes contingant; quemadmodum & Ovidius expressit, 2. *de Arte amandi.*

Cum modò frigoribus premimur, modò solvismur aestu:

Aere non certo, corpora languor habet.

Et Celsus lib. 2. cap. 1. *ex tempestatibus*, inquit, *optima aequales sunt, si ve frigida, si ve calida; pessima, quæ maximè variant: quo fit, ut Autumnus plurimos opprimat, nam ferè meridiano temporibus calor, nocturnis, atq; matutinis, simulq; etiam vespertinis frigus est.* Cum & lib. 1. c. 3. dietam per id temporis prescribens, propter Cæli varietatem, maximè periculosam, monuerit, neque sine veste, neque sine calceamentis prodire oportere, præcipueque diebus frigidioribus, neque sub dio noctu dormire. Ubi præfatos Auctores non de unius diei vicissitudine, sed de pluribus plurimorum dierum, palam est fuisse loquutos.

Subitæ igitur, & repentinæ vicissitudines nedum ipso vigente Autumno, sed etiam extra hoc tempus, quandocumque contingant, timendæ sunt; cum subinde vagari soleant illa morborum genera, quæ ea tempestate grassantur; siquidem non à tempore, sed ab ipsa vicissitudine, morborum Causæ, ipsiq; morbi propter subitas Corporum alterationes progignuntur. Quamobrem pluri-

mum degenerabunt à consueta, & naturali constitutione, reliquæ Anni tempestates, si fortassè non æquabilem servaverint aut caloris, aut frigoris habitudinem; & longè deterior fiet Autumnus, si & ipse in sua inæqualitate adhuc sit inconstans. Ceterum si mutationes istæ, atq; vicissitudines Aeris repentinæ nocent sanis; multò magis afficiunt egrotos: unde experimur egritudines ceteroqui leves, ac benignas, ob Autumnalis tempestatis varietatem, atq; inconstantiam, protinus in malignas, & exitiales commutari. Perperam proinde agunt, qui præter aeris inclementiam, ultroneas sibi excitant ejuscemodi permutationes, cum modò calido, modò frigido æri se exponant, modò æstuent, & sudent, modò refrigerant, & frigida laventur, modò integumentis duplicibus utantur, modò simplicioribus: quod & non raro Medici à febricitantibus factitatum turpiter & laudane, & commendant.

APHORISMUS V.

Austri auditum bebetant, caliginem visui offundunt, caput gravant, tarditatem, & languorem inducunt. Quando igitur invaluerint, talia in morbis accidunt. Contra si aquilonia sit tempestas, tussis viget, faucium asperitates, alvi dura, difficultates urina, horrores, costarum dolores, & pectoris. Quando igitur hæc viget, talia in morbis expectare oportet.

DEtrimenta à Ventis oriunda hæc enumerat Hippocrates, potissimum autem ab Australibus, & Boreis, qui cæteris insensiores, frequentioresq; esse solent, & quodammodò reliquos alios è collateralibus com-

complexentes, utrumque Ortum, atque Occasum, æstivum, & hyemalem, cum ea amplitudine, quæ Tropici, ab Aequatore, & ab Ortum Autumnali, ac Verno, competit: quippe non solum Austro, sed Africus, & Notus, Venti Australes appellantur; sicuti Boreales ex adverso, Aquilo, Boreas, & Corus; & quemadmodum illi consimilem in humectando, & calefaciendo vim, facultatemque referunt; ita isti in exsiccando, & frigefaciendo.

At verò sicuti Ventorum vis, atque efficacia, varia observatur, ita Origo diversa esse debet, quæ planè tandiù Physiologorum ingenia fatigavit, ut inter arcana Naturæ illam plerique repositam existiment, cum post longam, continentemque inquisitionem, necdum hæcenus patuerit. Certum autem unicuique est, in his Aerem diversimodè agitari, atque huc, vel illuc violentius commoveri, unde plerisque putatum, Ventum non esse aliud, quàm Aerem motum: quibus assensit Hippocrates *lib. de flatib.* definiens Ventum, *Aeris fluxum, & susanem*. Ut autem Aer impetuosius moveatur, quidpiam omninò alienum, ac differens, quod agitet, atque impellat, cum illo interfusceri necessum est, cujus causa varias quoque excitat alterationes. Aristotelei halitus, è Terra quoque globo erumpentes, causam commoti Aeris dixere, qui vi Solis in altum elati, ubi ad secundam ejus Regionem offenderint, repercutiuntur, ac nequeunt deorsum, contrà levium naturam, tendere, in gyrum primum revolvuntur, deinde huc, aut illuc diffusiunt, & ventos gignunt in hanc, vel illam plagam excurrentes. At si exhalationes istæ uniusmodi sunt, eandemque semper terræ naturam participant, profecto

Venti omnes siccitatem præferrent, & ejusdem observarentur conditionis. Neque verum est, quod Macrobius asserit *lib. 2. in Somn. Scip. c. 5.* variari ventos à locorum, per quæ transeunt, varietate; adeoque Austrum in sua origine gelidum, per Zonam torridam commeatu, sensim incalescere, atque postremò ad Nos calidum pervenire; ut & ventum Septentrionalem ad eos, qui Australes regiones inhabitant, propter eandem rationem: Nam deberent quoque, qui Aestate calidi sunt, fieri per Hyemem frigidi, & qui Hyeme frigidi, per Aestatem calidi, cum Regiones ex opposito rigentes, aut ferventes pervaderent; quin & nulli per Aestatem frigidi forent, & nulli per Hyemem calidi, sed omnes temporis constitutionem sequi deberent, aut etiam locorum conditionem: atque sub Zona Torrida calidissimi, in Temperata moderati, in Frigida frigidissimi semper essent. Atqui falsum omninò est, ventos sub Zona Torrida æstuosos esse, etenim qui eas Regiones perfluunt, referunt suaves Zephyros, ac largos imbres, ventosque, ibi vigere, temperareque plurimum perpendiculares Solis radios, ut propterea perperam creditum sit Aristoteli, caterisque Veteribus, Zonam illam esse inhabitabilem. Neque præterea verum est, Ventos tam vastas, remotasque Regiones percurrere, cum peculiaribus quibusdam locis concludantur, & suos unaquæque Regio proprios, particularesque habeat status, quibus serenitate gaudeat, aut imbris irrigetur, caleat, aut frigeat. Austro, & Notus venti nobis Neapolim incolentibus humidissimi, Apulis asserunt serenitatem, quibus tamen pluit flante Euro, vel Cæcia. Sed & non rarò alicubi Venti perflant levissimi, quo

V. Caf.
scnd. 5. p.
L. 2. c. 1.

quo tempore alibi, modico Telluris tractu interjecto, neque levis aura perſentitur. Cùm hic Neapoli anno 1688. Nonis Junii horribilis ille Terrę tremor accidit, quieſcente poſt diſſiduum præſterem Aere, viguit Romæ Auſter vehementiſſimus. Unde liquet, oriri, aut perire ſtatus, Ventosque, longè propius, quam ut vulgò putatur, ex ſpecubus, è clivis, falſigiis, & radicibus Montium, è Mari, Fretis, Sinubus, nec è tam diſſitis locis proſiciſci.

At verò varietas Ventorum, ſerentium ſive frigus, ſive calorem, referenda videtur ad halitus quidem, & vapores, qui è Terra, vel Mari erumpentes, per Aerem diſſunduntur, ſed naturam diverſam referunt ſpirituofalinam halinitri, ammoniaci, aluminis, ſulphuris, vitrioli, bituminis, aliufve, quique ſæpenumerò diſſiliunt, atque ſeruntur, quo radii Solis impellunt, & Luna Telluri propinquior deprimit, aut peculiaris quædam loci habitudo coarctat. Equidem halinitroſi Aerem inſrigidant, aluminofi, ſulphurei, & ammoniaci calefaciunt; miſti & grandines ſimul, & procellas adducunt, & bituminofi etiam tonitrua, ac fulmina; Ut propterea ſit, cur primi poſt æſtatem imbres procellis, grandinibus, tonitruis, ac vehementiſſimis ſtatibus conſociantur; quia ex prærefacta Tellure varii, diverſique ſatium ſpiritus per Aerem ſunt interſperſi, qui mox nubibus concluſi, procellas excitant. Statis etiam temporibus ſpirant non rarò Venti ejus planè pravitatis, ut illis ſata, fructus, flores, folia, palmites urantur, & veluti ſiderata vita priventur, ob hoſtilem, peſſimamque vaporum, aut exhalationum ſtatus, ipſos promoventium conditionem, unde ros etiam, ac pruina ex his decidua inſenſiſſima vegetan-

tibus eſſe ſolet, tranſitque in rubiginem. Sic quoque experimur Sale Nitro aquam congelari, & congelatam à ſpiritibus ex alumine, & ammoniaco elicitis exſolvi, & caleſcere. Eteſiæ Venti ab Hippocrate memorati circa Solſtitium æſtivum, cùm Nilus exundare incipit, quorannis ſpirant, atque per eas Regiones æſtum Aeris mirificè temperant, quoniam tum aquæ ipſæ, tum ſpiritus perſtantes plurima nitri copia ſunt reſerti. Hinc etiam eſt, ut Boreales venti Aerem ſerenum, & frigidum faciant; Auſtrini verò conturbent, & nubilum, ac pluviolum reddant, quia vapores aquei à ſpiritibus nitroſis conglaciantur, ac præcipitantur; ab aluminofiſis verò diſſolvuntur, & attolluntur. Sed & Radii Solis, ac Lunæ motus propinquior noſtræ Telluri ſolent quoque ſæpe ſæpius ventos in hanc, vel illam plagam propellere; unde oriente Sole Venti plerumque ſpirant orientales, Eurus, Subſolanus, & Vulturæ; & occidui Favonius, Circius, & Zephyrus, ipſo in Occaſum inclinate: in ſignis Auſtralibus Auſtrini, & in Borealibus Borei ſæpiſſime perſtant; quinimò à Auſtrinis ſtatibus calor in Aere ſenſibilius perſentitur, frigus verò à Borealibus. Luna inſuper circa Tellurem depreſſior vim aeris elaticam comprimendo, & coarctando, Ventos quoque excitat, plerumque turbulentos, & irregulares, ob variam elateris commotionem, protrufionemque; niſi tamen recta ex concordii impetu feratur. Diverſa demùm locorum habitudo ſtatus etiam vel excitat, vel variat. Etenim in Montibus, Speluncis, Iſthmis, & in cuiuſvis generis fodinis, peculiare quidam ſtatus obſervantur; itemque in quibuſdam Maris ſinubus, Fretis, Scopulis, quia nimirum halitus, aut vapores illine-
trum-

erumpunt, aerem commoventes, & magis, minùsque agitantes, huc, aut illuc, pro loci, & vaporum conditione. Hac ratione Venti in montibus plerumque frigorifici esse solent, in oris maritimis humectantes, & calorifici, atque in aliis locis alii, pro fossilium varietate, quibus aer diversimodè refertus, diverso quoque modo nostra corpora afficit.

Hinc modò facilè ratio reddi potest, cur Austri complura Corporibus, præcipuè debilibus, incommoda afferant, præsertim verò Auditum hebetent, caliginem Visui offundant, Caput gravent. Quoniam vapores plurimos concitant, & Aerem turbant, qui propterea viscera delaxat, & inquinat, cunctos liquores fluxiliores reddit, sed speciatim sanguinem à sua compage laxiorem; unde gravedines, catarrhi, hebetudines membrorum, totius Corporis laxitates, gravis auditus, & visus caliginosus. Graviùs autem præ cæteris Caput afficitur, quia debilius, atque externis alterantibus magis obivum, quocirca universo postmodum Corpori torpor accidit; siquidem gravato Cerebro, nervi quoque, membranæ, & musculi afficiuntur. Accedit, quòd nedum respiratione, sed etiam contactu vapores per Aerem diffusi Corpora madefaciunt, ac poros cutis infarciunt: interturbant transpirationem; sed enim tunc etiam marmora exsudare conspiciamus à vaporibus sibi consistentibus in aqua. At verò expertum est, phialam nive repletam exterius in ambitu vapores per Aerem dispersos cogere in Aquam, ut exinde modicum post tempus plures anaphoras colligere liceat. Nuperrimè etiam excogitatus est nobis modus (& quidem alius ab eo, quo, per salem plus, minùsve in lance ponderosum, usus est olim Ga-

lileus) internoscendi copiam, vel inopiam humoris in aere, ope cujusdam Instrumenti in planisphærii formam instructi, atque in XII. partes distributi. Id enim per suum gnomonem indicat in designatis partibus quantus humor cum Aere sit commixtus. In pluviosa tempestate usque ad XI. progreditur hic Neapoli; in boreali verò, & æstuosa, nonnisi ad V. solum regreditur. Non mirum igitur, si tantoperè Capitis affectibus, artuum doloribus, & distillationibus obnoxia illa sit, musculi Corporis per id tempus delaxentur, & Organa sensuum obtundantur.

Cùm ergo hujusmodi tempestas Australium flatuum prævaluerit, diùque perduraverit, talia in morbis accidunt: id est ægrotantes, licet aliis morborum generibus sint correpti, his tamen præterea symptomatibus afficiuntur, quæ sane non sequuntur eorundem morborum naturam, sed Austrinam temporis constitutionem. Quamobrem solers Medicus minimè ex his morbo supervenientibus decipietur tam in prognosi, quàm in Curatione, si Tempestatis habitudinem scrutatus, exploratum habuerit, quid vi morbi, & quid vi causarum externarum agris contingat, ut bene etiam advertit Heurnius.

At contrà in Aquilonia tempestate, Tussis viget, præsertim aride Celsò dictæ, & Faucium asperitates, à frigida, & nitrosa Ventorum Boreali conditione, quæ pectori inimica est, ex eodem Hippocrate 5. Aph. 18. Fiunt etiam alvi duræ, tum quia felleus humor in ejusmodi Aquilonariis Tempestatibus minuitur, figitur, aut hebetatur: tum quia absumptis humiditatibus, quæ alvum laxare solent, venter adstringitur, & fæces obdurescunt: nam sicut

non

non exigua humiditas una cum Aere humido per inspirationem in Corpus hauritur; ita cum sicco absumitur; unde flante Borea magis fitire solemus, quàm flante Austro, etsi hic calidus, ille frigidus percipitur. Horrores pariter, non quidem ab interna causa inducuntur, ut in febribus intermittentibus, sed ab eodem ambiente frigido perspirationem comprimente. Denique difficultates urinæ, costarum, & pectoris dolores, sive à concrecente sanguine, qui faciliè Pulmonibus, cæterisque partibus Respirationi inservientibus hærescit, sive ab impedita, interturbataque perspiratione; sive etiam quia nitrosi Spiritus inspiratione Aeris hausti acorem Sanguini communicant, ejusque Serum cogunt, ac exprimunt; unde adaugetur urina, & acrior evadit, atque dolores laterales, & quandoque etiam internæ inflammationes ibidem excitantur. Utramque hanc Tempestatem Borealem, & Australem ventorum sic latinus Hippocrates expressit *lib. 2. cap. 1. Ex Tempestatibus Aquilotussum movet, fauces exasperat, ventrem astringit, urinam supprimit, borrores excitat; Item dolores lateris, & pectoris: sanum tamen Corpus spissat, & mobilius, atque expeditius reddit. Austro aures bebet, sensus tardat, capitis dolores movet, alvum solvit, totum Corpus efficit bebes, humidum, languidum.*

Ejusmodi autem à Ventis impetuosioribus tum austrinis, tum boreis, incommoda, qua ratione vitari possint, edocuit Vitruvius, Palladius, atque medicè magis Galenus in suis *libris de sanitate tuenda*. Memorabile verò est, quod olim est molitus Acron Agrigentinus (Laertius id etiam factum scribit ab Empedocle ejusdem Acronis auditore)

Tozzi Op. Med. Tom. III.

insignis sui temporis Medicus, atque Hippocrate vetustior, ad vindicandam ab immani peste Siciliam. Is enim coriis bubulis, ad id affabre comparatis, ventos primùm, quorundam montium, unde illi spirabant, angustis interceptis, coercuit, mox ignes plurimos accendi jussit, ut pravi halitus per Aerem dispersi absumerentur, isque meliorem nactus conditionem, remedio in posterum foret sanguini, & Cordi, quod prius infecerat; Id ipsum quoque gestum legimus ab Hippocrate, qui integras sylvas comburi præcepit, cum Græcia pravo Ventorum afflatu pestilentia vexaretur. Cæterum partibus speciatim affectis ex mala earundem Tempestatum Constitutione succurrendum erit iis præsidiorum generibus, quæ à nobis alibi sunt memorata. Solum hic referam, quod Aristoteles in *suis problematis*, sedari Tussim animadvertit, illamque veluti momento desinere, cohibito spiritu. Verumtamen siccam esse decet, quæ ab Aquilonia tempestate accidit, non autem humidam, quæ cum à concretis humoribus in cavo pectoris, aut pulmonis oriatur, nonnisi, anacatharsim moventibus medicamentis, curari poterit.

APHORISMUS VI.

Quando Aestas sit Veri similis, sudores in febribus multos expectare oportet.

DE his, quæ accidunt ægrotantibus, ab Aquilonia, vel Austrina Tempestate, præcedenti Aphorismo egit Hippocrates; nunc ea prosequitur, quæ à mutata, variataque constitutione temporum eveniunt; præsertim verò Æstatis memini-

B nit,

nit, cùm Veris naturam æmulatur, atque febricitantes plurimùm sudaturos, cùm Æstas fit Veri similis, id est ingenti suo ardore deficit, & temperiem quamdam refert, non abfimilem ei, quæ in Vere naturaliter contingit: & quoniam Morbi per Æstatem vagantes plerumque sudore finiuntur, quo carere solent ægri- tudines hybernæ, idcirco de Æstate solummodò hæc specialiter notavit.

Neque verò à temperie solum Aeris vernali per Æstatem contingente, plerique volunt futuros in febribus sudores, sed à pluviosa constitutione, quippe quia Ver pluviosum esse solet; unde Aristoteles in *Meteoris* asseruit pluviosum magis esse Tempus Vernum, quàm Hybernium: tunc etenim Sol moderato Calore vapores è Terraqueo globo elicit, elevat, & in imbres commutat, qui sanè per Æstatem extenuati dispareunt, & in Hyeme congelascunt, vel aliò ab Aquiloniis Ventis amandantur. Cùm igitur Æstas fit Veri similis, imbris abundans, sudores multi in febribus aderunt consequentes ejus tempestatis humidam, & pluviosam constitutionem. Hinc 2. *epidem. sect. 1.* dicitur *pluvias minutas in Æstate febres sudorificas efficere*. Modò minutæ pluvix sunt propriæ Vernalis tempestatis.

Ex his autem facile deducere licebit, qua ratione Hippocrates sudores asserat multos in febribus expectandos: cùm enim Corpora multo humore per id temporis imbuantur, necesse est motu Naturæ, causam morificam depellere conantis, illum subinde educi sudoribus, qui tum febris impetu, tum æstivitemporis ratione plurimi fient; quinimò etiam à principio comparebunt, exudante nimirum sponte aqueo humore, poros Cutis, & glandulas

subtercutaneas occupante, vel impetente.

Febres autem speciatim memoravit, non quòd in cæteris ægri- tudinibus, quæ eo tempore contingere possunt, sudores ejusmodi nulli fiant; sed quia hi potissimùm febres comitantur, & ab æstu febrili promptius erumpunt. At verò non distinxit febris speciem, fortè quia omnes voluit comprehensas, ea solum differentia, quòd in quibusdam sudores isti critici, & salutare sint, in aliis symptomatici, & inutiles. Quamobrem tacitè Medicos admonet, ne sudoris copiam, ac promptitudinem omnino reformident, aut ultro commendent; quasi verò damnum, aut emolumentum pro re nata non sit interdum allaturus: etenim ab humida Temporis constitutione, non verò à causa morifica, sudor ille provenit. Quamquam possit etiam cum humore febrili conjungi, & simul externi salubriter, si nimirum cætera concurrant, quæ crisi salutarem comitantur. Porro quemadmodum præcedenti Aphorismo adiectum est: *talia in morbis expectare oportet*; sic pariter nunc dicitur, sudores multos in febribus esse expectandos, cùm Æstas fit Veri similis, non quidem à febre, ejusque causa, sed ab ambientis humidi, ac pluviosi constitutione.

Quòd si fortassè ejusmodi verna constitutio vigeat per Æstatem, nec tamen febricitantes sudare videantur, oportebit omnem industriam adhibere, ut illi ad sudorem disponantur; secus duplici malo consistabuntur, altero à febrili causa, altero à tempestate pluviosa, unde impedita perspiratione, febris in longius producet, vel in pejorem commutabitur.

APHORISMUS VII.

In Siccitatibus febres acutæ fiunt. Quod si amplius talis pergat esse Annus, qualem fecerit constitutionem, tales plurimum morbos oportet expectare.

Prima fronte videtur hic Aphorismus opponi illi, in quo dicitur: *siccitates sunt imbris salubriores, & minus mortiferae*. Nam si siccitates dicuntur salubriores, cur est, quod nunc febres acutas parere ferantur? Verum in Græco Codice scribitur: *Ἐν τοῖσιν αὐτοῖς χρόνοις*: idest *in squaloribus*, qui extremam siccitatem, illamque diuturnam significant, ut propterea non quamcumque siccitatem, sed summam, vehementemque adnotat hic Hippocrates, ut accuratior Interpretes exponunt, quæ scilicet nimio ardore cuncta penè exarescunt, atque ambusta videntur. Neque verò absolute is protulit salutare omnino esse siccitates, sed tantum imbris, seu Austrinis tempestatibus pluviosis, salubriores, facta nimirum inter se invicem comparatione; de qua re postea dicitur.

Sed cur in siccitatibus extremis febres acutæ fiant? Plerique rationem desumendam putant ex ipsamet natura siccitatis, quæ ferè semper cum calore jungitur, ut propterea vigente constitutione calida sicca febres acutas exoriri necessum sit. At non video, quo jure isti mentem Hippocraticis sic temerè velint extorquendam. Si enim de tempestatibus calidis siccis hanc sententiam protulisset, sanè dixisset potius, in *caloribus*, aut *æstibus*, quam in *siccitatibus*, cum cæteroqui Calor habeatur potior, & efficacior qualitas, vi

prædita excellentiori inter eas, quas primas vocant. At verò videtur congruenter Hippocrates notasse siccitates, non calores, quia mens ejus erat referre detrimenta constitutionis oppositæ ei, quam in præcedenti Aphorismo protulerat de Æstate, in humidum vergente; ut proinde gratia exempli notatum voluerit, quod quemadmodum ab humida tempestate longi morbi, ita ab arida breves oriantur. Accedit, quod à siccitate extenuantur humores, absumunturque aquosæ Corporis superfluitates, quæ morbos, vel protrahunt, vel hebetant, unde non immerito brevitatem, & acutiem illi præferent. Cum insuper Aphorismus singulas Anni tempestates complectatur, æquè enim de Æstate, ac de Autumno, Hyeme, & Vere videtur pronunciatus, propterea usus est Hippocrates ea, loco exempli, constitutione, quæ communis omnibus esse potest, & indifferenter per utraslibet vagari: modò & Ver, & Autumnus, Æstas, & Hyems siccitatem præferre possunt, idest pluviarum vacuitatem: neque animaliter res sicca fieri dicuntur, nisi quia extenuatæ, atque exsuccæ, omni penitus humore exhaustiuntur, ut in expressa, exuctaque spongia palam sit. Modò per siccitatem extremam pori Cutis supra modum conspantur, partes obdurescunt, & perspiratio plurimum impeditur; quin & sanguis ipse per Pulmones trajectus, non leviter à sua crasi, & fluiditate declinat, unde alicubi restagnans, & præsertim in apicibus arteriarum, febres excitat vehementissimas, atque admodum periculosas. Sicut enim præhumidus Aer, & austrinus, nocuus ex una est, sic ex altera parte aquilonius, & plus justo attenuatus, distracto videlicet, ac, ut ita dicam,

nimiùm furente ejus elatere .

Cæterùm secunda pars hujus Aphorismi desumpta est ex libro de humoribus, ubi & plurà alia ad Annorum tempestates pertinentia scripta leguntur. Neque aliud ex illa inferre vult Hippocrates, nisi quòd morborum per tempora affectiones magna ex parte sequantur ipsius Anni constitutionem, ut propterea si tempestas sicca admodum esse pergat, per universa Anni tempora, per omnes etiam tempestates, febres acutæ magna ex parte sint expectandæ, sicut quoque alius generis ægri-tudines pro ratione vagantis constitutionis. Quo enim diutiùs squalor in Aere, ac Tellure perduraverit, eo etiam acutæ ægri-tudines graviores fient. Scriptum est autem *magna ex parte*: nam fatis est, si plerumque Tellus, & Aer imbris non madescat, nec humectetur, adeòque rarerentur pluat: vix enim fieri potest totum, integrumque Annum in nostris Regionibus imbris fore caritutum.

Sed num per idem omninò tempus, quo sicca, & imbris vacua Constitutio viget, acutæ febres, hic ab Hippocrate notatæ, observandæ sint, an verò in posterum, non levis est hujus loci difficultas. Et quamvis aliquibus videri possit, non nisi quo tempore arida tempestas urget, acutæ febres vagari, juxta effatum illud Physicorum, Causas tunc reipsa effectus parere, cum adsunt, & vi, atque impulsu operationes promovent. Nihilominus si verba Aphorismi perpendantur, planè etiam imminentes, & futuras comprehensas affirmabimus: dicitur enim, *tales morbos oportet expectare*. Si ergo expectandi, igitur per idem tempus, quo sicca viget constitutio, non sunt. Neque verò effatum illud Physico-

rum perpetuò verum est in Causis Procatartëicis, & externis, sed solum in Synecticis, conjunctis, & proximis: illæ namque, ut morbos inferant, debent primò internas Causas excitare, quas inter, & morbos est necessaria connexio; secùs verò cum Causis Procatartëicis: etenim adhuc vitato Aere, atque remoto cibo, aut motu, qui morbus ab his semel inductus est, perseverat, nec desinit, nisi Causa interna, & proxima aufertur. Cùm itaque Hippocrates de Causis externis, & Procatartëicis hic agat, nimirum de Anni Constitutionibus, procul dubio non modò de præsentibus, sed & de imminetibus quoque, futurisque ægri-tudinibus exponendus erit. Rectè ergo dicebat Celsus lib. 2. cap. 1. *Neque solum interest, quales dies sint, sed etiam quales ante præcesserint*.

APHORISMUS VIII.

In legitimis Temporibus, ac convenientem servantibus temperaturam, morbi legitimi, & boni judicii fiunt; intempestivis autem, non legitimi, & mali judicii.

DE Ægri-tudinum successu in Anni tempestatibus sermonem hic habet Hippocrates, ut nimirum ex his variè procedentibus sagax Medicus prælagire sciat, quem modum illæ sint servaturæ, & quem quoque finem habituræ sint; atque morbos legitimos, & boni judicii futuros, si Anni tempora convenienter processerint; illegitimos verò, malique judicii, si præposterè, atque intempestivè se habuerint, & à propria, ac naturali constitutione declinaverint.

Quamobrem inquit primò *in legitimis Temporibus*, vel ut alii vertunt,

tunt, *in Temporibus constantibus*, aut *moderatis*, ut mavult Fuchsius. Legitima autem, & constantia tempora intelligit, cum singula propriam servant naturam, & suis unumquodque limitibus concluditur, ut scilicet statim tempore incipiat, desinatque nec ultra quam deceat, & consueverit, progrediatur, aut morem, conditionemque naturalem excedat, vel prævertat. Hac ratione si Ver sub Æquinoctio Arietis moderato calore inchoet sensim Aerem ab exceptis Solaribus radiis hyemali exuere rigore, & succedens à Solstitio Cancræ Æstas calorem augeat, qui deinde paulatim mitescat, Sole in Æquinoctium Libræ inflexo, legitima, & constantia tempora dicentur, suamque servare temperaturam, & consuetudinem. Itaque tunc tempora legitima erunt, & constantia, cum tempestivè adveniunt, desinuntque, & convenienti vicissitudine invicem succedunt.

Insuper, & *convenientem*, ait, *servantibus temperaturam*: ubi nimirum Ver moderatum referat calorem, longè majorem, & excedentem Æstas, temperatiorem Autumnus, commutatum verò in algorem Hyems, prout ipsæmet Temporum Constitutiones exposcunt: Quæ sanè non alia ratione variant, & vicissitudinè regulari commutantur, quàm à motu Solis accedentis, vel recedentis à nostro vertice, qui prout Spiras efficit modò sublimiores, modò humiliores supra nostrum Horizontem, ita radios immittit, vel propè perpendiculares, vel admodum demissos, adeoque Æstatem, & Hyemem parit, atque in mediis temporibus Ver, & Autumnum.

Præterea addit, exindè *morbos legitimos oriri*: legitimi autem Morbi intelligi possunt, aut qui simpli-

Tozzi Op. Med. Tom. III.

ces, & uniformes sunt, eundem semper modum servant, atque ab eodem fonte pendentes; aut qui cum aliorum morborum symptomatibus non junguntur; aut etiam qui constantes, & synceri observantur, non autem inæquales, fallaces, & varii, ut Autumnales, sicuti exponit Fuchsius; nec malè morati velut maligni, quemadmodum vertit Heurnius.

Et demùm *boni judicii*, videlicet salutaris judicationis, & exitus, absque ulla recidiva, neque cum ingeniti corporis perturbatione, aut in locis incongruentibus, & periculosis. Cum enim ab inæquali, & heterogenea materia non dependent, citius planè, ac facilius Naturæ viribus subiguntur, atque coctione, secretionemque extra corpus ablegantur: Quippe non alia de causa spurix, & illegitimæ febres dictæ graviores, difficilioreseque solutu esse solent, nisi ex commissione diversorum succorum, aut ex varia fermentorum febrilium conditione. Hippocrates etiam Hemitritæ periculosum dixit, quia unius generis febris non est, sed Quotidianæ, & Tertiænæ naturam æmulatur.

Quòd si hæc non servaverint, sed intempestiva, inconstantia, immoderata fuerint, puta si Æstas humida sit, nequaquam calida; Vere nix, aut grandines contingant, aliæque tempestates sibi ipsis pro more non respondeant, inconstantes, illegitimi, & mali judicii, oppositis planè de causis, morbi fient.

Unde autem boni, vel mali judicii signa petenda sint, inquisitione videtur dignum. Et quidem à symptomatibus potissimum adjunctis, atque à coctione, vel cruditate illa facile desumi poterunt. Symptomata enim leviora, vel morbo non dis-

sentanea, salutarem exitum portendere solent; graviora verò, & morbo dissimilia, periculosum denunciant. Coëctiones etiam citò comparentes, nedum bonum, sed & brevi futurum Morbi iudicium significant: Coëctio siquidem prævalentem Naturam arguit, & Causam morbificam jam evictam, atque secretam, adeoque certam salutem portendit; unde Hippocrates 1. *epidem. sect. 2. Coëctiones*, inquit, *iudicii celeritatem, & sanitatis securitatem significant. Cruditates verò iudicationis sublationem, aut diuturnitatem, aut mortem, aut eorumdem recidivas.*

Cæterum sententia hæc clariùs videtur expressa 2. *epidem. sect. 1.* unde desumpta est, his verbis: *In quietis, ac constantibus temporibus, & annis, tempestivè tempestiva præbentibus, boni status, & iudicatu facillimi morbi fiunt. In inconstantibus verò, inconstantes; & qui difficulter iudicantur.* At verò nedum frigus, ardorem, siccitatem, aut pluvias, in his considerandas præcipit, sed etiam Ventos, Ortus, & Occasus syderum, ut ex libro de *Aer. Aq. & loc.* memorat Galenus in *Comment.* de quo legatur Fuchsius hic *Annot. in Gal. Comm.*

Quæ verò in his locis Hippocrates commonuit, sanè experti sumus Anno 1690. in omnibus ferè ægritudinibus. Cum enim ab ineunte Vere Tempestates sibi invicem succedentes inconstantes admodum, atque intempestivæ processerint, nam ipso Vere algores, & imbres, Æstate pruinz, nubes, grandines, & venti occidui, nobis frigorifici, potissimum spirarunt. Ad Autumnii principium, æstus ingens meridie, & Sole ad vespertum inclinante, mox noctu, & sub aurora frigus molestem, quod deinde circa finem, dum

hæc scriberem, asperius percerebuit, vicissim flante nunc Borea, nunc Africo; morbi visi sunt, paucilicet, sed varii, inconstantes, & illegitimi simul, atque fallaces, ac malæ iudicationis. Sed & utero gerentes plerumque abortum passæ sunt: puerperæ vehementissimis doloribus vexatæ, vel interierunt, vel variis, atque inopinis symptomatum generibus fuere affectæ, vel saltem post diversas carneas moleculas excretas, tardissimè convalescerunt. Deliria quoque melancholica, tussesefferæ, dolores artuum contumaces, ac sæpius repetentes, febres malignæ cum exanthematibus, & morbillis, capitis dolores, Cerebri hebetudines, & saniei ex aurium ductibus, vel è parotidibus eruptiones, aliæque similes egritudines populariter sunt grassatæ. Atqui Senibus potissimum, & puerulis, hostilis fuit hic annus. Fructus quoque omnes debitam maturitatem non sunt adepti, atque uvæ præsertim acerbæ, ut etiam ad mensem Novembris perductas, tempus apud nos Vindemiæ novissimum, nondum dulcem, gratumque saporem nactas, in usum Vini colligere necessum fuerit.

APHORISMUS IX.

Autumno Morbi acutissimi, atque exitiales maxima ex parte. Ver autem saluberrimum, & minimè exitiale.

Postquam accidentia legitimorum, & constantium, atque illegitimorum, inconstantiumque temporum retulerit, comparat nunc Hippocrates, quæ Veri, & Autumnii, veluti Temporibus mediis, contingunt, atque inquit in Autumno morbos magna ex parte acutissimos,

& exitiales fieri; Vere autem, vel nullos, vel salutare, minimeque exitiosos. Fert igitur iudicium duorum Anni Temporum, quæ apud nos mediocria existimantur.

Non omnes eodem modo Tempus Autumni metiuntur. Nonnulli ex Priscorum monumentis ab ortu Arcturi ad occasum Vergiliarum ejus limites definiunt. Alii cum Astronomis circumscriptum putant Æquinoctio Libræ, & hyberno Solstitio Capricorni. Agricola, & vulgus Hominum à primoribus imbribus Septembris inchoari, & usque ad suprema Sationis tempora protendi. Medicorum denique plerique, cum primum inæquales vicissitudines caloris, & frigoris dies subeunt, & quousque frigus æqualiter in Aere consistere videatur: idque cōhærenter Hippocrati *hoc eodem libro to. 4.* qui Autumnales ægitudines portendit temporis inæqualitate, & inconstantia. Et sanè potior Causa, cur Morbi in Autumno acutissimi, & exitiales accidant, videtur esse illius vicissitudo, atque inæqualitas.

Quamvis autem vagari per Autumnum dicat morbos acutissimos, qui scilicet brevi finiantur, non tamen omnes, eo tempore evenientes, tales erunt, cum & non rarò plerique in longius tempus protrahantur, ut ex *Aphor. 32. hujus* clarè deducitur. Quamobrem adjecit fore etiam magna ex parte exitiales: quasi dicere voluerit, qui acutissimi accidunt, plerumque in exitium terminantur; aut si exitiosi futuri sint, in longum tempus haudquaquam protrahantur; & si fortasse diutius ferantur, vacabunt exitio, ut in quartanis, vel in quartanas desinentibus febribus præsertim experimur. Verùm credere quoque licet paroxysmos dumtaxat ægitudinum in ejusmodi

extrema morborum acutie voluisse designare, exclusa eorumdem remissione, seu declinatione, quare cum dixit acutissimos fieri morbos autumnales, idem fermè intelligere voluit, ac citò ad augmentum illos pervenire: sunt etenim morbi, qui tardè admodum omnia quatuor tempora percurrunt, quales chronici sunt: & alii, qui licet tardum exhibeant principium, celerius tamen augmentum pertranscunt, quemadmodum videntur esse inflammationes, & abscessus interni. Alii denique vix inchoant, ut statim ad augmentum, & statim deducantur, quemadmodum Ardentis febres, & partium principalium ægitudines Lethargi, Apoplexiæ, atque de his videtur mentionem fecisse hoc loco Hippocrates, statuens morbos autumnales acutissimos, idest ejus fore conditionis, & naturæ, ut postquam inceperint, statim augmentum acquirant. Et quidem si exitiales sunt, procul dubio declinatione carent, cum certum sit apud omnes, lethales morbos declinationem non pertinere, sed vel in augmento, vel in statu interimere ægrotantes.

At verò adjectum est *maxima ex parte*: nam non omnino, ac perpetuò mortem afferunt; quandoquidem in longius tempus perducti, sicuti acutiem amittunt, ita & perniciem: qua ratione observamus ægrotantes Autumno, si mortem effugerint, longissimam pati declinationem, sed tandem convalescere.

Unde autem tanta acuties, & perniciës Autumnalibus morbis adveniat, hic dubitare contingit. Major pars Medicorum inculcat pravitatem humoris atrabilarii, eo tempore exundantis, qui cum suapte natura virulentus existimetur, morbos proinde lethales progignit. Alii ad im-

moderatum fructuum esum referunt, quibus ajunt plurima congeri in humanis Corporibus excrementa, atq; sanguinem generari valde obnoxium corruptioni. Sed Galenus in *comment.* plures causas commemorat: Inquit enim *Autumno hoc in primis inesse, quod eadem die aliquando calor, aliquando frigus percipitur. Deinde æstivum subsequitur tempus, in quo multis quidem humores affati sunt, quibusdam verò, & vires sunt debilitate. Neque solum hac ratione Autumnus malus est, sed etiam quia primum quidem humores movebantur ad cutem, atque diffabantur; Autumno verò ab Aeris ambientis frigiditate trudentur, atque ad interiora impelluntur.*

Verum qui Atram bilem insimulant, coguntur adhuc ejus humoris tunc geniti, ac prævalentis, causam referre; quam enim ab Æstate bilem naturalem adurentem desumunt, non levioribus implicatur difficultatibus, quam ipsiusmet atræbilis generatio; utraque autem fictitia est, fucati coloris specie Nobis imponens, ejusdem omnino aspectus interius extitisse. Verumtamen quo pacto se res hæc habeat, explicabimus in *Commentariis IV. libri.*

Qui præterea ab esu fructuum causam deducunt, Naturam ipsam rerum omnium opificem primam, atque supremam, infamare non verecundantur, quod fructus procrearit, quo tempore in perniciem hominum conspirent, cum tamen compertum habeamus, ipso quoque confirmante Galeno, opimari Rusticos, Agricolas, atque custodes Vinearum ab assiduo uvarum, ficuum, similiumque fructuum esu. Summo quippe consilio, atque divina providentia factum est, Arbores per Æstatem, & Autunnum

fructus suos edere, ut humano forent usui, in alimentum ventribus tunc debilibus valde accommodum. Atqui damna accidunt ex cibis solidioris substantiæ, & difficilioris digestionis, qui cum fructibus commiscuntur, atque intemperanter, & intempestivè ingeruntur; unde cruditates, putrefactiones, atque ex his Vomitus, Lienteria, Cholera, Diarrhœa, Dysenteria, Febres, & alia mala exoriuntur.

Vicissitudo verò Aeris videtur quoque Verno Tempore convenire, cum adhuc tum contingat è frigido in calidum Aerem mutari, neque minor mutatio sit frigoris in calorem Vere, quam caloris in frigus Autumno.

Verumtamen quia Sol propius semper accedit nostro vertici, & dies efficit longiores noctibus, sensimque Aerem calefacit, quo congruentius vitæ fovendæ pro usu Respirationis utamur, propterea fit, ut salubrior sit mutatio frigoris in calorem Vere, quam ea, quæ Autumno contingit caloris in frigus. Calore enim cuncta viventia evalescunt, & vigorantur; frigore verò hebetantur, & languent. Aer quoque, qui per æstatem tenuior, & laxior est effectus, confortioribus vaporibus adventante Autumno inficitur, imbribus, & frigore crassescit, ac densatur, unde perspirationes, inspirationesque non leviter interturbantur. Sed & Vere repurgantur in nobis humores, & leni quadam, atque insensibili fermentatione cuncta Viscerum fermenta impuritatibus, superfluitatibusque secretionibus reflorescunt, & sanguis ipse floridior redditus, atque vegetior, tum vivificandis, tum nutriendis partibus accommodatior evadit, & quemadmodum Annum tum veluti repuerascere observamus,

ita

v. Gal.
3. de
tuend.
valet.
cap. 10.

ita Viventia quoque omnia repubescere, & novam videntur induere corporis habitudinem.

Non tamen cunctis Terræ habitatoribus id ipsum eodem tempore evenire fatendum est; nam, ut antea est notatum, cum Nobis Zonam temperatam Septemtrionalem habitantibus Ver accidit, Sole perlustrante signa Arietis, Tauri, & Geminarum, aliis vel Æstas fit, vel Hyems, vel etiam Tempestas alia Autumno non dissimilis. Neque prætereâ indiscriminatim Ver omnibus saluberrimum fit, cum in Ægypto mense Majo, vel ineunte Junio Epidemia quadam ægritudine Incolas illos affici contingat, quæ, non nisi *Gutta*, ut vocant, decidente paulo ante Nili inundationem, evadere datum est. Quæ namque Hippocrates protulit, non sunt adeo catholica, & immutabilia, ut alicubi saltem non fallant, quippe isea, quæ vidit, ac pluries observavit, summa, quæ decuit, ingenuitate, literis mandavit, ac Posteris in usum Hominum consideranda tradidit, quæ aut Locorum varietate, aut Temporum differentia, non mirum si variant. Constat namque diversis omnino dogmatibus tractari Medicinam apud Ægyptios, Chineses, Japonenses, Tartaros, Americanos, quæ monumentis Hippocratis parum, vel nullimodè cohærent; cum & his alii morbi, aliæque tempestates accidant, & alia quoque alimentorum, ac medicamentorum genera sint in usu. Nobis autem plerumque congruunt, quia in pluribus, immò fere in omnibus cum Græcis, & Asiaticis convenimus, & quæ his accidere Hippocrates expertus est, planè cæteris Europæis nulla, vel modicè varietate, in singulis Anni tempestatibus contingunt; At verò reliquis Terræ ha-

bitatoribus, sive Antæcis, sive Antipodibus, non item; sicuti nec aliis hinc procul diffitis, aut Soli, aut Ventorum, aut Ciborum, & potuum varietate, vel propter vitæ genus varium, differentemque ab incunabulis consuetudinem.

APHORISMUS X.

Autumnus Tabidis malus.

EXitiosum ægrotantibus dixit Autumnum præcedenti Aphorismo Hippocrates, nunc specialius Tabidis nocuum pronunciat, ut nedum acutos, sed etiam chronicos morbos complectatur, atque in exemplum ducat. Indefinitè autem Tabidos nominat, haud distinguens, quæ Marcoris specie affectos velit; quocirca Galenus in *Commentario* habet: *utrum verò illos solum nominat Tabidos, quibus Pulmo esset exulceratus; vel omnes quomodocumque extrema confectos macie, non possimus conjectari*. Verumtamen *τοῖς ἐθιμένοις*, quæ voce utitur Hippocrates, magis propriè significare videtur eos, qui ex affecto Pulmone maciem incurrunt. Plura namque Tabis genera memorat idem Hippocrates 2. de *Morbis*, & lib. de *Internis affectionibus*. Senilis una est, in qua absque ullo Pulmonis ulcere eiciuntur purulenta, seu potius compacta, & phlegmatica excrementa, similia puri. Altera dicitur Dorsalis, in qua juxta dorsum, & spinam, sentiuntur titillationes quædam, veluti decurrentes formicæ: de alia huic congeneri eruditum libellum nuperrimè edidit Franciscus Glissonius de *Rachitide* inscriptum. Tertia appellatur Pulmoniaça, quæ ex ulcere Pulmonis oritur, & primum sanguinis, mox puris excreatione ægros peri-

V. ibi P.
Salius,
& Ront.
seum in
Epit.

mit. Aliæ quoque aliis in locis referuntur ab affectis, atque obstructis visceribus; Unde Celsus *libr. 3. cap. 22.* Hippocratis plerumque dogmata sectatus, & Atrophiam, & Cachexiam, præter Phthisim; atque alii Colliquationem, & Marasimum, tum torridum, tum frigidum dictum, ad Tabem, veluti ad genus retulere.

Ex his autem pessima procul dubio reputatur, quæ ulceratum Pulmonem sequitur, ac sputum purulentum, de quo idem Hippocrates in *Coacis prænotionib.* hæc protulit: *Quibus tabidis sputum in igne gravem nidorem olet, & capilli de capite fluunt, pereunt, & quibus in aqua Maris in aneo vase posita expuentibus, pus ad fundum fidit, brevis pereunt, & quibus Capilli defluunt, à profusio alvi moriuntur.* Id ipsum etiam animadvertit 5. *Aph. 11. 12. & 14.* Ex quo Celsus *lib. 2. cap. 8. in Tab.* inquit, sputum mistum, purulentum, febris assidua, quæ & cibi tempora eripit, & siti affigit, in Corpore tenui, periculum subesse testatur. Si quis etiam in eo morbo diutius traxit, ubi capilli fluunt, ubi urina quadam araneis similia superfluentia ostendit, atque in sputis odor fædus est, maximèque ubi post hæc orta defectio est, protinus moritur, atque si tempus Autumni est, quo ferè, quicquid parte anni traxerunt, resolvuntur. Dicitur etiam 6. *Epidem. sect. 7. Tabescentibus Autumnus malus. Malum item Ver,* cum scii folia Cornicis pedibus similia fuerint: Quo nimirum Tempore algorem spirat Favonius, & inæqualitatem in Vere parit.

Neque verò solum his tabescentibus nocuus est Autumnus, sed etiam emaciatissimis quibuscumque. Pluries namque experti sumus à Diabete, ab

ulcere Renum, ab obstructione inveterata, à doloribus Coxendicis, ab immodico hæmorrhoidum profusio, similique ægritudine diuturna extenuatos Autumnum periisse, vel etiam mense Martio, cum inæqualitatem refert, atque vicissim modò calore, modò frigore, afflatu Ventorum vario, aer inficitur.

Cur autem Autumnus tabidis malus sit? Galenus in *Comm.* quia siccus simul, frigidus; & inæqualis est, inquit. At sibi ipsi, & Hippocrati contradicere videtur, ex 2. *Aphor. 34.* ubi dicitur: *in Morbimimus periclitantur, quorum natura, aut ætati, aut consuetudini, aut Anni tempori magis congruit morbus.* Calide enim natura, subdit idem Galenus, & ætati, & consuetudini, & tempori, & anni constitutioni, ac regioni, morbi calidiores sunt congruentes, frigidioribus verò frigidiore; eadem ratione & siccioribus sicciores, & humidioribus humidiores. Sed & ob urentem siccitatem, Tabidi periclitarentur quoque Æstate; atque ob siccitatem simul, & algorem, magis Hyeme: At siccus Aer Pulmonis ulceri magnoperè prodesse consuevit ad saniem abstergendam, & ulcus consolidandum, ex eodem 5. *meth. c. 12.* qui propterea Tabiarum Aerem Pulmonis exulcerationibus conferentem scribit.

Potius ergo Tabidis nocuus videtur Autumnus, quia aereni sua inæqualitate perturbans, atque heterogeneis halitibus inficiens, in causa est, ut sanguis per Pulmones trajectus, atque cum eodem Aere commistus, magis, magisque indebita fermentatione exagitetur, & dissolvatur. Constat etenim sanguinem in tabescentis fluidum, dilutumque nimis fieri, atque muriatica quadam acri-

acritate dissolutum, ineptum evadere partium nutritioni: cum autem ambientis Aeris inæqualitate is gravius afficitur, atque tot vicissitudinibus perturbatur, plane nedum Pulmonem ipsum, sed & reliqua alia viscera acrius molestat, adauget non minimum præconcepta acritate, ac dissolutione. Atqui hæc longè graviora sunt in Tabidis ex pure, & ulcere Pulmonis, cum inquinatus, commotusque tam repente Aer proximius partem ipsam affectam pervadens, ulcus, pus, & circumeuntem sanguinem inficiat, unde majora procul dubio mala expectanda sunt. Per idem quoque tempus distillationes vagantur à compresso, gravatoque Aere, perspiratione interruptur, & quodammodo coarctante glandulas, atque aquosos liquores per illas excurrentes; unde Catarrhi, Tusiles, Gravedines; Sudor quippè per Æstatem uberrimus, omnino, vel magna ex parte supprimitur in Autumno, unde hos, aliosque graviore morbos parere solet. Modò si hæc nocent sanis, quàm acerbius oberunt tabefactis? His planè perniciosissimæ sunt istiusmodi alternationes, atque cujusvis generis vicissitudines, veluti carnibus, & sanguine consumptis.

APHORISMUS XI.

De Temporibus: Siquidem Hyems sicca, & aquilonia fuerit; Ver autem pluviosum, & australe, necesse est, Æstate febres acutas fieri, & lippitudines, & intestinorum difficultates, præcipuè vero Mulieribus, & Viris, qui natura sunt humidiores.

EAs in posterum prosequitur Hippocrates Morborum constitu-

tiones, quæ mutationes Temporum consequuntur, certa quadam, constantique serie sibi invicem succedentium, ut quemadmodum ex Anno, si uniusmodi sit constitutionis, antea scripserit consimiles futuras ægritudines, ita nunc ex illo per singulas tempestates vario, varias quoque, differentesque successuras prædemonstrat. Initium autem facit ab Hyeme, quam (cum sicca, & Aquilonia est, eique Ver pluviosum, & Australe succedit) parituram ait in Æstate ægritudines acutas. Hanc sententiam sic Cello vertere visum est lib. 2. cap. 1. *si Hyems sicca Septemtrionales ventos habuit, Ver autem Austros, & pluvias exhibet, fere subeunt lippitudines, tormina, febres, maximèque in mollioribus corporibus, præcipuè in muliebribus.* At verò liber illam ex libro de Aere, *Aquis, & Locis*, unde desumpta est, unà cum ejusdem ratione hic transcribere, ut ex utriusque loci contextum mentem Hippocratis assequamur, *Si quidem Hyems sicca, (ibi inquit) & aquilonia fuerit, Ver autem pluviosum, & australe, necesse est, Æstate febres, & lippitudines fieri.* Et mox addit: *Cum enim Æstas de repente accedat, dum Terra adhuc humida est à Vernis imbris, & Austris, necesse est æstum duplicatum esse, & à terra irrigua, ac calida, & à Sole urente, cum ventres in Hominibus nondum contracti sint, neque Cerebrum resiccatum: non enim fieri potest, cum Ver tale existat, ut Corpus, & Caro, non humore fluida fiant, adedut febres acutissimæ in omnes irruant, maximè autem in pituitosos. At Dysenterias par est fieri, & mulieribus, & viris humidioribus. Et si circa Canis exortum accedat aqua, ac tempestas,*

fiat, & Etesie spiraverint, spes est cessationis, & ut Autumnus salubris fiat; finimius, periculum est, ne & pueri, & mulieres moriantur, minimè verò Senes; & ne qui superstites evadunt, in Quartanis desinant, & ex Quartanis in Hydropes. Hæc ille.

At verò quamvis sententia hæc uberius ex libro de Aer. ag. & lor. explicata videatur, non tamen omninò difficultatibus vacat. Et quidem primò dubitare contingit, cur Hippocrates Hyemem voluerit considerandam in ægritudinibus eventuris in Æstate: si nem ægritudines acutas Æstate contingentes non aliundè deduxit, nisi ab humida Tellure ob imbres, & ventos austrinos in Vere, proculdubio satis erat notasse Verum tempus pluviosum, & australe, nulla mentione facta Hyemis siccæ, & aquiloniæ. Verùm, quia ex sicca, & aquilonia constitutione hyemali tellus aridior effecta Vernis imbribus largiùs humescit, neque solum superficie, tenus, sed altius in hiatibus, & voraginibus pluvias excipit, propterea fit, ut per Æstatem vapores inde elevati Aerem inficiant, & coinquinent, unde postmodum ægritudines acutæ.

Cur præterea dixerit Hippocrates, necesse esse Æstate febres acutas fieri; fortè quia inevitabiles: quippe quod necessarium dicitur, inevitabile quoque est. Sed revera non adeò futura certò est ejusmodi acutarum ægritudinum constitutio, ut penitus vitari non possit, cum & insalubritas illa Aeris correctionem admittat. Neque audiendus Galenus, id asserens pronunciatum ab Hippocrate, veluti ex natura rei persuaso, & non ex observatione: Nam nulla convincens ratio apparet, quæ cogat isthæc omninò eventura. Sed & con-

trarium nuper experti sumus, ab hyberna tempestate sicca, & succedente Vere pluvioso, nullas per Æstatem extitisse ægritudines acutas, sed, quas antea retulimus, medio ferè Autumno, etsi hujus initium fuerit æstuosissimum. Neque verò Hippocrates, quod scripsit, ex confectis ejusmodi (ut Galenus ipse) argumentis colligere unquam ausus est, sed potius ex iteratis, accuratisque observationibus, quas fortasse etiam alijs à Vetustioribus habitis comparavit. His ergo solum fisis, omiſſis fallacibus argumentis, ex necessitate dixit sic morbiferam futuram Æstatem, cum Naturæ effectus plerumq; conformes esse soleant, ubi eadem ad illos gignendos concurrunt. Verùm quemadmodum à Ventis Etesijs, & ab imbribus circa Canis exortum supervenientibus, spes est cessationis, ut ipse subdit; ita poterit ejusmodi constitutio alijs quoque de causis, vel infringi, vel aboleri.

Insuper cur dixerit à terra irrigua, & à Vernis imbribus duplicatum æstum fieri, cum potius imbres, & terra humectata calorem, & æstû temperare debeant, ex doctrina Aristotelis, & Galeni, qui volunt humidum, actione saltem indirecta, igni, & calori obſistere. Galenus pro more confugit ad putredinem, *habiles enim*, is inquit, *sunt humiditates modum excedentes, ad putrescendum*. Sed nimis inaniter; inde enim inquinari potest Aer; non incallescere. Potius ergo à vaporibus in Aere confertioribus æstus geminatur. Etenim cum Aer crassior, & densior fit, radii Solis ad Terram trajecti, ex regulis Dioptricæ, magis intenduntur, & impensius nos feriunt; quin & incidentes in madidam Tellurem resiliunt, iterumque deducuntur in Aera, unde tot, tantisque solaribus radiis,

diis, veluti spiculis, nedum Aer ipse exaestuatur, sed & Animantes cunctæ urrenti ardore molestè admodum lacerata, graves, ardentesque subeunt ægritudines, ut adhuc in rabiem æpissimè agantur, in iis præsertim Regionibus, quæ suapte natura calidiores esse solent. Hinc autem contingit, ut ex Aere vaporibus confertiori æstum molestissimum patiamur, atque ab apparentibus per ipsum staminibus veluti in Araneum telis futuros imbres conicere soleamus, quos præsentientes quoque Anseres, & Anates impensius obstreperunt, & præter morem volitant; muscæ verò solito infensiores fiunt, unde & ab his futurum imbrem Meteorologici præfagiunt. Eadem ex causa loca quæcumque fluminibus, aut stagnis circumvallata, aut propè palustres aquas extructa, Æstatem patiuntur æstuosissimam ab Aeris crassitudine, quæ non nisi à vaporibus cum illo plurimum intermixtis exoritur.

Amplius, quæ ratione subiunxit febres acutissimas exoriri ab Austris, & imbribus, quibus carnes molles, & humores fluidi, & aquosi fiunt: Immo Corpora potissimum pituitosa, ac Mulieres, & Viros humidiores affici doceat. Febres siquidem acutissimæ hic præfagita potius picrocholos, & biliosos, quàm homines pituitosos corripuit: pituitosi namque succi diurnas, & spurias febres pariunt, ex Galeno 1. *Epidem.* & 2. *de differ. febrium.* Verùm hæc difficultas sicuti Galeni doctrinam vulnerat, ita Hippocratis dogmatibus suffragatur. Hic enim nec ab humoribus febrium periodos deduxit, nec ab iisdem putrescentibus febres pendere arbitratus est, sed solum à motu sanguinis perturbato, vel ab ejusdem recrementis vitiatas, atque in acidum, salum, amarum, aliunde degenera-

tis, quemadmodum expressè docet *lib. de Veteri Medicina*, ubi non propter calidum simpliciter homines febricitare, neque hoc esse febrium Causam, inquit, sed amarum, acidum, salum, aliaque innumera. A commotis autem, turbatisque humoribus febres, cæterasque ægritudines acutas proficisci pluries repetit *lib. 4. de morbis.* Neque verò acutas febres hic fieri dixit ab humoribus pituitosis, ut putat Galenus, sed futuras febres, aliasque ægritudines acutas ex Temporum inæqualitate, illasque magis fœminas, & humidiores viros afficere, desumpta fortassis ratione, vel à majori horum Corporum impuritate, vel ob minorem ejusmodi causis alterantibus repugnantiam: sunt etenim in his carnes molliores, laxior cutis, & sanguis ipse hebetior; unde facilius alterationibus subiiciuntur.

Postremò, quare spirantibus Eteisi spem faciat cessationis malè Tempestatis æstivæ, causa in promptu est, quoniam Etesia Venti sunt salutaris, & spirare solent quotannis ab exortu Caniculæ, quem & alii præcedunt prodromi dicti, quasi præcursores. Inter cætera autem commoda, illud videtur præcipuum, quod serenitatem afferant, & Aerem ab inquinamenti repurgent: participant enim boream, & nitrosam conditionem, valentem superfluitates humorum ab obesibus, & muliebribus Corporibus absumere, atque emendare.

Ceterum speciatim notavit Hippocrates ex processu istiusmodi Tempestatis non solum febres acutas, sed & eventuras lipitridines, seu Oculorum Inflammationes, & Intestinatorum difficultates, græcè Dyssenterias. Acutæ febres non tam ab humore, quàm à loco, ubi colligitur, & fermentescit, exoriuntur; quip-

V. Plin. l. 2. c. 47. & lib. 37. c. 5. & Aul. Gell. lib. 2. cap. 18.

pe illa non fiunt, nisi sanguis in citatiorem motum adigatur, ut seipsum exuat à compage alterius in arterias, & venas præter morem intrusi, aut etiam hærentis alicubi. Lippitudines verò non dissimiliter oriuntur à sanguine in adnata tunica restagnante ab impedito illius motu, qui per exiles ejusdem tunicæ arteriolas in venulas foret traducendus. Porro ab importuna ejuscemodi Tempestate faciliè crassescit sanguis, pori cutis obstruuntur, Cerebrum gravatur, hebetantur oculi, & universæ tunicæ mollescunt; unde hæc, & alia mala Caput lædentia, faciliè est hominibus evenire, ut antea idem Hippocrates Aphorismo V. animadvertit. Iisdem de causis contingit Dysenterias excitari; siquidem excrementa Corporis ea constitutione proculdubio cumulatiores, & succi dissolventes tum Ventriculi, tum Intestinorum nimium diluti, bene poterunt omnis generis profluvia per alvum conciere. Quò fit, ut Hippocrates referat foeminas potissimum, & viros humidiores hisce alvi egestionibus infestari, quippe qui cæteris excrementosiores, mollioresque, pluviosa, & austrina constitutione magis offenduntur, præsertim in Ventris laxitate, veluti illum à natura nati reliquis omnibus lubriciorem. Verumtamen his, aliisque ingruentibus ex hac tempestate egritudinibus expediet obfistere recto, convenientique usu ciborum attenuantium, parco potu, exercitiis ad sudorem usque promotis, & medicamentis cum Caput, tum Venter roborentibus.

APHORISMUS XII.

Si verò Hyems Australis, & pluviosa, (& serena) fuerit; Ver autem siccum, & aequilinum, mulieres, quibus partus in Ver incidit, ex quacumque occasione abortiunt: Quæ verò pariunt, imbeciles, & morbidos infantes pariunt, quare vel statim intereunt, vel tenues, & valetudinarii vivunt. Cæteris verò Mortalibus difficultates Intestinorum, & lippitudines sicce fiunt; Senioribus autem distillationes, quæ citò interiment.

Hic etiam Aphorismus est desumptus ex libro de Aere, Aquis, & Locis, ubi fusiori sermone constitutionem hujusmodi describit, & ægritudines subinde futuras cum suis Causis enarrat. Sic autem exponitur à Cornario, & Cardano. *Si verò Hyems Australis fiat, & pluviosa, & clemens* (Cardano ex Veteri versione tranquilla, clariùs placida) *Ver autem boreale, & sicuum, & tempestuosum, primum quidem mulieres, quæ uterum gestant, & partus ipsi ad Ver instat, abortum facturas esse verisimile est. Quæ verò etiam pepererint, impotentes, ac morbosos pueros parere, ita ut aut statim pereant, aut tenues, & debiles, ac morbofi vivant. Atque hæc quidem mulieribus, reliquis verò Dysenterias, & lippitudines siccas, & aliquibus destuções à Capite in Pulmonem. Pituitosus igitur Dysenterias fieri verisimile est, & mulieribus, pituita de Cerebro destuente propter Naturæ humiditatem. Biliofis verò lippitudines siccas, propter Carnis caliditatem, ac siccitatem. Valdè autem Senibus destuções propter raritatem, ac eliqua-*

quationem vënarum, adedut aliqui quidem de repente pereant; aliqui verò semisiderati, aut dextra, aut sinistra parte fiant. Cùm enim Hyems sit australis, & pluviosa, ac calida, & Corpus non adstringatur, neque vena, Vere accedente boreali, & sicco, ac frigido, Cerebrum postquàm ipsum dissolvi, ac purgari contigit à gravedine; ac raucedine, tunc simul cum Vere stabilitur, ac costringitur; quare repente Aëste accedente, & ardore, ac mutatione contingente, hi morbi incidunt, & intestinorum levitates, & aquaintercus, ferè reliquis morbis desinentibus, superveniunt, quum non queant facile Ventriculi à concepta humiditate exiccati.

Quoniam ergo in libro de Aere, Aquis; & Locis, unde hic Aphorismus transcriptus est, expressè refertur Hyems Australis, pluviosa, & clemens, seu placida, non videtur expungenda vox hæc *adns*, licet minùs aptè à Leoniceno *serena* exponatur; unde factum est, ut plerique nedum illam omiserint, sed acriter in eos Interpretes sint investiti, qui retinendam illam omninò voluerunt; quinimò Cardanus ad confusio-nem omnium inquit, id pertinere; quamquam postea putet, in libro de Aere, aquis, & locis, utrumque, tranquillum scilicet, & tempestuosum, veluti invicem opposita, bene convenire; in hoc autem Aphorismo neutrum. Ut ut autem res agatur, non tanti ea momenti est, ut vel mentem Hippocratis extorqueat, vel sententiam depravet, vel Causas morbosæ istius Tempestatis adulteret. Perindè enim est si dictio hæc adiciatur, aut expungatur, & si clemens, tranquilla, placida, vel ut aliis placet, tepida, aut etiam serena exponatur, modò id retineamus, voluisse Hippo-

cratem Hyemem ita constitutam, ut à rigida, & consueta sua conditione non minimum defleat: Equidem Hyems, ob extremum Solis recessum à nostro Vertice frigoris solet esse; at verò, ut morbiferam constitutionem hanc afferat, Australis simul, & pluviosa, atque à consueto rigore declinans, hic ab Hippocrate expostulatur, quo nimirum fiat, ut vices permutet cum succedente Vere, quod eadem de causa oportere siccum, & aqulonium esse is animadvertit. Cæterum posse Hyemem placidam simul, & Austrinam haberi, fatetur idem Auctor. *epidem. sect. 3.* cùm inquit: *in Perinthum circa Solstitium ferè æstivum venimus; facta autem est Hyems clementi Cælo austrina, &c.* Atqui passim in his nostris Regionibus ad Mare Mediterraneum positis experimur Hyemes tam placidas, clementes, & Austrinas simul, ut Vernum tempus referant. Placida autem, & clemens Hyems dicitur, cùm algida non est; Austrina verò, quæ australibus plerumque ventis, haudquam tamen impetuosus, & per sublimiora discurrentibus perflatur. Sed & Pluviosa quoque erit, si per intervalla imbres admittat exiguis, & fugaces. Aliter etiam Austrinam, & tranquillam Hyemem student alii compositam explicare, documento Galeni *lib. 3. epidem. sect. 3. comm. 1.* Annum tranquillum, & austrinum, ab Hippocrate ibidem memoratum exponentis, quem vide sis; Nobis autem suffecerit hæc breviter adnotasse.

Talem igitur exigere videtur Hyemem Hippocrates, quæ Cutis poros potius laxet, caput vaporibus repleat, & sanguinem dilutiorem, atque aquositatibus imbutum reddat, universumque Corpus molle, languidum,

dum, & succiplenum efficiat, ut proinde, adventante Vere, frigoris, & aequilonio, ob compressas, densatasque partes, detentis humoribus, & halitibus, foetus in Utero gerentibus, & Viscera interiora in cæteris Hominiibus graviter inficiantur. Neque enim à sola Hyeme Austrina, sed à succedente Vere aequilonio, prædicat Hippocrates futuros abortus in gravidis, aliasque ægriitudines in Viris, cum scilicet perspiratio interturbatur, & sanguis nequit convenienter repurgari.

At verò nec ista tempestatum indebita vicissitudo satis est, ut abortum provocet, sed tantum disponit, ut is, quacumque alia de causa, vel interna, vel externa accedente, subsequatur; quamobrem tunc abortient Utero gerentes, cum animi motionibus perturbata, aut immodicis exercitationibus commota, aut laxiori victu, potuque usæ, cumulas, ex præcedenti Temporum vicissitudine, detentasque humorum superfluitates, veluti consopitas excitent, & exagitent; unde Uterus, ejusque vasa laxentur, atque lubriciores viæ redditæ deponant, quod interius est reconditum. Hinc in Aphorismo adjectum est, ex quacumque occasione gravidas abortire, veluti quæ commoveat, agitetque excrementa, per Hyemem austrinam congesta, atque ab aequilonio Vere detenta, ut hæc commota, & agitata delaxent vasa Uteri, & abortum afferant. Contingit autem, foetum potissimum ab his labefactari, quia, tenerior cum sit, facile quascumque alterationes suscipit, & succumbit.

Quod si Causæ istæ externæ desint, nullamque præbeant Utero gerentes ejuscemodi perturbationis occasionem, adeoque ad legitimam parientiam tempus perveniant, fore adhuc

subdit Hippocrates, ut ipsæ partus edant imbecilles, & valetudinarios; quippe humores illi antea cumulati, per partum fieri nequit, quin commoveantur, & commoti tenellum foetum non inficiant, & perturbent. Sed & verendum valde, nè per tempora partum præcedentia, ad Uterum cum foetus alimento delati, teneras ejus partes etiam foedaverint, & coinquinarent unâ sanguinem; unde postmodum languor, & mala valetudo, vel etiam interitus statim à partu, cum præsertim Aeri, per aequiloniæ tempestatem algido, subiiciuntur.

Hæc speciatim de gravidis, atque enixis adnotat; Cæteris verò hominibus difficultates Intestinatorum, & siccas lippitudines accidere subdit. Vocantur autem siccae lippitudines, ut explicat in *Comm.* Galenus, quæ sunt sine fluxu, nam cum oculis illachrymantibus humidæ dicuntur. At verò lippitudines potius graciles, & picrocholos corripient; obesos verò, & humidos, intestinatorum difficultates: quod & idem Hippocrates exposuit *c. lib. de Aer. aq. & loc.* inquit: *Pituitosis igitur difficultates intestinatorum fieri, verisimile est, & mulieribus, pituita de Cerebro defluente, propter naturam humidiorum; biliosis autem lippitudines siccas propter Carnis caliditatem, ac siccitatem.*

Denique Senioribus accidere ait distillationes, quæ citò interiment. Has autem non simplices esse, quales ad os, & nares, feruntur, manifestè deducitur ex eo, quod hic in textu subiicitur, citò interimere; & clariùs explicatur *c. lib. de Aer. Aq. & loc.* ubi *propter raritatem, & eliquationem venarum ejusmodi defluxiones in Senibus fieri dicitur, quibus aliqui repente pereant, & alii semisiderati*
dex-

dextera, aut sinistra parte fiant. Modò etſi deſuxiones, diſtillationeſque in Senibus difficileſſe concoquantur, non tamen repèntè interimere ſolent, aut ſiderationem afferre. Quare putandum, ex aquilonia tempeſtate Cerebrum, per Hyemem Auſtrinam humoribus aquoſis, & craſſis repletum, quodammodò comprimi, ejuſque ductus; atque emiſſaria impediri, quo minùs valeat ſeipſum ab hiſce ſuperfluitatibus repurgare, quæ propterea ex vitio per moram, & per frigidum aerem contracto, ſi principium nervorum, & nervos ipſos occupent, Apoplexiam, vel Hemiplexiam afferent; ſi verò venas, aut Vaſa lymphatica ſubeant, leſitates Intesti norum, & Hydropes, ſimileſque alios morbos parient; ut ipſemet proſequitur *cit. lib. de Aere, Aq. & Loc.* quin & ſi in pulmones decumbant, & Cordis vaſcula pervadant, citò etiam interiment. Hæc autem facilius videntur Senioribus evenire, quippe qui diſtillationibus obnoxii ſunt, & Capite, ac peſtore prælanguidi, ambarum partium ægritudinibus ſæpenumero laborare ſolent.

Quoniam verò hæc mala Senioribus accidere inquit, veriſimile admodum eſt prænotata Juniores arripere; quamobrem rationi conſentaneum videtur, non ſolùm pro ætatum diverſitate, ſed etiam pro cujuſque varia conſtitutione, & Corporis habitudine, vitæque antea acta, diverſimodè cum viros, tum ſcæminas, tum Juvenes, tum Senes, tum pingues, tum macilentos, ab ejuſmodi Tempeſtate laboraturos, iis verò præſertim in partibus, quæ affectæ, debileſque fuerint.

Num autem ægritudines hic ab Hippocrate recenſitæ, ipſo quidem Vere, an verò ſuccedente Æſtate ſu-

Tozzi Op. Med. Tom. III.

turæ ſint, non convenit inter Expoſitores. Verùm cum in Aphoriſmo dicatur: *quibus partus in Ver incidit;* Et in *lib. de Aer. aq. & locis* ſcriptum ſit: *Primum quidem mulieres, quibus partus ad Ver inſtat;* planè fatèri oportet, abortus, & funeſtos exitus infantum, ipſo verno tempore eventuros: ſi enim ſupervixerint, interitus periculum evaſi, atque uſu lactis perpurgati conceptam in Utero malitiam futurum ut deponant, & ſalubriorem induant conſtitutionem; Multum enim ad id valet, nec non ad permutandas naturas, ac mores ipſos, proba lactis conditio, ut alias oſtendimus. Cæluſ etiam *lib. 2. cap. 1.* hanc Hippocratis ſententiam interpretatus ſic habet: *ſi Auſtri, pluviaque Hyemem occuparunt; Ver autem frigidum, & ſiccum eſt: grævida quidem ſcæmine, quibus tum adeſt partus, abortu periclitantur; hæc verò, quæ gignunt, imbecilloſ, vixque vitales edunt.* Quibus planè oſtendit, ſcæminas ipſo Vere parientes periclitari. Cætera verò ægritudines, aliis contingentes, pro Corporum, & habituum varietate, poterunt in ſequentem etiam Æſtatem protendi, & populariter graſſari; Sed enim tunc potiſſimum morbi inde provenientes obſervabuntur, cum ſuperfluitates humorum detentæ viſcera opprimunt, & inſciant; iſtæ verò non niſi ex aquilonio Vere detinentur, adeoque tunc ægritudines parient, citiùs tamen, vel ſerius, pro Corporum varietate, & humorum ſuperabundantium diſpoſitione. Si autem ad Æſtatem uſque protraherentur, facile poſſent æſtivo calore attenuari, diſſolvi, atque etiam per ſudorem educi.

Quid poſtremo agendum ſit, ut, quoad fieri poſſit, ejuſmodi calamitatibus occurratur, breviter referamus.

mus. Et quidem si ab inquinamentis, & aquositatibus detentis, hæc mala imminere, ratio dicere videtur, illis potissimum repurgandis incumbendum, indicata quoque diætæ, quæ valeat sanguinem puriorem progignere, Capite una simul, & Ventre roboratis. Quamobrem cibivivuntur humectantes, atque obstruentes, potus rerum gelidarum, fomius immoderatus; ipseque Aer aquilonicus, & frigoricus, & quæcumque possunt sanguinem obtundere, & perspirationem impedire. Venter in Utero gerentibus præsertim assiduò foveatur aromatibus, ac sæpè etiam tumis, tum lumbi spiritui vini purissimi, tinctura Kermes; necnon Emplastro Comitissæ dicto, de crusta panis Montagnanæ, aliisque roborentur, cavendo ab his, quæ vel bene, vel malè olent, itemque trepidatione, saltu, ac vehementibus animi pathematibus. Succum Altaci contusi, & expressi cum Vino semel, aut bis, singulis mensibus exhibitum ab abortu præcavere scribit Hartmannus. E Vitriolo romano ad Solem in calcei formam redacto, atque pelle Arietina acui pertusa incluso, instar Zonæ, lumbis gestato, præcautas ab abortu plerasque prægnantes vidi, quibus levi quacumque ex causa is alias accidisset. Idipsum haberi à Magnete adnotat Helmontius de *Magnet. vuln. curat.*

Infantes jam editi, si debiles videntur, præter foras externos, vegeto lacte ex sanis nutricibus alantur, & oleo macis perungantur, stomacho, & spina, atque interea detineantur in locis calidis, ut Aeris inclementiam evitent.

Cæterum in aliis proderant, quæ cumulatōs humores educunt, sudores movent, & Ventriculū, ac Cerebrum roborant, servata in-

terea convenienti diætæ, pro Corporum affectionum diversitate.

APHORISMUS XIII.

Si verò Aestas sicca fuerit, & Aquilonia; Autumnus verò pluviosus, & Australis, dolores capitis vehementes ad Hyemem fiunt, & tussēs, Raucedines, atque Gravædines, quibusdam autem & Tabes.

V. lib. de
Aere, aq.
& loc.

A Constitutionibus Tempestatis hyemalis, & vernæ, æqualitatem non servantium, transit Hippocrates ad alias duas Æstivam, & Autumnalem examinandas, cum suas quoque patiuntur alterationes. Primum itaque considerat ea, quæ contingunt ex Æstate sicca, & aquilonia, superveniente Autumno pluvioso, & Australi. Cum autem inquirat Constitutiones Æstatis, & Autumni, nullam rationem habet Veris, & Hyemis, fortè quia existimat eas suas habitudines servasse, adeoque præcedentes memoratas vicissitudines haudquaquam subiisse, ne scilicet quis ea ratione putaret ex Æstate sicca, & aquilonia, atque Autumno pluvioso, & australi, una cum inæqualitatibus reliquarum duarum tempestatum, futuras esse ægritudines, quas hic in Hyeme succedente recenser. Quare sicuti bina ibi, sic & hic duo solum inter se comparat Anni tempora vicissim permutata.

Inquit itaque: *si Aestas sicca fuerit*, idest plusquam naturalis illius conditio esse consuevit, atque adeò, vel ob imbrum inopiam, quibus non raro humescere solet, vel ob ventos boreales per idem tempus spirantes, omnemque Aeris humorem absorbentes, vel denique, si Etesia, Ventianiverfarii, Aeris æstum quotannis

nis temperantes, fortasse per Æstatem non spirent, ita sanè dies Caniculares, procul dubio fervidiores observabuntur, ut & Tellus ipsa, præ nimia ariditate, plures in hiatus diducatur. His quoque de causis sic cum Aerem appellamus, cum vapore est expers, & pluvis caret; ac ventis vapores, & nubes dissipantibus percellitur. Hinc idem Hippocrates adjecit, *si sicca fuerit, & aquilonaris: sicca planè, à perflantibus Ventis aquilonaribus*. In hanc eandem sententiam concessit Celsus lib. 2. cap. 1. quæ sic Aphorismum latine vertit: *si sicca Æstas aquilones habuit, Autumno verò imbres, Austrique sunt, tota Hyeme, quæ proxima est, tussis, destillatio, raucitas; in quibusdam etiam tabes oriuntur*.

Siccam, & Aquiloniam Æstatem si Autumnus exceperit pluviosus, & Australis, ad Hyemem, inquit, dolores capitis vehementes fieri: Non enim satis est Autumnum fore pluviosum, sed Australem pariter esse oportet; quandoquidem solent pluviz per Autumnum ingentes fieri, præsertim sub ortu Arcturi, & Plejadum occasu, quæ tamen absque Ventis austrinis, sed plerumque cum occiduis contingunt; ut propterea peculiarem habendam voluerit rationem ventorum Australium, qui majora, quàm imbres, damna nobis incutiant: hi enim sæpissimè simplices, ac tempestivi, non leve emolumentum cunctis animantibus afferunt, ipsomet Autumno, vel ineunte, vel vigente, si præcipuè ferantur à Ventis salubrioribus: At verò cum Ventis Australibus, omnino nocent; quippe Austri infestissimi sunt, ex superius traditis. Quamobrem non immeritò conjunxit Hippocrates pluviosam simul, & Australem Autumni tempestatem, quæ scilicet

Caput gravetur, & destillationes promoveantur, cum pulmonis læsione.

Dolores Capitis, qui exindè portenduntur, dicuntur esse vehementes, quoniam ex imbris, & Austris Autumnalibus Caput multis humoribus, aqueisque succis repleri contingit, qui per meninges, cæterasque partes nervis contextas diffusi dolores pariunt.

Atqui fieri potest, ut ab humentibus succis, & ab aquositatibus dolor excitetur, isque vehemens, ut hic advertit Hippocrates? cum tamen ex doctrina Galenicorum humida intemperies dolorifica esse nequeat, veluti quæ potius hebetet, & obtundat, atque sola corpulentia gravet, quàm molestum sensum inferat, qui est illis Dolor.

Verùm si molesta in sensu Tactus perceptio dolor est, quæcumque vim habent poros Corporis scindere, dilatare, contrahere, aut aliter à consuetu situ distorquere, poterunt quoque dolorem inferre, & eo vehementiorem, quo violentius afficiunt. Modò humores cujusvis generis id præstabunt, si malitia pungant, scindant, erodant; si multitudine comprimant, distendant, ac dirumpant; si motu affatim irruant, vel interciso cursu alicubi hæreant. Porro aquosi humores per pluviosam, & Austrinam tempestatem in Capite collecti, ob falsilaginem, aut acritatem subindè contractam, & multitudine, quæ sunt cumulati, & violentia, quæ sunt intrusi, vellicando, distendendo, opplendo, & tumefaciendo, dolores vehementissimos incutient. Sed et si nullum suapte naturæ dolorem excitarent, saltem perspirationem, & circumfluum sanguinem, si sola corpulentia impediant, & retardent, nocui, & molesti partibus erunt, aded-

que doloris Causam dantes dolorifici evadent. Sed enim Vasa lymphatica, quæ multa per Caput circumquaque feruntur, & Cerebri corticem, ac Meninges perreptant, plurimum aquosis ejusmodi superfluitatibus, per Austrinam tempestatem à sanguine refluus, oppleri observantur; itemque glandulæ Corporis universæ iisdem imbibi, quæ deinde à superveniente frigore hyemali compressæ hæc eadem, & graviora mala progignent, corruptiones, Tabes, Hydropes, tumores. Hinc autem contingit desinere non raro vehementes, ac diuturnos ejusmodi Capitis dolores spontanea è naribus hæmorrhagia, vel sanie ex auribus prodeunte, aut acriori ex iisdem naribus destillante, vel per poros Cutis, aut in vias urinarias prolabente, post acutas febres de genere earum, quas Galenus vocavit ardentes spurias.

Eadem ratione, & Tusses per Hyemem adierunt, & Raucitates, & Gravedines, prout aquosi humores, vel pectus, vel guttur, vel nasum occupaverint. Siquidem Cerebrum, magnæ glandulæ ab Hippocrate comparatum, cum aquositatibus repletum hyberno deinde frigore constipatur, & quodammodo costringitur, si protrudat in Nares, Coryzam, si in Guttur, & Asperam Arteriam, Raucitatem, si in Pectus, & Pulmonem, Tussim ingenerabit, aliasque etiam ægritudines, pro vario in alias partes vitioforum humorum illapsu. Has autem solummodo Hippocrates memoravit, veluti eas, quæ partes Cerebri proximiores affectas denotant, promptiusque cum eodem laborante compatientes, & per glandulas attiguas, excurrentes, vel stagnantes humores solitas excipere.

Denique in fine Aphorismi additur: *Quibusdam autem & Tabes.*

Verum de qua Tabes intelligat, potest etiam hic dubitari. Et quamvis de quacumque extenuatione exponi possit; attamen cohærebit magis Hippocratis menti, si ea speciatim explanetur, quæ Pulmoniacæ appellatur: siquidem in textu græco scribitur *phthisis*, quæ propriè Pulmonis affectio est, & verisimilius induci videtur ex pluviosa, & Austrina Autumni tempestate, qua nedum Caput, sed etiam Pulmonem supersluitatibus aqueis repleti contingit, ac postmodum illarum repurgationem impediri à superveniente Hyeme Pectori potissimum, & Pulmoni inimica. Quamquam autem humores isti in pulmonibus hærentes sæpenumero acritudinem, acorem, vel falsedinem contrahant, etiam ex vitiato partis alimento, & ex consimili conditione, quam sortiri solent detenti halitus, ac vapores è toto Corpore expirantes, itemque sudores, & urinæ; nihilo tamen minùs consueverunt adhuc omni malicia exuti sola corpulentia, si diutius restagent, non leviter Pulmonem inficere, & Tabem, ac Phthisim inferre. Unde Hippocrates 7. Aphor. 38. *Destillationes*, inquit, *in Ventrem superiorem*, (idest in Thoracem), *suppurantur intra viginti dies*. Ubi cum usus sit græca voce *Catarrhi*, profectò ab humoribus vulgò picuifosis dictis, seu lymphaticis, illas pendere existimandum.

Qui autem isti sint, quos Tabes ex hac Constitutione sit vexatura, Hippocrates tacuit. Profectò non omnes eo morbi genere affectum iri liquet, ex dictione, *Quibusdam*, quæ aliquos dumtaxat Tabes laboraturos indicatur. Galenus in *Comment.* interpretatur, *qui ad hunc morbum apti natura sunt, utpotè qui angusto sunt pectore, & quibus à Capite*

ad Pulmonem fluxio defertur. Sed clarius ex eodem Hippocrate 1. & 3. *Epidem.* videtur esse, quibus scapula instar alarum sunt expositæ; pectus angustum, collum oblongum, caput magnum, ut in gracilibus, qui sanguinem natura nacti sunt acriorem, tenuioremque, modico glutine, & multo sero scatentem; unde cum à præcedenti tempestate pluviosa, & australi, Pulmones, & Cerebrum abundantiori sero perfundantur, facile in Tabem incidunt, labe nimirum per sanguinem illata. Harum imminuentium ægritudinum præcautiones ex antea traditis facile innotescunt, præterea, quæ inferius afferemus.

APHORISMUS XIV.

Si verò Aquilonius, & siccus, iis, qui naturam habent humidiorē, & mulieribus conferet; reliquis autem erunt lippitudines sicca, & febris acuta, & diuturna; nonnullis verò morbi melancholici.

Aphorismus hic præcedenti adnectendus est, ut ex utroque unica sententia colligatur, veluti serie quadam continuata plures in unum locum transtulit Celsus c. lib. 2. cap. 1. qui postquam ægritudines ex Æstate aquilonari, & Autumno austrino ex eodem Hippocrate commemoraverit, statim subjunxit: *sin autem Autumnus quoque æquè siccus iisdem aquilonibus perflatur, omnibus quidem mollioribus corporibus, inter quæ muliebria esse proposui, secunda valetudo contingit; durioribus verò instare possunt arida lippitudines; & febres partim acuta, partim longa, & hi morbi, qui ex atrabile nascuntur; quin & Hippocrates ipse cit. lib. de Aere, aquis, & locis, uti*

Tozzi Op. Med. Tomo III.

præcedentis appendicem hanc eandem sententiam his verbis describit: *Quodd si Borealis sit Autumnus, & siccus, & neque sub Arcturo pluviosus, confert pituitosis natura, & maxime his, qui humidi sunt, & mulieribus; biliosis autem infestissima est hæc constitutio: valde enim exsiccantur, acciduntque eis lippitudines arida, & febres acuta, ac diuturna, & aliquibus bilis atra; siquidem quod liquidissimum, & aquosissimum in bile est, consumitur: densissimum verò, & acerrimum remanet: quod idem accidit, secundum eandem rationem, sanguini, unde hi morbi his accidunt.* Unde sic affectum Autumnum succedere Æstati pari modo sicca, & aquilonari antea descriptæ, manifestissime demonstratur, ut ex contextu ejusdem loci liquidò patet. Ejusdem quoque sententiæ est Galenus, qui in comm. hujus Aphorismi, Apparet, inquit, sermonem nunc habitum non esse integrum Aphorismum, sed partem secundam unius Aphorismi, cujus priorem partem nuper, seu paulò antea desinitimus explanare. Conferendus his item est Aristoteles, qui lib. 1. problem. 11. Causam secundæ valetudinis in mulieribus, & pituitosis, ex sicca, & aquilonari Æstatis, & Autumni constitutione inquirat. Et mox probl. 12. cur biliosi exindè infestentur, examinat, continuata omnino oratione, sub eadem Æstatis, & Autumni sicca, & aquilonia tempestate.

Confert autem sicca hæc, & aquilonaris constitutio Corporibus humidioribus, absumptis nimirum, vel compressis, deductisque ad vias urinæ aquosis superfluitatibus, quibus illa, ut & muliebria, superabundant; Cæteris verò, idest biliosis, ut idem Hippocrates explicat, sive, ut

mavult Celsus, durioribus corporibus infestissima est hæc sicca Temporis constitutio, quæ illa magis extenuat, exsiccatur, & obduratur; quinimodum aridis lippitudinibus, & febribus acutis, ac diuturnis afficit: acutis quidem, quibus sanguis, & bilis ipsa tenuior, acriorque fit; diuturnis verò, quibus acidior, & consistentior; pro aliarum rerum nonnaturalium usu vario, ab ejusmodi Corporibus antea servato; unde adjectum est in Aphorismo, *nonnullis etiam Morbi melancholici*: Cujus rationem idem Hippocrates *cap. lib. de Aere, aq. & loc.* afferens, inquit: *quod liquidissimum, & aquosissimum in bile est, consumitur, densissimum verò, & acerrimum remanet; quod idem accidit secundum eandem rationem & sanguini; unde hi morbi bis accidunt*. Quemadmodum autem microcholis, & gracilibus antea dixerat acutas febres, & lippitudines siccas evenire; ita nunc durioris texture Corporibus, & sanguinem nativis consistentiorem, Morbos melancholicos, puta scirrhus, affectiones hypochondriacas, deliria melancholica, idque genus alia accidere portendit.

Hæc quippe longè notiora sunt, quam ut fusiori egeant explanatione. Verùm quod de longis Gravedinibus à quibusdam memoratur, penitus non consonat: nam quæ unquam ratio affertí poterit, quæ suadeat longas Gravedines ex Æstate, & Autumno fieri, atque aquilonaribus, futuras? cum per ejusmodi exarescentem tempestatem, si quæ in Corporibus humidæ superfluitates collectæ erant, satis, superque extenuari, consumi, & egeri possint. Quocirca nec illarum, nec alterius humidæ ægritudinis, ne verbum quidem fecit Hippocrates, *in lib. de*

Aere, aquis, & locis. Sed & neque diligentissimus sententiarum ejus Compilerator Celsus, qui sic locum hunc, ut antea dictum, est rectissime interpretatus: *durioribus verò instare possunt, & arida lippitudines, & febres partim acuta, partim longa, & hi morbi, quæ ex atrabile nascuntur*. Quamobrem jure optimo Fuchsius existimat *librarium errore quodam, Kipoxa scripsisse, pro xpoxo, quod ab una in aliam dictionem facilis sit lapsus*. Neque verò his contentus Cardanus, hanc errandi Causam Galeno adscribere non veretur, cum inquit: *Galenus suo more, legit in utroque textu Gravedines, seu Kópoxa, & utriusque omittit expositionem: Gravis, & accuratus certè Expositor, dignusque pro quo quidam tantum diligenduntur*. Et paulò ante scripserat: *legi debet. Et diuturnæ: non Gravedines. Litera enim grata corrupta erat ex Nuparois d'Esleis xpoxoai pro Kópoxa*.

At verò cur eam hic omiserit Hippocrates constitutionem, quam eodem libro de *Aere, aquis, & locis* inter jam relatas descripserat, ex Æstate nimirum pluviosa; & austrina, similique Autumno, indeque futura Hyemem morbidam, pituitosis quidem per febres ardentes spurias dictas, biliosis verò per costarum, & pulmonis inflammationes, non est facile divinare: sicut pariter cur alias temporum conjugationes deseruerit, quas Galenus comminiscitur, atque artificiali schemate effingit Cardanus, pluribus identidem in eundem Galenum investatus, de Regionibus temperatis, & de ordine temporum ex ortibus, & occasibus stellarum. Verùm credere licet voluisse has solum veluti in cæterarum exemplum Hippocratem afferre, ut inde discerent

v. Fuch.
h. l. qui alia plura in idem argumentum congerit.

v. Gal. i.
epidem. constit. i.
comm. i.
& 3. epid. constit. i.

Medici, qua de causa ipsemet scripserit initio hujus Libri Temporum mutationes morbos parere. At quid est, quod nobis mortalibus non officiat? Currant, procedantque Anni, Annique tempestates, ea serie, ea salubritate, quam sibi fingit Heurnius, forte Homines non arotabunt, non obibunt? Aer ipse, quem assiduo in ipsiusmet vite tuitionem inspiramus, nobis nocumento est: Cibo, quo vescimur, gravamur: Aqua siti sedanda peraccommoda, si frigidior debilitat, si abundantior opprimit, si importuna delaxat: Vinorefcimur, exacuimur, amissumque resumimus vigorem; Sed & dolemus, inebriamur, stupefcimus: Somnus, qui sessa membra levat, otium parturit, hebetat Cerebrum; & Vigilia, quæ spiritus, & sanguinem accuit, infirmat. Sed & quo tempore re quapiam delectamur, fastidimur; & gaudium ipsum, tam nobis opabile, & jucundum, sepfissimè exanimat; nec ulla res est, quæ profit, quin ex adverso statim, & ultro, non obfit. Quamobrem ruimus adhuc in ægritudines, & in Mortem, etsi Anni tempestates prosperè, salubriterque procedant: *Quotidie enim morimur*, inquit Seneca, *quotidie demitur aliqua pars vite, & tunc quoque cum crescimus, vita decrefcit, & hunc ipsum, quem agimus diem, cum morte dividimus*. Et alter Tragicus

Ubiq; mors est, optimè hoc cavet Deus:

Eripere Vitam nemo non homini potest;

At nemo Mortem: mille ad hanc aditu patent.

APHORISMUS XV.

Ex Anni autem Constitutionibus (im universum) siccitates imbribus sunt salubriores, & minus mortifera.

CUM superioribus Aphorismis diversas Temporum Constitutiones retulisset, easque tum siccas, & aquilonias, tum pluviosas, & australes; ex quibus ægritudines varias imminere dixit; nunc omnes simul unico, sed generaliiori Aphorismo, inter se comparans decernit, siccitates semper imbribus esse salubriores, minusque mortiferas. Et generatim inquit, (modò si cætera ex æquo procedant) siccæ constitutiones pluviosas sunt salubriores. Aer enim suapte natura talis est conditionis, qualem Animalium vita videtur exigere; quocirca si ex imbribus humidior evadat, sicuti ad complura Vitæ munia, præsertim ad sanguinis floriditatem, & Pulmonis perpurcationem erit ineptus, ita morbis inducendis materiam suppeditabit: atqui sæpissimè quoque ex humefcente sanguine, & aquosis superfluitatibus ægotamur, quæ nec regi, nec exactè confici queunt, cum sanguinem hebetent, viscera infarciant, & inquinent, & non raro in quasdam partes vitæ magis necessarias delatæ morbos afferant immedicabiles. Sed præterea Aer imbribus, & ventis australibus immodicè humefactus, & crassior effectus, non modò obest, dum inspiratur, sed etiam contactu suo impedit, quo minùs insensibilis perspiratio rectè procedat, ut antea quoque monuimus. Contra verò ejusmodi humore vacuus, & insensibilem perspirationem adjuvat, & melius internas superfluitates è san-

guine absorbens per Pulmones expiratione repurgat; unde experimur nedum siccas Temporum constitutiones, sed etiam Regiones, in quibus Aer tenuior, & siccior est, salubriores omnino esse iis, quæ humidiores, & crassiores illum sunt fortitæ.

At plura adversus hanc Hippocratis sententiam pugnare videntur. Primò, quia Vita ex Aristotele dicitur, *Mansio Caloris in humido*; quamobrem videtur salubrior statuenda humida Anni constitutio, veluti Vitæ congener, nequiquam sicca illi contraria. Hinc Senes idcirco ad interitum festinare dicuntur, quia per ætates, sicciores semper fiunt. Deindè, quoniam ex Hippocrate 1. *Apb. 16*. Viçus humidus commendatur Pueris: Pueri autem humidi sunt, utque in eadem humida natura conserventur, humidus viçus illis præscribitur. Præter ea, hoc eodem 3. *Apb. 9*. dicitur, in Autumno exitiales morbos fieri; Ver autem saluberrimum esse, & minimè exitiosum: atqui Ver humidum est, Autumnus verò siccus, ut propterea Tabidis nocuus dicatur. Insuper. Pueritia omnium ætatum optima censetur, quia humida; Senectus autem pessima, quia sicca. Tandem, propria Aeris qualitas, & Natura, humida ponitur; igitur humida, & non sicca constitutio, veluti salubrior anteferenda est, cum per illam Aer in suo naturali statu fervetur.

Verùm hæc facillimè diluuntur iisdem planè Criteriis Aristoteleis; Galenicisque. Et quidem Vitam egere humido dicemus, sed proprio, consentaneo, & alibili, ut idem Aristoteles advertit, non autem extraneo, incongruenti, & aqueo, quo potius illa extinguitur, quam foveatur; quo circa Vita comparatur ab eisdem

flammula, quæ oleo eget; ut conservetur: Modò Hippocrates hic humidum ex imbribus externum insalubre ait. Humidum viçtum, idest liquidum, & potabilem pueris febrientibus Hippocratem commendasse in commentario illius Aphorismi cum Heurnio exposuimus: Etenim is non vult alendos esse febricitantes cibis duris, solidisque, sed potabilibus, juxta ea, quæ *Aphor. 11. 2*. clariùs explanavit. Autumnus non siccitate, sed summa vicissitudine exitiosos morbos parturit, ut suo loco dictum est. Et Senes ad interitum festinant ab effæcto sanguine, & à Viscerum languore. Sed quæsi ex siccitate mors contingeret, illa extrema esse debet, quæ vitæ fomitem exhauriat; secus verò, quæ moderata est, & externa, superfluum humidum absorbendo, vitæ potiùs opitulatur, quàm adversetur. Postremò Aer sua natura neccalidus, nec frigidus, nec humidus est, sed fluidus, & permeabilis, cujuscumque alterationis suscipiendæ capax, atque tunc solum à sua naturali conditione desciscere videtur, cum nimium densatur, & crassescit, vel plus justo rarefcit, & distrahitur, ut proindè immobilis, ac impermeabilis evadat, quemadmodum Florentinis, & Boylæis experimentis jam satis innotuit: sic enim præter naturam affectus viam patitur, & Animantibus cunctis insensissimus fit, ut etiam illas vita priveret.

Constat ergo siccitates esse imbribus salubriores. Sed cur etiam minus mortiferæ sint, cum cæteroqui dictum sit in siccitatibus febres acutas fieri? Cardanus distinguit febres acutas à morbis acutis, & ex 1. *epid. Constit. 1. & 2. epid. sect. 3*. colligit, acutas febres magna ex parte non esse mortiferas, quemadmodum vel ex

Tertianis intermittentibus deducere est. Verum hujus Ratio petenda est ex Aphorismo sequenti.

APHORISMUS XVI.

Morbi in pluviarum multitudine magna ex parte fiunt, febres longæ, alvi profluvia, putredines, morbi Comitiales, & Apoplexia, & Angina. In siccitatibus autem Tabitudines, lippitudines, articulorum dolores, stillicidia urine, & difficultates intestinorum.

UT quisque Rationem præcedentis Aphorismi deducat, enarrat hoc loco Hippocrates ægritudines, quæ ex multis imbris, & quæ ex siccitatibus oriuntur: ex his namque inter se invicem comparatis facile innotescit, longe graviore esse, quæ in imbris, quam quæ in siccitatibus contingunt. Hinc plerisque visum est, & præsertim Heurnio, ita ex græco in latinum sermonem hunc vertere: *Namque assiduus imbris, qui Morbi incidunt, bijusmodi ferè sunt febres diurnæ, &c.* Quare consentaneum videtur voluisse Hippocratem, argumento à morbis ipsis per ejusmodi tempora vagantibus desumpto, præcedentem Aphorismum demonstrare, quod minime advertit in comment. Galenus.

Febres diurnas pluviosa constitutione oriri posse patet ex antea traditis, quoniam per eam plurimæ aquosæ superfluitates cumulantur, quæ sanguinem inficiunt, atque ad indebitè fermentescendum disponunt: cumque partim multitudine, partim etiam crassitie diurnum tempus exigant, ut dissolvantur, longas propterea febres pariunt.

Eadem ferè de causa alvi profluvia ex humida constitutione pro-

ficiuntur. Siquidem istiusmodi excrementa plerumque deferuntur in Intestina, & alvum plus æquo lubricam reddunt. Et quidem alvi profluvia hic, haudquaquam Dysenterix, aut Diarrhææ, sed alvi defectiones ab accuratioribus Interpretibus exponuntur, ut ex ipso textu græcopalàm fit, ac manifestissime deducitur ex Celso, qui sententiam istam sic est interpretatus: *In siccitatibus acutæ febres, lippitudines, tormina, urine difficultas, articulorum dolores oriuntur. Per imbres, longæ febres, alvi defectiones, angina, canceri, morbi comitiales, resolutione nervorum, quam Paralysem Græci nominant.* Quin & Dysenterix connumerantur potius ab Hippocrate inter ægritudines siccæ constitutionis. Quare Ventris laxitates, Intestinorum læviores, & citrà dolorem uberiore egestionis designantur.

Putredines hoc loco non solum intelligendæ sunt humorum, sed etiam partium solidarum, quales in Gangræna, & Sphacelo: quippè in Tempestatibus humidioribus nedum humores à naturali sua constitutione declinant, adeoque corrumpi possunt, verum etiam membra Corporis flaccescunt, & in putrefactionem abeunt; unde postmodum Gangrænæ, & ulcera fordida, malique moris.

Morbi Comitiales, & Attoniti, facile etiam ex largis imbris eveniunt, cum ex ipsis graviter Cerebrum afficiatur, & pravis humoribus gravetur; unde sensus, & motus torpor, atque abolitio.

Anginæ, seu gutturis, & faucium tumores ab humoribus eas in partes confluentibus gignuntur. Plerumque autem ex pluvia tempestate Tonsillæ, adenes ibidem sitæ, ab abundan-

c. lib. 2.
cap. 11.

V. lib. 2.
prædict.
V. Pison.
& V. Vesp.
ser de A.
poplex.

dantioris lymphæ confluxu tumescunt, & Anginas, quas spurias vocant, inferunt; itemque Raucitates, & Tusses, Bronchoceles, & Parotides, pro circumjacentium partium affectionum diversitate, & à varia stagnantis lymphæ conditione.

Neque verò hæc solum ægritudines ex multis imbris contingunt, sed & aliæ plures consimilis naturæ accidere possunt, non minùs graves, quàm antedictæ, quippè, ut antea notatum est, videmus ita natura comparati, ut molestius humido, quàm sicco tempore afficiamur, & potius inutilium humorum copia, quàm inopia salutarium: quamobrem merito Hippocrates morbos in pluviarum multitudine contingentes, periculosiores longè iis esse inquit, qui in siccitatibus eveniunt. Tabitudines namque etsi sæpe sæpius ad mortem quoque perducant ægrotantes, in longius tamen tempus protrahuntur, & inducias præbent, quæ sanè sperandæ non sunt à prænarratis ægritudinibus. Præterquamquod Galenus, memoratas hic Tabitudines ad oculorum lippitudines ait esse referendas; ut proinde putet in siccitatibus Lippitudines tabidas fieri, seu ad tabem oculorum terminari: lippitudines autem periculi sunt expertes. Articulorum dolores, & urinæ stillicidia, non dissimiliter diù producuntur, & ferè cum ægrotantibus consenscunt. At verò ejusmodi affectiones in siccitatibus contingunt potius ab acris, & salsis humoribus, qui tunc magis exacuuntur, & tenuiores redditì promptius artuum juncturas subeunt, & perioestia laceflunt, vel cum sero urinario commisti, mingendi difficultatem pariunt, sive ad Stranguriam, sive ad Dysuriam illam referamus. Quare collatis invicem siccis, & plu-

viosis tempestatibus, facillè nunc discernere erit, longè graviore, & periculosiores esse, quæ cum imbris, quàm quæ ex siccitatibus contingunt.

APHORISMUS XVII.

Quotidiana autem constitutiones, aquilonia quidem cogunt Corpora; firmiora, & agilia, coloratoria, & melius audientia faciunt, & alvos exsiccant, oculos mordent, & sipectus dolor aliquis prius obsederit, dolorem augment. Austrina diffundunt Corpora, & humectant, auditum obtundunt, capita aggravant, & Vertigines faciunt, oculis, atque Corporibus difficilem motum præstant, & alvos humectant,

Comparat hoc etiam Aphorismo Hippocrates quosdam alios effectus, qui à constitutionibus siccis, & humidis oriuntur, & fortasse, ut manifestius ostendat humidæ, atque austrinæ tempestatis incommoda, longè graviora esse iis, quæ à sicca, & aquilonari proveniunt. Sed & quæ ex hac accedant Corpori emolumenta, simul una commemorat, ut nimirum omni ex parte concludat salubriores semper esse siccas constitutiones austrinis, & pluviosis.

At hic non videtur de totius Anni, vel integræ alicujus tempestatis constitutione, sermonem habere, sed de illis tantummodò vicissitudinibus, quæ in dies per quæcumq; Anni tempora contingunt, cum Aer alterne mutatur, & oppositarum alterationum Aquilonis, & Austri vices subit. Verumtamen si quotidianis mutationibus aquiloniis, vel austrinis hos effectus parturit, proculdubio majores, diuturnioresque erit
alla-

ailatus, cum integra tempestate non dissimiliter perflatur, ut antea Aphorismo V. notatum est; ut propterea Cellus inter ea, quæ Tempestates consequuntur, retulerit *libr. 2. cap. 1.* Aquilonem Ventrem adstringere, dolores lateris, & pectoris afferre, sanum tamen Corpus spissare, & mobilius, atque expeditius reddere; Austrum verò aures hebetare, alvum solvere, & totum Corpus languidum efficere.

Aquilonares autem Constitutiones Corpora cogere, seu densare, certo certius est: siquidem humiditas superfluitates absorbit, poros conspiciat, & conspiciendo membra condensat; unde totius Corporis firmitudo. Hac etiam de causa frigidas, & septentrionales Regiones incolentes, durioris, firmiterque texturæ observantur, atque laborum omnium patientiores; Unde fortasse finxit etiam Antiquitas fortitudinem, & impenetrabilitatem in Corporibus exoriri. Nedum autem firmitatem, sed etiam agilitatem aquilonares venti conferunt, nam exhaustis humidis superfluitatibus, atque aqueis excrementis, quibus plurimum Corpora gravantur, & hebetantur, illa graciliora reddita, fiunt quoque agilia. Eadem etiam ratione videntur reddi posse coloratiores, quippe obesa, succiplena, & humida, plerumque decolorata, & pallida observantur.

Quòd melius audientia fiant, patet similiter ex his, quæ super Aphorismo V. dicta sunt, ubi Austrum auditum hebetare scripsit Hippocrates. Fit namque sæpenumero surditas, vel subfurditas, ob tympanum, seu membranam illam, primum à secundo meatu auditionis determinantem, nimia serositate laxatam, quò appulsus Aer eam non concitat motio-

nem, percussionemque, quæ satis sit auditioni perficiendæ, unde vel sonus non percipitur, vel obtusè admodum, quemadmodum experimur in Tympano bellico madefacto, si tum pulsetur: quod tamen ingentem sonitum edit, cum tensum, succumque evaserit.

Alvos præterea exsiccari in constitutionibus aquiloniis, seu constipari, & obdurescere, ut excrementa promptè non deponant, antea quoque ostensum est, cum & egestionibus quæcumque deficient per ejusmodi siccam, frigidamque constitutionem, urina solum copiosiori plerumque perseverant, compresso è glandulis, & tubulis aquosis latice per universum Corpus disperso.

Additur & hic *oculos morderi*, hoc est ardorem, ac pruritum in oculis, & palpebris exsiccari: aut quia impeditæ perspirationes oculis petunt, & per membranas, præsertim adnatam, diffusæ molestiam inferunt motionem; aut quia corrugatione ibidem inducta præterfluentem sanguinem venæ ex arteriis promptè non excipiunt, sed quodammodo retardant; unde etiam aridæ lippitudines. Nec mirum, si præ cæteris partibus oculi in his constitutionibus afficiantur, veluti qui obnoxii sunt cuiusque Aeris alterationi, omnemque ejus vim primi sentiunt.

Augent quoque frigidi, sicque Aquilonales dolores pectoris, si prius isti partes illas obfederint. Siccitas enim, faucium, & gutturis asperitatem inducit, unde Tussis faciliè exoritur, quàm deinde dolor pectoris insequitur; cumque frigus eisdem quoque insensum sit, profectò si antea doluerit, longè gravius ab aquilonia constitutione afficietur, per quam utrumque jungitur Pectori molestissimum.

A Constitutionibus verò Austrinis Corpora delaxantur, & humefiunt : nam Austri humidi sunt, & pluviosi ; Auditus obtunditur, immò & reliquisensus omnes hebetantur, Caput gravatur, & multis repletur excrementis, unde Vertigines, & hebetudines oculorum, atque totius Corporis ad motum impotentia, & ad cæteras operationes, præsertim animales, obundas ineptitudo, ob nervorum scilicet laxitatem, à sanguine, ejusque nutritio liquore ferrosiori. Alvi denique lubriciores fiunt, tum ex mala digestionem, quæ, flante Austro, fieri solet, tum ex facili inutilium humorum per humidiores ductus ad alvum depositione, præsertim quia fibræ Intestinatorum per idem tempus austrinum promptè admodum laxantur, ipsæque fæces humidiores redditæ facilius quoque egeruntur. Quæ sanè cum ex antea demonstratis notissima sint, ulteriori non egent explicatione.

Solum paulò uberius Vertiginis causam examinemus. Equidem non benè constare videtur, quòd ex diatribus Austris, & ex diebus austrinis fugacibus, Vertigines oriantur : quippè Hippocrates ægritudines referens ex austrina, & diuturna tempestate imminentes, nè verbum quidem fecit Vertiginis, quam procul dubio veluti cæteris periculosiorem recensere debuisset, eoque magis si ex diurnis Aeris mutationibus, atque alterationibus ab Austro diali oriundam fateatur. Jure ergo existimat Cardanus legendum cum Theodoro Gaza (*cui unus plus credendum esse, inquit, in hac causa, quàm universis Interpretibus latinis, ut qui Græcus natus sit, & exquisitissimam scripserit Græcam Grammaticam, ut rationem dicendi nemomelius callere potuerit :*) *Vertigines in oculis*

fieri, pro eo, quod scriptum est se-junctim: Vertigines faciunt, Oculis, atque Corporibus difficilem motum præstant. Addit præterea nequaquam potuisse Hippocratem de Vertigine Cerebri, quæ cum Comitiali morbo convenit, sermonem habere, eo quòd unius diei constitutio minime possit materiam congregare Comitiali; aut Siderationi aptam. Verùm quænam sit hæc oculorum Vertigo ipse non explicat. Putaverim Ego esse quandam in visu Trepidationem, cum objecta per Aerem vapidum spectata quasi trepidare, concuti, & vacillare videntur. Id autem quamvis in oculis, ipsisque nervis ocularibus, & in tunica Reticulari fieri possit, perturbata per serositates objectorum representatione: sæpius tamen contingit ex radiorum Solarium in crassiori Aere refractione, atque luminis ad oculos pertingentis quadam veluti inflexione, titubationeque. Sæpissimè enim id ipsi experiuntur cum fluctuantem aquam, scintillantes igniculos, & tremulum lumen candelarum ex sevo confectarum attentius intuemur. At verò accidit facillimè per austrinas constitutiones Aerem istiusmodi perturbationem subire, cum turbulentus simul fiat, crassus, & radiis Solaribus confertus; sed & oculi unà quoque per idem tempus hebetantur, & caligine suffunduntur, ut propterea malè objecta corpora cernere queant, vel nonnisi cominùs, præsertim cum à densis nubibus Aer sit tenebri-cosus, aut luce crepera vix sublu-cidus.

APHORISMUS XVIII.

Quantum ad Tempora Anni. Vere quidem, & prima Aestate Pueri, & qui bos proximè sequuntur ætate, optimè degunt, & sani sunt maximè; Aestate verò, & Autumno aliquatenus Senes: per reliquum autem Autumnum, & Hyemem, qui mediam ætatem habent.

Prosequitur nunc Hippocrates singulis Hominum ætatibus convenientia Anni Tempora explicare, cum inferius egritudines iisdem contingentes sit enarraturus.

Enumerat autem quatuor tantummodò Temporum mutationes, aut quia istæ sensibiliores sunt, & vulgò magis receptæ; aut quia de Regionibus in Zonis, & Climatibus Temperatis solum sermonem habere voluit; aut quia demùm in his tantum observationes suas instituit, cum ea, quæ experimentis competit, consultò scripsit, & Posteris tradiderit.

Facto itaque initio à prima Anni ætate, seu Vere, Pueros inquit optimè sub illo valere, quibus & Adolescentes adiunxit, ut significare videntur verba illa: *& qui bos proximè sequuntur ætate*. Etenim Hippocrates non quatuor ætates solum in Hominum Vita, quemadmodum visus est edocere Galenus, sed multò plures distinxit; quamobrem Celsus meritò eos hic interpretatur, qui illis ætate vicini, proximi, conjunctique sunt: atqui proximi, & conjuncti Pueris sunt Adolescentes. Sic pariter cum Vere primam Aestatem, seu illius principium conjunxit, quod ejusdem sit ferè conditionis: quamquam Galenus supersticiosè nimis

Adolescentes Vere, Aestatis verò initio Pueros salubriter vivere commentatus est. Aestate autem, & Autumno non omninò, sed aliqua ex parte Senes sanos degere, & per reliquum Anni tempus, atque succedente Hyeme eos, qui mediam, seu consistentem ætatem habent.

Quibus Hippocrates reprehendere libido est, quique nodum in scirpo quærunt, multa in hoc Aphorismo notant. Primùm, illum redarguunt oblivionis, quòd superioribus Aphorismis dixerit Naturarum aliàs quidem ad Aestatem, aliàs verò ad Hyemem benè, malè se habere: quò sanè iniquiunt satis fuisse constitutum, quod hic inutiliter videtur repetitur, cum & Pueri, & Juvenes, & Senes sub generali ætatum consideratione omninò comprehendantur. Addunt insuper non rectè dictum ab eodem: *Vere pueros, & qui proximè sequuntur ætate*, scilicet Adolescentes, *optimè degere*; cum id tempus sua natura sit cunctis saluberrimum, ideòque non solum Pueris, & Adolescentibus, sed etiam Juvenibus, atque in consistenti, ac senili ætate constitutis, documento ejusdem Hippocratis *Aphorismo* 9. Si præterea, subdunt, Pueri Vere, ob consimilem Naturam, & Temperiei commodationem, benè se habent, cur est, ut etiam primam Aestatem addiderit? quæ cæteroqui calorem præsertit aliquanto prævalentiorē puerili ætati penitus incongruentem, cum hæc unde quaque moderamine fruatur, & gaudeat. Sed nec omninò videtur verum, Pueros Vere optimè degere, nam ex infra dicendis constabit per id tempus sanguineis morbis illos corripi.

De Senibus quoque addunt, quòd licet benè se habeant Aestate, Autumno tamen ii malè vivant: quippe Autu-

Autumnus tabidis malus dicitur, inter quos Senes ab eodem Hippocrate referuntur, 2. *de Morbis*;isque, utpote inæqualis, utrisque exitiosus esse solet, Senibus autem potissimum, ob maximum ejus ætatis languorem. Sed & perperam illis videtur adjectum, *Æstate verò, & Autumno aliquatenus Senes*: quasi hi non omnino bene se habeant Æstate, cum tamen senilis calor veluti imbecillis, & infractus, quam maximè foveatur, & adjuvetur ab ambientis Aeris ætivo calore.

Amplius, qui in media, seu confluenti sunt ætate, nec videntur rationabiliter dici posse salubriorem vitam ducere per reliquum Autumni tempus, & in Hyeme; quandoquidem hi frigidi quoque, & sicci dicuntur, atque melancholicis ægritudinibus obnoxii, minùsque ferentes Autumnales Aeris vicissitudines, atque inæqualitates.

Denique cum hoc loco Hippocrates de Temporibus agat, quæ singularum ætatum Temperaturis congruant, ut videntur denotare verba illa: *sani sunt maximè*: certe, quemadmodum Puerilis ætas, & quæ proxime hanc sequitur, ob consimilem temperaturam, bene se Vere habebit, & optima sanitate fruetur; ita ex adverso Senilis Hyeme, & Juvenilis Æstate optime debeat, cum aliàs ab eodem dictum sit, minùs periclitari eos, qui Tempori magis congruunt in suis Temperiebus.

At isti injuste nimis Hippocratem arguunt, cui manifestæ rationes, & experientiæ suffragantur. Et quidem *Aphorismo 2. huius libri*, generalem tantummodò rationem habuit naturarum, quòd aliæ ad Æstatem, & aliæ ad Hyemem bene, malève se haberent; ubi nedum salubritatis, sed etiam proclivitatis ad ægritudines

contrahendas meminit: At hic, restrictiori sermone, ætates memorat, quæ in Anni tempestatibus salubrius degunt; unde quòd ibi generaliter protulit, hic speciatim singulis ætatibus adscribit. Ver, quamvis sua natura saluberrimum sit, maxime tamen puerorum sanitati conducit. Et tamen Senes bene quoque se habeant Verno tempore, relati scilicet ad cæteras præcedentes tempestates, adhuc tamen salubriorem vitam ducunt Æstate, cum nimirum calidior Aer vividiores reddit cunctas eorundem operationes. Dixit etiam *prima Æstate* Pueros, & Adolecentes eadem salubritate frui, quoniam principium Ætatis eandem referre solet cum Veris fine temperiem, & conditionem, cum per id tempus Aer non adeò fervidus sit, ut mollem puerilium carniæ texturam exolvere, & eliquare queat, præsertim si initium Ætatis ea distributione sumatur, qua idem Hippocrates juxta morem Antiquorum ab ortu Vergiliarum ad Solstitium ætivum facere consueverat. Cæterum, quòd tunc ægrotare aliquandò illis accidat, non inde fit, ut plerumque, & maxima ex parte salubrius non degant; quippe cunctis temporibus, omnibus ægritudinum generibus Homines in unaquaque ætate laborare possunt, tum præsertim, cum præpotens causa ægrotare faciens præcesserit.

Autumnus Senibus plane periculosus est. Neque verò, inquit Hippocrates, salubriter illos vivere tempore Autumnali, sed tantum *aliquatenus*, seu *aliquantisper*; si potissimum Ætatis conditionem referat; unde disjungim legendum, *Æstate verò, & Autumno aliquatenus*: ita ut sensus fiat, Senes Æstate quidem bene degere; Autumno verò ali-

aliquatenus, idest aliqua ex parte, præcipue inter illius initia, & cum consimilem Aestati constitutionem participaverit: id quod præsertim fieri solet, ipso ineunte. Per reliquum autem Autumni tempus, & Hyemem, bene se habebunt consistentem, ac mediam ætatem adepti, qui non solum Viri, sed & Juvenes, intelligendi sunt, utque commentatur Heurnius, etiam à XXV. anno ad XL. producti, comprehendentes nimirum Juventutem, & Virilitatis initia, cum reliquum ætatis virilis referatur Hippocrati ad crudam Senectutem, quæ, ex mente ejusdem Auctoris, initium sumit à septimo annorum septenario: tunc enim vires robustæ sunt, & sanguis vegetior; unde Autumni inæqualitatem nedum ferent, qui in media, constantique ætate sunt, sed etiam superabunt Hyemalis temporis rigorem. Clarius proinde Celsus hanc sententiam est interpretatus, ut Juvenes Hyeme, quique inter Juvenram, & Senectutem sunt, salubriorem vitam ducere scripserit. Accedit, quod consistentem ætatem nati, sunt omni ex parte prudentiores, ut quascumque causas externas vitare, & ab Aeris vicissitudinibus, atque alterationibus se tueri, quam optime calleant. Denique puerilis ætas, veluti in moderamine sita, Vere cæteris temporibus temperiori, melius se habet: porro id mediocritatis est, ut in alterutram partem vergens, à sanitate declinet. At vero immoderate Naturæ à mediocritate recedentes, ut in salubritatem revocentur, in oppositum quodammodo statum ducendæ sunt; unde in oppositis sibi tempestatibus melius degunt, ut alias etiam meminimus; quamobrem Juvenes, & Viri ante annum quinquagesimum floridiori

sanguine præditi, sicut Aestatis ardorem non bene sufferunt, ita hybernus frigus melius sustinent, immò exinde salubrius vivunt, sanguine in contractiorem crasim restituto.

APHORISMUS XIX.

Morbi omnes quidem in omnibus temporibus fiunt, quidam verò magis in quibusdam ipsorum & fiunt, & exacerbantur.

Quoniam hucusque Hippocrates ægri tudines in diversis Anni constitutionibus, ac tempestatibus eventientes retulit, atque in posterum erat enarraturus, ne quis inde crederet eas non nisi his vigentibus futuras, in reliquis verò nequaquam, admonet hoc Aphorismo Medicos, ut unoquoque tempore, ac vigente quacumque Anni tempestate, constitutioneque, cujusque morbi periculum timeant, cum quolibet tempore illi accidere possint, & vagè omnia Corpora afficere. Sunt tamen illorum plerique, qui magis uno, quam alio Anni tempore observantur, & affligunt; Unde nonnulli potius Aestate, quam Hyeme, alii Autumno potius, quam Aestate: sic experimur pleuritides, catarrhos, paralyses, sopores Hyeme potius evenire, quam Aestate; febres ardentes, tertianas, variolas, morbillas, erysipelata, magis Aestate, quam Hyeme. Sunt & alii, qui licet fieri quidem possint quocumque anni tempore, magis tamen alio increbescunt, & exacerbantur: Hydropses enim aliquando contingunt Aestate; exacerbantur autem Hyeme: ut & Quartanæ febres Aestate, & sæpe sæpius Autumno invadentes, graviores, insensioresque observantur brumali tempore. Verum tamen à Causis peten-

petenda est istiusmodi morborum varietas; etenim qui omnino ab Aere pendere videntur, licet soleant esse communes, universales, & Epidemii, possunt nihilominus certò quodam Anni tempore exacerbari, ac vigere; A cibus verò, laboribus, animi pathematibus, aliisque causis inducti, sicuti particulares plerumque sunt, ita peculiaribus mutationibus permutantur, quarum certa ratio haberi nequit, cum ferè indefinita illa sint.

A propriis, & peculiaribus etiam Corporum constitutionibus, atque habitudinibus sæpenumero accidit, ut morbi quosdam solum arripiant, cum aliqui unus, & alii alius constitutionis, aut habitudinis sint immunes. Atque hinc fit, cur graciles aliquando ægrotent, & obesi salubriter degant, ut & Pueri infirmantur, non Senes, fœminæ, non mares, sedentariam vitam ducentes, haudquam exercitiis dediti, vel contrà. Refert Cardanus olim Patavii gravi quodam morbigenere fuisse Hebræos solum affectos, alios minimè, & Basilicæ aliàs, pestilenti ægritudine Cives dumtaxat laborasse, non advenas; fortè quia ex vitio à cibus, potibusque jam pridem in communem usum habitis illorum habitudo, atque Corporum constitutio eam contraxerat in humoribus, & sanguine dispositionem, ut luem illam soli Cives incurrerent, non Exteri, alio victus genere usi. Anno 1618. solos pueros per universam ferè Italiam, sed immanius per Regnum Neapolitanum Angina maligna sustulit, cujus deinceps contagione interjerunt succedentibus annis omnis ferè generis quadrupedia cornigera, præsertim boves. Huc etiam referri possunt morbi illi, qui Endemii, seu Patrii appellantur, qui scilicet pecu-

liares tantummodò Regiones infestant, ut est Scorbutus, familiaris Germanis, Hollandis, Danis, & Anglis. Sic pariter fuit Lepra apud Hebræos, Elephantiasis apud Græcos, Mentagra Romanis tempore Plinii, Sudor Anglicus, Plica Polonica, & Syphillis, seu Morbus Americanus.

Unde antem Morbi omnes omnibus indiscriminatum, & universis Anni temporibus contingere possint, ratio desumenda videtur ex eo, quia Morbi potius ab internis Causis, putà humoribus præter naturam affectis, quàm ab externis, & procatarcticiis, quæ vulgò occasiones appellantur, exoriuntur: cumque illi quocumque Anni tempore infici possint, atque diversimodè permolari, inverti, & à consuetudo, ac naturali more desciscere, poterunt quoque, quandocumque malè affecti fuerint, omnes, & quoscumque morbos in quibulvis Corporibus parere. At verò, quia non tam facile sponte sua vitiantur, nisi ab Aere, cibus, ac potibus, cæterisque causis, non naturalibus dictis, perturbentur; hinc fit, ut sæpenumerò istas diversimodè Corpora alterantes morbi consequantur, & aliquando magis, aut minus exacerbantur, pro varia earumdem, & Corporum affectorum conditione.

APHORISMUS XX.

Vere etenim Furores, & Morbi melancholici, & Comitiales, & profusiva sanguinis, & Angine, & Gravædines, & Raucedines, & Lepra, & Tusses, & Impetigines, & Vitiligines, & postula ulceroſe plurimæ, & tubercula, & Articulorum dolores.

E Numerat nunc Hippocrates hoc, & sequentibus Aphorismis ægri-

ægritudines ; quæ singulis Anni temporibus plerumque accidunt. Facto autem initio à Vere, inquit, Furores, morbos melancholicos ; Comitiales, aliosque eo tempore evenire ; non quòd hi solum, ea Anni tempestate contingant, sed ut plurimum : cum & alii plures, consimilem naturam participant, per idem tempus observari possint, ubi præsertim nil obstiterit, quòd ratione propriarum constitutionum, & ætatum, vel etiam peculiaris Climatis, & Regionis, aut demùm causa ciborum, potuum, exercitiorum, cæterarumque Rerum nonnaturalium, Vernalis temporis dispositionem perverterit, atque immutaverit.

At hic illicò se exhibet enucleanda non levis in Hippocrate Contradictio. Is enim *Aphor. 9. huius*, Ver saluberrimum constitetur, & minimè exitiale, indicans exinde vel nullos, vel levissimos morbos Veris tempore evenire : modò enarrati morbi, & multi sunt, & pessimi, quales potissimùm Comitiales, sanguinis profluvia, Angine, Lepre, pustulæ ulcerosæ, à quibus non raro periclitari, & perire agrotantes cunctis notum.

Conatur Galenus in *Comm.* contradictionem hanc solvere, & utramque sententiam in commodum sensum referre, saluberrimum inquam bene dici Ver, etsi hos pariat Morbos, quoniam à centro Corporis ad ejusdem habitum humores vitiosos educit : nam hoc ipso tempore profundum Corporis expurgatur, vitiosis humoribus à partibus principalibus ad Cutem pervenientibus, vel ad loca viliora transpositis : Sed & alii enarratos morbos à sola sanguinis plenitudine ortos putant, quæ comparata ad cacochymiam levior, & quodammodò salubrior censenda videtur. Verùm adscripsit Hippo-

Tozzi Op. Med. Tom. III.

crates Aphorismo IX. Vernitemporis constitutionem sanis Corporibus congruentem, quibus proculdubio saluberrima est ; At verò Corpora recrementis inquinata, & malè affecta, cum adventante Vere alterantur, & morbosa fiunt, in ea potissimum mala incidunt, quæ hoc Aphorismo recensentur : Hæc enim est differentia inter tempus vernale, & cæteras Anni tempestates, ut illud, nisi Corpora impura fuerint, & pravis succis imbuta, in optima salubritate tueatur ; reliquæ verò tempestates, etiam si Corpora bene se habeant, adhuc tamen malè afficiant, & alterent ; quippe Æstate sudoribus, oris amarore, fiti, ciborum fastidio, cruditate, lassitudine, anxietate, plurimum vexantur ; quin & excalescente sanguine, facillimè corripiuntur febribus, doloribus, vigiliis, diarrhoeis, cæterisque gravioribus symptomatibus, humorum omnium acritatem, tenuitatemque ab æstu consequentibus : & Hyeme catarrhi, tussis, gravedines, raucitates, perfrigerationes fiunt : At Vere nil horum accidit, sed Corpus ab Aere temperato in summa mediocritate constitutum omni ferè vitio caret ; quamobrem nisi humores pravi, & excrementa alicubi restagnaverint, sanè morbi nulli per id tempus aderunt.

Quò autem pacto Furores, & Morbi melancholici, ac Comitiales, sicut pariter lepræ, pustulæ, & dolores articularum Vere accidere possint, quæve ratione inter Vernalis ægritudines hic recenscantur, alia est hujus loci gravior difficultas ; cum alioqui referendæ illæ videantur inter Morbos hyemales, præsertim quia ex superioribus Aphorismis major pars horum in Constitutionibus pluviosis, & Austinis evenire

D dicta

dicta est: Austrina autem, & pluviosa Constitutiones, quam maximè vigere observantur Hyeme, non Vere. At huic facilè occurreret, qui ratum habuerit, Morbos Vere contingentes, ex peculiari ejusdem constitutione, sequi vitium sanguinis, cum hic eo tempore internam subeat commotionem, atque partium inutilium sensibiliorem planè secretionem, exsolutionemque; quin & manifestius fermentescat, increseat, & moveatur, eo prorlus modo, quo per idem tempus experimur succos alibiles adaugeri, & promptius, uberiusque poros, fibrasque Arborum subire. Quoniam verò sanguis per partium texturam transiens, præcedenti Hyeme, non tam commodè à suis impuritatibus potuit depurari, accedente Vere, quo Carnium textura laxior fit, & ductus, ac secernicula Corporis patentiora evadunt, melius ille repurgatur, ut penè novam videatur induere naturam. Quò etiam fit, ut vagantes per Hyemem Quartanae, aliæque horridae febres, eodem Verno tempore desinant; secretis nimirum, depulsisque sanguinis inquinamentis. Id ipsum comprobare licèt, analogia Microcosmi cum Macrocosmo, in aquis thermalibus, quæ spontè sua per eadem tempora è Terræ Visceribus erumpunt, & vires suas exerunt longè ceteris temporibus efficaciores. At verò quis non videt Venas, & Arterias Vernali tempore turgere, pulsus fieri elatiores, roseo colore vultum præcipuè decorari, urinas augeri, capillos renasci, & sanguinem ipsum vegetiorem redditum, sponte sua plerisque è naribus extillare. Si ergo sanguis Vere ejusmodi mutationes subit, non mirum si morbi tunc sanguinei exoriantur, quos hoc loco memorat Hippocrates, ubi aliquod

vitium is contraxerit, secretis nimirum, depulsisque impuritatibus. Et quoniam præcedenti Hyeme plerumque sanguis ex conspitata cute, ac perspiratione impedita, acorem, aut acritatem contrahit; idcirco furores, morbi melancholici, lepræ, aliæque similes ægritudines contingunt, variæ solum, pro varietate partium, in quas excrementosi humores deponuntur.

Furores hoc loco memorati, non sunt, qui cum febre accidunt, cuiusmodi est Phrenitis; sed solum communi nomine dicti, Mentis motiones, seu desipientiæ, quas idem Hippocrates unico vocabulo est complexus, cum inquit 6. *Aphor. 53. desipientia, quæ cum risu fiunt, securiores, quæ verò cum studio, periculosiores.* Distinxit autem alibi idem Auctor quatuor classes deliramentorum, quæ scilicet cum feritate, & impetu, ut in Phrenitide, & Mania; quæ cum mœstitia, & timore, ut in Melancholia, cum mansuetudine, & faruitate, ut in Infania; & Stupiditate; & demum quæ cum risu, & lætitia, ut in Amore, Gaudio, & Ebrietate. Modò videtur hic, vel, generali quodam delirio, seu mentis depravatione, furorem designasse; vel eam tantum desipientiæ speciem, quæ cum risu, & gaudio evenit; cum hujusce generis desipientia à sanguine potissimum vegetiori, vividiorique pendere soleat. Non incongruè etiam intelligi posset delirium Melancholicum, quodammodò indicatum in textu: siquidem sanguis acore quodam per præcedentem Hyemem infectus, & adventante Vere repurgatus, facilè ejusmodi acidas superfluitates liberiori meatu per laxiorem viscerum texturam traiciit, & in glandulas per Cerebri corticem dispersas deducit, vel aliò deponit; unde Cerebrum in suis

4. Aphor.
16.

functionibus animalibus depravetur: quandoquidem, docente eodem Hippocrate, affecto Liene, atque sinistro hypochondrio fortiter pulsante, Mens illico commovetur: Et alibi, in morbis melancholicis furorem quoque evenire dicitur; & 6. *Epid.* 3. sanguineum Corpus in melancholiam, biliosum in furorem transire fertur. Quamobrem non immerito hic Furores, vel generatim Mentis motiones, vel desipientias cum gaudio, & amore, vel etiam cum vehementi quadam in hæc applicatione, quæ internos sensus fatiget, sive idiopathicè, sive sympathicè, possumus congruenter interpretari.

Pro morbis autem Melancholicis, nedum deliria melancholica, ut plerique vertunt, sed quæcumque aliæ ægritudines, à melancholicis, tartareis, & acidis succis progenitæ, sumi possunt, ut consueverunt, esse Strumæ, obstructions, tumores duri, hypocondriacæ affectiones, & similes. Acidum enim, quod in fermentis Viscerum, cæterisque liquoribus vi, aut copia exorbitat, & per Hyemem veluti sopitum fortè hæsit, Verno tempore dilutiùs effluit, & varias partes petens patentius inficit, diversasque ægritudines parit, pro Corporum, & ætatum diversitate; Unde lympham, sanguinem, succum alibilem, cæterosque humores in visceribus, & glandulis figens, diversimodè quoque præter naturam afficiet. Jure ergo notantur hic potissimum ab Hippocrate morbi melancholici, puta ab ejusmodi succis melancholicis, & acidis inducti; quoniam hi præsertim Vere in Corporibus malè affectis ex præcedenti hyberno tempore exoriri possunt, repurgato nimirum sanguine à sæculentis hisce humoribus acidis, per Hyemem cumulatæ. Quæ etiam ra-

tione Comitiales morbos fieri dicendum est, ut qui Hyeme veluti latuere, mox Vere prodeant, exuta quodammodò Natura veterem, sædamque humorum omnium, & præsertim sanguinis conditionem, renascentis Anni beneficio.

Verùm hic dubitare contingit, cur Hippocrates retulerit morbos Verno tempore contingentes ad eos potissimum, qui Caput, & Cerebrum divexant; alius autem interni Visceris ægritudinum non meminerit? At cum Vernales Morbi metastasis, & abscessus naturam referant, quod impuritates sanguinis tunc temporis secernantur, & istæ plerumque in glandulas abscedant, proinde fit, ut Cerebrum, quod magna glandula dicitur, potissimum ex illarum decubitu afficiatur. Neque verò Cerebrum solum, sed etiam circumjacentes glandulæ faucium, & colli, non raro inficiuntur, & ejusmodi superfuitatibus imbuuntur. Quod autem Abscessus morbi isti rationem referant, clarè deduci potest ex eo, quod Hippocrates inter Vernales ægritudines retulerit quoque Impetigines, Vitilignes, Lepras, pustulas, & tubercula, quæ sanè decubitus sunt vitiosorum succorum in glandulas subtercutaneas; quin & articularii dolores, hoc eodem loco memorati, pari modo ad Abscessus reducuntur, ut liquet. Sed tamen, non hinc quis credat, has solum hoc Aphorismo descriptas ægritudines Verno tempore exoriri, cum & aliæ, aliæque similes non dissimiliter prodire possint, si fortasse in alias, proinde partes vitiosæ illi humores, à sanguine secreti, transferantur: quippe non raro compertum est, per idem tempus & Pleuritides, & Peripneumonias, & Choleras, & Febres, aliusque generis acutas ægritudines sævisse;

quamquam Hippocrates illas solum, ut frequentiores, veluti in exemplum, Medicis objecerit; cum & hæmorrhagias, & gravedines, & raucitates, & tusses pariter adjecerit.

Sanguinis profluvia frequentissima Vere esse solent, nedum per consuetos ductus Uteri in fœminis, & in maribus per mariscas, sed etiam per Nares, & Os: Sunt etenim plerique, qui quotannis, statuto quodam tempore vigentis Veris, hæmorrhagias narium patiuntur, quæ nisi sanguifera vasa ad certam quantitatem depleant, nulla arte cohiberi possunt; at verò spontè sua desinunt, statim atque sanguis deferbuerit, & in pristinam, naturalemque crasim fuerit restitutus. Novi etiam, qui singulis annis mense Majo per aliquot dies sanguinem expueret citrà cujusvis periculi suspicionem, in mō cum ante hoc tempus Capite doleret, totoque Corpore anxius, & anhelosus videretur, mox ab excreto sanguine levabatur adeo, ut meliorem habitudinem indueret, & salubriorem deinceps vitam viveret. Contingunt autem hæmorrhagiæ istæ, aut quia sanguis tunc vegetior, floridiorque redditus à suis conceptaculis spontè exilit; atque per teneriora, laxioraque venarum, & arteriolarum oscilla sibi quodammodò vias aperit, majorem fortè exquirens capacitatem, cum illum pori partium satis excipere non valeant: aut quia acore per Hyemem contracto eadem laceffit, ac referat: aut etiam quia partes ipsæ Corporis molliores, laxioresque per id tempus redditæ, liberum luxurianti sanguini aditum præbent. Verum enim verò nec Hippocrates quicumque sanguinis eruptionem Vere contingentem hoc loco sumendam voluit, sed largam, & copiosam: nam inquit, *sanguinis profluvia*. Et

quamvis non expresserit modum, & locum istiusmodi profusionis, nihilominus credere licet anastomosi potius proflire, per hiantes venarum, aut arteriolarum fines, ubi illæ mutò coeunt, & ex his in illas sanguis propellitur. Quòd si ex arteriolis egressus poros partium subeat, & uberius, quàm par sit, effluat, atque restagnet, inflammationes, ac apostematata parit. Hinc non immeritò in textu dicitur, inde Anginas quoque exoriri, cum scilicet in glandulis, ac musculis faucium, & gutturis is hæret.

Non dissimiliter Raucitates, & Gravedines evenire credendum est, siue quòd serosiores diluti sanguinis superfluitates in os, & nares à Cerebro confluant; aut è vasis lymphaticis in eorumdem glandulas derivent; siue quòd solam in Aere mutationem à Solis accessu illæ consequantur. Si quidem ejus vi proximiora nostro Vertici signa perlustrantis ambiens calor sensibilior per sentitur, unde attenuantur humores, & aquei vapores è Terraqueo globo uberius elati vapidi, pruinosi, ac nimbosum Aerem efficiunt, catarrhorum certissimum promotorem.

Lepræ hoc loco memoratæ num revera illæ intelligendæ sint, quæ maximi apud Veteres horroris erant, & nedum insanabiles credebantur, sed etiam contagiosæ, dubitari potest: nam si ejusmodi conditionis, & naturæ Lepra foret, non videtur ex vernali constitutione illam posse oriri; quippe sanguis licet Vere à suis impuritatibus repurgetur, nunquam tamen eam pertinget pravitatem, quæ tam horribilem, contagiosamque affectionem pariat, ut non rarò etiam instar pestis miserrimè patientes enecet. Accedit, quòd Hippocrates simul cum Lepra junxit Vitilignes, &

Impetigines, quæ longè mitiores sunt Cutis aggritudines, utpotè citra vitæ periculum tolerabiles, & abique contagio. Quare alterius generis videtur statuenda, qualis nostra ætate Scabies, & Puerorum Porrigo est. Sed enim non eadem fuit Hebræorum, Græcorum, & Arabum Lepra, quamvis Mercurialis *lib. de Morbis Cutan. 2. cap. 5.* contendat Lepram Græcorum, seu Elephantiasim, esse Albaram nigram ab Avicenna descriptam *lib. 4. f. 3. tr. 3. cap. 1.* Eam namque differentiam statuit Marcellus Donatus *lib. 1. de bist. med. mir. c. 4.* inter Lepram Arabum, & Elephantiasim Græcorum, quòd illa tumorem pedum, & crurum, cum varicibus protuberantibus, & atro colore, referret, ex Rhafis *lib. 9. ad Almanforem cap. 93.* Elephantiasim verò Græcorum universi Corporis secundum tumorem ad adjunctum haberet, adeò ut Paulus *lib. 4. cap. 1.* universi Corporis Cancrum appellaverit, & Galenus *lib. 2. de Morbor. Causis cap. 7.* Elephantiasim totam formam immutari tradiderit. At verò hoc morbi genus fufius describere visus est Aretæus *lib. 2. cap. 13.* Tumores enim, inquit, alii juxta alios exurgunt, non dum quidem continui, sed crassi, & asperi, & interstitium tumorum diffusum est, ut Elephantis Corium; vena lata sunt non sanguinis redundantia, sed cutis crassitudine: pili in omni Corpore præmoriuntur, in mento rari sunt, rara quoque in Capite casaries, quòd verò majus est, intempestivi canis, & calvitium affatim, subitque ingruunt, non multo post autem pubes, & mentum glabrescunt; quòd si qui pauci pili remaneant, hi magis dedecent, quam qui defluerunt, capitis cutis altius resissa est, rima autem frequentes, profunda, aspera; tumores

Tozzi Op. Med: Tom. III.

res in facie duri, acuti, nonnunquæ fastigio albido, basi viridiores, pulsus pusilli graves, tardi; vena temporum distenta sunt, & sub lingua dentes nigricant, aures rubent, admissa nigritie, ulcera fetida sunt, & alia super alia exurgunt, &c. Hæc ille.

V. etiam
Fuchsi. 2.
paradox.
c. 16.

Rarissimum nostris temporibus hunc morbum, immò & Antiquioribus ignotum penè in Italia scribit Celsus *lib. 3. cap. 25.* peculiarem verò Ægypto, & Alexandriæ testatur Plin. *lib. 26. cap. 1.* & Gal. 2. de Arte curat. ad Glauc. cap. 10. At nunc in Belgio, & Gallia frequentem esse referunt Amatus Lusit. Cent. 2. cur. 34. & Valeriol. lib. 6. enarr. 5. Contigit transactis annis videre hic Neapoli Monachum quemdam Elephantiacum, qui licet cum aliis familiariter versaretur, nunquam tamen illos infecit; unde veritati consonat, quod ex Alexandro Tralliano *lib. 2. probl. Med. 42.* habet Mercurialis, minùs contagiosam esse Lepram in nostra Italia: quod pariter innuere visus est Aristoteles *Sec. ult. probl. 7.*

Hinc modò deducere licet Lepram inter morbos vernos ab Hippocrate recensitam, non eam, quæ contagio inficit, putaturque incurabilis, sed, quæ in fine 2. prorrhet. mitior, faciliusque dicitur curationis, esse intelligendam, veluti quæ à repurgamento sanguinis oriatur, sitque ad scabiei diutioris speciem referenda. Sub nomine autem Lepræ hic ab Hippocrate indigitatur, ob quamdam solummodò analogiam, quia veluti Scabies cutaneus morbus est; quamquam Lepra etiam reliquarum partium, & humorum vitium consequatur.

Impetigines, & Vitiligines morbi quoque cutanei sunt, solumque differre ponuntur, quòd non æque cutim scedent, aut profundè inficiant.

Alphos.
& Leuce.

Cæterum in utrisque pili, & capilli radicibus eroduntur, ac defluunt, immò Cutis ipsa quandoque ad album, alipando etiam ad nigrum, aut aliter coloratur. Contagione carent, nec aliud incommodum pariunt, quàm turpitudinis. Et licet Veterum plerique scripserint graves esse aggritudines, & Paulus, Aetius, ac Serapion morbos fecerint incurabiles, hi tamen nunquam lethales appellarunt, sed solum difficillimæ Curationis; unde Celsus fœdas quidem illas nuncupavit, minimè verò periculosas. Fient autem solum deteriores, cum in ulcera desinunt, & præter Cutis læsionem, interiùs pervadunt, & viscera inficiunt. Nec tamen aliter contingunt Vere, quàm aliæ aggritudines cutim afficientes, à repurgati scilicet sanguinis in Cutim transpositione.

Nec alia de causa prodeunt Verno tempore pustulæ ulcerosæ, videlicet cum inquinamenta sanguinis in Cutim delata, ibidem hærent, fassam, acrem, acidamve conditionem præferentia; usque sunt Cutim fœdent, & ulcerent. Quamobrem diversitas harum omnium cutanearum affectionum tota erit à diversa Cutis, & vitiati sanguinis conditione; ut propterea acidus, austerus, crassusque humor in densiori cute Lepras; Impetigines verò, & Vixilignes, tenuis, & acer; fassus denique, & erodens, in Cute rariori, pustulas ulcerosas excitet.

Verisimile autem admodum est hæc sanguinis superfuitates, priusquam ad Cutim tanquam ad universale Corporis emunctorium deferantur, & simul cum sanguine in venis, & arteriis, continentur, non tanta esse pravitatis; nam si fortasse ejusmodi vitium interiùs referrent, fieri non posset, quin viscera infice-

rent, & febres, inflammationes, cæterasque graviore aggritudines excitarent; unde credere est hujusmodi gravitatem contrahere, cum ad habitum Corporis eruperint, ambientis Aeris potissimum alteratione, atque succorum in glandulis subcutaneis missione: tunc enim hærentes alienam induunt naturam, coagulationi, & corruptioni subiciuntur, atque à perspirantibus halitibus excitatæ, extraneas, inconvenientisq; fermentationes subeunt, degenerantque in fermenta unde quaque vitæ dissentanea, & molesta; quò fit, ut ardorem, dolorem, & pruritus afferant, præsertim à tactu, & ex motu, vel cum aeri calido Corpus exponitur.

Tubercula denique, & Articulorum dolores, sunt pariter Verno tempore, abscedentibus ad cutim, & artus, iisdem excrementosis humoribus à sanguine, qui si serosi fuerint, magisque fluxiles, dolores; si verò crassi, & consistentes, tumores afferent.

Ne autem hæc damna malè affectis istiusmodi Corporibus ingruant, præstabit statim in eunte Vere, sanguinem ab ejusmodi inquinamentis repurgare, iis præsertim medicamentorum generibus, quæ diaphoretice blandè movere apta sunt, sed & per reliqua Corporis emissaria crassiores succos promovere: in quam rem potissimum conferre consueverunt, quæ ex Viperarum carnibus conficiuntur; itemque ex C.C. Antimonio diaphoretico, ejusque cerussa, Chalybe, cæterisque, præter ea, quæ per alvum, & vias urinæ educendo, opportuniore videbuntur. Quòd si jam mala ista accesserint, proderit speciatim ad Insanias, Melancholias, cæterasque melancholicas affectiones Veratru usus: Ad profusiva sanguinis

Vitriolum, spiritu, & oleo orbatum, atque externè ad calcis formam redactum : Ad Impetigines, & Vitiliginès præter diaphoretica, quidquid ex sulphure præparatur; Ad Lepram, & Elephantiasim, omnisque generis pustulas, Vinum Viperinum, ac mistura Alexipharmaca ex Carnibus, Corde, & Hepate earumdem Viperarum concinnata, extrinsecus verò aqua Calcis, & Cerussæ stibii, descriptione Angeli Salæ. Alia plura ad idem facientia peti poterunt ex nostra Praxi jam pridem in lucem edita.

APHORISMUS XXI.

Æstate autem nonnulli horum, & febres continuæ, & ardentes, & tertianæ febres, & quartanæ, & vomitus, & alvi profluvia, & lippitudines oculorum, & aurium dolores, & oris ulcerationes, genitalium putredines, & sudores.

Progreditur Hippocrates æstivas egritudines enarrare, illasque ait partim Veri convenire, partim proprias, & peculiare Æstatis esse; quare initio hujus inquit: *Æstate autem nonnulli horum.* Quinam autem isti morbi sint, non explicat. Verisimile tamen videtur eos esse, qui majorem retinent analogiam cum æstu illius tempestatis, atque ab humoribus pendere possunt tenuioribus, & acribus, ut sunt profluvia sanguinis, impetigines, pustulæ, ulcera, angine. Sanguis etenim, vel tenuior redditus, vel acrior, faciliè per Æstatem venas aperire, cutim ulcerare, & musculos gutturis, ac faucium inflammare potest.

Præter hos, fieri etiam Æstate ait febres continuas, & ardentes, & tertianas, non quòd reliquæ adhuc

febres in Æstate fieri nequeant, sed quòd hæpotissimùm, à vehementi æstu illius Tempestatis. At unde tres hic relatæ febrium species inter sese differant, disquirere supervacaneum non erit, cum distinctis nedum nominibus, sed & proprietatibus, atque effectibus, illas experiamur.

Galenici febres Ardentès, & Tertianas, tum continuas, tum intermittentes, loco solum differre ajunt, materia verò omnino convenire: quippe bilem, quam in venis collocant, & naturalem appellant, communem harum omnium febrium materiam, cum putruerit, constituunt; verum si in Venis majoribus, & circa præcordia, Ardentem; si in venis minoribus, aut earumdem apicibus, Tertianam continuam; si demum extra venas diffusa in habitu Corporis putredinem contraxerit, Tertianam intermittentem pariat.

Verum hæc Recentioribus non probantur, qui plurimis rationibus, atque experimentis, evictam, falsamque demonstrarunt hanc de quaternario humorum intra venas numero doctrinam: & si qui unquam in venis, venarumque apicibus putresceret, vicissim per arterias circumiret, & universum sanguinem inficeret; immò adhuc è Venis minoribus in majores immitti oporteret, ut Cor præter naturam alteraret; Sed & neque bilis ista intra venas putrescens posset unquam ad habitum Corporis, aliove extramitti sine vasorum diruptione, atque ingenti sanguinis effusione. Quæ præterea de fuliginibus putridis, effumantibus ad Cor, ipsi commentantur, vana omnino sunt; nam si putridæ essent, excurrendo per venas, sanguinem, reliquosque humores inevitabiliter inficerent, perenni cum iisdem societate; quin improbabile prorsus est, unum humorem in-

tra venas putrefcere, cæteris una simul commistis non æquè in putredinem adaçtis, præsertim cum pituita, vel melancholia in Quotidianis, & Quartanis febribus putruerint, immunibus interea à putredine bile, & sanguine, ad illam contrahendam aptioribus. At de hac re fusius egimus in tractatu de Febribus, ubi ad fermenta, fermentationemque variam in sanguine inductam omnia retulimus. Illud autem nunc hisce tribus febrium speciebus hoc loco ab Hippocrate memoratis commune videtur, quòd acritudinem in sanguine inductam consequantur, per quam facillimè is ad fermentescendum disponitur, unde postmodum ardores, inquietudines, sitis, vigilie, insomnia perturbata, deliria, vomitus, cardialgia, diarrhœa, aliaque id genus oriuntur.

Atque hinc est cur Æstate potissimum eveniant, cum scilicet Aeris æstu attenuantur humores, sanguinis motus celerior fit, aquei liquores per sudorem uberrimè egeruntur, adeòq; in cunctis humoribus facilis commotio, ac fermentatio concitatur, cum acritate, ac sulphurea quadam inflammabilitate, quam sæpissimè istiusmodi febres tertianæ, & ardentes comitantur, stipatæ symptomatis idipsum omnino attestantibus.

At mirum fortassè videbitur, cur Hippocrates inter morbos æstivos Quartanas febres referat, quasidem sequenti Aphorismo cum Autumnalibus junxit. Et quidem plerique Interpretes expungendas esse arbitrantur, quod neque in antiquis exemplaribus, nec apud Theodorum Gazam fidissimum, diligentissimumque Expositorem, nec etiam apud Galenum in hoc Aphorismo memorentur. Sed & neque Celsus hanc eandem sententiam interpretatus

Quartanarum meminit. Quamobrem non immeritò perperam adjectas hoc loco illas existimant. Verùm cum idem Auctor 2. Aph. 25. æstivas Quartanas scripserit magna ex parte breves esse, atque experimentis innumeris compertum habeamus plures per idem tempus vagari, procul dubio nil verabit, quin etiam cum æstivis ægritudinibus illas connumeremus. Fortè autem difficilè visum est Commentatoribus ad æstivos morbos quartanas febres referre, quoniam creditum ipsis est hæcenus, à solo humore melancholico, qui æstate vigere non putatur, illas exoriri. At cum febres istæ non ab humoribus, sed à periodis, quas servant, sint desumptæ, planè poterunt omnes ab omnibus, & singulis humoribus depravatis, ad certum tamen tempus cumulatis, ac fermentescentibus, progigni, ut aliàs à Nobis est demonstratum, sed enim, Hippocratis ætate, maximus error erat velle à succis febres periodicas determinare, cum tum in confesso cunctis esset ab uno, eodemque humore, quascumque febres proficisci; unde ab eodem Hippocrate portitum est, omnes febres à bile fieri, diversimodè tamen affecta.

Vomitus Æstate faciles esse solent, tum quia Ventriculus eo tempore gravari solet excrementis ex mala ciborum digestionem cumulatis, ab fermentorum dissolventium hebetudine, tum quia malè confectus, degeneratusque chylus, in acres, fastidientelque humores versus, insensata quadam oleositate Ventriculum nausea, & subversione afficit, atque ad vomendum laceffit, cujus indicio est oris amarities, sitis, ciborum fastidium, & quædam stomachi laxitas, ac molesta perturbatio; unde prompta, & facilis vomitio. Quòd si fortassè succi isti vel sponte sua defluant, vel

vel adigente Ventriculo per fibras in Pylorum, & Intestina protrudantur, everfis una simul humoribus è ductu Pancreatico, & Cholidico eodem confluentibus, alvi profluvia contingunt, quæ hic græco nomine diarrhææ specialius appellantur; idque potissimum, cum alimenta labiora fuerint, veluti fructus horarii dicti, qui fermenta ipsa pervertant magis, ac diluant, atque intestina laxent, indeque facillimè secessus moveant. Sed tamen æstivo tempore biliosæ superfluitates è sanguine copiosiores cumulantur, atque in Cystim, & cholidochum deducuntur, itemque liquor Pancreaticus acrior, & tenuior esse solet, qui & potentius exsolvit, & vehementiorem cum felle humore fermentationem excitat, & acrius quoque intestina ad motum peristalticum proritat; undè nedum diarrhææ, sed etiam dysenteria, atque cholera, aliæque similes egestiones inferri possunt.

De Oculorum lippitudinibus res est evidens, quod sæpius in Æstate vagentur, à nimio Aeris æstu, à pulvere, à lumine tunc confertiori. Num autem humidæ, vel siccæ hic intelligantur, nonnulli ambigunt. Et quamvis de utrisque sermo videatur habitus, cum ab æstu siccæ, atque à defluente in oculos liquato per calorem feroso humore humidæ dici possint, quia tamen Hippocrates alibi siccas expressit, hic reticuit, videtur humiditas voluisse notare, nam cum illas maluerit intelligere, siccas semper lippitudines in Aphorismis adjecit. Sed tamen opinari licebit, tum humiditas, tum siccas hoc loco consideratas, utpote indefinitè sumptas: humiditas quidem in obefioribus, & succiplenis; siccas verò in picrocholitis, & gracilibus.

At major difficultas est de Aurium doloribus: siquidem hipotius Hyemis, quam Æstatis ægritudines videntur, quemadmodum idem Hippocrates antea retulit: quippè hujusmodi dolores à delabentibus è Capite in aures excrementosis humoribus progigni solent, qui cum Hyeme potissimum superabundant, & Caput oppleant, non videntur propterea æstivo etiam tempore prevalere, in aures deferri, & dolores incutere: quod si non minus Hyeme, quam Æstate vigeant, & ejusmodi mala pariant, profectò nullum tempus ab hac aurium molestia immune erit, cum cæteroqui æstivum tempus vim habeat quascumque ferrosas superfluitates, saltem per sudorem, absorbendi. Verùm Aurium dolores cum varii esse possint à varietate delabentium humorum, poterunt quoque aliis anni temporibus inferri. Hyeme namque, & in Constitutionibus austrinis à lymphæ Caput gravante, aures dolebunt, dolore tamen obtusiori, unde etiam subsurditates fieri antea notatum est; At verò Æstate, dolores pungentes, & acerbiores accident, ab humoribus tenuioribus, & acrioribus illati: modò hos aures petere manifeste docuit Hippocrates 4. Aphor. 28. inquit: *Quibus biliosa sunt dejectiones, hæc superveniente surditate cessant, & quibus surditas adest, supervenientibus biliosis dejectionibus, cessat.* Et tex. 60. ejusdem libri: *Quibus in Febris aures obsurduerunt, sanguis ex naribus fluens, aut alvus turbata, solvit morbum.*

Oris exulcerationes fieri etiam possunt Æstate, vel ab illabente sero tunc temporis acriori, vel à consimili salivarii roris vitio, vel ab halitibus è Ventriculo malè affecto elevatis, vel

veleri am à moleſtis acrium, & erodentium ſuccorum vomitionibus, quibus non raro & os, & fauces, & guttur, & dentes graviter offendentur.

Genitalium putredines hic memoratæ, exponuntur à quibuſdam pudendorum ulcerationes, ut pubis ſimul, & ſedis, adjacentiumque partium vitia denotentur. Illæ autem non ſolum fieri poſſunt propter decubitus humorum acrium ad eas partes, ſed etiam ob ſudores, furfures, egeſtioneſque alias per cutim æſtivo tempore frequentiores, quæ niſi convenienter abſtergantur, & repurgentur, procul dubio puſtulas, & putrefactiones afferent, humida præſertim, & auſtrina conſtitutione; cùmque huiuſmodi mala pudendis acciſant ab iterato ſudore, proinde addit Hippocrates in textu *Sudores*: Et quidem hi, peculiareſ ſunt ejus tempeſtatiſ evacuationes, à tenuitate ſimul humorum, & à majori pororum Cutiſ laxitate. Neque verò ſimplices ſudores intelligit, ſed puſtulas quaſdam, quæ per id tempus à mordacibus ſudoribus in cute erumpere ſolent. Græce enim ſcribitur *ἰδρωα*, latinè ſudamina, quæ puſtulæ ſunt tenues, & rubræ per totum corpus diſperſæ, aquea materia ſudoriſ emula repletæ, & non raro ardorem ingentem, ac pruritus moleſtum afferunt. Oriuntur à lymphæ, vel à ſanguiniſ ſero acriori, ſaliſilagine muriatica prædito, ambiētiſ Aeris æſtu attenuato, atque ad habitum Corporiſ tranſmiſſo.

Cæterum, quæ aliàs ad fugandas febres à nobiſ ſunt reſenſita, hic in uſum revocari poterunt, ut ipſiſ per Æſtatem imminentiſ occurramus: præprimiſ autem repurgato ſanguine, correctiſque fermentiſ viſcerum, unde ejuſmodi labem exoriri ſuſpicio

eſt. Nec diſſimiliter in cæteriſ agri-tudinibꝯ hoc Aphoriſmo memoratiſ operandum, cùm omneſ ab eodem fonte proficiſcantur. Cùmque hæc ex alibi dictiſ notiſſima ſint, non eſt ut longiꝯ in iſ enarrandiſ immoremur.

APHORISMUS XXII.

Autumno verò plurimi æſtivi morbi ſunt, & febres Quartana, & Erratica, & Lienæ, Aquæ intercutem, & Tabes, & ſtillicidia Urinæ, & difficultateſ Intęſtinorum, & levitateſ Intęſtinorum, & Coxendicũ doloræ, & Angina, & Aſthmata, Volvuli, Morbi comitiales, Furoreſ, Melancholia.

Sicuti in Æſtate dixerat, nonnul-loſ Vernos morboſ eo tempore contingere; ita nunc plurimoſ æſtivos adhuc Autumno fieri aſſerit. Et quidem credibile eſt, eoſ Autumno etiam evenire, potiſſimũ inter illiꝯ initia, qui propter communem utriuſque tempeſtatiſ, deſinentiſ ſcilicet, & incipientiſ, habitudinem, maximam cognationem habent, & eorundem ſuccorum vitia, conſequentur, veluti ſunt Tertianaſ febres, tum continnæ, tum intermittenteſ. Sed præterea reſenſet ſpeciatim Autumno vagari Quartanaſ febres, & Erraticas, & Lienæ, nimirũ tumefactioſ, & obſtructioſ, Aquas intercutem, græcè Hydropes, Tabes, Urinæ ſtillicidia, levitateſ, & difficultateſ Intęſtinorum, aliaſque.

De Quartaniſ febribꝯ nulli dubium eſt, quòd inter autumnaleſ ægritudineſ ſint reſenſendæ, cùm ab acidis, tartareis, ſeu melancholicis ſuccis progigni perhibeantur, qui Autumno vigere ſolent. Erraticæ etiam

etiam febres ejusdem tempestatis peculiaries dici debent, tum quia Autumnus ob sui inæqualitatem heterogeneorum succorum causa est, qui variè, differenterque corpora inficiunt; tum etiam quia humores ex præcedenti Aestate ad Cutim commoti, atque sudoribus exsoluti, Autumno detinentur, ac sparsim per membra Corporis diffusi, inæqualiter illorum fermenta, & sanguinem ipsum alterant, idè quod Erraticas pariunt ægritudines. Dicuntur autem febres Erraticæ, quæ certam periodum, & eundem invasionis modum non servant, sed modò diebus singulis, sed diversis horis, modò alternis, & interruptis adoriuntur, & ægros affligunt, aliquandò noctu ingravescent, interdum quandoque, nonnunquam cum rigore, aut horrore, aliquandò sine illo, modò his, modò aliis symptomatis stipatæ, de quibus scripsit Hippocrates *libr. de rat. vi& in acutis: Inconstantes, & erraticos morbos curare non expedit, priusquam constiterint*: id est, certa lege, & periodo invadere cæperint.

His plerique adjungendas esse contendunt febres illas, quæ Quintanæ, Sextanæ, & Septimanæ vocantur ab eodem Hippocrate i. *Epidem.* moti auctoritate Galeni negantis ibidem Quintanas, Sextanas, & Septimanas febres, easque ex accidenti tantum haberi posse, putà cum quis ex periodica febre convalescens ob errorem in victus genere commissum, febrem Ephemeram incurrat, quæ ab ultima accessione febris periodicæ distet intervallo quinque, sex, aut septem dierum, unde possit quintana, sextana, aut septimana appellari. At verò isti longè, lateque fallantur: Etenim Hippocrates non febres ibidem ex accidenti, & irre-

gulariter inductas describit, sed periodicas, & ordinatas, illasque veluti sæpius observatas memorat; Erraticas verò febres haudquaquam convenire posse cum quintanis, sextanis, aut septimanis, inter periodicas ab eodem Hippocrate relatis, evincitur clarissime ex Celfo, qui erraticas, incertas vertit, quæ scilicet nullum statum tempus, nec ullum accessionum, & remissionum ordinem servant, quemadmodum habent periodicæ. Error autem istorum inde ortum habuit, quia putarunt cum Galeno à diversis specie humoribus periodicas febres distingui, putà Tertianas à bile, Quartanas à melancholia, & Quotidianas à pituita, cum tamen potius à reditu, & circuitu, quem referunt, tales appellandæ sint.

Lienis tumores à restagnante ibidem sanguine acidiori, ac melancholico fieri, apud omnes in confesso est; unde lienosæ colore livescunt, ventre tument, sinistro præsertim hypochondrio, reliquo Corpore macrescunt, & in cunctis operationibus hebetes evadunt; Hinc notavit idem Hippocrates *lib. de loc. in hom.* eo vivaciore, salubrioresque fieri homines, quo lien magis detumuerit, & mole fuerit imminutus; at contra valetudinarios esse, quibus increbruerit; quamobrem Alciatus illum comparavit Fisco, qui alienis opibus ditescit, inquiens, *libr. 2. Embl. 97.*

Splene ancto, reliqui tabescunt
Corporis artus:

Fisco ancto, arguitur civica pauperies.

Sed unde id accadat, difficile est determinare. Qui illum cum Jecore sanguinis officinam credidere, plus iusto per rami splenicum chylum Hepati subtractum ad se trahere arbitran-

V. histor.
Cleana-
tidis r.
epidem.

bitrantur. Thomas Bartholinus, ac-
dum sanguinem fermentantem reli-
quo Corpore detrahare putat, inde-
que maciem universalem exoriri. At
existimaverim Ego vicissim sangui-
nem, & lienem infici crassitie, &
acore, eòque veluti inutili corpus
non ali, sed potius coinquinari, ac
macrescere; hunc verò obstrui, &
tumesceri.

Eximicæpit nunc ultimò Lien è
Canibus in Anglia, & Bartholinus
in *Anatome Renov.* refert se ejusmo-
di extractionem felici cum successu
vidisse institutam coram Friderico
III. Rege Danorum, animalibus ex-
indè supersticibus sanis, & agilibus.
Lienes etiam è Canibus exemptos vi-
ta superstitè testatur Barbetta *præx.*
lib. 3. cap. 10. In Vetula etiam splenis
scirrhus laborante tentatam fatetur
Leonardus Fioravante, quæ super-
vivit, atque aliam memorat Cler-
kius in Rustico quodam apud Bone-
tum *Med. sept. tom. 1. lib. 3. f. 20. cap. 12.*
Fabulosam nihilominus illam putat
idem Bartholinus in hominibus,
quippe qui subindè vasa plurima
frangi necesse dicat, non sine vitæ
periculo: additque inveciam esse
hanc fabulam à Plinio, & antiqua
Eresistrati opinione, qui lienem fru-
strà animantibus à Natura inditum
affirmabat, cum quæ urinaria Vesti-
ca carent, liene quoque sint orbata.
At non video qua ratione id ipsum
peragi non possit in hominibus, quod
in cæteris animalibus actum ipsumet
Bartholinus, alique fatentur, nisi
solum ex imminenti vitæ periculo ab
infelici ejus operationis eventu: non
etenim tam temerè licet humanum
corium æquè, ac belluinum nego-
tari.

A tumoribus, & obstructionibus
V. Gal. 2. Splenis sæpe Hydrops oritur, latine
progn.
eomm. 1. Aqua intercus, cum exinde aqua in-

ter cutem collecta tumorem efficiat,
non rarò etiam universalem, qui si
digitis comprimatur, foveam relin-
quit. Veteres existimant aquam
hanc in Hydropicis colligi, aut vitio
Hepatis in aquosum humorem chy-
lum commutantis, aut ex abundan-
tiori melancholico Lienis humore,
qui ab Hippocrate sub nomine aquæ
fuit pluries indigitatus. Sed nuper-
imis observationibus jam innouit à
lymphæ, è suis vasis relaxatis, aut
diruptis, exiliente provenire, quæ
si in toto Corpore colligatur Ana-
sarcam, si in imo Ventre Ascitem,
si in solo Capite Hydrocephalon, si
in scroto Hydrocelem, atque alibi,
alias hydropises particulares pariat;
Cumque vasa ista plurima per Jecur,
& Lienem diffundantur, propterea
fit, ut ex illorum affectionibus sæpe-
sapius Hydropes orientur.

Quòd Tabes in Autumno plerumq;
contingant, superius quoque nota-
tum est; immò quòd eo tempore
tabidi malè se habeant, & pericli-
tentur, docuit hoc eodem libro Hip-
pocrates. Videtur autem macies
tunc fieri sensibilior, quoniam ob
temporis inæqualitatem sanguis per
Pulmonem trajectus diversimodè
afficitur, & iteratis Aeris vicissitu-
dinibus perpetim alteratur, atque
à blanda sua indole, partibus nutri-
endis amica, non parùm declinat.
Sed & humani Corporis habitudo,
non minùs, ac cæterorum viventium,
ea anni tempestate, non leviter per-
mutatur; tunc quippe quemadmo-
dum Arbores, & Plantæ universæ
defrondent, ac veluti succo nutritio
privatæ, contabescunt; ita promo-
dulo suo humana Corpora nutrica-
tionibus deficiunt, eaque potissi-
mum, quæ gracilia sunt, & sanguinem
sunt nata morbosiorem, vel saltem
minùs defæcatum; Atqui longe gra-
vius

vius degunt, qui tabidi sunt à Pulmonis vitio, ut antea fufius ostenfum est *Aphor. 10.*

Stillicidia Urinæ, græcè strangu-riæ, frequenter Autumno inchoant, & frequentius quoque exasperantur. Cùm enim hæc ab humorum in illos ductus confluentium acritate, aut ab ulcere ibidem contracto, aut etiam ab angustia, tuberculis, calculis, arenulis, glutinosisque succis inducta, procedant, sane per Autumni tempus, quo hæc omnia incrementum solent, vel incipiunt, vel augescunt.

Referuntur insuper inter ægritudines Autumnales difficultates, & lævitates Intestinorum, quæ licet oppositis de causis evenire videantur, ut propterea à Celso *lib. 2. cap. 1.* ac Theodoro Gaza, sint in expositione hujus Aphorismi prætermittæ Dysentericæ, non tamen eas simul inferri credendum est, sed prout illæ diversis in Corporibus prævaluerint. Et quidem si in alvum superfluitates humorales per æstatem cumulatæ, atque mox Autumnali tempore compressæ, ac depravatæ, deponantur, orientur Dysentericæ; si verò delaxentur viæ intestinorum, ac succi dissolventes diluantur, contingant Lientericæ. Congestæ cruditates ab immodico usu fructuum, ab intempestivis potationibus gelidarum aquarum, idque genus aliis, id ipsum parere possunt, modò inerrant, depravent, corrumpant, tum fermenta Stomachi, tum Intestinorum liquores, alimentorum dissolutioni, ac secretorii inservientes. Sed & difficles, ac dolentes egestionem non raro insequuntur sæcum duritiem, atque viscosos, hærentesque succos vellicante acore molestos, ut in Tenesmo, qui Autumnali præsertim tempore ab iisdem suprà me-

moratis Causis fieri consuevit.

Coxendicum dolores, græcè Ischiades, inferri dicuntur à luxatione ejus articuli, quo Ischium cum Illo jungitur: luxationem autem hanc efficiunt crassi, glutinosique humores, qui in cavum juncturæ horum ossium inseruntur, & Ischium præsertim, seu Coxam in sensu, motuque divexant, & membranas circumvestientes nervulis fere innumeris refertas acerbissimo dolore excruciant. Solet etiam non raro insequi vitium depluentis succi in medullarem Ischij substantiam, quæ membranulam circumambientem vellicet, & compungat. Non semel quoque observatum est, dolorem hunc oriri ab affecto perioestio, quo deinde fiderato sit, ut coxa universa sensim Paralytim, & totius cruris Tabem incurrat.

De Anginis nil est aliud, quod hic repetamus, cùm de iis alibi à nobis actum sit. Solum adnotare juvabit; progigni illas Autumno partim ab ambiente Aere inæqualiter affecto, & gutturis, ac faucium musculos exasperante, partim etiam à detentis halitibus, qui ad organa vocis potissimum delati inflammationem, & tum deglutitionis, tum respirationis difficultatem pariant.

Si verò decumbant humores in Pulmonem, ac ductus Aeris impediunt, graventque sua corpulentia spongiosam, raramque ejus visceris substantiam, Asthma exoritur, seu creber anhelitus, gravior tamen, vel levior, pro majori, vel minori ejusdem infarctu. Videtur autem hoc loco Hippocrates eam solummodò speciem designare voluisse, quæ difficilem quidem efficit spirationem, sed absque multo conatu, & ronchis, ut accidit in Orthopnæa; quæ mobrem non immerito usus est nominare

mine Asthmatis, quamvis Cardanus anhelationes exponat.

Volvuli græcè Ilei, ab Intestino Ileo, & Volvulo, quod speciatim in his affici putatur, morbi sunt, in quibus nil per alvum egeri potest, sed fæces sursum, inverso motu peristaltico, delatæ, per os excernuntur. Quamquam Hippocrates in Epidemiis memoret scæminam quamdam volvulosam modicos quosdam secessus habuisse, eorum forte humorum, qui postrema intestina occupaverant. Frequentiores causæ hujus affectionis esse consueverunt inflammatio Ilei intestini, aut circumscripti Mesenterii; duriora plus justo excrementa, glutinosisque succis referta; atque ejusdem Intestini convolutio, vel delapsus. Modò, quæ ex his Autumnosæpius accidat, videtur à fæcibus constipatis, compactisque succis oriri; unde etiam delabi, & contorqueri queat Intestinum.

Comitiales Morbi per idem tempus fieri dicuntur à Galeno propter Aeris inæqualitatem, quæ maxime apta esse solet tum ad debilitandum Caput, tum ad heterogeneous humores inducendos, præsertim melancholicos, & acidos; unde illi plerumque excitantur. Hinc Hippocrates in Epidemiis inquit: *Melancholici sunt Epileptici, & Epileptici Melancholici: Et qui morbo sacro corripiuntur quartana superveniente liberantur*, translato scilicet vitioso humore à Cerebro in partes Corporis inferiores, atque per febrem sensim absumpto.

Eodem modò dici possunt prognati Furores, & Melancholiæ, quæ ægritudines sunt valde Melancholicis familiares, in quibus acidum adeò prævalet, ut sæpenuerò ad timorem, & mæstitiam cuncta conspirent.

Ne autem mala ista ingruant, oportebit statim ac opportunum tempus incipientis Autumni tulerit, Corpora his obnoxia ejusmodi superfluitatibus repurgare, atque salubriori, temperatiorique victu alere. Quocirca ex Hippocrate Galenus Comm. 47. 6. Aphor. commendat in iis, qui ægri futuri sunt, convenientem purgationem malè affectorum humorum, ut subindè prævertatur illorum malitia, atque imminens, aut futurus Morbus prohibeatur; Neque solum purgatione satis erit superabundantes, vitiososque succos educere, sed & ultra opus erit relictum fortasse in sanguine, aut viscerum fermentis vitium emendare, usu præsertim medicamentorum acido, Autumnò vaganti, occurrentium, qualia sunt, quæ ex chalybe conficiuntur. Postquam autem Morbi advenierint, oppugnato iis, quæ in nostra Praxi sigillatim sunt recensita.

APHORISMUS XXIII.

Hyeme verò Morbi laterales, & Pulmonis inflammationes, Gravedines, & Raucedines, Tusses, dolores pectoris, laterum, lumborum, & Capitis Vertigines, & Apoplexia.

NUmin hoc etiam Aphorismo inter morbos hyemales referendi sunt nonnulli ex Autumnalibus, quemadmodum in cæteris Anni tempestatibus antea notavit Hippocrates, valde dubitat in Comm. Gal. Sed parum refert, si ex communi voluerit, ut ipsemet subdit, hoc quoque in loco Nos subaudire dictorum aliquid; si simpliciter pronunciare, tanquam nihil autumnale tempus cum hyemali communicet.

Verumenim verò voluit solum hic ægritudines hybernas referre, quæ frequentiores, urgentioresque esse solent, omisis aliis, quæ communes forent, & tacite subintelligi viderentur.

Primò autem Pleuritides, seu Morbos laterales recenset; mox addit dolores pectoris, & laterum, ne quis putet, eundem morbum sub diversis vocibus inutiliter repetitum significare. Et quidem morbos laterales hic intelligi proprie pleuritides, græcus Codex manifestè declarat; laterum verò, & pectoris dolores solummodò ad musculos, & partes externas Thoracis pertinere putandum est, cum non rarò doleant solum Costæ, & partes exteriores pectoris citrà inflammationem, à solo confluxu serosioris lymphæ in glandulas ejusdem subtercutaneas, vel etiam ab impedita perspiratione. Addidit insuper Pectoris, & laterum, desumpta nimirum differentia nominis à loco potius, quàm à natura ægritudinis, quoniam aliquandò dolent partes Thoracis anteriores, quas pectus appellamus; quandoque verò latera, & partes ejusdem posteriores, scapulæ, dorsum.

At unde Morbi laterales, qui inflammationem præferunt, hyberno tempore algido contingant? Profectò eos progigni fatendum ab impeditis, detentisque halitibus, qui cum pectoris internas partes ab inspirato frigido aere non leviter affectas, potissimum invadant, propterea Pleuritides, & Peripneumoniæ suboriantur. Accedit, quòd hyemali tempore sanguis consistentior sit, atque glutinosus, acidisque succo inficitur, qui exiles, angustasque pleuræ arteriolas pervadere nequæntes, facile in his hærent, & inflammationem inducunt. Eadem

ratione Pulmonis Inflammationes per idem tempus accidunt, atque eo magis, quo Aer impurus, & nitratis vaporibus refertus ejusmodi consistentiam in sanguine adjuverit, transitu per pulmonis vasa habito, ubi Aer cum illo commisceatur, observatione Lovverii.

Gravedines, & Raucitates Hyeme potissimum vagari notissimum est, tum à serosis humoribus tunc vigentibus, tum ab humidis, & astrinis Aeris alterationibus, Cerebrum, cunctasque glandulas gravantibus, ut alibi etiam notavimus. Cum verò non solum Caput asperæ Arteriæ, sed etiam bronchia, & Pulmo ipse immodicè irigantur, quinimò (ut sæpe evenit) quodammodò obstruuntur, Tussis quoque fiunt, & Anhelationes, alique peiores Pectoris, & Pulmonis ægritudines.

Quòd si humores isti, vaporesque internam pectoris partem non occupent, sed potius externam, quæ Costis adjacet, dolores asserent laterum, & lumborum, læsis nimirum musculis ibidem dispositis; cùmque partes istæ mutuò communicent inter sese, propterea fit, ut non rarò simul unà compatiuntur, quare ægrotantes ipsi indiscriminatim de dolore dorsi, scapularum, laterum, & lumborum conqueruntur, & vicissim unum pro altero accusant.

Non dissimili modò Capitis dolores fiunt, cum humores, vaporesque meninges Cerebri, aut pericranium afficiunt. Multoties autem Catarrhos prænunciant: quippe ii primùm in Capite cumulantur, mox alias partes perunt, & alias, diversasque affectiones, pro partium affectarum diversitate, parturiunt.

Vertigines demùm, & Apoplexias antea quoque retulit Hippocrates eve-

evenire ex constitutionibus Austrinis, & pluviosis, quæ cum potissimum hyemalitempore contingant, non mirum si illæ inter hybernos morbos hoc loco recenscantur. Adjectis quoque legitimis in græco Codice Lethargos, quos non dissimiliter oriri per easdem Austrinas Hyemis constitutiones palam unicuique est. Et licet Galenus in *bujus Apborismi Commentario* illorum non meminerit, hanc eandem tamen Hippocratis sententiam referens 8. *de plac. Hipp. & Plat.* cum gravedine, raucitate, & tussi, lethargos etiam connumerat.

Hybernus modò hisce calamitatibus præcipuè occurremus indicta victus ratione, quæ cumulas fortassè humiditas superfluitates, atque inductos jam crassos, acidosq; succos diluat, & absumat; itemque exhibitis medicamentis alkali volatili præditis, quæ unâ simul valeant Viscera, & præsertim Cerebrum robore, sanguinem vividiorem reddere, crassos succos attenuare, atque per suos ductus, prout res ipsa exigere videbitur, deducere. Hac sanè ratione plures catarrhis obnoxii salubrius Hyeme, quum frequenter ægrotare consueverant, in postero degerunt, quàm Æstate.

APHORISMUS XXIV.

In Aëstatibus autem talia contingunt: Parvis, & nuper natis Puerulis, oris ulcera (quæ Aphthæ vocantur) Vomitus, tusses, vigilie, pavores, umbilici inflammationes, aurium humiditates.

A Morbis Anni temporum, ad eos transit Hippocrates, qui ætatibus contingunt, & in iis ordinem,

ac doctrinæ connexionem præcæteris servat. Distinguit enim illas in septem, ac primam, quæ Infantilis dicitur, ab ortu ad septimum mensem, cum pueruli dentire incipiunt, obnoxiam ait Aphthis, vomitui, tussi, vigilis, pavoribus, umbilici inflammationibus, & aurium humiditatibus, non quòd his solum, sed quòd præcæteris; Quoniam à subita mutatione, quam nuper nati subire coguntur, tum Aeris, tum alimentis, necesse est sanguinem, aliosque liquores, & Viscera universa quædantenus alterari; unde ejusmodi ægritudines prodeant.

Aphthæ illis accidunt, vel à lacte acro, & falso, vel à sero, & lymphæ per ductus salivarios in palatum delabente. Sunt namque Aphthæ oris ulcuscula, quæ palatum, linguam, & fauces non raro exedunt, si præsertim diutius serpent: albicant, & multoties totum oris cavum occupantes, suctioni impedimento sunt, & nisi citò succurratur, mortem inferunt. Solent etiam subsequi gallicam à parentibus, & nutricibus contagionem, & quandoque etiam ex lue infectorum osculis, amplexibus, halitu, proficisci, cum tenellæ infantium Carnes faciliè quacumque de causa infici possunt. Neque verò solum Pueris, sed etiam adultioribus illas accidisse compertum est, adhuc venenatas, contagiosasque, & Hippocrates 3. *Epidem.* memorat viguisse olim quasdam Aphthas deleterias, & contagiosas à pestilenti constitutione.

A lactis etiam vitio Vomitus sæpiissime Puerulis accidit, vel quia in ventriculo acescit, & coagulatur, vel quia sero abundans fibras laxat, atque adeò ad vomendum laxefcit. Potest præterea à Vermibus vomitus inferri, sicut etiam à Ventriculi languore,

guore, cum non raro qui diu frigidus Aeri expositi fuere, vomitionibus corripantur, quique lac suxerunt à Nutricibus cibos fastidientibus, aut perperam pastis, ob malam esculentorum conditionem.

Ab Aere tusses fiunt: cum enim recens in lucem editi Aerem inspirant inæqualiter affectum, & plerumque frigidum, non mirum si tussi corripantur, quod si fortasse, præter Aeris alterationem, delabantur etiam serosi humores in Tracheam, & bronchia Pulmonis, non solum Tussis orietur molestior, sed etiam periculosa, à qua facile pueruli suffocari possunt, cum nequeant sufficienter extuffire, & excreare; quamobrem, stagnantibus humoribus in Pulmone, facile opprimuntur, & suffocantur.

Vigiliæ accidunt puerulis, vel causa tussis, vel ob Ventris tormina, quibus plurimum obnoxii sunt, vel propter immodicas egestionem ex corrupto lacte progenitas, quæ illis non levem molestiam afferunt, vel ob easdem retardatas, ac diminutas, unde Intestina distendant, & dolorem excitent. His accedunt etiam, quæ ab Umbilico recentem exsecto iis accidunt; quippe in eam partem quandoque sanguis irruit, ichores conflunt, & tumefaciendo non raro Exomphalon inducunt. Non tamen vigiliæ istæ diuturnæ admodum erunt, quemadmodum in Adultioribus, & Senibus, sed solum comparatæ ad statum, conditionemque illius ætatis; siquidem puelli proclives sponte natura sunt ad somnum, ut propterea maiorem temporis partem dormiendo consumant. Cum ergo à consueto, naturalique statu recessum faciunt, vigiles dicuntur.

Pavores proprii sunt illius ætatis. Cum enim pueruli insueti sint, com-

motiones, strepitus, aliasque perturbationes pati, quacumque proinde de causa percelluntur, contremiscunt, & pavent. Quod si à lacte in Ventriculo, aut Intestinis corrupto, vel coacto, ac ferè in caseum verso, originem trahant, profecto compunctiones præerunt, unde non solum pavores, sed etiam motus spasmodici, atque Epileptici subsequuntur, aut sola per fibras nerveas percussione, aut etiam insensa per eandem evaporatione in Cerebrum perlata.

Umbilici Inflammationes Puerulis quoque frequentissimæ sunt, tum ob nuperam umbilicalium vasorum resectionem, ubi sanguis facile stagnat; tum à vagitu, quo partes illæ intumescunt, & inflammantur. Sed & non raro vasa ipsa delaxantur, & sanguinem effundunt, non sine vitæ periculo; quamobrem Obstetrices statim à partu arctè illa vinciunt, & postquam fuerint rescissa pulvere coccineo, aliove astringente inspergunt, ut sanguinem sistant, & inflammationem inhibeant.

Aurium humiditates sæpè etiam Puerulos molestant, Cerebro per eam ætatem laxiori, atque humoribus tum ex Aere, tum ex lacte, scatente. Notavit autem specialiter Hippocrates humiditas Aurium sordes, quia reliquæ per nares, & os, sine dubio ejusmodi sunt; quæ verò ex auribus prodeunt compactiores natura esse solent, & longè cæteris parciore. Neque tamen solum per aures, sed etiam per totum Caput, collum, & faciem serosa excrementa repurgantur, immò aliquando nec satis, ut & colli glandulæ non intumescant, strumarum instar, non sine graviore malo.

Ut igitur ab his infantes præcaveantur, statim à partu cochleare unum olei amygdalarum dulcium

simplici expressione elicit, & saccharo rosato commisti sorbeant; mox injurias ambientis Aeris evitent, deinde lac sugant à nutricibus sanis, optimè altis, sobriis, juvenibus, hilaribus, & bonæ constitutionis. Præferendum autem semper foret maternum, veluti magis analogum ei, quod intra Uterum saltem ultimis diebus cessit illis in alimentum; idque nedum ad Corporis salubritatem facere, sed etiam ad mores, ostendere fatagit Phavorinus apud Gellium. Inde enim ea præsertim beneficia prodeunt, quæ è Colostro exsucto oriri palam est, quippe est hoc illis utilissimum medicamentum ad repurgandas universas Ventris sordes, inhibendasque lactis coagulationes; unde tot, ac tanta mala Infantibus contingunt. Sed quis unquam id vulgo, ac ignaris Medicis persuaserit? hienim primum lac è mammis prodiens adeo nocuum existimant, ut pro veneno habeant. Cæterum omnia alia remedia, aut vana sunt, aut nocua, præsertim si interius adhibeantur; cum tenelli pueruli nil quidpiam aliud sufferant ore assumptum, quam purum lac; quandoquidem Ventriculi fermentum nulli alii, quam lacti dissolvendo, tum est aptum, per mollem, laxamque ejus ætatis constitutionem.

APHORISMUS XXV.

In progressu verò, cum iam dentire incipiunt, gingivarum prurigines, febres, convulsiones, alvi profluvia, & maxime cum caninos edunt dentes, & iis præsertim pueris, qui crassissimi sunt, & alvos duras habent.

Plerumque incipiunt dentire Pueri septimo mense; sed tamen &

ante hoc tempus quoque passim experimur, immò & quosdam cum dentibus intra uterum progenitis prodiisse, & vidimus nos, & alii plurimi fatentur; unde dentatos illos dici refert Plinius: Hinc autem non reverà nasci dentes putandum, ^{lib. 7. c. 19.} quasi verò post aliorum ossium structuram generentur, sed solum per eam ætatem erumpere, & conspicuos fieri, nimirum è maxillarum alveolis, in gingivarum fastigium productos; quamobrem has quodammodò perforari, ac lacerari contingit; unde tantus dolor, cum pruritu, febribus, aliisque symptomatis. Indicio autem est mandendi aviditas, qua nimium anxii, & lac iterato sugunt, & mammarum papillas mordent, & quidquid illis offertur, dolentibus gingivis apponunt, ut veluti à Natura edocti dentium eruptionem coadjuvent. In quam eandem rem peritæ nutrices pastillos huic usui conferentes conficiunt, & dentientibus puerulis data opera mandendos exhibent.

Accidunt hoc eodem quoque tempore febres; sive quòd adveniant symptomaticæ à dolore, & inquietudine puellorum, sive ab impetu Naturæ, dentium eruptionem promoventis; sive etiam à permutatione fermentorum, quæ in cibos deinceps mandendos in Ventriculo acciuntur; ut proinde fermentatione excedenti in sanguine inducta febris oriatur, quæ illius ætatis comes est indissolubilis. Si tum enim incipiunt Pueri solidiores cibos exquirere, & mandere, planè fermenta exigunt valentiora, quæ illos conficiant. Hac propterea de causa sanguis mutatur, fellis humor cumulatior fit, urinx coloratioris apparent, fæces compactiores, surfures abundantiores, inno-

innovati, permuta tique Corporis argumenta.

Convulsiones, seu motus Convulsi per hoc etiam tempus accidunt, vellicatis nimirum Nervis à vaporibus, vel humoribus ex mala lactis, aliorumque ciborum commistione progenitis; siquidem facile lac accescit, & corrumpitur à miscela cuiusvis alterius rei cum illo non consentientis; unde hæc, & alia graviora mala oriri possunt. Non tamen est necesse, ut humores, aut vapores ex viciato lacte, & cibo degenerati, Cerebrum, & nervorum principium petant, cum si tantum Intestina vellicent, Pylorum, Ventriculum, in Puerulis, motus excitent convulsivos, ob nimiam partium teneritudinem, vel saltem cruciatus, tormina, inquietudines, dentium stridores, vagitus, & ejulatus.

Quemadmodum vitiosi succi, si Cerebrum, & nervos afficiant, Convulsiones, & Epilepticos motus pariunt; ita si ad alvum vergant, afferunt Diarrhoeas, ex levissima etiam causa fieri solitas in illa ætate; unde Hippocrates *peculiari libello de Dentitione* inquit: *Quibus in dentitione alvus plus subducit, minus convelluntur: qui vero dentientes habitiores manent, & altiore somno utuntur, magis obnoxii sunt convulsioni. Qui hyeme dentiant, reliquis similibus existentibus, melius liberantur: non omnes in dentitione convulsimoriuntur, sed multi etiam servantur, &c.* Itaque juxta humoris abundantiam, & in unam, aut aliam partem Corporis inclinationem, diversa contingunt pueris dentientibus accidentia; ut proinde jure dictum sit, quibus alvus plus subducitur, minus convelluntur, deposito nimirum ad alvum humore. Quid autem pro alvi profluviis intellexerit

Hippocrates dubitari potest. In Græco Codice scribitur *diapnoia*, ægritudines quidem alvi, atque ex humoribus acris, & biliosis progigni putatæ. Verum pueruli neque humores istos generare dicuntur ex Galeno, neque in alvi profluviis humores egerunt acres, amaros, & biliosos, ut patet ex linctu canum, qui egestas ejusmodi puellorum faces avidissime devorant. Hinc crediderim Diarrhoeam hic intelligi latissima planè significatione, ut omnem, & quamcumque excedentem alvi evacuationem complectatur; quippe in puellis egestionis immoderata pendet solum ab indigesto, & degenerato lacte, quod licet colorem aliquando referat flavescentem, non tamen acritatem, aut amarorem sapit, nec biliosam, felleamque conditionem, sed solius serosæ, nec omnino butyro exuta portionis depravatæ materia est: serum namque, & butyrum cum permutantur sapissime flavum colorem exhibent; præterquam quod à varia, diversaque mistura cæterorum succorum, atque à depravatis secretionibus, non raro etiam in adultioribus, hi, alique colores in excretis observari consueverunt, ut propterea nimum coloribus credendum non sit, quod & aliàs à nobis est notatum.

Hæc autem illi potissimum ætati accidere subdit Hippocrates, cui dentes canini erumpunt; suntque hi, quos Græci Cynodontas appellant, vel quod Canum dentibus exertis similitudinem referant, vel quod soliditate, & acutie ad instar illorum cæteris præsent, & utrinque superni duo, totidemque inferni, quatuor primoribus, & incisivibus adjacent, duritie, firmitate, ac longitudine præcellentiores, cum his res durissimas frangere soleamus. Aliquando,

statim ac anteriores comparuerint, enascuntur; interdum etiam postea ad annum, pro varia scilicet Corporum constitutione: quocumque autem tempore prodeant, semper sunt cæteris molestiores.

Qua autem ratione iis præsertim ista asperius accidunt, qui crassissimi sunt, & alvos duras, adstrictasque habent, majoris videtur ponderis difficultas. Galenus in *Commentario* id retulit ad convulsiones tantum, ut proinde velit crassissimos, & alvos duras habentes, convulsionibus magis affici, quoniam, inquit, isti plenum Corpus habent, & abundans superfluitatibus, ideòque convulsionibus facile capiuntur. Sed revera adjecta hæc verba referenda sunt ad omnes antedictas affectiones, ut sensus fiat, eos potissimum puerulos prænarratis ægritudinibus obnoxios esse, qui crassiores, seu obesioris sunt constitutionis, quoniam his humores insunt copiosiores, excrementa serosa cumulatiora, laxiores carnes, & minus sana Corporis habitudo, ut alibi edocet Hippocrates.

Sed cur etiam adjectum sit, *Qui alvos duras habent*: cum cæteroqui alvos duras nati temperiem, & habitudinem præferant aridam, & exsuccam, carentem excrementis. Verum duras alvos habentes à transfluxu humidarum superfluitatum in alias partes Corporis, hic subaudiuntur, in quibus scilicet arescunt, & constipantur fæces, quia serosiora excrementa detinentur, & alio vergunt, quo confluere non deberent; quamobrem sanguis, lympa, liquor nervorum, aliique peculiaries viscerum humores, illis imbuti, ac malè affecti, febres excitabunt, convulsiones, dolores, aliaque incommoda graviora; Atqui in intestina fortasse delati, magis vellicabunt, & com-

pungent, acriusque torquentes, nedum alvi profluvia, sed etiam tormina, lancinantesque dolores inferent; cum gravius diarrhœis afficiantur, qui styptica sunt alvo, quam qui lubrica, vel ob desuetudinem, vel ob exquisitiorem partium sensum, vel ob majorem confluentium succorum in illis acritatem. Sunt etiam qui putant dictiones illas disjunctim esse legendas, ut qui crassissimi sunt, obnoxii fiant prædictis affectionibus ex una, atque ex altera, qui alvos duras habent: utraque enim causa efficax esse potest convulsionis, aliarumque ægritudinum in hoc Aphorismo memoratarum: Et quidem hæc indicia tantum sunt pravæ habitudinis, & exuperantis in Corpore morbificæ superfluitatis. Verumtamen duram alvum habentes non omnino styptici, & suppressione fæcum laborantes intelligendi sunt, sed qui non adeò lubricam alvum sunt sortiti, cum pueruli universim solum Ventrem habeant: quare styptici solum dicuntur relati ad eos, qui solito lubriciorem nati sunt.

Tametsi hos dumtaxat dentitionis morbos recenscat hoc loco Hippocrates, non tamen quis negaverit alios plures præter eos accidere posse: Etenim experimur per hoc idem tempus obnoxios esse puerulos Variolis, & Morbillis, quorum tamen nulla invenitur facta mentio apud Hippocratem, Galenum, cæterosque veteres græcos Medicinæ scriptores, cum ab Arabibus solum in hæc nostra tempora viguisse memorentur, ut latius infra. Cæterum his non aliter ac de aliis antea dictum, convenienti lacte, usuque rerum, dentitionem promoventium, providendum erit.

APHORISMUS XXVI.

Cum verò iam magis adoleverint, tonsille, & vertebre, quæ est in occipitio, ad interiora luxationes, crebri anhelitus, calculi, lumbrici rotundi, ascarides, verruce, satyriæ, stranguriæ, strumæ, & alia tubercula, sed precipuè antedicta.

Recenſet jam tertio Hippocrates ægritudines Pueritiæ proveſtioris, quæ ad duodecimum, vel decimumquartum annum extenditur, atque in ea ait primùm accidere tonsillas. Sunt autem Tonsillæ, glandulæ illæ, quæ ad radicem linguæ jacent, & cum tumefiunt, ac inflammantur, ductuum Aeris, & cibi, angustiam afferunt, unde difficiles deglutitiones, & respirationes exoriuntur, quamobrem à Græcis paristhmia appellantur. Ejusmodi ergo inflammationes glandularum, aliarumque partium adjacentium, familiares sunt Adolescentulis, aut quia sanguis per eam ætatem vegetior, & abundantior factus nequit commodè intra proprios ductus contineri, ut propterea in vicinas partes effluat; aut quia refluentes per suos ductus à Capite lymphicos, & pituitosos humores glandulæ istæ excipiunt, & tumefiunt, atque impedito aliquatenus in ipsis sanguinis circuitu, nec illo sat bene repurgato, similes exoriuntur inflammationes.

Mox subdit, *Vertebra occipitis ad interiora luxationes*. Hæ fiunt in pueris, vel à tumoribus, & inflammationibus muscutorum, & glandularum colli, siquidem eam ætatem valdè strumis obnoxiam experimur; vel etiam ab illapſu crudorum humorum in interstitia vertebrarum,

Tozzi Op. Med. Tom. III.

quandoquidem laxatis, amplificatisque viis, quæ musculos, & ligamenta illarum interjacent, ob ætatem accretioni summè vacantem, promptius à Capite confluunt humores in vertebra, tunc magis motu exagitationes; unde faciliè postmodum luxationes exoriuntur. Quòd si ulterius contingat impediri respirationem ab hujusmodi vertebrarum Cervicis luxationibus, lethalis exurgit Angina, ut docet idem Hippocrates 2. *de morbis*.

Crebri præterea anhelitus iisdem contingunt à congestis crudis humoribus in ductibus Pulmonum. Pueri etenim voracissimi sunt, & faciliè crudum nec bene elaboratum chylum consiciunt, qui deinde per ratham thoracicum in pulmonem perlati, præ vasorum angustia, & Visceris laxitate, hærescit, & anhelitum inducit. Sed & comprimitur sæpe numero Pulmo, atque in suo motu quadantenus impeditur à sanguine, tunc temporis vegetius fermentescens, & per Aeris misturam vasa spiritalia efficacius amplificante: quo fortasse argumento Galenus adnotavit 9. *meth. cap. 4. & 5*. Synochas febres ex sanguine progenitas Asthmaticas esse, quoniam effervescent sanguis pulmonis ductus vehementer dilatat, ejusque substantiam opprimat, unde anhelitus, & Asthma.

Calculi insuper his fiunt, magis tamen in Vesica, quàm in Renibus: Isti enim molles, & laxi cum sint, meatusque habeant, qui per eam ætatem promptè expanduntur non tam faciliè crudos, crassosque succos detinent, sed ultrò illos sine ullo impedimento in Vesicæ cavum delabi sinunt, ubi diutius hærentes in calculos vertuntur, adiuvante plurimum sale illo urinario tenaces istos,

tartareosque succos figente, & coagulante. Deponi autem crudos, crassosque succos, & quidem plurimos in Vesicam patet evidenter ex eo, quia puerorum urina multo, inutilique sedimento scatet, quod, cum illa consistit, subsidet, & fundo matulæ hæret.

Lumbrici etiam sunt admodum Pueris familiares, & tum teretes, tum ascarides dicti, de quibus latè Galenus in *Commentario huius*. Modum autem, & locum generationis istorum, diversosque affectus exinde provenientes non est ut hic diutius inquiramus; Sat enim ab aliis magnæ notæ Viris de illis actum: solum tamen addam, quòd quemadmodum hi familiares sunt pueris, ita nullius periculi esse solent: quamvis si teretes Ventriculum occupent, vomitus, convulsiones, febres, & dolores pariant non omnino contemnendos.

Verrucæ, vulgò porri, sunt tubercula dura in cute erumpentia, rotunda, & sensu expertia. Sponte sua sæpenumero abscedunt, & exiccantur; aliquando verò etiam acribus, & erodentibus medicamentis non cedunt, atque ad plures annos perdurant. Comparent autem puerili hac ætate transpositis in cutim consistentioribus succis glandularum subtercutanearum, repurgatoque sanguine ab excrementis tartareis, & sæculentis, in callos veluti degenerantibus.

Satyriæ quænam sint, non adhuc benè constat inter Expositores. Galenus in *Commentario* ne verbum quidem de illis facit; meminit tamen earum alibi, referens voces Hippocratis rariores, vocavitque satyriasmos, vel potius satyrismos, tumores scilicet circa aures erumpentes, & 8. de *plac. Hippocrat.* ☞

Plat. ferè cum strumis confundere videtur. Sed & ex eodem Hippocrate satyriasmos, vel satyriasis diversas ægritudines significat; aliquando Elephantiasim, quòd Elephantiaci, more Satyrorum, in Venerem ferantur: quandoque pudendi perpetuam tensionem; & interdum aurium retorsionem, & labiorum tumefactionem, quo etiam vitio Satyri laborabant. Hoc autem loco satyriasim, subdit Heurnius, speciem quamdam esse parotidis. Verum ex eo, quòd Galenus in contextu vocem hanc omiserit, nonnulli putarunt fuisse perperam in græco Codice adjectam, vel cum strumis convenire, vel etiam pro satyriasmo legendam seiriasim, ut mavult Hieremias Triverius, vel denique phthiriasim, qui morbus est pedicularis, quammaximè familiaris pueris.

Stranguriæ non rarò etiam Pueris accidunt, iis præsertim, qui cum lotio arenulas, & viscosos succos emittunt, aut Vesicæ calculo laborant; quamobrem non dissimili ex causa in his fiunt, ac in aliis dictum est.

Strumæ, & alia tubercula, tum in glandulis cervicis, tum in cæteris aliis partibus glandulosis erumpentia, à decubitu, & secretionem humorum dependent: cumque glandulæ colli potissimum depositos è Capite inutiles succos excipiant, propterea fit, ut strumas, aliosque tumores his consimiles contrahant: ejusmodi autem crassis, crudisque glandularum tumefactionibus pueri præ cæteris subiiciuntur, ob nimiam voracitatem, malamque chylosis elaborationem.

Per hanc eamdem ætatem solent Variolæ, & Morbilli comparere; nostra tempestate adeò pueris familiares, ut vix unum, aut alterum invenias ab his immunem. De his apud

apud Hippocratem, Galenum, cæteroque Græcos Auctores nulla mentio facta reperitur: qui autem primi illorum meminere, fuerunt Arabes. Et quamvis ab Hippocrate memorentur in libris Epidemiorum pustulæ, exanthemata, & turbecula cutanea, illa tamen potius pestilentiarum symptomata fuere, omnino differentia à Morbillorum, & Variolarum proprietatibus, quippe indiscriminatim quamcumque ætatem afficiebant; neque verò figuram, circumscriptionem, quantitatem, procedendi modum, resolutionem, & generale totius Corporis ex illarum eruptione affectionem referebant, quemadmodum nostra ætate servare Morbillos, & Variolas experimur. Hinc Mercurialis 1. *de Puerorum Morbis*, inter morbos noviter inductos Variolas, & Morbillos revocare non veretur, idipsum quoque deducens ex innumeris Veterum Medicorum testimoniis.

Verum unde Variolæ, & Morbilli originem traxerint, non modica est inter scriptores controversia. Arabibus additi ad sanguinem maternum illam referunt, quo nimirum, inquirunt, pravis humoribus inquinato altos intra uterum ultimis saltem mensibus, infantes, fieri postmodum obnoxios ejuscemodi criticæ eruptioni. At hoc vitium in sanguine sicuti fingitur universale, ita universos afficere debuisset, etiam ante Arabum tempora. Sunt quoque qui non semel, sed bis, & ter, & in prima, & in media, & in ultima ætate Variolas passi sunt, atque hi, etsi antea febribus laborassent, cum tamen sanguis priori fermentatione subactus, fuerit omnino repurgatus, & per febrim nihil principio proruperit, sed nonnisi media, vel postrema hominis ætate. Accedit quod Indi occiden-

talium regionum antequam commercium cum Europæis iniissent, istius contagionis immunes extitere; & sicuti ab ipsis Hispani luem veneream in nostras, ita in eos nostras variola transtulerunt.

Alii ad malignos syderum influxus causam novæ hujus infectionis retulerunt; quo enim tempore vagari primum visæ illæ sunt, viguisse ajunt trium planetarum, Martis, Veneris, & Saturni conjunctionem in signo Geminorum, pari ferme ratione, ac in aliis pestilentis, atque in ipsa lue Venerea expertum ajunt. At, est syderum influentias hæc agere admittamus, quis sibi persuadeat, ut iisdem desinentibus, non fuisse usque adeo defutura, ut cæteris Epidemiis accidisse observatum est? Neque insuper verisimile videtur ejuscemodi malignas syderum conjunctiones superioribus Seculis defuisse, cum pluries adhuc Mars, Venus, & Saturnus ab Orbe condito juncti sint, atque in posterum etiam sint coituri.

Revocant alii cum Fernelio novam hanc Variolarum, & Morbillorum apparitionem ad communes causas Epidemiarum ægritudinum, Aerem nimirum, & Alimenta. Aer siquidem pravis, diversisque vaporibus infectus, variè quoque sanguinem in humanis Corporibus, & præsertim in teneris puellis, alterat, exagitatque; unde novas ægritudines exciter. Cibi etiam idipsum efficiunt, si mali, si varii, si dissentanei, si infueti, si degeneres sint, atque eo magis in debilioribus corporibus, qualia sunt puerorum, quibus, præ carniū mollitie, & raritate, quodcumque vitium impingitur, & inhæret: cum autem in lucem editos lac paverit, deinde duriuscula alimenta, postmodum solidiora, ac difficiliora, & deinceps multa, & varia,

V. Hipp.
l. de nat.
hum. &
de stat.

proinde fieri, subdunt, ut sanguis diversimodè affectus tandem erumpere cogatur in Variolas, & Morbillos ad sui repurgationem. At sumpta hæc ab Aere, & cibis, nimis lata, & universalis causa videtur cujuscumque ægritudinis. Præterea alterationes, perturbationesque Aeris semper extitere, atque in cibis per Infantilem, & Puerilem ætatem eadem ubique fuerunt, & perpetuæ mutationes. Cur ergo non antea, quàm à temporibus Arabum, Variolis, & Morbillis pueros subjecerint?

Verumtamen incicias non iverim ad Morbillorum, & Variolarum eruptionem sanguinem omnino in debitam, ingentemque fermentationem adigi, ut manifestè testantur febres, quæ illas præcedunt, vehementissima, inquietudine, vomitu, mentis motione, sopore, motibus convulsivis, pavoribus, anhelationibus, æstuationibus, tussi, siti, aliisque gravissimis symptomatis stipata. Fermentum autem istud in sanguine inductum ejus profectò conditionis esse debet, ut veneni, & maligni miasmatis naturam redolet, cum non solum graviter inficiat affectos, & non raro ad necem perducatur, cum notis pestilentibus morbis communibus, sed etiam contagione in alios, aliosque pueros, & juniores, & adultiores diffundatur, ut propterea pluries evenerit devastari omnino provincias integras ex puerorum, & quandoque etiam virorum interfectione à Variolis, & Morbillis. Pueri verò plerumque afficiuntur, utpotè qui carnes habent teneriores, facile ejusmodi miasmata suscipientes, & sanguinem instar musti sponte sua promptissimè fermentescentem. Hinc modò fieri quidem potest, ut primum ex mala alicujus

habitudine ingeneretur in sanguine, & in fermentis viscerum ejus moris pravitas, ut deinde in pestilens, contagiosumque venenum commutetur, quod in cæteros illius consuetudine usos transmigratione quadam etiam per halitus, vel per fomitem, transfundatur. Non raro verò semel Variolis, aut Morbillis infecti, iterum, iterumque in eisdem relabuntur: quia ex vita perperam in usu sex rerum non naturalium antea tale vitium in sanguine contraxerunt, quod pestilens ejusmodi venenum videatur emulari, & exolvendo sanguinem fermentatione subactum in cutim adigat, & Morbillos, ac Variolas renovet. Atqui diversimodè affectus sanguis, diversas quoque parere potest infectiones, & multiformes referre venenorum naturas, ac proprietates, ut exinde comperiamus à quibusdam figi, & concrelescere liquores Corporis, ab aliis dissolvi, & extenuari, ab aliquibus quadam dumtaxat Corpora ærotare, hujus, non alterius sexus, aut ætatis, gracilia, non obesa, exercitata, non otiosa, certo solum victus genere, non alio alta, sub proprio, non alieno Cælo degentia, unius, non alius ditionis, & quandoque (quod admirabilius) hyeme, non æstate, in locis salubrioribus, non palustribus, in urbibus, non in pagis, contagium diffunditur, & cautos magis, quàm qui sine ulla suspitione cum omnibus versantur, & cunctis indiscriminatim utuntur, inficit; ut propterea plerisque videatur prodigiosum: cum tamen hæc omnia accidere soleant à varia veneni conditione, variaeque sanguinis, & carnis habitudine, Corporum constitutione, cutis textura, animi perturbatione, aliisque propemodum

innumerabilibus, quibus humana Corpora perpetim subiiciuntur, alterantur, atque momento ferè permutari possunt. Hac eadem ratione passim experimur obesse uni, quod alteri prodest, & quod semel, aut bis, & pluries contulit, aliàs nocere, senectuti jucundum, & utile fieri, quod puerili, ac juvenili ætati infestum fuerat, plerisque sub uno climate perpetuò ægrotare, sub alio valere, idque genus alia.

Ad sanguinem igitur vario modo affectum omniæ ejusmodi vitia referenda sunt; sed tamen in pueris potissimum, & adolescentibus facilius est Variolarum, & Morbillorum eruptio, in quibus cutis raritas, & sanguinis floriditas esse solent, pro ejusmodi impuritatum repurgatione, aptiores, cum enim aliàs a Nobis ostensum sit sponte sua sanguinem, cæterosque liquores Corporis per ætates commutari, repurgarique, indeque texturam partium variari, proinde fieri, ut adolescendi tempora sint hujusmodi cutaneis eruptionibus potissimum obnoxia: confert autem solummodò ad hæc Aer, promovendo in sanguine fermentationem, vel etiam tranvehendo ex uno in alium inficientes halitus, ut in plures, vel omnes fermentationi concipiendæ dispositos diffundatur. Et quamvis apud Arabes primùm seviisse perhibeatur hujusce generis pestilens, contagiosumque venenum, non tamen hinc crediderim per vetustiora etiam tempora, si non hujus omninò conditionis, & efficacitatis, consimilis saltem malignitatis, perturbati, repurgatique sanguinis eruptiones extitisse, quas fortassè Hippocrates, alique Græci Auctores, sub genere exanthematum, pustularum, & papularum, aliarumque cutanearum ægritudi-

num comprehenderunt: sic metastasis, & apostasis apud eundem varia significant: sic satyriasis, & melancholia: sic exanthemata ipsa diversimodè ab eodem Hippocrate, & Galeno usurpantur; ut propterea non temere quis sublimes papulas ad Morbillos, latiores verò ad Variolas referre posset, Non tamen hinc negaverim longe immaniùs illas seviisse Arabum, quàm aliorum ætate, ut tum populariter grassatæ, & universaliùs infecerint, & inevitabili fato ocys affectos interemerint, quemadmodum non ita pridem à Majoribus nostris accepimus de Angina pestilenti, quæ pueros quoque, prima hujus sæculi ætate, adeò vexavit, ut pauci fuerint, qui ab ea evaserint, esto Angina vetustissima ægritudo sit. Hoc idem de sudore Anglico, dysenteria pestilenti, cæterisque morbis epidemiciis dicendum, qui licet Veteribus cogniti, quandoque tamen sunt contagiosi, & mortiferi, ut propterea de illis speciatim agere plerique gravissimi Auctores constituerint. Verùm mitiùs quandoque, quandoque crudelius grassantur quorundam morborum genera, quoniam, ut antea animadversum, non eodem semper modo sanguis inficitur, nec semper eandem agendi, ac procedendi vim deleteria in illo concepta lues exserit ob variam causarum dispositionem, coitionem, & efficaciam. Atque hinc Variolas ipsas, & Morbillos una tempestate omninò mortiferos, pestilentesque observamus; alia verò mitissimos, & unde quaque salutare.

Cum Variolæ, aut Morbilli erumpunt, cohibendi non sunt, sed omnino studio promovendi medicamentis diaphoreticis adjuvantibus, & sanguinem à compage maligna exuentibus, non tamen adeò, ut exsolvant plus justo

justo, & par tim illius vivificam dissipent. Quamobrem in Aere moderate calido patientes detineantur, parcè alantur, & si fortè lac suxerint, nullis aliis ciborum generibus infarciuntur, quoniam si in cæteris omnibus moderata diætâ semper juvat, in his potissimum omnino necessaria est: alvus nequaquam solvatur, nam lubrica perniciofa esse solet; oculi solum foveantur virentibus frondibus absynthii, vel rutæ, aut etiam sæpius perfricentur smaragdo, crystallo, aliisque similibus, ne ab eruptione variolarum visu deficiant, aut aliter vitientur. Quod si variolæ non promptè prodeant, sed in eruptione cunctentur, fortassè quia fermentum crassius est; nec tam facilè subactus fermentatione sanguis ab inutilibus portionibus extricatur, vel etiam pori Cutis arctiores sunt, quâ tenacitas fermenti febrilis exigit, tunc sudorifica locum habebunt, & simul alexipharmaca roborantia; in adultioribus quidem Bezoardicum Minerale, vel Joviale, Antimonium diaphoreticum, Elixir proprietatis, & magnanimitatis, Spiritus salis ammoniaci dulcis redditus, idque genus alia; in tenerioribus verò confectio alkermes, pulvis Viperarum, & Cornu Cervi, Aqua theriacalis Petri Salii, & Cardui benedicti. Neque verò his adeò indiscriminatim utendum, ut postquam eruperint, & maturitati subjectæ fuerint, adhuc exhibenda sint; cum in posterum satis sit patientem pannis coopertum detinere, & convenienti victus regimine uti. Falluntur autem, qui in apparitione Variolarum frigorificis ex adverso insistant, ad reprimendum febris æstum; hinc enim cohibetur fermentatio tantopere in ipsis necessaria, & impeditur critica Variolarum eruptio, non sine manifesto vi-

tæ periculo. Juvabit ergo pro re nata, summa prudentia uti, & modò efficacioribus, modò levioribus criticam hanc ad Cutim depositionem promovere, si tarda videatur; quandoque verò totum opus Naturæ committere, cum scilicet res ipsa bene processerit, documento Hippocratis *Apb. 20. primi*. Hac etenim ratione auxiliares manus Naturæ imbecilli præstabimus, cum se sola fuerit impotens, nec tamen eidem salubriter operanti calcar in præcipitium addemus; quandoquidem fermentationes istiusmodi facillimè definire possunt in totius sanguinis exolutionem, & ægrotantis interitum.

Ad strumas, seu serophulas Hollerius commendat folia cupressi austero vino conspersa, & contusa, donec in unum corpus coeant, ad formam Cataplasmatidis applicata. Linimentum conficit Zacutus ex radice Bryoniæ cum Terebinthina, & Cera, illudque mirabile deprædicat. Pinguedo serpentum à plerisque commendatur, & à Severino nostro emplastrum de baccis lauri oleo chameælino malassatum. Internè verò prodesse feruntur, Radix serophulariæ in pulverem redacta, cinis spongiarum, & pulvis ad strumas compositus Helmontio, atque arcanum duplicatum Mynsichti.

Ad Verrucas efficax dicitur sanguis Talpæ recens, & calidus: Cinis rorismarini, & corticis falicis ex Matthiolo: Chelidonis majoris folia contusa, ex Zacuto: & Lunæ radii per vitrum ustiorum collecti ex Helmontio *Tr. Form. ort. n. 55. & tract. Magnum oportet n. 29.*

Ad lumbricos summè valet spiritus vini umbilico infusus inperso mox pulvere Myrrhæ. Internè verò aqua, in qua Mercurius crudus ebullierit ex Helmontio, Riverius confi-

cit pilulam ex Mercurio dulci ad gr. iii. cum gr. vi. diagridii vapores sulphuris correcti, atque modico conditura rosarum persicarum excepti ad formam boli, si tamen patiens a dulcior sit. Parat alium Hartmannus ex Mercurio crudo saliva humana, vel acido citrii mortificato ad gr. xx. cui addit bezoini gr. ii. cum modico ejusdem conditura rosarum. Mirum enim quam Vermibus Mercurius sit infestus.

APHORISMUS XXVII.

Grandioribus autem, & jam accedentibus ad pubertatem plurima ex his, & febres diurne magis, & ex naribus profluvia sanguinis.

Grandiores, & accedentes ad pubertatem intelliguntur, qui decimum quartum annum attingunt, cum scilicet pubescere incipiunt, & semen emittere, quamvis ex Galeno, & ante, & post hoc tempus pubertas possit inchoare, pro varia carnis firmitudine, & virium robore. His quoque plurimæ ex enarratis præcedentium ætatum ægritudinibus non dissimiliter accidunt, sed præterea febres diurnæ, & ex naribus profluvia sanguinis: Febres quidem diurnæ ob majorem crudorum succorum copiam, quoniam, ut dictum voraces pueri cruditates facile incurrunt; unde febres, alique morbi durationem diurnam adipiscuntur. Sed & non raro in graves, longasque febres incidunt ex ea, quæ per seminis effusionem molestior admodum esse solet, causa, quippe per hanc ætatem ad Venerem acti innumeras lubeunt calamitates, & mille patiuntur incommoda, sive quod abstineant, sive quod illa im-

penius abutantur, ut fileam, quas ex diversis, ac repentinis animi pathematibus sufferunt alterationes. Ad hanc fortasse classem revocandæ erunt, quæ febres in scemellis Chlores, & in maribus Eroticæ appellantur, ad Tabem perducenres. Profluvia verò sanguinis è naribus, non quidem ex eo, quod abundantius generetur, ut benè notat in comm. Galenus, adversus eos, qui stultè putant Naturam in superfluis quandoque abundare, & sanguinem affluentius progignere, sed quia per hoc tempus minus ex ipso absumitur, & tenuior, vividior, acriorque sit, utpote qui per ætates sensim permutatur, quamobrem faciliè potest exiles narium arteriolas, ac venu-las referare, & hæmorrhagias inferre.

APHORISMUS XXVIII.

Plurimi autem morbi puerulis judicantur, nonnulli quidem in quadraginta diebus, nonnulli in septem mensibus, nonnulli verò in annis septem; quidam verò jam ad pubem accedentibus. Qui verò permanserint, nec in pubertate finierint, puerulis, aut sceminis, cum menstrua erumpunt, consensescere consueverunt.

Mirum sanè videri debet, quam anxii sint Interpretes in per-vestiganda Hippocratis mente, num de acutis, an verò de chronicis ægritudinibus hunc scripserit Aphorismum. Et Galenus aut de diurnis morbis prolatus, inquit, aut imperfectum sermonem esse; atque ad eò omnino vult legendum: *Plurimi autem pueris diurni morbi judicantur*. In quam eandem sententiam reliqui ferè omnes Expositores con-

concefferunt. At Cardanus non semel Galeno conviciatus, hic speciatim illum ignavia notat, existimans implicitè diuturnos comprehendi sub græca voce *Παθία*, qua hoc loco Hippocrates usus est. Verùm frustra apud Medicos hæc agitari putaverim, si acutos morbos non rarò protrahi, & in chronicos desinere observamus: sic non rarò tertianæ febres, & ardentes, ut & malignæ acutissimæ, sensim solent mitescere, & in longius tempus ægrotantes affligere, in alias, aliasque ægritudines commutata. Ita quoque Pleuritides acutæ cateroqui transeunt in Empyemata: Apoplexiæ in Paralysis: Phrenitides in Insanias, & Melancholias: Dysenterix in Tenesmos: ut propterea passim experiamur quosdam morbos ab initio esse omninò acutos, procedente mox tempore produci, & chronicos, annuos, ac consenescentes fieri, permutata conditione, causa, parte affecta, aliave simili circumstantia eorum, quæ morbis consociantur. Non immeritò igitur Hippocrates indiscriminatim morbos hic retulit, scilicet ut acutos simul, & chronicos comprehenderet; cujus rei non leve videtur esse argumentum, quod idem in Aphorismo apposuit, nonnullos scilicet morbos judicari in quadraginta diebus, qui extremum acutis terminum constituunt. Profectò æstimabilius est, quod idem Cardanus animadvertit, Menses, & Annos hoc loco memoratos, non à morbi initio, sed à nativitate ipsa puerorum, esse numerandos, ductus ejusdem Hippocratis autoritate, cui & Celsum adhærere interpretatur. Ipsum quoque videntur indicare verba illa; *quidam verò iam ad pubem accedentibus; qui verò permanferint, nec in pubertate fi-*

nierint; aut cum menstrua erumpunt. Quæ sanè ad ætates puerorum, non ad morborum tempora referri possunt.

Sensus itaque Aphorismi est, morbos in Pueris terminum, aut remissionem sortiri ab ipsa ætatum mutatione: cumque hæc mutationem subeant plerumque in septenariis, idcirco de his mentionem faciens Hippocrates dixit, *in septem mensibus; in septem annis:* finem in illis designans ab ætate, non autem à temporibus morborum, aut à criticis diebus. Quod si diù perstiterint, atque ultra pubertatem perduraverint, adhuc erumpentibus menstruis in fœminis, & postquam ex ephebis excefferunt, in maribus, proculdubio inveterascunt, & cum ægris ipsis consenescent; undè idem Hippocrates 5. aphor. 7. *Quibuscumque, ait, morbi comitiales fiunt, ante pubertatem mutationem accipiunt; quibuscumque autem vigesimo quinto, ferè commoriuntur.*

Ratio horum desumenda est ex sanguinis, aliorumque humorum, successu temporis, mutatione; unde Crasis, & constitutio Corporis variat, atque per meliorem excrementorum repurgationem, viarum laxitatem, viscerum vim, & efficaciam, universa Corporis æconomia in salubriorem statum perducitur. Alibi autem à Nobis est ostensum, sanguinem procedente tempore sensim permuari, utubi primum dulcissimum, & multò glutine satur est, in pueritia mox attenuatur, & portione vivifica fit prævalentior; deinde verò in pubertate, & adolescentia adhuc floridior, minusque austifica parte præditus observatur, atque in Juvenibus & tenuior, & vegetior, acriorque; in Viris tandem, ac Senibus magis, magisque effe-

tus,

rus, vapidus, & postremo acidus, & adeo exsolutus, ut vitæ tuendæ omnino inutilis evadat. Sic prope-modum Mustum ubi ex uvis recens est expressum, dulcissimum, glutinosumque est, & spiritibus vacuum; mox verò intumescit, & fervet; ubi autem efferbuerit, clarescit, & sensim, deposita sæpe tartarea, vigorem erit, atque in perfectissimum, robustissimumque Vinum evadit. Si autem, exagitationibus, æstu, flatibus austrinis, aliisque, potissimum verò temporis diurnitate, evaporet, & evanescent, exolvitur, ac lubidè acefcit, aut fugit. Porro hæc omnia sanguini contingunt per ætates, & unasimul visceribus cunctis, quibus veluti colis traicitur, ac repurgatur: siquidem decurrentibus annis ipsa quoque firmantur, obdurescunt, amplificantur. At quis unquam ejusmodi in partibus Corporis mutationes per ætates inficiabitur, cum dentium casus, vocis mutatio, menstruorum, & seminis profusio, pilorum eruptio, cutis corrugatio, calvitium, canities, & alia plura id manifestissimè attestentur.

At verò verbum illud *iudicantur*, non ita accipiendum videtur, ut semper in salutem pueriles morbos desinere credendum sit, cum & non raro in iisdem temporibus, ut Celsus advertit, maximè pueri periclitentur; quamobrem & malè, & bene eos per ejusmodi tēpora terminari, pro varia eorumundem conditione, intelligamus. Cæterum quandocumq; pubertatem exceßerint, atque à seminis, aut menstruorum eruptione minimè desierint, difficilem exitum plerumque nanciscuntur, aut etiam consenscunt.

APHORISMUS XXIX.

Juvenibus autem sanguinis spuitiones, tabes, febres acutæ, morbus comitialis, & alii, sed præcipue antedicti.

AD morbos Juventutis pergens Hippocrates, cum visus sit prætermisisse eos, qui ad Adolescentiam pertinerent, statim à Galeno arguitur oblivionis. Sed neque hujus solum, verum etiam quod nec satis plenè de morbis acutis dixerit, immò tertianas maximè, & febres ardentes omiserit; contra verò adjecerit morbum comitalem, qui potius puerilis est, & ætatum mutatione sanatur. Denique Tabes, & sanguinis spuitiones non ætatis ratione, sed ex accidenti Juvenibus evenire contendit. Unde concludit: *Quare melius fuerat ita scribere Aphorismum: juvenibus autem eveniunt prope omnes alii morbi, quos diximus aliis accidere ætatibus, sed præcipue ardores, & tertianæ febres.*

Verum non temere is arguendus. Ad primum enim, quamvis non desint, qui pro Juvenibus Adolescentes interpretentur, licebit nihilominus vocem Juvenum ex græco codice congruentius retinere. Neque deinde ætatem Adolescentiæ prætermisit, cum eam ad Pubertatem antea retulerit, quemadmodum Heurnius quoque existimat: Puberes enim, & Adolescentes in idem omnino tempus conveniunt, atque ab anno quarto-decimo ad vigesimum primum, vel vigesimum quintum extenduntur.

Sanguinis spuitiones intelliguntur, quæ ex gingivis, ore, faucibus, vel quæ ex aspera Arteria, & Pulmone emanant; quoniam per hanc ætatem sanguis tenuior, & a-

crior redditus facile illarum partium arteriolas, & venulas referare, aut erodere potest, præsertim autem cum organa spiritus tum amplificentur, unde Vox gravior, & Respiratio crebrior, ac latior motus Cordis, & sanguis longe citatior observatur.

Tabes, seu Phthises, consequuntur spuitiones sanguinis: nam ex sanguinis sputo, puris sputum, ex puris sputo phthisis, 7. aphor. 15. & 16. Possunt quoque Tabes Juvenibus accidere ab acriori, tenuiori; sanguine, qui sensim sua portione aëtica exutus nutriendis partibus inidoneus efficiatur, unde postmodum totius Corporis extenuatio. Quod autem Galenus ex accidenti solum sputa sanguinis, & phthises his evenire crediderit, aut quia vulnerantur, aut quia franguntur, aut saluant, aut clamant vehementius, vel quia refrigerantur, aut humi subant, aut replentur, aut propter aliquam ejusmodi causam; licet verum quoque sit, non tamen huic dumtaxat ætati ab ejusmodi causis spuitiones accidere poterunt, sed cunctis propemodum, potissimum verò ætati puerili, quæ imperita, & inexperta magis, his omnibus ultrò se subiicit.

Febribus acutis Juvenes quacunque ex causa corripuntur, quoniam in illis sanguis acrior, & volatilis, copiosior. felleum humorem cumulat, & in cysti deponit, unde acutos morbos fieri apud Medicos in confesso est; quin eadem acritate, & volatili conditione, facillimè fermentationi, atque acutis, & brevibus ægritudinibus subiicitur; unde idem Hippocrates 1. Aphor. 14. *Senes dixit acutis morbis non corripì, quia frigidum est illorum Corpus;* Juvenes verò nupote calidissimos præ-

cæteris promptius affici. Sub his autem acutis febribus, & tertianis, & ardentes, aliaque similes ægritudines tacite is comprehensas voluit, quicquid Galenus obgarriat.

Morbus comitialis licet puerilis dicatur, & plerumque pueros afficiat, non hinc tamen cæteris quoque ætatibus contingere non posse fatendum, & præsertim juventuti, de qua speciatim scribit idem Hippocrates lib. de morbo sacro: Si post vigesimum quintum annum morbo sacro homines corripiantur, non sanari: quod etiam repetit Aphor. 5. 1. 7. quocirca posse etiam hoc morbo Juvenes infestari, clarissimè demonstrat. Distinguenda autem est duplex Epilepsia, altera quidem Idiopathica vitio Cerebri indulta; altera Sympathica ab affectis aliis visceribus, præsertim Ventriculo, & Utero: Modò licet Epilepsia proximam Cerebri læsione insequens Pueris magis sit familiaris, & mutatione ætatum sæpissimè sanetur, quæ tamen à consentientibus hypochondriis, Ventriculo, & Utero fit, procul dubio Juvenes torquere poterit, quibus scilicet oris amarities, & acida cruditas, nausea, vomitus, atque inde vertigo, & insultationes epileptiæ frequentissimè contingunt.

Denique, cum inquit, & alii, sed præcipuè antedicti, præter enarratos intelligit plures alios morbos posse Juvenes invadere, qui nimium vel affinitate temperiei ipsis congruunt, vel sanguinis, aliorumque humorum acritate promanant, vel à cruditatibus, & intemperantiis exoriuntur, vel denique in feminis à menstruorum suppressione, atque hystericiis affectionibus originem ducunt, adeoque cæteris ætatibus pro ratione communes esse solent.

lent. Hinc non est, cur Galenus tam malè de Hippocrate sentiat, & Aphorismum hunc prævertat, quippe qui peculiare solum tradidit, alios implicite sub his contentos, tacite subintelligendos voluit; communes denique veluti in aliis Aphorismis memoratos, non sine ratione prætermisit.

APHORISMUS XXX.

Ultrà hanc ætatem progressis Asthma, morbi laterales, pulmonis inflammationes, lethargi, phrenitides, ardentes febres, diuturna profluvia, cholera, difficultates, & levitates Intestinorum, hæmorrhoides.

ULtrà hanc ætatem progressi communi voto exponuntur Viri, & ad ætatem consistentem perducti, à quinto circiter septenario ad septimum, vel octavum, aut paulò post, pro Corporum valetudine. His ergo plurimos, quoque morbos accidere asserit hoc Aphorismo Hippocrates, sed præcipuè in sanguine, cæterisque liquoribus mutationem, atque variatam in visceribus texturam insequentem, à quibus ætates hominum mutari alibi à nobis ostensum est.

Et quidem Asthma, seu creber anhælitus, illis fiet ab humoribus crassiss, & glutinosiori lymphæ è sanguine secreta, quæ faciliè pulmonibus hæreat, & si fortasse acorem contrahat, & sanguinem pari vitio affectum præsignet, etiam pleuritidem, & peripneumoniam minetur, aliosve dolores, tumoresque, lateribus, & musculis respirationi inferventibus infensos.

Pari modo lethargi orientur, & phrenitides, si lymphici humores,

aut sanguis ipse, per Cerebri meatus excurrentes, acido concreti, vel glutinosa portione plus iusto repleti, in meningibus, & plexibus, in Cerebri cortice, aut alibi remorantes, indebitæ fermentationi subiciantur, & quamdam veluti phlogosim inferant. Neque solum hæc Cerebri affectiones in ætate virili constitutos pati posse credere licebit, sed etiam deliria melancholica, Ecstasæ, Catalepses, aliasque ægri tudines capitis ab acidis succis, aut halitibus dependentes.

Ardentes febres Juvenibus familiares, Viris quoque evenire posse inter initia saltem consistentis ætatis, ob utriusque analogiam, eadem ratione faciliè deduci potest: sanguis enim promptè in urisque fermentescit, & in ætate virili ob cutis densitatem ab impedita quadantenus perspiratione, cuicumque alterationi citius subicitur; unde febres ardentes, & acutæ. Quamquam non raro etiam acore infectus sanguis hæere solet in apicibus arteriarum, qui propterea febres excitat vehementissimas, & quandoque etiam mali moris, ut aliàs in tractatu de febribus adnotavimus.

Diuturna profluvia, specialius per alvum fiunt, ab humorum acritudine, à mala ciborum digestionem, & à confluxu aliorum succorum è cæteris partibus Corporis sensim languentibus.

His addit choleras, idest immodicas, subitæque per os, & alvum diversorum succorum evacuationes propter depravatos Ventericuli, & Intestinorum dissolventes succos, qui si deorsum solummodo ferantur, in erodentes, lancinantæque degenerati, molestas admodum dysenterias; in dilutos verò, ab acido corrupto, & effec-

to, ad chylosim inepto, lenterias excitabunt.

Hæmorrhoides demùm virilem ætatem peculiariùs comitantur: in ea enim sanguis acore magis inficitur, promptiusque hæret, unde nequit tam liberè remeare. Potissimum autem Lienem, & Mesenterium afficit, è quibus Arteriæ Splenicæ, & Mesentericæ in alvum deductæ hæmorrhoidales efformant, sanguinem sæpissimè fundentes, ab ejusdem ibidem concreti vitio. Per hanc eandem ætatem varices etiam fieri solent non dissimili ex causa progenitæ, à decubitu scilicet sanguinis sæculenti, & acidi, alicubi stagnantis.

Cæterùm his, qui in præfatas ægritudines lapsi fecerint, opitulabimur medicamentis partim acorem in humoribus valentibus infringere, & emendare, cujus præcipuè generis sunt, quæ ex chalybe, & alkalicis conficiuntur, partim etiam specificam virtute unicuique sigillatim occurrentibus, de quibus fusè egimus in Praxi.

APHORISMUS XXXI.

*Senibus Spirandi difficultates, de-
ffillationes cum tussi, urina stil-
licidia, & difficultates, articulo-
rum dolores, & Renum, Verti-
gines, Apoplexiæ, habitus Cor-
poris depravatio, pruritus totius
Corporis, vigilie; alvi, oculo-
rum, & narium humiditates;
visus obtusus, glaucescences, au-
ditus graves.*

Claudat postremò hunc Tertium Aphorismorum Librum Hippocrates ægritudinibus, quæ senectutem potissimum solent infestare: principales autem ex innumeris

hic recenset, quippe nedùm istæ, sed complures aliæ per eam ætatem vagari solent. Quam autem senectutem is proprie voluerit intelligendam, dubitari hoc loco solet; Siquidem Hippocrates senilem ætatem in tres alias distinguere consuevit, crudam scilicet senectutem, mediam, & decrepitam. Verumtamen cum nullam ejusmodi distinctionem hic fecerit, sanè videtur, omnes voluisse comprehendere, quamvis ultimæ ægritudines in Aphorismo recensitæ potius ad maturam, quàm ad crudam pertineant, cum nonnisi extremam viscerum, & sensuum labefactionem, ac virium languorem consequantur. Hanc eandem sententiam ita vertit Celsus lib. 2. cap. 1. *In senectute spiritus, & urine difficultas, gravedo, articulorum, & renum dolores, nervorum resolutiones, malus Corporis habitus, nocturnæ vigilie, vitia longiora aurium, oculorum, etiam narium, præcipueque soluta alvus, & quæ sequuntur hanc tormina, vellevitas intestinorum, ceteraque fusi ventris mala.* Ubi Senectutem voce quoque generaliiori usurpavit.

Memoratæ hic spirandi difficultates differunt à præcedentibus, quæ antè aliis ætatibus sunt adscriptæ; quoniam Senes difficilem respirationem à languore potius subeunt: Siquidem, ut rectè monuit Plato in *Timeo*, non semper ab affecto pulmone, atque hærentibus ibidem crassis succis, difficultas respirationis proficiscitur, sed non rarò etiam ab impotentia thoracis, & musculorum intercostalium, ac diaphragmatis, veluti Senibus accidit. Quamquam & laxitas pulmonis, & succorum ibidem concretescentium pondus idipsum quoque sæpè sæpiùs efficiunt, utrâque eadem ætati familiaria; quamobrem

mobrem adjectum est in Aphorismo *deffillationes cum tussi*, quæ infarctum pulmonem denunciant: enim verò ingravescente etate cuncta penè viscera imbecilliora fiunt, sanguis hebescit, & lenti, viscosique succi plurimi ubique cumulantur, præsertim in partibus sua natura laxioribus. Sed & Senum Corpora nec bene, ne faciliè perspirant, quapropter plurima pars eorum, quæ insensibiliter transpirare debent, interius detenta, viscera, & sanguinem inficit, unde omnis generis catarrhi.

Cùm autem succi isti ad Renes, & Vesicam confluunt, nedum serum urinarium depravant, sed etiam ductus ipsos obstruunt, atque varias in ipsis ægitudines adducunt, præsertim verò Strangurias, & Dysurias: Hæ namque fiunt potissimum in Senibus à viscosis, acidisque succis, qui vel urinæ exitum interdicentes, vel urinam ipsam reddentes acriorem; mixturi non levem molestiam afferunt, & non rarò in calculos, arenulasque conversi, gravando, aut vellicando, vehementer sphincterem musculum excruciant: hic autem eo gravius afficitur, & laceffitur, quo Vesicæ habitudo ad propulsionem impotentior evaserit, ob senilis ætatis imbecillitatem.

Iisdem omninò de causis contingunt dolores Articulorum, ut propterea qui humores ad vias urinæ præfatas afferunt affectiones, in artus delati pariunt arthritides, unde congeneres ejusmodi ægitudines experimur, atque iisdem penè medicamentorum generibus curari. Quoniam verò serosiores plerumque humores, aut egeruntur, aut promptius dissantur, crassioribus detentis, proinde fit, ut hi in artubus topophos, in Renibus, & Vesica,

Tozzi Op. Med. Tom. II.

calculos prægnant, atque in aliis, aliisque partibus stagnantes, alias, aliasque inferant gravissimas affectiones, & in Cerebro quidem Vertigines. Apoplexias, mentisque hebetudines, obstructis nimirum vasibus, in quibus liquor nervorum à sanguine secernitur; in visceribus imi Ventris Oppilationes, Hydropes, tumores; in oculis glaucedinem, & visum obtusum; in auribus surditatem, atque alibi alias propemodum infinitas.

Neque verò solùm quibuscumque in partibus peculiare morbi contingunt, sed etiam toti penè Corpori, per cachexiam, seu depravatum habitum, ob malam ejusdem nutritionem, tum propter vitiatum in sanguine alimentum, tum propter defectum viscerum malè transmutantium, repurgantiumque alibilem Corporis substantiam: equidem hæc omnia perperam aguntur in etate senili, cùm & facultates, & spiritus, ac fermenta viscerum sensim, sensimque deficiant, ex alibi probatis.

Quoniam autem serum, lymphæ, cæteri que liquores, atque fermenta potissimum glandularum per ultimas ætates spontè sua acorem contrahunt, & cum alicubi detinentur diutius, quàm par sit, etiam muratica, austeraque faldedine inficiuntur, idcirco sæpissimè quoque accidit, ut Senes acido-salis ichoribus abundent, qui detentis fuliginibus ex mala transpiratione committi, longè pejores, molestioresque fiunt; unde postmodum pruritus, pustulæ, & non rarò etiam ulcuscula illis accidunt per universam ferè cutem dispersa. Atque hinc planè evenit, cur tantopere senectus de totius Corporis æstu conqueratur, qui falsò à vulgaribus Medicis calidæ Jecoris intemperiei solet adscribi, cùm ta-

F men

men per juventutem nullus viguerit .

Adhuc etiam vigiles admodum sunt Senes: iis enim Cerebrum plurimum exarescit, & liquor ille tum ipsi, tum nervis irrorandis additus, vel multum deficit, vel à naturali, convenientique humefactione desciscit; & quamvis Senes pituitosis scateant humoribus, hi tamen ad somnum conciliandum utiles non sunt, immò si quandoque Cerebrum impingant, gravando, atque obstruendo, potius soporem, atque Apoplexiam inferunt; atqui ros ille somno conciliando peropportunos, lenis, placidus, blandusque esse debet, quo scilicet Pueri potissimum abundant; unde fit, ut somno præ cæteris indulgeant. Sed & senectus curarum plena est, quibus plerumque anxii, ac solliciti, exsomnes fiunt, cum alioqui somnus requies animorum appelletur ab Homero .

Ex oculis præterea, naribusque Senum solet plurimus excrementosus humor extillare, nam illorum Cerebrum multis perpetuò scatet inutilibus succis ex effæto sanguine, ejusque sero, & lymphâ abundantiori, depositis, qui si fortassè detineantur præfatos morbos Capitis afferunt; si verò per consuetos ductus deferantur, & oculos, & nares plus justo humentes efficiunt, immò in os confluentes sputa multiplicant, & labia salivosa reddunt. Iisdem quoque incommodis Ventriculus afficitur, plerumque ex mala ciborum confectione, quandoque etiam ex illapsu consimilium succorum in glandulas, & meatus intestinorum; unde alvus lubricior evadit .

At verò nunquam ferè non obnoxii sunt Senes visus hebetudini, cum rari admodum sint, qui per eam æ-

tatem videndi acie præpollcant; verumtamen haudquaquam solo languore, aut spirituum inopia, ut plerisque est creditum, sed potius humorum, aut tunicarum crassitie, vel extenuatione, situ, figura, & structura oculi per ætatem evariata, ut aliàs à nobis est ostensum. Cum autem Visus hebetudo triplex observetur, aut in remotis solum, aut in proximis objectis corporibus, aut in utrisque hinc prima dicitur Myopia, secunda Presbytia, tertia Amblyopia . Et quidem Myopes propius admodum cernunt, remota vel nullatenus, vel confusè admodum: atque hoc vitii genus familiare potius est Juvenibus, unde ingravescente ætate sæpenumero corrigitur. Presbyta verò remotiora distinctè, proximiora confusè vident, cujusmodi sunt Senes. Amblyopes tandem tum ad proxima, tum ad remota deficiunt. Hinc autem liquet nequaquam ad spirituum copiam, vel inopiam, robur, aut languorem, visionis vitia esse referenda, quippe imbecilli Senes si proxima cernere nequeunt, multò minus remota discernent; & robusti Juvenes non tam exigenter, ut objecta forent oculis admodum. Accidit ergo ejusmodi visus hebetudines à vitiata tunicarum, humorumque structura, ac dispositione: Etenim in prioribus videndi vitiis Crystallinus humor non habet à Retinâ justam distantiam, sed vel ad eandem propius accedit, ut in Presbytiis, vel ab illa longius recedit, ut in Myopiis; quamobrem conspiciendorum ope plurimum adjuvatur alteruter in his videndi defectus; nam in Presbytiis Crystallus in lenticularem formam redacta, seu convexa; in Myopiis verò concava oculos juvat, sive ad proximiora, sive ad remotiora

conspicienda. Porro hæc vel formatione, vel assuetudine, vel sola ætatum mutatione contingere solent, cum sensim humores, & tunica oculorum ejusmodi permutationes in situ, ac dispositione, à naturali, debitaque constitutione, plerumque subeant.

Tertia denique hebetudinis species, tum ad proxima, tum ad remota objecta prospicienda, quandoque vitium sequitur illius tunica, quæ Cornea appellatur, fortè quia convenienti pelluciditate caret, sed vel crassior, vel rugosior, aliterve affecta, evadit opaca: aliquando ab humore Aqueo, Vitreo, vel Crystallino oritur, qui alieno, atque impuro humore maculatus lumen non benè admittit, ac excipit, nec ad Retinam clarè traiecit. Nonnunquam etiam in Retina ipsa, quæ simulacra rerum debet excipere, vitium latet, & distinctæ visioni redditur inutilis.

Glaucedo pariter Senum oculis sæpissimè accidit, cum humores, præsertim Crystallinus, crassescunt, & densiores fiunt, ut luminis in ipsos incidentis refractione à debita ratione variet, & glaucus color, cæsius, ac cæruleus, qualis Noctuarum, in oculis observetur. Evenit autem hoc vitium in persenum oculis, exarescentibus quodammodo humoribus, aqueo, & crystallino, ipsa sensim occidente senectute.

Tandem verò cum sensus omnes in Senibus hebescant, tum potissimum Auditus fit gravior; quin & Memoria, ac Mens ipsa in occidua illa æ-

tate paulatim deficit.

Senilibus autem istiusmodi ægritudinibus, quoad ipsa ætas ferre poterit, bono potius victus regimine, quàm muleis, & inutilibus medicamentis, occurrere debemus. Et quidem Cachexiam in ipsis moderabimur aromatatum usu, atque ex his concinnatis elixiribus, julapiis, tincturis, spiritibus, & aquis, ut est julapium Vitale, Aqua vitæ Matthioli, Tinctura alkermes, Vinum aromaticum, Aroma philosophorum, Oleum cinnamomi, Electuarium è nucleis pineis, & è baccis juniperi compositum, atque id genus alia.

Pruritus Corporis ab effæcto sanguine in acorem vergente inductus exquiret quoque medicamenta, quæ sanguinem ipsum repurgent, atque edulcent, superius recensita; cumque ab impedita in Senibus perspiratione pruritus hic eveniat, conferent propterea una simul leves perfrictiones cum pannis excalefactis, & aqua ardente irroratis, vel cum aquis thermalibus, potissimum quæ sulphuream, & nitrosalsam referunt conditionem.

Alvus humida in Senibus, potius optimo victu, quàm remediis curabitur.

Ad Oculorum tandem, & Narium defluxiones, si quæ præscribenda sunt, Ventriculum, & Caput roborant, ac sensus ipsos foveant, & accuant, qualia ex rore marino, succino, caryophyllis, cinnamomo, aliisque volanti alkali præditis, parantur, ut alias à nobis est notatum.

LUCAE TOZZI

In Quartum librum Aphorismorum

HIPPOCRATIS COMMENTARIA.

APHORISMUS I.

Uterogredientes sunt medicanda, si materia turget; quarto mense; & usque ad septimum, sed haec minus: à juniore autem fœtu, & seniore abstinere oportet.



Quandoquidem Hippocrates in hoc libro per plures Aphorismos de recta purgantium medicamento- rum ratione in egrotantibus verba faciat, initium ducit ab utero gerentibus, morbo affectis, cujus causa purgatio instituenda videatur; atque eas docet purgante medicamento tractari posse, si tamen materia turgeat, à quarto mense usque ad septimum; has autem minus; in cæteris verò omnino abstinere oportere. Videtur itaque Aphorismus tria universim comprehendere: morbos nimirum, in quibus gravidæ purgare conveniat: tempus item opportunum, minusque periculosum ejuscemodi evacuationis: mox etiam tempora graviditatis lubriciora, adeoque cavenda.

Et quidem Cathartici medicamenti gravidæ non esse commovendas, nisi gravi, & acuto morbo afficiantur, nemo unquam in du-

bium vertere ausus est, cum subinde maximum tum ipsis, tum conceptis fœtibus detrimentum sit adfuturum ab abortu, qui à purgante medicamento procul dubio sequeretur, & quòd humores innoxios educeret; & quòd sanguinem, aliofque liquores funderet, atque alibilem succum perturbaret; & quòd Uterum, cæteraque Viscera naturalia laceffendo purium concuteret, & contorqueret, adeòut existimaverit Averroes omnem medicinam solutivam Utero nocuam esse, ut quæ per ejusdem ductus, ac per meatus urinarios, vitiolos humores etiam promoveat.

Catharticis itaque tunc solum utero gerentes subiiciunt, cum acuto, gravique morbo corripuntur, ac præterea peccans humor, illius causa, efferus est, & motu irrequietus, sive, ut loquitur Hippocrates, turget, desumpto vocabulo ab Animalibus ad coitum concitatis. Cujus rationem tum hic, tum alibi, & *comm. 10. hujus libri*, attulit Galenus. Nam cum, is inquit, *superabundantes humores moventur, & per totum corpus feruntur, nondum in aliqua parte firmati, tunc ad eos expellendos Natura incitatur, & aliquo indiget manum porrigente, & hunc humorum motum ad alvum deducente, priusquam robur*

robur Corporis dissolvatur, vel febris caliditas augeatur, aut ad ali- quod membrum principale decum- bant: it, qui per corpus vagantur humores. Unde tria exigi videntur ad turgentiam in humoribus: indu- cendam, impetus scilicet humorum; & plusquam Natura postulat, in partes irruptio: Robur earundem partium, quæ à seipsis illabentes hu- mores propellant: ac denique Mul- titudo, quæ regi, aut cum reliquis excrementis Corporis sensim simul educi nequeat. Quamobrem turgens materia ex sui copia evacuationem exoptulat, & causa mobilitatis fa- cilem, ac promptam illam pollice- tur; quæ sanè difficillimè succederet, si alicui parti hæreret, & consisteret; neque verò absque manifesto vitæ pe- riculo, si principem partem occupa- ret, aut in uterum decumberet, fœ- tui, & matrisnoxam certissimam al- latura.

Sed quo genere purgantis medica- menti turgentes in utero gerentibus humores educendi sint, gravior vi- detur difficultas. Et Fuchsius in *ex- positione istius Aphorismi* præseribit medicamenta verè purgantia, etiam ex colocynthide, scammonio, tur- petho, idque genus aliis. *Et quam- quam ista medicamenta,* inquit, *vix citrà fœtus noxam sumantur, cum ex Galeno 2. de victu Acutor. comm. 12. purgantium omnium me- dicamentorum natura corporum, que expurgantur; naturis contra- ria; atque deleteria sit; tamen præ- fiat, hunc solum ista ratione legi, quàm ut nullo prorsus dato, & ma- trem, & fœtum de vita periclitari patiamur.*

Verùm communior praxis ab his abstinet, & tutius putat licere uti levioribus, quæ satis sunt educendis humoribus turgentibus, & sponte

Tozzi Op. Med: Tom. III.

sua mobilibus. Atqui abortus peri- culum nedùm à purgantibus medica- menti natura, sed magis imminet ab irritamento, & concussione vehe- menti à catharticis fortioribus indu- cta: Quamobrem & Aloe, & Rha- barbarum quoque vitantur, quo- rum primum vasorum oscilla facilli- mè aperit, & hæmorrhoides exci- tat, alterum verò per vias urinæ hu- mores potenter promovet, ideoque attiguum Uterum facili negotio pro- ritare, & lacerare potest.

De vomitoriis alia potest esse dif- ficultas, num ista in usum purgan- darum uterogredientium duci com- modè queant. Et crediderim posse illa tuto præscribi, si tamen turgens humor Ventriculum petat, illumque ad nauseam disponat, subvertat, atque ad vomendum sollicitet. Eò namque ducendi sunt humores, quò Natura viam affectat, documento ejusdem Hippocratis 1. *aphor. 21.* quin & sæpissimè Uterogredientes spontaneas subire solent vomitiones, quibus à plerisque agritudinibus vel præcaventur, vel vindicantur, qua etiam ratione partum in debitum tempus salubriter protrahunt, alias proculdubio abortituræ. Consentit quoque in id Hippocrates, 5. *epidem. 18.* ubi Uxorem Antimachi gravi- dam bimestrem à dejectorio medica- mento mortuam scribit, eamque vi- vere potuisse, si aquam bibisset, & evomisset.

An præterea tuto quoque purgari possint Uterogredientes, si aliis agri- tudinibus afficiantur, & vitiosi hu- mores minimè turgant, sed potius alicubi consistent? Equidem inficias non iverim, cum vitiosis humor par- tem principem occupat. Quare in Apoplexiis, Convulsionibus, Le- thargis, cæterisque Cerebri affecti- bus soporiferis nemo est, qui non

audacter purgans medicamentum exhibeat gravidis, etiamsi exinde periculum abortus immineat: præstat enim opitulari Matri, ne Mater, & foetus simul periclitetur. In Uteri quoque affectionibus, & cum pravus humor in illum irrui, ne abortus inde sequatur, consueverunt peritiores Practici impetentem humorem interciperi, & leni aliquo cathartico ad alvum deducere.

Quod ad tempus verò magis opportunum ejuscemodi purgationis, statuit Hippocrates medium illud esse Gestationis, nempe à quarto mense usque ad septimum: Et quidem quartus mensis includitur; cum ex græco Codice τετραμήνη quadrimenses interpretentur Fuchsius; & Heurnius; quasi verò ista potissimum purgationem sufferant, quod fetus pervasa Umbilicalia tenaciùs Placentæ, & Utero tunc hæreat, nec tam facile à concutiente cathartico dissocietur. Rectè pariter observat Heurnius quadrimenses foetus intelligendos esse non in spatio temporis, sed in motus inceptione, cum scilicet moveri cœperint; quippe tunc denotant membra cuncta firmiora jam evasisse: at verò foetus in utero moveri incipiunt, si robore præcellant, circa tertium, & quartum mensem; unde idem Hippocrates 1. *epidem. sect. 3. egr. 13.* spontaneas alvi turbationes in trimestri promovit, & quidem salubriter, quocirca gravis illa à febre decimaquarta die iudicata est. De septimo autem mense major est difficultas. Putat Brasavolus etiam ab Hippocrate comprehendi. At excludendum arbitrat Fuchsius, quod Hippocrates dixerit *usque ad septimum*: si enim, inquit, hunc excludere noluisse, profectò dixisset ad octavum usque: at verò octavus mensis periculosissimus est,

& septimus non rarò partu indicatur. Verum adjecta verba, *sed be minùs*, manifestè declarant etiam septimum voluisse includi, non tamen adeò tutum esse, veluti sextus, quintus, & quartus mensis, ut propter quod uteri gestatio septimum propius attigerit, eò periculosior purgatio existimetur. Multum autem hic tribuendum est solertiz Medici, qui pro ratione Morbi, ejusque causæ, atque ægrotantis gravidæ constitutione, septimestrem catharsin subiciet, vel eximet.

Postremò à juniore, & seniore factu abstinere oportere, hoc est omnino catharsim cavere, necessum esse, in primis, & ultimis mensibus graviditatis, admonet Hippocrates, ex evidenti abortus, & vitæ periculo, tum Matris, tum Infantis; quoniam ex Galeno *in comm. Petuum connexion cum Vtero eandem habent proportionem, quam fructus cum plantis*. Hi siquidem in prima generatione debilioribus pediculis continentur, & ideo faciliè decidunt, quando vehementer ventus ipsos concussit; postea verò aucti difficilè habent à plantis dissolutionem: sicuti rursus cum perfecti sunt, sponte sua sine vi extrinseca decidunt. Eodem modo & conceptus, in primo quidem tempore seminis injectionis, si aliquandò saltare contigerit mulierem, aut in lubrico cadere, sive quovis alio modo, vel secundum animam, vel secundum corpus moveri vehementius, facillimè dirumpuntur; sic etiam quando jam perfecti sunt: tempore verò intermedio, firmiorem habent coalitum; quare mulier utero gerens potest fortiores motus sustinere, sine foetus offensione. Hactenus Galenus. Hinc modò plenè constat, cur media tempora veluti ad purgandum tutiora per-

mittantur; prohibeantur verò priora, & posteriora, tanquam periculosiora.

Illud tamen hic superesset examinandum, quo pacto, quoque coalitu adhærescat fœtus Utero materno; unde alimentum, & vitam mutatur. At quoniam id à Nobis luculenter est ostensum in priori nostræ Medicinæ parte Theoretica, idcirco libenter illuc philologos remittimus.

APHORISMUS II

In Medicationibus talia educere è Corpore, qualia sponte prodeunt, utile. Quæ verò contrario modo prodeunt, cohibere oportet.

QUod aliàs *Aphor. 2. lib. 1.* de quacumque evacuatione sponte naturæ promota scripserat, nunc de sola purgatione, quæ Cathartici auxilio ab Arte peragitur, sermonem habet, atque inquit, in artificialibus purgationibus talia è Corpore esse educenda, qualia si sponte, & ultro prodirent, egererentur; at contra, cohibenda esse, si alia ab his, quæ peccant, prodeant. Quare consulit hoc Aphorismo Hippocrates Medicos in Catharticis Naturam imitatuos. *Est autem imitatio*, inquit Galenus in comm. *tales in unoquoque morbo humores evacuare, quales novimus in spontinis prodessè evacuationibus.* Nominè verò talium, & qualium humorum, intelligendi sunt in specie peccantes; puta biliosi, lymphici, crassi, tartarei, acres, acidi, aliique, si fortassè plus justo superabundent, Naturam gravent, atque ægotantem infestent. Affert Galenus exemplum earum, quæ sponte fiunt, salutarium evacuationum, ex eodem Hippocrate desumpta, ut cum aqua

inter cutem laboranti, & lippitudinem, aut surditatem patienti, alvus solvitur; unde has easdem evacuationes arte promovere, utile putare est, cum id peragatur, quod Natura sponte sua salubriter perficere consuevit, quamquam non semper ex voto succedere solet.

Quoniam verò Hippocrates sponte prodeuntibus, artificiales evacuationes, salutare ut eveniant, comparavit indefinitè, jure hic dubitare licet, quid pro sponte prodeuntibus intelligere voluerit, cum & criticis, & symptomaticis illa aptari queant. Et quidem de criticis res in confesso est apud omnes, quoniam per illas Natura seipsam à molestiis exonerat, & ægros ab ægritudinibus vindicat: neque aliundè critica, & salutare dicuntur evacuationes, nisi quia per ipsas morbi judicantur, ac desinunt: At verò symptomaticæ tales non sunt, quibus non raro Natura plurimum elanguet, morbi ingravescent, & sæpe etiam mors subsequitur, cum tamen humores in illis sponte prodeant. Quamobrem non videtur Aphorismus indefinitè accipiendus de quibuscumque sponte prodeuntibus, etiam symptomaticis. Hinc Fuchsius illum ita scribendum putat: *In usu medicamentorum purgantium talia è corpore educere oportet, qualia etiam si sponte prodirent, utilia essent*; ita ut sensus fiat: talia è Corpore esse educenda, qualia ubi sponte prodirent, utilia forent, id est qualia à Natura ipsa utiliter evacuarentur. Quo casu etiam symptomaticæ evacuationes salutare scilicet erunt, si ejus sint humoris, qui obest. Quocirca solent communiter dici conferentes in genere causæ, quia morifica causa per ipsas minuitur; malæ verò in genere signi, quod signifi-

cent humorum multitudinem, vel pravitatem, unde partes gravatæ, vel irritatæ evacuationem moliantur.

Quemadmodum autem purgationes ope medicamenti ab Arte promotæ salutares, utilesque sunt, si ejus sint humoris, qui peccat, quique sponte naturæ prodiret, si criticè egeretur; ita è converso malæ, & inutiles existimantur, si ea catharticiis medicamentis vacuentur, quæ Natura non utiliter educeret: quamobrem consulit Hippocrates illas esse cohibendas. Sic oportebit fluentem immodicè sanguinem sistere, & alvum ex hypercatharsi, aut egestionem alius humoris ab eo, qui educendus esset, firmare, & cohibere, remediis in hanc rem planè specialioribus.

Unde verò conicere possit Medicus fore utilem, vel inutilem, artificialem ejusmodi evacuationem, ut sinenda, vel inhibenda sit, ab his, quæ conferre, & tolerari probaverint, judicium sumendum esse admonet. Quare sequentem Aphorismum subjungit, veluti istius appendicem.

APHORISMUS III.

Si qualia oportet purgari, purgentur, confert, & leviter ferunt. Contraria verò graviter.

Cum dixerit Hippocrates utile esse in purgationibus arte promota talia educere è Corpore, qualia sponte naturæ prodirent, indicia nunc tradit proficientis ejusmodi purgationis, desumpta ex eo, quòd conferat; morbus remittatur, & æger sufferat, cum vires nullum, vel leve admodum detrimentum ab illa patiantur.

Quamquam autem id ipsum fere docuerit *Aphor. 2. lib. 1.* ut propterea hic videatur inutiliter, & frustra repetitus, non tamen eximendus, ut bene advertit Cardanus; nam ita necitur præcedenti, ut oratio omninò mutila remaneret, si deesset: Sicut enim in evacuationibus ultroneis utilitas certa, & perseverans judicatur, si conferat, & toleretur, cum scilicet talia egeruntur, qualia convenit exacuari, ita in evacuationibus medica ope proritatis emulumentum certò futurum conicitur, si ea purgentur, quæ purgari oportet; & contra, si talia sint, educita qualia erant educenda, certò quidem conferet, & æger sufferet, ut proinde vicissim se res habeat ad utrumque. Qua sanè ratione putaverim facile his responderi posse, qui ausi sunt Hippocratem notare, quòd tùm hic, tùm *Aphor. 2. pr.* nil quicquam se dignum scripserit, sed lippis, & tonsoribus notissimum, ut fusiùs à nobis alibi est explicatum.

Hinc nullo negotio deducetur, neque conferre, neque tolerari evacuationem humorum, qui utiles, aut alibiles cum sint, nullatenus sunt educendi, sed graviolem noxam afferre, commotis, exasperatisque his, qui noxii sunt, & morbum faciunt. Hæc autem notiora sunt, quàm quæ notissima, propterea longiori non egent explicatione.

APHORISMUS IV.

Medicari Aestate superiores magis, Hyeme verò inferiores.

Subandire oportet Ventres, subdit *in comment.* Galenus; Itaut sensus sit, per Ventrem superiorem seu Stomachum magis Aesta-

*Aestate, Hyeme verò per Intestina, seu Ventrem inferiorem purgandum esse. Et rationem affert, quoniam qui tunc superabundat humor, flava bilis est, & tota natura animalis propter ambientem caliditatem magis ad superiora movetur: Hyeme verò potius prava-
lent crudi, crassique succi, qui sponte sua deorsum feruntur, & tunicis intestinorum adhærescunt, ut proinde ad superiora difficillime deduci possint; quamobrem melius dejectoriis ad alvum ducuntur. Constat præterea experimentis per Aestatem os facillime amarefcere, & Ventriculum, ejusque ofificium superiùs ad vomendum sollicitari, sive quòd fermenta illuc ex arteriis gastricis corrivantia acriora sint; sive quòd sanguis ipse acrioribus, & veluti sulphureis partibus plùs aquò redundans in cystim fel-
leam easdem uberiùs deponat; unde & urinæ per idem tempus flavescere magis soleant, & faeces, cæteraque Corporis excrementa pari colore inficiantur: quæ sane ex documento ejusdem Hippocratis promptam, & facilem pollicentur vomitionem.*

Sed obstat sibi ipsi videtur Hippocrates *libr. de salubri victu* docens, *sex hybernis mensibus vomere utile esse, nam & pituita plus, & capitis gravitas subest; in Aestate verò clysmatum fit usus, & superiores Corporis partes per inferiores purgandæ.* Id ipsum protulit Celsus *lib. 1. cap. 3.* vomitum indicens utiliorem Hyeme, quàm Aestate, hanc eandem procul dubio Hippocratis sententiam prosequutus. Licet autem plerisque visum sit librum hunc non Hippocrati, sed Polybio adscribere; nil tamen inde deducetur, quòd rationabiliter propositæ objectioni

faciat satis; cùm & Polybius gravissimus quoque Auctor sit, neque sua vel ratione, vel experientia destituitur, ut etiam in hoc Celsum asseclam habere promeruerit. Neque verò satisfacit Galenus distinguens evacuationes vel ad totum Corpus spectantes, vel ad Ventriculum solum, ut propterea velit Aphorismum hunc intelligendum de evacuatione totius Corporis per superiora Aestate promovenda, per inferiora Hyeme; effatum verò *de salubri diata* restringendum ad solius Ventriculi exonerationem. Quoniam sive Aestas, sive Hyems fuerit, semper ac Ventriculus humoribus gravatur, vomitu exonerandus est, exigente id loci conditione, & humoris expurgandi promptitudine, quippè qui compendiosiori via statim educitur.

Verùm enim verò quocunque humore Ventriculus infarciatur faciliùs planè per vomitum, quàm dejectione exonerabitur, sive tempus æstivum sit, sive hyemale, cùm non à tempore, sed ab humoris evacuandi proclivitate, facilitateque, indicationes desumantur ejuscemodis specialium egestionum. Quoniam autem humores sub Aestate plerumq; Ventriculum occupant, atque à depravatis ejusdem digestionibus ægritudines inferunt, undè eo tempore faciles cruditates, nausæ, oris amaritudines; propterea fit, ut promptius per vomitum egerantur. Faciunt in idem esus fructuum immoderatus, gelidæ potationes, balneationes, natus, cæteraque his similia, quibus plurimum Ventriculus elanguet, & impuritatibus oneratur. Hinc compertum habemus cunctas propemodum ægritudines Aestate vagantes ab uno Ventriculo crudis humoribus oppresso exoriri, ut propterea vom-

vomitum opportunè concitatus momento veluti gravissimis cæteroqui ægritudinibus remedio sit. Sed & neque absolutè dixit Hippocrates Æstate per superiora dumtaxat purgandum, etenim usus est voce comparativa *magis*; quasi verò dicere voluerit, plerumque Æstate per vomitum vitiosos humores esse educendos, quoniam isti plurimum primos ductus gravare solent, aut circa Ventriculum stagnare. Quòd si fortasse alibi resideant, per alios ductus erunt evacuari, quò nimirum illi vergere videbuntur, modò loca ipsa sint conferentia. Ita quoque si Hyeme Ventriculus biliosis, ut vocant, succis, scatetet, non infernè, sed supernè vacuandus foret, nulla habita ratione temporis, sed tantum loci præter naturam oppleti, & promptè per superiora exonerandi; quia tamen Hyeme crassi humores intestina sæpius occupant, inde fit, ut facilius deiciantur, cum difficile admodum foret inverso intestinorum motu per stomachum illos protrudere, & per os expurgare, idque non sine gravi periculo. Cur autem humores vitiosi plerumque in Hyeme intestina, vel glandulas Mesenterii occupent, ratio peti potest nedum ex eorumdem, qui sæpe sæpius crassi, & viscosi esse solent, conditione, sed potissimum ex tardiori secretionem, quæ tunc peragitur: sicut enim Æstate ciborum digestio, seu dissolutio in Ventriculo languet, & tarda est; secretio verò in Intestinis celerrima fit, sive à fermentatorum acritate, sive à laxitate viarum: ita vice versa ciborum confectio Hyeme in Ventriculo citior est, cum Ventres Hyeme, & Vere natura calidiores ab Hippocrate dicantur; at verò secretio, seu distributio tardior, unde etiam alvus

adstrictior evadit, & pulsus eo tempore rariores sunt. Accedit quòd somni longissimi per Hyemem adjuvant coctionem; vigiliæ, & motus per Æstatem faciunt distributionem, ut proinde mirum non sit, cur humores excrementosi Æstate potius Ventriculum occupent, Hyeme verò in Intestinis, & glandulis Mesenterii restagent: quamobrem illi per vomitum, hi verò per dejectionem facilius educuntur.

Atque hinc modò contradicentia Hippocratis loca faciliè erit in unum, concordemque sensum revocare: etenim idcirco hyemali tempore vomitum is commendavit, quia Ventriculum multa pituita repletum existimat; ut clarius ejus latinus Interpretes Celsus expressit; siquidem non à tempore, sed ab humore Ventriculum occupante indicatio vomendi desumitur; quare sive Æstas, sive Hyems sit, parum refert, dummodò locus vomitioni paratus videatur.

Quod autem putaverit Musa Brasavolus vomitum Æstate commendatum, ad inanandos superiores ventres, Caput scilicet, & Thoracem; planè nec Hippocrati, nec rationi, aut experimento cohæret. Hippocrates siquidem in diversis Capitis ægritudinibus alvi subductionem consulit, non vomitum; ut in surditate, oculorum dolore, cæterisque; quin & Galenus in *comm. hujus* nonnisi de Ventriculo solum aphoristicam hanc sententiam est commentatus. Ratio verò tantum abest, ut suadeat, Caput, & Thoracem per vomitum inaniri, ut potius expansa repleantur, & gravior ab impetente Ventriculo afficiantur; unde vomitus in affectibus oculorum, & pectoris, communi voto tamquam nocuus reprobatur. Experi-

rientia denique pluries constitit in harum partium ægitudinibus plurimum vomitum obfuisse, & quibusdam sputum sanguinis, aliis oculorum inflammationem, & vehementissimum Capitis dolorem attulisse, ut propterea nemo sit, qui in praxi audeat, vomitoria in morbis partium superiorum præscribere, nisi tantum cum illi à laborante Ventriculo proficiuntur, à cujus levamine illæ consanescant.

APHORISMUS V.

Sub Cane, & ante Canem, difficiles sunt medicationes.

QUam opportunum tempus cõferat in purgantibus medicamentis adhibendis, ut subindè proficiant, & sine ullo incommodo utiliter ferantur, nedum hic, sed alibi pluries inculcavit Hippocrates, speciatim autem *lib. de Aere, aquis, & locis*, illorum usum inhiuit in magnis temporum mutationibus, itemque in solstitiis, & æquinoctiis. Considerandos quoque voluit inerrantium Astrorum exortus, præcipuè Canis, deinde Arcturi, & Plejadum occasum: unde non minimam partem conferre ad rem medicam Astronomiam ipsam censuit, tum in prænotandis, tum in curandis ægitudinibus, ut vix errare Medicum posse asserat, qui stellarum congressus præsentire, & observare novit.

Commodum nunc quoque, difficiles, & molestas admonet futuras purgationes sub Cane, & ante Canem: quod etiam edocuit *lib. de medicam. purgant. in fine* inquit: *Tempore Aestatis à Canis ortu per dies quinquaginta vitare oportet, & non dare medicamentum, sed insusis per clysterem uti*. Quoniam ex

Galeno in *comm. huius, excusata* nostra natura, eam, quæ à medicamentis purgantibus existit, non fert acritudinem; quare & pluries purgati hoc tempore incidunt in febres, & natura ex asu imbecillis, magis ex purgatione dissolvitur: & quidem purgatio hac mala fiet, cum calor aeris ambientis in partem trahat extrinsecam, contrariam ei, ad quam medicina ducit humores.

Quodnam autem sit ejusmodi tempus sub Cane, & ante Canem, inquisitione dignum. Verum oportet scire ex Astronomicis duos affigi Firmamento Asterismos Canis nomine appellatos, quorum alterum Canem majorem, alterum minorem faciunt. Ambo sunt in plaga Australi extrà Zodiacum, sed minor ab Aequinoctiali declinat ad Boream, major verò ad Austrum. Asterismo Canis minoris ad femur appingitur stella primæ magnitudinis Procyon dicta; In Asterismo verò Canis majoris ad mandibulam, & in oris hiatus affigitur Sirius, stella quoque primæ magnitudinis fulgidissima, quam Ptolemæus in *Almagesto*, stellarum pulcherrimam appellavit, quod ob magnitudinem, & splendorem, præ cæteris longe admodum micet, atque scintillet; hæc verò per dies decem circiter post Procyonis ortum ex Horizonte cum Sole emergit. Cum igitur dixit Hippocrates *sub Cane*, tempus illud intelligendum voluit, quo Sirius, & Canis major viget, sive cum Sole cosmicè oritur; *Ante Canem* verò, tempus, quo Procyon exortum Sirii præcedit.

Sed non bene convenit inter Auctores cuinam Cani nomen Caniculæ propriètribuendum sit. Equidem si vocem ipsam attendas, videtur convenire Cani minori, quem pro Canicula usurpant Tabulæ Alphonsinæ, Beda,

Beda, alique: cui sententiæ favet quoque *Horatius libr. 3. ode 29.* in-quiens.

... Jam Procyon furit,

Et stella vesani Leonis,

Sole dies referente siccos.

Et multo clarius *Plinius libr. 18. cap. 28.* *Ægypto verò Procyon matutino astuosus.* quod sidus apud Romanos non habet nomen, nisi Caniculam hanc velimus intelligi, hoc est minorem Canem, sanè ut in astris pingitur. *Bayerus in sua Vranometria* utrumque Canem vocat Caniculam, quod & alii faciunt. At multo plures sunt, qui Caniculæ nomen Sirio attribuunt, & inter cæteros Astronomi, qui propterea Caniculares mutationes Cani majori, & Sirio adscribunt. Undè *Manilius Astronomic. 5.*

Cum verò in vastos surgit Nemeus hiatus,

Exoriturque Canis, latratque Canicula, flammas

Et rapit igne suo, geminatque incendia Solis.

Qua subdente facem terris, radiosque movente

Dimicat in cineres Orbis, fatumque supremum

Sortitur, languetque suis Neptunus in undis

Et viridis nemori sanguis decedit, O herbis, &c.

Quamquam *Galenus primo Epidem. comm. 1. conf. prima* de Sirio hæc habet: Hunc aliqui, nomine abuten-tes totius Sideris, Canem etiam nominant: atqui Cani univervo Sideris est nomen; illi verò, quæ in ejus est mandibula, Canicula, quam rectè Anticanem, non Canem appelles. Idemque indicatum legimus ab *Arato* vetustissimo Poeta græco, cujus *Phænomena* in latinum vertere dignatus est *Cicero*, referuntque

in hanc rem illius carmina *Fuchsius*, & *Cardanus*. Sed & luculentius idem *Aratus*, *Rufo Festo Paraphraste*, de Sirio agens.

Aetheria Canis ille plage, cui plurimus ardor

Aestuat in mento.

Et mox:

Qui formidato sub nomine Sirius æthram

Vrit, huic rutilos si Sol adflexerit axes,

Quantus corporibus, quantus labor imminet agris.

Quo insuper tempore uterque Canis oriatur, licet aliter, aliterque apud Veteres scriptum sit, nostris tamen temporibus Cosmicus ortus Sirii incipit initio Augusti, Procyonis verò ad diem xxiv. Julii. At si ortum Heliacum spectemus, hujus accidit iii. Idus Augusti; illius verò xvii. Kalendas Septembris. Tempore autem Hippocratis, annis antè Christum natum CCCC. & in IV. Climate, quod per Rhodum Insulam transit, ortus Caniculæ referebatur ad pridie Idus Julii: & tempore Avicennæ, idest anno Christi MC. circiter, ad xvi. Kalendas Augusti: idque fortasse ex *Plinio libr. 2. cap. 47.* qui ad dies xv. ante Kalendas Augustas adscribit: & clarius *libr. 18. cap. 28. xvi. Kalendas Augusti Affria Procyon exoritur; dein postridie, ferè ubique confessum inter omnes sidus indicans, quod Canis ortum vocamus.* Sole partem primam Leonis ingresso: hoc fit post solstitium xxiii. die. Et rursus *cap. 29. Plenilunium nocet ad iv. nonas Julii, cum Ægypto Canicula exoritur, vel certè xvi. Cal. Augusti, cum Italia.* Circa idem tempus illam oriri testatur quoque *Ptolem. lib. de inerr. stell. signif.* At verò *Maginus* anno Domini MDC. ad altitudinem Poli

Gr. 45. ortum Caniculæ Cosmicum accidisse scribit iv. nonas Augusti. Et Argolus Romæ, anno MDCXLIII. ad pridie Kalendas ejusdem. Verumtamen variat semper illius ortus ne dum pro varia locorum latitudine, & poli elevatione, verum etiam, quia stellæ fixæ ex accuratissimis observationibus Tychonis, cæterorumque Recentiorum Astronomorum, quotannis in Ortum, secundum signorum ordinem, feruntur secundum 51.

Numerus Canicularium dierum varius adhuc dicitur ab Authoribus. Idem Argolus ad dies dumtaxat xxvi. contrahit, nempe à die xxiii. Julii (cùm Sol ingreditur amplitudinem Orbis lucis Sirii) ad diem xviii. Augusti. Maginus protrahit ad xxx. Keplerus ad xxxv. vel xxxx. At verò Hippocrates ad L. dies produxit. Hinc ad Idus usque Septembris ex mente ejusdem purgantia medicamenta veluti toleratu difficilia, ac molesta, in nostris regionibus vitanda erunt.

Num insuper ex solo hujus temporis æstu immoderato existimaverit Hippocrates difficiles, ac molestas futuras purgationes, an etiam ex peculiari Astrorum vi, atque influxu, non ausim determinare. Quippè ex una parte non solum fervida hæc, atque æstuosa tempora vitanda is monuit, sed etiam temperata, cujusmodi sunt Æquinoctia, itemque occasus Arcturi, & Plejadum per Autumnum contingentes; quamo- brem non à solo Aeris calore molestiam purgantium deducit. Ex altera verò parte non levis ratio suppetit ex Galeno superius adducta, quam latius sunt prosequuti Fuchsius, & Cardanus hoc loco, quòd eo tempore Natura imbecilla sit; Corpus exsiccum, & excalefactum, atque hu-

mores sponte sua ad habitum Corporis ferantur per sudores, ut propterea non tutò ad interiora duci possint, ne ambobus inter se pugnantibus Natura distrahatur, aut penitus dissipetur. Expertum quoque dicunt in Caniculæ exortu Solem cæteroqui à vertice declivior, urentiorem, molestioremque persentiri: quin scribit Plinius *lib. 2. cap.* 40. Maria, exoriente Sirio, plurimum fervere, fluctuare in cellis Vinea, Stagna moveri, Canes in rabiem agi, Apes ubertissime mellificare, Etesias ventos spirare, aliosque plures effectus sanè admirandos in Terris percipi, qui non aliundè, quàm à vi, atque influxu speciali hujus sideris proficisci posse videntur.

Sed, ut verum fatear, non video, qua ratione tot, ac tanta Caniculæ & Sirio tribuantur, quæ in nostris Regionibus vel nulla sunt, vel potius Soli, quàm ipsi debentur. Ea enim longè admodum à nostro vertice diffita est, amplitudinem habens ortivam perquam proximam Tropico Capricorni, unde vix gr. 33. supra Horizontem ahsurgit, & tum potissimum à Sole remotissima sit. Sed & quibus illa in vertice est, non calorem, sed frigus assert, quo tempore cum Sole cosmice exorients, nobis sub Zona temperata degentibus æstum congeninare putatur, quippè tunc illis Hyems est. Quod si in errantibus Stellis quidpià virtutis erga nos unquam inesset, profectò id foret potius conferendum Regulo, Basilisco, seu Cordi Leonis, Stellæ primæ magnitudinis, de natura quoque Martis, quæ tum juncta Soli, signum ipsum Leonis peragranti, per idem tempus supra Horizontem emergit, Cælum mediat, & iterata circuitione revolvitur. Attamen negari non potest maxime

V. etiam
lib. 11.
cap. 14.
& Mer-
curial.
var. lec.
1. 2. cap.
24. ex A-
rist. 1. 5.
de hist.
anim. c.
12.

ximè tunc etiam in urentiorem æstum conferre majorem in aere vaporosiori refractionem. Comperit enim habere Aerem in his nostris Regionibus per hæc eadem tempora vaporibus fieri confertiorum; unde radii Solis, etsi aliquanto decliviores, ad Tellurem trajecti, uberrimè, velut ex vitro ustorio, colliguntur, & quodammodò exurunt. Hinc quod die caliginosum Aerem antelucanis, vel vespertinis horis prospicimus, æstum longè admodum urentiorem futurum præfagire solemus, quem mox per diem experimur. Fieri autem per hæc tempora Aerem vaporibus confertiorum ipse crediderim ejusdem Solis vi, qui è Terraqueo globo in hiatus patentissimos dehiscente innumeros, variosque vapores elicit, cumque hi per noctem nequeant deinde discuti, nec præ sui tenuitate in pluviam conefciscere, per circumambientem propterea aerem dispersi, neque multum à Tellure sublimati, iusta distantia, collectos Solis radios arctissimè in nos transfundunt, & ad igneum penè ardorem iterum, iterumque conduplicant. Hac ergo de causa fit, ut manè, & antè Solis exortum non leve frigus persentiamus, interdum verò exæstuemus: In id quoque referre est, quamobrem per hoc idem tempus tam perniciosæ apud nos sint locorum mutationes: quippè Aer tum quoque ex hiante Tellure, variis, multigenisque evaporationibus inficitur, quæ non minimum officunt respirationi, & sanguini per Pulmonem circulant; & nisi per ingentes, iteratosque imbres, aut à flante Boreæ Aer omninò repurgetur, exitiosas ægrotudines minatur, ut alibi etiam adnotavimus. Dixit autem Hippocrates *sub Cane*, & *ante Canem*, non vires, sed tempus potius

exortus utriusque designans, cum nimirum ea accidunt, quibus Aer æstuosior fit, & Corporum habitudines adeò afficiuntur, ut purgantium medicamentorum vim, commotionemque sufferre nequeant.

Quoniam verò Hippocrates de tempore ortus utriusque Canis expressè hoc Aphorismo meminit, planè audiendi non sunt, qui existimant, *sub Cane* illum voluisse oppositum tempus ortus Canis designare, atque adeò hyberni solstitii, intensiorisque frigoris dies referre: quamquam & hoc etiam tempus importunum Galeno censeatur, *lib. quos, quibus, & quando*, purgantibus adhibendis, cum tum quoque difficiles, & molestæ admodum contingant purgationes, quòd humores non tam sint ad exitum parati, nec viæ laxæ, aut expeditæ. Id enim licet verum sit, non tamen menti Hippocratis hoc in Aphorismo coheret, cui solum de tempore ortus Sirii, & Procyonis meminisse in animo fuit.

Verum enim verò non omninò cavenda dicitur tempora vigentis utriusque Canis in usu purgantium medicamentorum, sed solum per ea tempora purgationes difficiles, & molestas, id est non facilè tolerabiles, accidere. Siquidem illa dicitur ab eodem salutaris evacuatio, quæ confert, & toleratur; modò hæc minime videtur sufferri posse in diebus Canicularibus, ex antea traditis. At si ægrotudo talis per hæc tempora contingat, quæ exigit purgationem, profecto illa adhibenda, quoniam potissima indicatio agendi in morbis, non quidem à temporibus sumitur, sed à causis morbificis, atque ab his, quæ intrà Corpus sunt, non extrà. Sic Apoplecticos, Hydropicos, Colico dolore vexatos, aliosque tempore caniculari graviter

ter affectos, absque ullo metu æstus, aut Caniculæ, communiter in praxi cathartice curare admittuntur, ad humoris vitiosi depulsionem. Quamobrem hunc Aphorismum potius servandum interpretabimur in his, qui ab imminetibus se tueri, quam à præsentibus morbis vindicari satagunt, & potius in Corporibus sanis, vel neutris, quam in morbois, quæ ægritudine laborant cathartici ulum expostulante; etenim de his, qui adhuc sunt sani, sed ægri futuri sunt, scripsit Hippocrates 6. *Aphorif. 47. Quibuscumque vena sectio, vel medicatio convenit, hos Vere purgare, vel venam incidere oportet*, ad præveniendas imminentes per Aestatem ægritudines, ut fusè Galenus explicat in *comm. ejusdem Aphor.* Quod autem hos memoret Hippocrates, qui per medicamenta purgantia se tueri cupiunt, manifestè declarat Galenus hoc loco, inquit: *quare & plures purgati hoc tempore incidunt in febres, & Natura ex æstu imbecillis, magis ex purgatione dissolvitur*. Si enim timor est, ne incendant in febres, procul dubio de non febrientibus, & morbois sermo est habitus.

APHORISMUS VI.

Graciles, & facili vomentes, purgare superius, caventes Hyemem.

QUemadmodum præcedentibus Aphorismis de temporibus aptis, vel ineptis, ad vomitum, aut dejectionem, egit, ita nunc de Corporibus, illorumque habitudinibus verba facit. Et primùm Graciles, ac facili Vomentes considerat, quos ait per superiora purgandos esse. Pro Gracilibus autem non intelligendi

sunt Tabidi, quique ex morbo graciles evadere; nam de his *Aph. VIII.* sed qui obesi, & carnosi natura non sunt. Plerumque enim Graciles istiusmodi solent esse Picrocholi, vulgò biliosi, & cholericis, ut advertit in *comm.* Galenus, quibus venæ, & arteriæ latæ sunt, sanguis tenuior, & acrior, ac stomachus, atque os ingenti amarore suffunditur. Neque solum istos satis est graciles esse, nisi etiam faciles sint ad vomendum; Si quidem nimium valet promptitudo loci, & facilitas, seu dispositio humoris, sponte sua vergentis ad supra: tales autem observantur, qui breve collum habent, thoracem latum, & Pylorum ex irritamento protinus se invertentem ex coarctatione fibrarum circularium: Anatome quippè expertum est, vomitantes sortiri cholidochum ductum recta pergentem in pylorum, quò biliaris succus superabundans faciliè irruit, & vomitum concitat. Itaque cum hæc omnia plerumque concurrant in gracilibus, meritò per superiora purgandi illi erunt. Adiciit tamen idem Galenus adverbium *magis*, nam magna ex parte, inquit, graciles sunt biliosi. Quòd si gracilitas talis sit, qualis in melancholicis corporibus esse solet, quia in illis desunt conditiones mox memoratæ, jure, ut inepta ad vomendum, excluduntur ab eodem Hippocrate *Aph. 9.* inferius explicando.

Verùm undè accidat gracilitas ista corporibus, curiosum est quaesitum. At qui consideraverit partem sanguinis glutinosam, & albicantem, in Animalibus obesioribus, & mole, & virtute plurimum valere, tenuem verò, & dilutam nimis esse in gracilibus; planè causam utriusque inveniet. Quæcumque enim animalia sunt obesa, & multo adipesc-

scatentia, sanguine quoque abundante glutinosiori, qui faciliè partibus appingitur, & hærescit pro nutricatu; quæ verò macilentæ sunt, modico glutine donantur, & eoque plerumque dilutiori, ut propterea concrescere non satis sit, & incrementum partium adhiberi. Hac eadem ratione contingit, Senes sensim extenuari, & contabescere, marasmo, ut vocant, frigido, quoniam sanguis in ipsis, ætatum progressu, tenuior, atque dilutior fit, & si fortasse concresecat, potius à crudo, inutilique phlegmate crassescit, quod partibus gravamen esse solet. Contra, verò Pueri, sanguinem sortiri consistentiorem, & glutine abundantem, in dies incrementum suscipiunt, atque ad trinam dimensionem vegetant.

Est tamen verum, quòd licet gracilia Corpora nacta sint sanguinem multo glutine non saturum, adeòque modicè illa nutriantur, & crescant, solent nihilominus esse vegetiora, & validiora, quippe quæ sanguinem habent acriorem, floridiorem, multisque spiritibus refertum, quo sanè privantur obesa; sed & Venæ quoque, ac Arteriæ in his observantur magis exiles, quæ tamen latiores sunt in gracilibus; unde & pulsus in illis sunt tardiores, minusque validi; in his verò crebriores, & vehementiores; quin immò dicebat Hippocrates 2. *Aph.* 44. natura admodum crassos citius interire, quàm graciles: cujus rationem reddens Galenus in *comm.* inquit: *Angusta enim sunt horum Arteria, & Vena, atque ob id paucum omnino sanguinem habent, spiritumve, adeò ut cum ætate processerint, citò ipsis, vel parva ob causam, calor nativus destruat.*

Quoniam ergo gracilia Corpora

tenuiorem habent sanguinem, felileum humorem plus justo cumulant, qui delatus, ut dictum, ad pylorum, facilem in illis vomitum excitat; cumque bilarius iste succus quodammodo etiam conferat excrementorum per alvum expulsionem, ne ista magis Hyeme impediatur, quæ tardior per id tempus esse solet, proinde consult Hippocrates, cavendum Hyeme. Præterquamquod eo tempore bilis iners esse consuevit, vel saltem à congestione excrementi mucosi, ex tardiori distributione, emergentis, plurimum retusa; quam obrem satius erit per eadem tempora alvum, si oportuerit, subducere, & tardas ipsius egestiones promovere, crassos itemque succos, & in plicis intestinorum impactos, detergere, & expurgare.

Sed mirum est, quòd Celsus exactissimus sententiarum Hippocratis Compiler in re hac tam clara, atque ab omnibus recepta, illi contradicere videatur, cum asserat *libr.* 1. *cap.* 3. vomitum gracilibus, & imbecillum stomachum habentibus inutilem esse, utilem verò plenis, & biliosis omnibus, si vel nimium se replerunt, vel parum concoxerunt. Sed rectè utrumque conciliat Fuchsius, Celsum interpretatus, de gracilibus, qui vi morbi sunt extenuati, ac Ventriculum languidum, & humoribus vacuum habent. Si enim is vomitus utilem esse ait plenis, & biliosis omnibus, profectò graciles intelligit tabidos, exhaustos, & viribus exsolutos.

Illud tandem erit advertendum, tunc graciles, & faciliè vomentes per superiora purgandos, cum ægritudine laborant purgationem indicante, atque per vomitum opportuniùs: etenim, in omni evacuatione necesse est primum, quòd exigit, inesse;

inesse; mox etiam abesse, quod repugnat, ut illa convenienter instituat, simulque conferat, & tolleretur ab agrotante.

APHORISMUS VII.

Vomentes verò difficulter, & mediocriter carnosos, per inferiora, caventes Æstatem.

Videtur hic Aphorismus præcedenti è converso scriptus: Sicut enim faciliè vomentes ad vomitum inducendi sunt, ut in Ventriculo irruentes egerant humores inde promptè evacuandos; ità vomentes difficulter illum cavebunt, ne periculum dilacerationis venarum incurrant, potissimum in thorace. Quòd si præterea carnosì sint, adhuc magis periclitabuntur ob nimiam Ventris compressionem, renixum musculorum, & vasorum exilitatem. Observat etiam Fuchsius non temerè adjectum esse *mediocriter*, græcè *μειους*; quoniam qui mediocriter carnosì sunt, mediocri corporis habitu præditi, meliori fruuntur sanitate, & quandoque optima; quàm obrem nulla evacuatione molestandi, ut dicitur 2. *Apb.* 36. & 37. Cæterum omnino pingues, & obesi, inepti sunt vomitioni, scatentque humoribus pituitosis, & tenacibus, hærentibus potissimum in glandulis Mesenterii, & Intestinatorum, qui proinde dejectorii potius, quàm vomitoriis educi possunt.

Additur postremò cavendo Æstatem: & quidem nedum ex nuper traditis, verum etiam quia carnosì, & obesi à purgantibus medicamentis facillimè eliquantur, & sanguis in illis funditur ad hypercatharsim usque, si præsertim medicamenta sumantur validiora, ut deducitur ex

Tozzi Op. Med. Tomo IV.

Galeno *comment.* 36. & 37. *eiusdem lib.* 2. *Aphor.* cum & per Æstatem ejusmodi Corpora multis; & abundantibus sudoribus perfundantur. At quamquam cavendam dixerit Hippocrates Æstatem, non tamen reliqua anni tempora prohibuit, quæ alibi tutiora, & convenientiora promulgavit.

APHORISMUS VIII.

Tabidos verò per inferiora, caventes superiora.

Nequis confunderet graciles, de quibus antea, cum Tabidis, & à morbo extenuatis, adiiicit hunc Aphorismum Hippocrates, quo admonet, Tabidos, græcè *σθινώδεις*, seu Phthisicos per superiora purgandos non esse, per quas scilicet vias superius dixerat graciles purgari oportere.

At quamvis Galenus in *comm.* pro Tabidis Phthisicos, quique phthisim morbum patiuntur, sic interpretatus, videtur tamen inverisimile, hos voluisse Hippocratem comprehendere, nam qua causa, quave indicatione unquam phthisi laborantes ad vomitum sint deducendi, non bene constat, quippè qui exsucci, & macilenti, potius repleri, quàm evacuari expostulant. Quamobrem verisimilius exponit Cardanus eos hic subintelligendos, qui ad tabem, & phthisim contrahendam proni sunt, quales describuntur ab eodem Galeno ex mente ipsius Hippocratis 1. *epidem.* thorace, & tergo restricti, ac scapulas habentes alarum instar exporrectas, atque ampliori capite præditi, destillationibus, in pulmonem, & thoracem irruentibus, obnoxii: in his enim pulmo mollis, & laxus admodum, cæteraque respira-

tionis instrumenta valde debilia, facile à confluentibus succis eroduntur; unde sanguinis sputum, Empyema, & Phthisis. Si his ergò vomitus indicitur, proculdubio periclitantur.

Mirari quoque subit, cur in Codice Leonicensi adjectum inveniat *per inferiora*: cum nec Heurnius, nec Fuchsius, neque Cardanus, aliufve ex recentioribus Aphorismorum Interpretibus id in suis versionibus habeant. Qua enim ratione, siue qui phthisi laborant, siue qui ad phthisim contrahendam sunt dispositi, quocumque medicamento purgantis genere tractari possint, non facile sibi quispiam persuadebit. Verùm tacite subintelligendum existimaverim, purgationem per inferiora potius molendam esse, si fortasse Ventriculus cum adjunctis ductibus fuerit aliquo humore gravatus: quamvis enim ex humore in Ventriculo stagnante vomitus foret indicatus, ob malam tamen Pectoris, & Corporis habitudinem, vergentem ad Tabem, potius ad inferiora is ducendus erit, ne periculum disruptionis vasorum, & suffocationis subeat, ut dictum. Medicamenta autem purgantia ex levioribus seligenda forent, Manna, Casia, Rosa, Rhabbarum, ne per acritudinem major in humoribus commotio exciteetur, cum alioqui satis sit in his blandè alvum subducere, & neque multum, neque universaliter evacuari, sed tantummodò Ventriculum, atque Intestina inutilibus succis oppleta, leniter inanire, & quodammodo abluerè.

APHORISMUS IX.

Melancholicos verò plenius per inferiora; eadem ratione contraria apponentes.

Sicuti Tabidos interpretati sumus eos, qui ad Tabem sunt dispositi, non verò qui jam Tabidi, & Phthisici facti sunt; ita Melancholicos hic sumere oportebit eos, qui habitu sunt melancholici, siue proclives sunt ad melancholicum habitum contrahendum, ad differentiam eorum, qui solent à Medicis appellari, Biliosi, Sanguinei, Pituitosi, ex dispositione, qua sunt affecti, hunc potius, non alium humorem cumulandi, vel etiam ex conditione sanguinis crassioris, & consistentioris, non verò tenuioris, acriorisque; Quamobrem Galeno visum est *lib. de humoribus: & comm. de Natura humana* biliosos appellare, qui in operationibus agiles nimium sunt, & cutis colore flavescèntes; sanguineos, qui rubicundiores, & roseo colore suffusi, hilarisque; pituitosos, quibus cutis albeat, aquosa excrementa insunt, & operationes segnes fiunt; melancholicos denique, quorum fuscus color est, mens intentà, & cogitabunda, cum mœrore, & taciturnitate.

Hos itaque ait Hippocrates per inferiora purgandos esse, si necessitas exposulaverit, & quidem plenius, quàm in Tabidis dictum est, ob crassitiem, & densitatem humoris melancholici, qui non tam facile purganti medicamento cedit, nec promptè per angustos meatus Corporis ad exitum deducitur. At verò plenius, non vehementius scriptum est; ut nimirum edoceamur iteratis potius

potius egestionibus, si oportuerit, melancholicos, & tartareos succos esse educendos, quam unico, vehementer cathartico, quo magis furerent, & exandescerent, vel contrà tenaciùs hærent, ferofiori portione seposita: melius ea propter crassi isti, compactique succi blandis subducentibus parere consueverunt, quibus scilicet lubriciores redditi, & laxiores sibi faciunt vias, & commodius in alvum citrà molestiam deducuntur.

Adjecta denique verba: *eadem ratione contraria apponentes*, denunciant, pro varia ratione peccantium humorum, diversimodè Medicum segerere oportere; ut proinde vitiosus humor, si promptus ad exitum videatur vomitu, fortè quia Ventriculum occupat, eo promovendus; si verò tunicis, glandulisque Intestinorum, aut Mesenterii hæserit, dejectione, magis, minusve valida, pro majori, vel minori ipsius, & patientis Corporis habitudine: Nisi etiam dicere velimus cum Argenterio, his in textu adjectis, significare voluisse Hippocratem melancholicum humorem per inferiora vacuandum esse, dummodo nil impediat Æstas, Corporis gracilitas, aut ad vomendum promptitudo, vel quidpiam aliud eorum, quæ pollicentur faciliorem per superiora evacuationem.

APHORISMUS X.

Medicari in valdè acutis, si materia turget, eadem die: tardare enim in talibus malum est.

JUbet hoc Aphorismo Hippocrates statim esse purgandum in valdè acutis morbis, si tamen materia turgeat, nulla expectata co-

ditione, quam aliàs, in morbis curandis, evacuantisque humoribus, exigere visus est; atque rationem adicit, quoniam tardare in his malum est.

Et quidem, quòd de purgatione illicò instituenda loquatur, patet ex verbo *Medicari*, quod alibi diximus sic passim à Græcis, & Latinis Scriptoribus expositum. Neque verò quidpiam aliud videtur posse significare; etenim ex superioribus Aphorismis continuatus semper sermo est habitus de purgatione per cathartica, ut propterea nec de missione sanguinis, nec de diuresi, aut diaphoresi promovenda liceat interpretari, sed solùm de dejectione, vel vomitu, prout humor in hanc, vel illam partem vergere videbitur.

Sed & valdè acuti morbi præterea intelligendi sunt peracuti, qui scilicet septimum diem non transcendunt: hi namque tanto cum impetu aggrediuntur, ut quàm citò omnia quatuor tempora transigant, & non rarò etiam vehementissimis symptomatibus socientur, de quibus idem Hippocrates *Aph. 7. 1. ubi morbus peracutus est, statim extremos habet labores.*

Vult autem medicandum statim, cum materia turget: quamquam arbitratur Argenterius purgationem esse indicatam subito, non exurgentia, ut ipse loquitur, humorum, sed ex acutie, & vehementia subitanea ejuscemodi morborum, qui inducias non præbent, ut propterea delendas putet particulas illas, *si materia turget.* Verùm quòd non temerè turgens materia hic sit apposita, suadent potissimum, quæ aliàs à nobis sunt animadverta: Si quidem non omnis peracutus morbus indicat purgationem, cujusmodi sunt suffocans Angina, Ardens

acutissima, & Lipyria febris, quælibet inflammatio interna, idque genus alia ægritudines. Præterquam quod idem Hippocrates *Aph.* 22. 1. concocta medicanda docuit, cruda verò non movenda, neque in principiis, modò non turgeant. Et *Aphor.* 24. *eiusdem*: in acutis morbis, dixit, rarò, & in principiis, medicinis purgantibus uti licere. Accedit quòd potior ratio exhibendi cathartica in peracutis desumpta videtur ex imminente periculo decubitus humorum vagantium in membra vitæ principaliora, cum magno ejusdem discrimine: quod sanè deesse solet in acutis morbis, materia non turgente, cum cæteroqui in peracutis æstus febrilis, sitis, humorum cruditas, tenuitas urinarum, vel earumdem turbatio, purgationem contraindicent. Quare prudenter nos admonet Hippocrates 4. *de rat. viñ.* in *acut.* 38. nedum abstinere oportere inter initia febrium, aliorumque morborum acutorum, à purgantibus, sed à quibuscumque medicamentis Naturam turbantibus, & humores dimoventibus. Et *lib. de Medic. purgant.* inhibet usum eorumdem in febribus vehementibus, quales sunt Ardentis, & peracutæ, sed solis clysteribus suadet molliendam alvum, si opus sit. Conferenda huc quoque sunt, quæ fufius attulimus in expositione *Aph.* 22. & 24. *Libri* 1.

Cum igitur turgent materia, dumtaxat purgare licebit inter initia, immò protinus, nulla data mora, priusquam scilicet robur Corporis dissolvatur, vel æstus febris augeatur, aut ad aliquod membrum principale decumbant ii, qui per Corpus vagantur humores, ut subdit in *comm.* Galenus: Idque profectò est,

quod Hippocrates in *Aph.* inquit: *tardare in talibus malum.* Quòd si humores agitati, & commoti, alibi per decubitus consistant, abstinendum planè à purgante medicamento, ne denuò commoveantur, & interiores, nobilioresque partes petant, modò tamen is sit factus in parte Corporis, quæ universam peccantem materiam capiat, cumque comitetur symptomatum abolitio, vel remissio, juxta ea, quæ de abscessu salutari notantur à Prædicis, & fuscè referuntur à Galeno 2. & 6. *epidem.*

APHORISMUS XI.

Quibus ad sunt tormina, & circa Umbilicum labores, & lumborum dolor, qui neque à medicamento, neque aliter solvitur, Hydrops siccus contrahitur.

CUM hætenus Hippocrates de temporibus, & constitutionibus Corporum egerit, in quibus purgatio instituenda foret, vel per supera, vel per infera, ad præcautionem, vel curationem morborum, hoc nunc Aphorismo memorat eos, qui licet purgationem exigant, non tamen ab illa juvantur, sed ob repugnantem causam, vel partium discrasiam, in morbos graviores, & penè incurabiles delabuntur. Hinc videtur Aphorismus ad prognosim pertinere, qua præmuniri possit Medicus, ne suo sine frustratus infamia notetur, simulque prælagire sciat futurum ex mala naturalium viscerum habitudine morbum.

Inquit igitur, quibus tormina contingunt, & circa Umbilicum labores, seu anxietates, ac molestiæ, unà cum doloribus lumborum, undè

undè medicamentis subducentibus, vel aliter solventibus videantur tractandi, si his non proficiant, futurum, ut in siccum Hydropem incendant.

Tria sunt simul hic commemoravit Hippocrates, Tormina, circa Umbilicum labores, & Lumborum dolorem; ut nimirum his universam ferè Religionem naturalem affectam comprehenderet: Tormina pertinent ad Intestina; circa Umbilicum labores ad Mesenterium, Omentum, & Peritonæum; Lumborum denique dolores complectuntur utrumque hypochondrium, Jecur, Lienem, Pancreas, cum adjunctis partibus, & glandulis lumbaribus, & ubi potissimum Peritonæum adnectitur. Quoties ergo ejusmodi partes afficiuntur, ac dolent, nec tam facile medicamentis conalescunt, planè denunciant causam omninò rebellem, & contumacem, quæ ob reconditos anfractus, neque facilem inveniat aditum, sed potius exagitata, atque excussa solvatur in status, qui deindè distendendo, & inflando, Ventrem tumefaciunt, & Hydropem siccum inducant.

Et quidem sunt tormina à re quæpiam tenaciùs hærente, & sensim in halitus evaporante, ideòque extendente, & contorquente plerumque cavitates Corporis ampliores, quales potissimum Intestinorum, quæ distenta, utpotè sensu prædita acriori, cruciatus subeunt acerbissimos. Neque solum molestantur Intestina ab his, quæ interiùs illorum cavum occupant, sed ab iis etiam, quæ per Mesenterium, ejusque ductus illuc conflunt, atque gravando, irritando, vel inæqualiter afficiendo, non leviter divexant, & excruciant. Debent autem ista ejus esse condi-

tionis, ut acidum austerrum redoleant; irà enim & conrescentem substantiam in humoribus pariunt, & tormina, atque lancinantes dolores inferunt; Quamobrem Veteribus causa ejusmodi cruciatuum pituita vitrea dicta est, & Recentioribus succus pancreaticus acidior redditus, indebiteque commistus glutinosiori chylo, & oleosiori felileo humori: qui propterea plicis, cellulisque Intestinorum hærentes, & crassitie difficulter removeantur, & austera aciditate vellicent, compungant, & molestè nimis contorqueant universam Abdominis regionem.

Iisdem omninò ex causis contingunt circa Umbilicum labores, sive, ut Heurnius vertit, cruciatus: nam quæ interiùs Intestinorum involucria infestant, circa Umbilicum esse videntur, ubi potissimum Intestinum Ileon omnium longissimum, maximèque anfractibus flexuosum residet, & ubi diutius fæces immorantur, innumerisque hiant osculis vasa chylifera, seu lactea, venæque mesaraicæ dictæ.

Ad lumborum verò dolorem referuntur mala quæcumque pertinentia ad glandulas lumbarès, Mesenterii centrum, Pancreas, utriusque Hypochondrii latera, atque his adjacentia viscera, quorum affectiones hoc loco Hippocrates sub generali nomine doloris complexus est. Sunt enim partes istæ sensu non modico præditæ ob innumeras nervorum propagines tum à pari vago, tum à vertebra lumbaribus, & ossis sacri, dependentes. Dolent autem ab humoribus ibidem aggestis, & acidam, acrem, muriaticamque naturis conditionem; undè innumera propemodum mala exoriuntur, ut primus omnium suspicatus est Fer-

nelius , moxque per Anatomem reliqui post ipsum detexerunt.

Cum itaque hæc alicui accidunt, atque ab usu purgantium non desinunt, quæ cæteroqui per evacuationem peccantium humorum desinere deberent, vel saltem infringi , ac sedari, ope aliorum medicamentorum diuresim, aut diaphoresim moventium, siccus Hydrops facillimè succedet: indè enim arguitur mala partium discrasia, & vitiosorum succorum repugnantia, quæ prædictis medicamentorum generibus non cedit. Sed & quamvis genita, ac cummulata ibidem excrementa vi medicamentorum repurgentur, non tamen fieri potest, ut omnino evellantur, ob humorum crassitiem, viarum angustiam, glandularum ineptitudinem, & partium affectarum imbecillitatem, cum neque medicamenta faciliem habeant ad eas accessum, sine multa, & valida commotione, ac violentia.

Quod verò siccus Hydrops, græcè Tympanites, indè potius oritur, causa est, humorum crassities, & acor, unde multi, tenacesque habitus; atqui morbus hic à materia crassa, concretaque, flatibus permixta, dependet, à qua etiam Ventristormina, circa Umbilicum cruciatus, & lumborum dolores exoriuntur, ut antea animadvertum. Sed tamen non solum Hydrops siccus, verum etiam congeneres alii morbi contingere possunt, quales sunt colici dolores, hyponchondriacæ affectiones, passiones hystericae, Ischiades. Meminit autem potissimum Hippocrates sicci Hydropis, tamquam morbi patentioris, qui scilicet visu, tactuque percipitur: eo enim imus Venter non solum ingenter intumescit, sed percussus talem sonum edit, qualem Tympana, ut

loquitur Galenus *in comm.* ad differentiam humidi Hydropis, qui Ascites ab Utris similitudine dicitur, in eo enim materia in Ventre collecta non est flatus aer, sed humor aquosus.

APHORISMUS XII.

Quorum alvi Intestinorum levitate laborant, hybernò tempore per superiora purgari, malum.

Plures hic Aphorismus patitur difficultates, si vulgari commentatione exponatur. Et quidem primò, cum Hippocrates antea generaliter vituperaverit usum purgantium per superiora Hyeme, non erat cur nunc id ipsum repeteret in levitate Intestinorum, quæ multò magis vomitum recusat, cum ex incoctione ciborum oriatur. Non videtur deindè consentaneum Rationi, levitate intestinorum laborantes debere unquam vomitoriis tractari, cum levitas Intestinorum, græcè Lienteria, definiatur à Galeno tum *hic*, tum *comm. 1. lib. 6. velox exitus eorum, quæ comeduntur, & bibuntur, quæque talia deliciuntur, qualia fuere devorata*; vel brevius: *Defectio coctionis*. Modò coctionis defectus accidit ex languore Ventriculi, & caloris naturalis concoquentis, ex ejusdem Galeni doctrina; Unde igitur desumi poterit indicatio promovendi vomitum in ejusmodi ægritudine, quæ potius roborantia exoptulat? Præterea excluditur in textu usus purgantium per superiora dumtaxat; videtur ergo tacitè is admitti per inferiora, ut deducitur ex præcedentibus Aphorismis, in quibus alter semper ex duobus admittitur, & alteruter tantum vituperatur. Quis autem unquam com-

men-

mendaverit p urgantia dejectoria in Ventriculi languore? Postremò pugnare videtur præfens Aphorismus cum XV. VI. ubi longo alvi profluvio laboranti spontaneus vomitus superveniens salutaris dicitur. Certe si spontaneus vomitus prodest, poterit quoque prodesse ex arte paratus; nam Medicus Naturæ imitator esse debet.

At hæc omnia solutu difficillima profectò forent, si Lienteriæ incommoda à languido Ventriculi calore deducere niteremur, &, ut Antiquioribus est creditum, à vitio concoctricis, retentricis, & expultricis facultatis; nam cum in Lienteria cibi incocti statim egerantur eo ferè modo, quo sunt assumpti, ad imbecillitatem concoquentis facultatis, illos conficere, & in chylum permutare nequeuntis, causam ejusmodi subitæ egestionis veterum plerique retulere: alii ad defectum etiam retentricis, unde debitum tempus concoctrici denegaretur: & alii ad irritatam simul expultricem, quæ antè tempus sollicitata cogere cibos præproperea propulsione ad alvum deturbare. Quocumque autem modo ciborum hæc cita dejectio explicetur, semper eadem occurrerent difficultates. At verò si perpendantur, quæ ab eodem Hippocrate de lævitate Intestinorum dicta sunt, certè faciliorem, verisimilioremque hujus morbi causa inveniemus, atque propositarum difficultatum solutiones. Is enim 6. *Aphor.* i. inquit: *In longis lavitatibus Intestinorum si ructus acidus superveniat, qui prius non erat, signum bonum.* Quoniam, ut subdit *in comm.* Galenus, *significant ructus acidi tantisper cibum in Ventriculo retineri, donec principium mutationis accipiat, & naturam suorum operum*

reminisci. Siquidem jam satis anatomie compertum est, ciborum dissolutionem, seu coctionem in Ventriculo, ope quorundam succorum acidoacrium haberi, quin & distributionem eorumdem jam dissolutorum fieri in Intestinis tenuibus per misturam confluentium succorum, fellei scilicet, & pancreatici. Quoties itaque succi isti hebetes sunt, vel mucore retusi, præpediti, aliterve depravati, nulla, vel mala fit ciborum coctio, dissolutio, distributio, & secretio, sed gravamine intestinis illato sponte sua illi feruntur in alvum, & egeruntur. Neque verò improbabile omnino est, quod ex Vetusiorum Medicorum sententia refert Galenus *ibidem*, fieri ejusmodi ægritudinem propter intrinsecæ superficiei Intestinorum lævitatem. Etenim ex Anatome constat, internam Intestinorum tunicam rugosam, villosamque esse, innumeris glandulis miliaribus refertam, in quas hiant oscilla venarum lactearum, quæ transeuntem chylum à suis facibus secretum exugant, deducendum deinde per proprios ductus in commune Pæqueti Receptaculum. Si igitur contingat villosam hanc Intestinorum crustam à re quapiam erodente abradi, & complanari, ut deinceps nequeant lactea vasa prætersurrentem chylum exugere, proculdubio sponte sua tota massa chylosa, vel etiam non cocti cibi ad alvum delabentur, & evacuationem promovebunt Lientericam. Idipsum quoque accidet à laxitate fibrarum intestinalium, & cum à vitiatis felleo, & pancreatico liquore mala fit alibilis portio dissolutio, atque à facibus secretio, ut latius in nostra praxi notatum est.

His itaque sic expositis, facili nunc negotio, Hippocratis mens in

præfenti Aphorismo dilucidabitur : eo enim primùm infinuare videtur lævitatem Intestinatorum saltem aliquandò oriri vitio alicujus humoris, ut etiam videtur adnotasse Galenus in *comm. Aphor. 1. lib. 6.* qui propterea evacuatione egeat, sicuti superioribus Aphorismis de aliis meminerat. Mox vomitum non omninò in hac ægritudine prohiberi, si præsertim illa Æstate contingat ex humoribus Ventriculū occupantibus, cū in hoc textu dicat hyberno tempore non licere per superiora purgari; undè in aliis temporibus, & præsertim Æstate fortè aliquandò licebit; aliter indefinitè dixisset in lævitatibus Intestinatorum nunquam per superiora purgandum. Quòd hyberno præterea tempore malum sit Lientericos per superiora purgare: tum quia per id tempus vomitus non solet esse facilis; tum quia hyeme coctio, quæ in Ventriculo peragitur, melior esse consuevit distributione, quæ fit in Intestinis, ut antea ostensum est; quare ne vitiosi humores ibidem stagnantes ad Ventriculū per vomitum revocentur, propterea dixit malum hyberno tempore per superiora purgari. Accedit, quòd si Lientericus fluxus ex glandulis Intestinatorum mucosis succis obstitis, & veluti incrustatis oriatur, certè illi per inferiora, & non per superiora purgandi erunt, quod & acutè quoque animadvertit Amicus meus semper recolendus Josephus Lanzonus Medicus Ferrariensis *animadv.* 22. Denique difficultati ex *Aphor. XV. VI.* propositæ facillè fiet satis, si dicamus, loquutum ibi Hippocratem non de Lienteria propriè dicta, sed de Diarrhæa, quas inter multum interest. Sed & ibi de vomitu spontaneo diarrhææ contingenti; hic verò

de purgationibus arte promotis sermo est: Atqui non semper licet quocumque morbi tempore idipsum agere, quod aliquandò solet specialis, & provida morborum Rectrix, & Medicatrix Natura sponte sua operari: sic per hæmorrhagias narium, per suppurationes ex auribus, per parotidas, per Umbilici relaxationem, morbos sæpè numero, causasque morbosas abstulit, per quas vias minimè Medico expediret. Ecquis unquam Naturæ solertiam poterit imitari, quæ sibi mille parat vias, ut seipsam à morbis vindicet, quemadmodum Galenus animadvertit.

APHORISMUS XIII.

Qui non facillè per superiora purgantur, ad Veratrum admittendi sunt, pleniore cibo, & quiete, corporibus antè potionem humectatis.

Cum antea Hippocrates de temporibus purgationi per supra, vel per infra, aptis, vel ineptis, deque constitutionibus, & habitibus corporum, necnon de morbis, in quibus vel una, vel altera evacuationis via magis, minusve conferret, sermonem fecerit, sequentibus quatuor Aphorismis de usu agit Hellebori Veteribus maximè commendati ad eam, quæ per superiora fit, evacuationem efficacius moliendam, illumque in medium adducit, veluti pro exemplo aliorum medicamentorum per os ducentium; atque inquit Corpora ad vomendum difficilia non esse ad usum Hellebori ducenda, priusquam fuerint humectata, cū cibo, potuque, tum quiete.

Helleborus in officinis duplex semper est habitus, albus unus, niger alter. Albus ad vomitum, ni-

ger potius ad dejectiones paratissimus. De albo autem hic mentio facta videtur, quod de evacuatione per vomitum sermo sit, & usui is foret apud Veteres frequentiori, quibus familiarissimæ quoque erant vomitiones; unde Plinius *lib. 25. cap. 5.* illud quondam terribile, postea tam promiscuum evasisse scribit, ut plerique studiorum gratia, ad pervidenda acrius, quæ commentabantur, sæpius sumptitaverint: sed & tutissimè sumi in Anticyra Insula, quoniam Sesamoides admiscant: In ejus autem usu cautionem sanè dignissimam proponit hoc Aphorismo Hippocrates, ne mala inde sequantur, quorum ipsemet aliàs meminit, cum importunus, atque immoderatus est.

Primum considerat num Corpora difficulter per superiora purgantur, an verò facilem subeant vomitionem. Si facile ad vomendum deducantur, non erit, cur ad Hellebori usum deveniendum sit, cum levi quocumque vomitorio Ventriculus possit exonerari. Solùm ergo Veratri usum admittendum consulit in difficulter vomentibus, quorum Ventriculus acriori eget stimulo, quam ut à quocumque alio blandiori medicamento levius proritetur, ad difficilem vomitionem promovendam. Difficilis autem vomitus contingit, vel à structura Ventriculi se potius per fibras ad infera, quam ad supra corrugantis; vel à crassiori tunica, qua interius ipse vestitur; vel à glutinosis, crassisque succis internam illius partem obinentibus; vel ab ejusdem Ventriculi fundo distantiore, ut non tam facile per vomitum subversus se possit per œsophagum exonerari, renitente quodammodo per angustiam, atque stoma-

chum comprimente Diaphragmate, ut in arctis pectore sæpè evenit. Quocumque autem modo vomendi difficultas accidat, semper opus est validiori vomitorio, quo scilicet irritatio sensibilior, molestiorque excitetur ad invertendum Ventriculi, & Intestinorum motum peristalticum, cum vomitus motus Ventriculi sit inversus, conantis expellere ea, quæ illius cavum occupant.

Cum igitur vomitus non facile succedit his, qui ex allatis causis non omni leviori vomitorio per superiora purgari possunt, monet Hippocrates ad Veratrum esse admittendos: verumtamen pleniori cibo, & longiori quiete esse magnoperè præhumectandos. Siquidem Helleborus tenuium est partium, & inter pharmaca nimia acritudine, & ingenti mordacitate pollet, unde, ne Ventriculo vehementi noceat irritatione, atque inflammationem inducat, expediet illum præmunire humectantibus alimentis; secus ab utraque facile sequi posset convulsio, quam ex Helleboro lethalem idem Hippocrates pronunciavit 5. *Aph. 1.* Humectabitur autem convenienter Ventriculus juribus potissimum, & alimentis adiposis: quæ & consueverunt plerique antè ejusmodi vomitoriorum exhibitionem cibum ad saturitatem usque, & ex rebus præsertim oleosis, & pinguibus imperare, ut melius crassi, tenacesque succi cibo commisti unà simul evomantur, & medicamentum vomitum inducens quodammodo cibo retusum nequeat Ventriculum vehementius lacerare, & exagitare. Quod sanè nedum in hellebori usu, sed in cujusvis alterius efficacis, & violenti vomitorii intelligendum: etenim Hippocrates eo solùm hic usus est loco exempli.

Eadem

Eadem ex causa quietem servandam docet, antequam Helleborum fumatur, eamque non solum Corporis, sed Animi. Confert enim utraque quies nedum ad humefaciendum, verum etiam ad vitale robur servandum, quod bene valere necesse est ad ferendam vomitionem: Equidem Corporis, & Animi motus plurimum extenuant, & vires debilitant.

At cum Hellebori usus veluti periculosissimus (tamen si multifariam illum corrigere, & præparare Veteres conati sint, ut apud Dioscoridem lib. 4. *Aetium* libr. 3. c. 124. *Aeginetam* lib. 7. cap. 21. & *Galenum* libr. quos quibus, & quando, & 3. de fractur.) nostris temporibus exoleverit, alia, & quidem mitiora vomitoria excogitata sunt, in quibustanta cautio, quanta in Helleboro exposulatur, non videtur necessaria. Verum tamen non temerè, & inconsideratè quæcunque vomitum movent usurpanda sunt, cum aliquibus satis sint, quæ ex vegetalibus conficiuntur, aliis verò etiam, quæ ex mineralibus sunt parata: quo pacto hic Hippocrates non omnibus vult Helleborum esse exhibendum, sed solum iis, qui difficulter evomunt; unde pro, varia evacuandum humorum conditione, vomitoria ista evariare licebit.

APHORISMUS XIV.

Cum biberit quis Helleborum, ad motiones quidem Corporum ducere magis; ad somnos verò, atque quietem, minus. Indicat autem navigatio turbari motione Corpus.

Postquam Corpora ad Hellebori sumptionem sunt disposita, ut

facilem ex illo nanciscantur evacuationem, consulit Hippocrates ad motiones esse ducenda, sumpto exemplo à navigatione, per quam constat illa turbari, & promptius evomere. Scitè autem advertit Cardanus, hunc Aphorismum scriptum fuisse ad commodam, facilem, celerram, minusque molestam ab Helleboro evacuationem; sequentem verò adjectum esse ad illam augendam, vel cohibendam, si fortasse diminuta, vel excedens videatur: qua ratione vindicatur Hippocrates à calumniis Galeni in comm. dicentis, *liquere, quoddam hic sermo eandem vim habeat cum priore*, quasi verò Hippocrates bis de eadem re verba fecerit.

Confert itaque motus evacuationi promovendæ; tum quia humores attenuat, fluxileque reddit; tum quia ductus corporis dilatat; tum etiam quia calorem suscitatur, & medicamenti assumpti operationem sollicitat: contrà verò quies, & somnus impedit, cohibetque. Quamobrem experimur sibi somno omnes cujusvis generis evacuationes, uno solum excepto sudore.

Non tamen motus adeò vehemens, & immoderatus esse debet, ut Corpus delasset, vires enervet, & ad cutim commotos humores deducat: hoc enim pacto retardaretur potius evacuatio, quæ ex assumpto vomitorio desideratur; quinimò duceretur vis venefica epti Hellebori in partes Corporis penitiores, non sine gravi noxa totius. Sed & nec quicumque motus ad vomitum promovendum exquiritur, sed qui corpora turbare valeat, & nauseam movere, cujusmodi est navigatio, per quam inæqualiter illa exagitantur. Unde existimavit Argenterius, conducibiles solum in id esse navigatio-

tionem, equitationem, & ambulationem per circulum. Adderem ego motum illum nostratibus puellis consuetum, quo pensiles è suspensio funelibrati in aere ducuntur, reducunturque.

Sed an statim ab assumpto Helleboro, aliove vomitorio medicamento movendum sit Corpus? Putavimus eousque quiescere oportere, quousque medicamentum fuerit in ventriculo dissolutum, sive, ut practici loquuntur, à potentia deductum in actum: cum verò Ventriculum vellicare, & nauseam movere ceperit, turbatione commovere necessum erit; quod & plerique facere consueverunt sola linguæ, & summitatis œsophagi vellicatione. Verum hac in re plurimum tribuendum prudentiæ, & sagacitati assidentium, ne diutius, crebrius, aut impensius, quam par sit, Ventriculus pruritacione subvertatur, & mala suboriantur non raro immedicabilia. Idem quoque servandum erit in usu subducentium medicamentorum, in quibus pro quiete somnus, & pro motu vigilia (si fortasse illum Corpus ferre nequeat) commendabiles erunt, prout medicamentum dilui, aut exacui exposulaverit.

APHORISMUS XV.

Cum voles Helleborum magis ducere, move Corpus; cum verò sistere, somnum inducito, nec moveto.

Quòd hoc Aphorismo doceat Hippocrates modum, quo assumptum Helleborum evacuationem copiosiore eliciat, patet per adverbium illud, *magis*: nam procul dubio vehementius, uberiusque purgabit Helleborus, si à motu seip-

suum insinuaverit, atque confluentes humores adhuc à Ventriculo, & Intestinis remotiores eduxerit; potissimum si motus ejus sit conditionis, ut præter attenuationem, amplificationemque, agitet, turbet, & nauseam moveat, ut antea dictum est.

Sicut autem motus confert ad copiosiore evacuationem promovendam; ita quies, & somnus eandem, fortasse immoderatam, sistit, & cohibet; quamobrem Hippocrates consulit hoc eodem Aphorismo à motu abstinendum, & somnum esse inducendum, si illam comprimere opus fuerit.

At quo pacto somnus inducatur, Hippocrates non explicat. Et quidem non tam facile est in egestionibus à purgante medicamento excitatis, quo scilicet Venter assiduò ad secessus proritur, somnum allicere. Verum ad compescendas evacuationes per alvum immoderatas non raro cibus assumptus mirè contulit: eo enim allecta Natura ab evacuatione desistit, & fibræ Ventriculi, ac Intestinorum plurimum eadem de causa delassatæ contrahuntur, & confluxuros humores detinent, quin immò vis medicamenti à portionibus cibi humidioribus non leviter infringitur, ipsæque succorum particule jam antea dissolutæ, & attenuatæ, semperè crassescunt, atque consistunt. Attamen in vomitu, quia Ventriculus graviter afficitur, & per plures horas nausea, & subversio tenetur, non videtur opportunum cibum assumere; is quippe subindè gravatus, magis, magisque ad vomendum sollicitatur, non sine graviore noxa. Proderunt ea propter, quæ stomacho grata, reficere quidem possunt, sed vi quadam opiata vomitum sedant, qualia

qualia sunt vinum, vini spiritus dulcis redditus, Aqua cinnamomi stillatitia, Elæosaccharum ejusdem, vel citrii, tinctura alkermes, aliudve simile, foto quoque interea Ventre rebus aromaticis, puta oleo Mastiches, & Magni Ducis, elixire Quercetani, Aqua ardente, Balsamo orientali, vel Tolutano, idque genus aliis. Sed & Theriaca præsertim recens vino diluta efficacissima quoque est, sicut etiam Mitridatium, & Diafcardium dosi convenienti, pro ratione virium, & ætatis. Laudanum denique opiatum, & aliquo liquore solutum, aut in pilulam cum confectioe hyacinthina redactum in compescendo vomitu, ut & in cæteris evacuationibus cohibendis, præcellere dicitur; cavendum tamen ne importunè, aut excedente dosi exhibeatur, nam consopitis omninò viribus, stupefactoque Cerebro lethum afferret ab evacuatione.

APHORISMUS XVI.

Carnes sanas habentibus Helleborus periculosus: facit enim convulsionem.

QUOD aliàs Hippocrates de quocumque purgante medicamento in benè valentibus protulit, nunc speciatim de Helleboro adnotat, & quidem albo, quo nimirum vomitus concitatur, ut ex hæcenus traditis clarè deducitur.

At mirum videri potest, quòd Helleborus sit unquam sanis exhibendus; ut exindè convulsionis periculum timeatur. Quis enim unquam sanæ mentis Helleboro utetur, aut suo, aut alieno consilio, cum benè valet? Quamobrem videtur hic Aphorismus inutiliter adje-

ctus, quo fortassè debeant benè valentes commoneferi, ne Helleborum assument. Verum non dixit Hippocrates *benè valentibus*, sed *sanas carnes habentibus* Helleborum esse periculosum: nam possunt Corpora sanas carnes habere, & aliqua ægritudine laborare, præsertim citrà febrim, & absque ullo sanguinis vitio, sed sola quarumdam partium affectione, uti est dolor lumborum, genuum gravitas, Ischiades, ardor stomachi, &c. In his enim affectibus solebant Veteres vomitoriis uti, immò quacumque ex occasione Helleborum potare: tam illis familiare, & consuetum erat vomere. Hos ergo consulit Hippocrates ab Helleboro abstinere, si carnes sanas habeant; additque rationem, quoniam Helleborus convulsionem affert.

Sed quomodò ex Helleboro. Convulsio oriatur, dubitari non incongruè potest. Et quidem non ex vi purgante id evenire fatendum, ex eo potissimum, quòd cætera cathartica medicamenta etsi vehementissima, uti sunt colocynthis, scammonium, elaterium, convulsionem non afferant. Videtur itaque convulsionem afferre Helleborus acritudine potius Ventriculo, & nervis insensa, quemadmodum Cantharides speciatim nocuæ sunt Vesicæ urinaræ: Colocynthis, & Scammonium Intestinis, Opium Cerebro. Propter vomitum enim, quem violentè inducit, fibras stomachi laceffit, & nervose ejusdem compungit, ac extorquet, undè fit, ut convulsionem, quæ passio nervorum est, pariat. At verò magis afficit Helleborus habentes carnes sanas, quoniam in his nervorum fibræ exquisitioris sensus sunt, atque adeò faciliùs acris, atque irritantis medicamenti vim, mole-

molestiamque percipiunt, quam minime perferrent si hebetioris sensus forent, aut multa pinguedine, & crassorum succorum copia infarcirentur. Qua etiam ratione fit, Ventriculum lentis, viscosisque humoribus, aut adiposis cibis oblitum acritatem Hellebori minus perferre, quam si omnino vacuus, & bene valens sit. Hinc experimur gravius affici eos, qui jejuni Arsenicum, Auripigmentum, Sublimatum, aliudve istius generis venenum assumpserunt, leviùs, vel nullimodè, qui à pastu: cujus rei non ignari circumforanei pharmacopolæ, arcanorum jactatores, ut rudem plebeculam illudant, venena sumunt, postquam se plurimum ingurgitaverint; & cibis potissimum oleosis, ac pinguibus, quibus interna Ventriculi tunica ad veneni efficaciam retundendam obliniatur.

Cæterum Convulsio hic ab Hippocrate notata, non vera convulsio intelligenda est, sed motus convulsivus: Siquidem per convulsionem veram, nervi, & musculi ad sua principia retrahuntur, & retracti perdurant, ut in Tetano, Opisthotono, & Emprosthotono; at verò convulsio, quæ ex Helleboro contingit, refert potius inæquales, atque irregulares earumdem partium commotiones, spasmodicas, congruentiori nomine, appellatas, quemadmodum in Epilepsia.

Sed quibus remediis succurrendum sit, qui ex usu Hellebori, alijsve similibus medicamenti, motus istiusmodi convulsivos patiuntur, non erit abs re hic breviter memorare, idque lubentius, quoniam non sunt hi cisdem omnino remediis tractandi, quæ usui esse solent cæteris convulsionibus, aut motibus convulsivis, ab humore nervos occu-

pante progenitis, in quibus purgantia, dissolventia, & calefacientia dicta à practicis commendantur; sed potius humefacientibus, & obtundentibus acrimoniam ab Helleboro indutam. Quare jura ex vegetalibus, quæ nervis opitulentur, & Stomacho grata sint, proderunt, cujusmodi præcipuè parari solent ex bardana, stœchade, visco quercino, malo cydonio, cum floribus nymphæ, & violarum arfactis. Cydonium ipsum sive crudum, sive coctum fertur Hellebori albi antidotum, itemque Gelatina C.C. & conditura florum nymphæ. Mirificè etiam conferre putantur extractum baccarum sambuci, & hyperici, Theriaca, & Mithridatium recens, cum pulvere seminum pastinacæ. Exterius verò proderunt quæcumque leniunt, & partes concitatas demulcere valent; unde oleum hyperici, baccarum lauri, & vitellorum ovorum; itemque radices Angelicæ in Vino excoctæ, & in cataplasmatibus formam applicitæ conferunt; balneationes quoque vel ex aquis thermalibus blandè laxantibus, vel ex artificialibus, cum medicamentis anodynis, præsertim chamæmelo, meliloto, hyperico, aliàs profuisse visæ sunt. Cætera ex communi agendorum methodo petenda erunt.

APHORISMUS XVII.

Eum, qui non febricitat, cibi fastidium, morsus oris Ventriculi, vertigo, & oris amaritudo, purgatione indigere per superiora significant.

HActenus opportunum, convenientemque vomitoriorum medicamentorum usum, animadversiones, cautionesque, in Helle-

bore exhibitione descripsit Hippocrates, nunc signa tradit eorum, qui per superiora, vel inferiora purgandi sint: Et primum, eum, inquit, qui non febricitat, sed nausea, ac ciborum fastidio, itemque morfu oris Ventriculi, vertigine, atque oris amaritudine afficitur, purgatione indigere per vomitum significari.

Recenset itaque hic indicia, quibus Medici dignoscere queant, quando nam per superiora vitiosos humores expurgare cogantur, sectantes naturæ motum, ut idem Hippocrates alibi scripserat, quò movendus, ducendusque humor vergeret.

Et quidem ad superiora ferri indicabunt. Primum, *ciborum fastidium*, quo designatur Ventriculus inutilibus humoribus oppletus, unde illius fibræ laxatæ nequeant corrugari, succi dissolventes, digestioni addicti, prædediti, aut reclusi, famis sensum non exaquant, & vis ipsa ciborum concoctrix hebescat, & elangueat. Secundum, *morfus oris Ventriculi*, qui nonnisi ab humoribus præter naturam ibidem congestis, acribus, & biliosis dictis, fit, quibus nimirum Stomachus vellicatur, & compungitur, ea doloris specie, qui græcè Cardilogmos, & Cardialgia appellatur. Tertium, *Vertigo* designans, iidem humoribus in Ventriculo collectis, sive per nervos, sive per arterias Cerebrum affici, & pravis halitibus adtentari, ut subinde in suis operationibus turbetur, & vertiginem incurrat, vel simplicem, vel tenebrosam dictam. Quartum, *oris amaritudo*, quæ à degeneratis pariter humoribus, amarorem præferentibus exoriri. Unde œsophagus, palatum, & lingua pari affectione per consentientes glandulas, tunicasque cum salivario rore deprav-

ventur. Quamobrem cum hæc omnia manifestissime demonstrent vitiosos humores Ventriculi Cavum occupare, meritò per superiora, veluti per loca conferentia, illi erunt exturbandi. Si enim ad inferas partes deicerentur, usu purgantis dejectorii, non tam promptè, atque expedite evacuarentur, & procul dubio infici quodammodo quoque possent, qui in intestina confluunt succi: quin & catharticum ipsum ab eorundem succorum miscela depravatum, & corruptum graviolem molestiam afferret, atque ex diuturniori mora in intestinis, venæ lætæ inquinarentur, facileque oriri posset tormina, diarrhææ, febres, præter alia non leviora reliquorum naturalium viscerum mala, speciatim verò Renum, & Vesicæ, ob transmissionem alicujus portionis dejectorii medicamenti: id enim cujuscumque generis illud sit, diureticum fieri solet, quemadmodum testantur urinæ per id tempus coloratiores, multumque turbatæ.

Hæc autem indicia simul juncta dixit indicare per superiora purgationem, absente tamen febre, nam si fortassè illa febris sociarentur, certè non à præsentia humoris in Ventriculo, quæ planè vomitum indicat, sed ab ipsa febre oriri possent. Quamobrem si humor Ventriculi cavum occupans desit, evacuatio minimè indicabitur, quæ nonnisi expositulata videtur, ab humore Ventriculum replente: at verò non raro à febre accidit cuncta hæc oriri, quæ tamen purgationem non exigunt, immò & aliquandò contraindicant, ut cum febris inflammationi, vel phlogosi copulatur.

Verum quamvis ista signa citrà febrim Corpus denuncient per superior-

periora purgandum, eo quòd designent Ventriculū malis humoribus repletum; non tamen si febris adsit, oportebit semper, & omnino à vomitoriis abstinere, si ex iisdem, aliisque signis coniciamus, humorem Ventriculi cavum occupare; etenim semper ac humores Ventriculū infestant; vomitu eiiciendi sunt; undè sensus Aphorismi is erit, ut si absente febre, nausea, morsus oris Ventriculi, vertigo tenebrosa, & oris amaritudo quempiam affecerint, vomitus semper indicetur; si verò hæc omnia à febre habeantur citrà humorem in Ventriculo contentum; ab illo abstinendum, cum hæc eadem à sola febre pendere possint; at si præterea, etiam humoris præsentiam in Ventriculo sequantur, & non à febre exortiantur, vomitus adhuc erit procul dubio indicatus, potissimum inter eiusdem initia. Dixi inter eiusdem initia, nam si fortasse hæc accedant tempore declinantis febris, quoniam significant criticam evacuationem per superiora futuram, oportebit à vomitorio abstinere, & Naturæ motum criticum expectare, ex regula ab eodem Hippocrate tradita *Aph. 20. lib. 1. Quæ iudicantur, & iudicata sunt integrè, neque movere, neque novare aliquid, sive medicamentis, sive aliter irritando, sed finire oportet*, de qua etiam re legendus Galenus 3. de Crisib. Liceret autem, si præmonitam evacuationem minimè Natura expleret, ut alibi notatum. Verum inter ea, quæ vomitum movent, & citò, ac tutò conferre solent, præstant ex stibio concinnata.

APHORISMUS XVIII.

Dolores, qui sunt supra præcordia, quicumque egent purgatione, medicari oportere per superiora significant: quicumque autem infra subsistunt, per inferiora.

DOcet & hoc alio Aphorismo Hippocrates, quando purgandum sit per superiora, & quando per inferiora, idque ex dolore partes supra, vel infra præcordia occupante, potissimum deducit, dummodò purgatione opus sit.

In doloribus itaque, sive (ut exponunt Fuchsius, & Heurnius) in molestiis, seu affectionibus supra præcordia, vel (ut alii vertunt) supra Septum transversum, si purgatione egeant, vomitu potius utendum, quia breviori via, & faciliorem molimine Natura exonerabit; immò humores ipsi evacuandi promptiores, paratioresque erunt ad exitum. Non tamen dixit in doloribus, seu molestiis quibuscumque, sive in doloribus simpliciter, & absolute: nam neque Pleuritis, aut Peripneumonia, neque Angina, aliūve dolor cum inflammatione, purgationem indicabit; Sed in doloribus, qui purgatione egent, quales scilicet à Ventriculi orificio superiori ex prævis humoribus oriuntur. Sed neque defuerunt, qui etiam in affectibus Pectoris, & Pulmonis, cum inflammatione conjunctis, vomitum commendarint, quemadmodum præ cæteris Rulandus, qui usu cuiusdam Aquæ, benedictæ à seipso appellatæ, Pleuritidem, Pulmoniam, Empyema, cæterasque ægritudines Thoracis tutò se curasse testatur; quamobrem hac ratione sensus istius Aphorismi generalissi-

lissimus foret, aptandus cuicumque ægritudini supra Septum transversum. Quod si non supra septum transversum, sed supra præcordia dolores, ac molestia hic intelligantur, sententia hæc procul dubio clarior fiet, quippè præcordia sub nomine phrenos græcè nuncupata, comprehendunt etiam Viscera plurima sub septo transverso constituta, ut Hepar, Ventriculum, Lienem, & alia adjacentia, in quorum doloribus, seu molestiis, purgare per superiora tutius licebit, ob consensum, quem ista ineunt cum eodem Ventriculo, in cuius cavum se plerumque exonerant.

Quemadmodum affectiones partium superiorum ob loci promptitudinem indicant per superiora purgandum; ita è converso quæ inferiora partes molestant, exigunt purgationem per infera: difficillimè enim humores in imo Ventre consistentes possent per vomitum expurgari, cum tamen promptissimè in Intestina confluentes ad alvum deponantur. Nec absre dixit Hippocrates: *quicumque infra subsistunt*, id est stabiles, & firmi sunt; nam si fortasse vagi forent, hanc, vel illam partem impetentes, non temerè purgationem exquirerent, cum non bene constaret per quas vias esset educendum; quin & verendum foret, ne à flatibus orti commoda adhuc purgatione desinere, sed contra potius exacerbarentur.

Neque verò rationi dissentaneum putandum est, nedum de evacuationibus per cathartica tantum Hippocratem loquutum, verum etiam de quibusvis aliis egestionibus, supra, vel infra, promovendis, ut propterea sensus Aphorismi sit, in doloribus supra septum transver-

sum, & vomitione, & anacatharsi, prout alterutra opus fuerit, utendum esse; infra septum transversum verò, & dejectione, & diuresi, pro loci, & humoris proclivitate: non minus enim una, quam alia evacuatione corpus affectum purgari posse experimur; quamvis hic de catharsi propriè videatur loquutus Hippocrates.

APHORISMUS XIX.

Qui in medicamentis purgati non sistant, non cessant, priusquam sistant.

Proponitur in hoc Aphorismo ab Hippocrate signum completæ purgationis à medicamento habitæ, illudque dicitur esse sitis evacuationem subsequens, ut propterea eousque purgationem esse producendam videatur assertum, quousque sitis compauperit.

Assert Galenus in comm. quatuor causas, ob quas sit futura sitis ex purgante medicamento. I. *Ratione ipsius Ventriculi, qui ex caliditate, vel siccitate, vel ambabus qualitatibus promptè ad sitiendum perducantur.* II. *ratione medicamenti, cum acre fuerit, calidum, & mordax.* III. *propter humorem evacuatam, qui plerumque bilis amaræ est.* IV. *ex superabundanti evacuatione, per quam rorida substantiaeducta, siccitas deinde subsequitur, & sitis.*

At quamvis hæc, ut plurimum ita se habeant, non tamen semper, & ubique veritati consonant, cum non raro expertum sit ingentem sitim fuisse subortam absque ulla, vel modica evacuatione, atque ab usu medicamenti leviter purgantis, quod sedandæ siti usui esse solet, quemadmodum

modum fatentur de pulpa tamarindorum, de casia, de violis. Contra verò sitis nulla, vel exigua subsequuta est à cathartico vehementiori; Unde fallacem nimis conjecturam plerique existimarunt succedentem ex purgatione sitim; quin & de veritate istius Aphorismi magnoperè sunt veriti. Si præterea perpendantur, quæ à Galeno sunt in ejus argumentum proposita, planè aliàs, & quidem graviore addere poterimus difficultates: etenim si ex caliditate, & siccitate sitis oriretur, procul dubio febre hectica laborantes immensum sitirent, nullatenus verò hydropici; neque verò propter medicamentum, cum acre fuerit, calidum, & mordax; neque propter humorem evacuatam, et sibiliosus sit, sitis orietur; nam etiam levia, & quæ benedicta appellantur purgantia medicamenta, sitim sæpissimè excitant molestissimam; & evacuato humore, præsertim bilioso, febrem, & sitim inferente, utraque potius desinere deberet.

Quod præterea idem Galenus scribit *1. de simpl. med. facult. cap. 30.* augeri sitim vel ob caloris copiam, vel ob humoris inopiam: ob caloris copiam quidem ex febribus, aere æstivo, cibis calefacientibus, & exsiccantibus, purgantibus medicamentis, venenis erodentibus, aliisque; ob humoris inopiam verò, ex laboribus, vigiliis, sudoribus, cæterisque evacuationibus immodicis, neque veritati cohæret; Siquidem Hydropicos intena, & molesta sitis urget, quæ nec ab humoris inopia, neque à caloris copia dependet.

De organo, seu sitis sede dubita. re ulterius contingit: nam quamvis in *comm. hujus Aph.* & alibi, putaverit Galenus esse Ventriculum:

Lozzi Op. Med. Tom. III.

Alii tamen nedum ex Recentioribus, sed ex Vetustioribus Philosophis, & Medicis Pulmonem existimarunt: cuius sententia fuerunt Plato, & Aristoteles. Unde sicut edaces dixerunt eos, qui latiore Ventrem à nativitate nati sunt, ita bibaces ex adverso, qui ampliore, longioremque thoracem. Hippocrates etiam *lib. de Carnibus* id ipsum manifestè docere videtur asserens per laryngis rimam aliquid potulenti in tracheam, & pulmonis bronchia delabi, ad illum irrorandum, humectandumque; cui consentit pariter Galenus *8. de plac. Hipp. & Plat. cap. 15.* Hinc idem Hippocrates *hoc eodem 4. Aphor. 54.* inquit: *Quibus plurimum siccatufes leviter irritantes in febribus ardentibus fiunt, non multum siti inestantur.* Quoniam, ut subdit in *comm.* Galenus, *madescunt loca, quæ ad asperam pertinent Arteriam, & idè minus siticulosi fiunt.* Quamobrem pluries expertum, magis extingui sitim usu gargarismorum, quibus scilicet asperæ Arteriæ ductus humectatur, quam si liberalior potus Ventriculum irroraret. Huc etiam facit quod notavit pariter Hippocrates in *epidemiis* magnoperè ad omnem sitim prodesse os claudere, & tacere; quandoquidem ex loquela non solum salivarius ros extenuatur, & deficit, verum etiam Thorax, Pulmo, & aspera Arteria plurimum defatigantur, & exarescunt: si autem à Ventriculo sitis oriretur, haudquaquam proficeret silentium, eo loco ab Hippocrate commendatum, cum vox, & loquela, ad Thoracem, Tracheam, & Pulmonem pertineat, juxta illud: *Cor ardet, Pulmo loquitur.* Atqui non raro à passu si diutius eloquamur,

H vehem-

vehementius sitimus, etsi Ventriculus uberiori potu jam inundet.

Ex his igitur, aliisque, quæ consultò omittimus, videntur planè rationes à Galeno pro expositione hujus Aphorismi superius adductæ non minimè enervari. Quamobrem, ut sensum Hippocratis verisimilius assequamur, & congruentius tueamur à vindiciis, scire oportet, sitim in Animalibus induci ex defectu ejus humoris, qui per sua vasa circumfluit irrorandis partibus addicitur, & latex, ac lymphæ ab Anatomicis vocitatur: etenim in statu naturali pari circuitu partes cunctas Corporis petit, irrigat, & humefacit, quo sanguis in easdem illapsus alit, fovet, atque in vita tutatur: hic idem aqueus humor glandulas salivarias pervadens, fauces, linguam, & guttur irrorat, atque gustui, & loquutioni peragendæ plurimùm confert; oculos quoque oblinat, serum in pericardio conservat, & pro pulmonibus aliqua sui parte in pectoris cavo colligitur; immò univerfas glandulas Corporis alluens, nec non articulos, membranas, parenchymata, non solum nutricatui, & incremento proficit, sed etiam à plurimis ægritudinibus cuncta tuetur. At verò sicuti in statu naturali substantia, qualitate, & quantitate convenienti, cum per suos ductus circuit, omnia hæc Corpori beneficia elargitur; ita in statu morbofo, si in his deficiat, mille propemodum incommoda parit: potissimum autem sitim excitat, si desit, totoque ferè corpore exhauriatur, sudoribus, mictionibus, sputo, lachrymis, aliisque immodicis evacuationibus, sive spontè, sive arte promotis. Similiter si glutinosior, falsior, acrior, acidior redditus, nequeat fauces, guttur,

& linguam convenienter irrigare, ut experimur in catarrhis, in febribus, in subito timore, & aliquandò etiam mox à pastu. Si præterea aliò confluat, quàm ut decet, aut alicubi restagnans extrà proprios ductus feratur, ut in hydrope, & dyspnoea. Quare non mirum si diversimodè sitim sedari comperiamus, largo nedum aquæ haustu, sed & vino, ejusque spiritu, aliquando spiritu vitrioli, vel salis, cæterisque multum inter se disparibus, quandoquidem non ab una, eademque causa lymphæ vitium exoritur, & sitis.

Naturalis præterea sitis in Ventriculo quidem, & in faucibus excitatur, ac per sentitur; at verò morbofa, & quæ præter naturam evenit, etiam in gutture, trachea, & pulmonibus; undè sæpenumero accidit, ut ingenti siti crucientur ægrotantes, etsi Ventriculus multis humoribus, etiam aqueis, sit repletus, immò nonnumquam adhuc languidus, & nausea affectus. Sunt insuper, qui solis gargarismis ab ejusmodi sitis molestia liberantur, & alii inspirato dumtaxat Aere frigidiori: sub quo sensu dixit Hippocrates tusses leviter irritantes in febribus sitim remittere.

Purgantia autem medicamenta postquam dissolutionem in Ventriculo passa sunt, suas operationes plerumque exerunt in Intestinis tenuibus, ubi irritatione simul, ac fermentatione indebita cum liquoribus felleo, & pancreatico perpetim inducta, eos primùm humores diluunt, & extenuant, qui tunicis, & glandulis eorundem impacti faccum depositionem non raro etiam remorantur; undè prima Alvi exoneratio, tota ferè stercoraria esse solet. Mox si ejus sint efficacitatis, ut lacteas venas subeant, atque etiam cum

cum sanguine secundum partes saltem tenuiores misceantur, ipsum fundunt, & glandulas potissimum Mesenterii laxant, exturbant, & extenuant, ideoque vasa lymphica illuc pertingentia pari molestia coquant lympham ubertim effundere, & quandoque etiam sanguine intinctam, ut in hypercatharsi contingit.

Quoniam verò in glandulis præsertim solent vitiosi, & inutiles humores inharere, cum ob spongiosam earundem substantiam facile suscipiant, & difficulter deponant, quos semel humores exceperere, idcirco fit, ut nunquam à catharticiis congrua purgatio sit successura, ni glandulæ malis humoribus sint inanita, & ex præterlabente lymphâ quodammodo deterfæ, ut inde universalis Corporis purgatio, & veluti purificatio, habeatur.

Hinc modò ad expositionem præsentis Aphorismi dicendum, Hippocratem hoc loco de ea purgatione habuisse sermonem, quæ ex medicamentis verè purgantibus, & catharticiis universalibus dictis, peragitur, neutiquam verò de laxantibus solum, & lenitivis appellatis, quæ num Antiquis cognita fuerint, alibi discussum. Ea verò cum sint addicta purgandis non solum primis ductibus Corporis, sed etiam intimioribus ejusdem partibus, atque à Ventriculo remotissimis, planè in glandulas Mesenterii, & Pancreatis, immò in arterias, & venas, vires suas diffundunt; quamobrem nedùm excrementa in eisdem primis ductibus stagnantia, sed etiam penitiores alios, & alios humores, tum utiles, tum alibiles, sed degeneratos, exturbant, & evacuant; cumque cum his multum lymphæ pariter educatur, emunctis ferè

glandulis universis, proinde ingens fitis ad ejusmodi purgationem subsequitur, quam Hippocrates hoc loco veluti signum completæ purgationis in toto Corpore specialiter consideravit, ut proinde dixerit: qui in medicamentis, scilicet catharticiis, & universalibus purgati, idest humoribus sive quantitate, sive qualitate peccantibus inaniti, non sitiunt, non cessant purgari, priusquam humores ex glandulis, & ex vasis sanguineis, ac lymphicis, educti non fuerint, ut propterea ab horum evacuatione sitire cogantur. Hinc fitis subsequens à medicamento purgationem, non est generale indicium cujuscumque evacuationis à cathartico habitæ, sed ejus dumtaxat, quæ à vehementioribus inducitur, atque totius ferè Corporis est, cum lymphæ, & seri sanguinisductione. Quod si præterea hypercatharsi subsequatur, procul dubio fitis molestissima accidet, præter alia, & graviora symptomata, immodicam, inconvenientemque evacuationem comitantia, de quibus Galenus *comm. 36. & 37. 2. libr. Aph. & alibi.*

Quamquam autem videatur Hippocrates in hoc Aphorismo ex superveniente siti completam purgationem determinare, non tamen putandum metam exinde præfigi in quibusvis evacuationibus promovendis: fitis enim ex medicamento purgante proveniens designat solum maximum in humoribus, & partibus solidis motionem, unde licet purgationi superveniat, non tamen illam sistit, sed attenuato, dissolutoque nimium sanguine, potius augere potest. Quare si fortasse purgati non eò devenerint, ut sitiunt, non idcirco sunt ad sitim subeundam alio fortè medicamento pur-

gante cogendi, ne utiles humores dissolvantur, fundatur sanguis, & hypercatharsis subsequatur, omnino perniciofa: quoniam ex eodem Hippocrate, evacuationes non sunt multitudinem æstimandæ, sed si talia deiciantur, qualia conveniunt; & ægri facile tolerant 1. *Aph.* 23. Præterquamquod infidele signum est in purgationibus sitire, cum interdum sitiant à medicamento ægrotantes, nec tamen bene sint purgati, & aliquando sitiant ex peculiari Ventriculi constitutione, quandoq; etiam à conditione medicamenti, ab æstu Aeris, à morbo, aliisque causis innumeris.

Notabile verò est, quod monet Cardanus hoc loco, multum conferre motum ad juvandam purgationem, cum catharticum sitim non inducit, ne scilicet aut penitus non purget, aut parum, & imperfectè, deducto argumento ex præcedenti Aphorismo XV. *cum volueris ducere Helleborum, move Corpus*. Etenim assumpta medicamenta, quæ non purgant, plerumq; nocua sunt, & mortifera, nisi eiiciantur, ut contigit Adolescenti Eubæo 5. *epidem*. Verum enim verò pluries expertum in praxi, magnoperè promoveri purgationes catharticonum, epota aqua frigida; quinimodò usitatissimum est Medicis Romanis largissimas aquæ gelidæ potiones commendare iis, qui catharticum assumpserunt, ut subinde abundantius egerant, & absque siti, laxatis nimirum, humectatisque ductibus, atque lubriciori alvu reddita, quæ non raro constipatur, & contrahitur à medicamento fibras Intestinelorum ex irritamento corrugante.

APHORISMUS XX.

Non febricitantibus si tormina acciderint, & genuum gravitas, & lumborum dolor, purgari per inferiora oportere significatur.

A Ntea *Aph.* 17. tradidit Hippocrates signa purgandorum humorum per superiora, nunc indicia profert, quibus internosse liceat purgationem esse faciendam per inferiora; & sicut ibidem de non febricitantibus sententiam protulit; ita hic etiam febricitantes excipit, atque tormina, seu cruciatus circa umbilicum, gravitatem genuum, & lumborum dolorem, citrà febrim, indicare purgationem per inferiora moliendam; undè oportebat hunc Aphorismum antèrius scribi, ut connexa oratione notarentur signa utriusque evacuationis per supera, & per infera promovendæ. Recenset itaque tria signa demonstrantia purgationem faciendam per inferiora, tormina nimirum, seu cruciatus circa umbilicum, genuum gravitatem, & lumborum dolorem; quæ sanè denunciant humorem infernas partes occupantem, ut etiam superius ostensum est. At verò speciatim hæc tria memoravit, non quod alia id ipsum non indicent, sed quod per hæc necessariò purgandum sit, ne humores in iisdem partibus affectis firmati graviora mala afferant, vel saltem irresolubiles deinceps fiant; Quamobrem non immeritò adjectum est verbum *oportere*. Excipiuntur autem febricitantes, quoniam in his ejusmodi signa non semper indicant materiam humoralem, vel omninò purgatione educendam; siquidem non raro in febribus decubitus humorum ad eas partes

partes denunciant criticas motiones, vel abscessus ad articulos, unde à purgante medicamento esset abstinendum; ne motus criticus Naturæ impediretur, aut aliò distraheretur, non sine febris nocumento. Cæterum semper ac ejusmodi accidentia ab humoribus contingunt, qui in inferiores partes tendant, purgatio non poterit non esse salutaris, cum & loci promptitudinem, & humoris vergentiam, & facilem à purgante medicamento evacuationem illa denunciant.

Verumtamen animadvertere oportebit, an non faustus, ac salutaris eventus ejusmodi evacuationem subindè subsequatur. Quippè nisi statim profecerit, verendum; ne à majori commotione humorum, & tumultuaria viscerum naturalium concussionem futurus sit gravior affectus in imò Ventre, cujusmodi siccus Hydrops ab Hippocrate *Aphor. XI. bujus libri* prælagitur. Quare vitanda erunt ea, quæ in purgationibus nimium exagitant, & status excitant; sed potius in usum ducenda sunt, quæ gratiora visceribus, sine ulla perturbatione, vitiosos humores blandè subducant, & amicaliter alliciant.

APHORISMUS XXI.

Dejectiones nigrae sanguini atro similes, & sponte procedentes, sive cum febre, sive sine febre pessima: & quando colores pravi fuerint plures, eò deterius. A medicamento verò procedentes, meliores sunt, idque quantum plures fuerint colores non pravi.

Dejectiones tum sponte naturæ habitas, tum à medicamento promotas considerat hoc loco Tozzi *Op. Med. Tomo III.*

Hippocrates, easque sive nigras solum, sive multicolores: & quidem spontè factas omninò vituperat, sive nigræ compareant, sive alterius coloris à naturali recedentes; meliores verò judicat, si ab assumpto medicamento proveniant; eoque magis si colores plures fuerint, nec multum à naturalibus, & consuetis recesserint.

Prudenter autem existimat Argerius duas in hoc Aphorismo sententias contineri, alteram quidem pertinentem ad nigras dejectiones spontè procedentes; alteram ad pluralitatem colorum in dejectionibus apparentium; neque enim nigræ evacuationes, plures colores admittere possunt: quamobrem unus Aphorismus in hunc modum scribendus foret: *Dejectiones nigrae, qualis est sanguis niger, sponte procedentes, sive cum febre, sive sine febre pessima.* Alter verò: *Dejectiones, quæ spontè factæ plures habent colores, deteriores sunt, quam si fiant à medicamento.*

At quamam sunt istæ dejectiones nigrae sanguini atro similes? Certe eas hic Hippocrates non intelligit, quæ atrabiliaræ dicuntur; nam de his infra. Nec, quæ concretum, nigrumque sanguinem referunt; aut propriè sanguinæ sunt; quippè non dixisset, *sanguini atro similes*; ubi similitudinem tantummodò, non substantiam, vel qualitatem in excretionibus notavit. Nec præterea humorem illum, quem melancholicum appellant, ut in *comm.* Galenus interpretatur: etenim dixisset, dejectiones nigrae bilis, quemadmodum Veteres melancholiam nuncupare consueverunt; sed & neque ejusmodi melancholicus humor uspiam reperitur, cum satis, superque à Recentioribus ostensum sit,

quaternarium humorum numerum fictitium esse, & qui in Liene fingitur potius acore, quam crassitudine, ac nigritie talis appellatur; & si fortasse in alvum decumberet, non quidem per venas, sed per arterias illuc mearet, adeoque simul cum sanguine effundi deberet, quemadmodum in hæmorrhoidibus; cum tamen nullius harum evacuationum meminerit hic Hippocrates. Pari modo reliquæ egestioniones nigræ ab adusta bile, vel pituita, peperam à Veteribus excogitatæ, veluti omnino commentitiæ, reiiciendæ sunt, quæ & hic neque aptari possent, ubi istiusmodi nigræ dejectiones etiam sine febre pessimæ referuntur, cum cæteroqui adusta pituita, & bilis, non nisi cum acutis febribusungi posse perhibeantur.

Verisimilius itaque putandum coherenter Anatome dejectiones nigras in hoc Aphorismo ab Hippocrate memoratas fieri vitio succi pancreatici acido-austerioris redditi, & præter Naturam fermentantis tum bilem, è cholidoco defluentem, sed crassam, & inertem, tum partem cibi depravatam, & corruptam: ea enim est conditio istiusmodi acidi humoris, cum austerior sit, ut compingat simul, & in atrum commutet quicquid crassiusculum adiicitur, eo ferme modo, quo fieri experimur ex acido Vitrioli cum alkali gallarum in atramento scriptorio, & potissimum compactiori: cum enim pancreaticus hic humor à naturali statu recesserit, & ponticam austeritatem acquisierit, sic felleum liquorem combibit, crassa præsertim pituita conjunctum, ut atramentum æmuletur: quamobrem in his, in quibus ejus acor prævalet, uti in Hypochondriacis, Scorbuticis, Lienosis, aliisque; solent

eiuscemodi atræ egestioniones apparere, quæ vulgò melancholicæ appellantur. Quod si acidum istud etiam in Liene exorbitet, unde sanguis è ramo splenico in mesentericum derivans traiciatur in Arterias, indeque etiam in venas, quæ turgidæ, & varicosæ hæmorrhoidales cæcæ nuncupantur, procul dubio egestionem quoque promovere poterit consimilis atrii coloris, & non raro etiam concreti sanguinis, si djuturniorem moram ibidem contraxerit, ut sæpe sæpius observatum. Et quamvis in Aphorismo videatur similitudo potius notata, ut propterea non sanguis niger, sed alius humor nigro sanguini similis designetur; si tamen ex græco codice verba textus examinentur, non videtur concretus, & nigricans sanguis ab ejusmodi dejectionibus exclusus; unde Fuchsius exponit, *veluti sanguis niger*: & Heurnius *cuiusmodi est sanguis niger*: id est ab acido austeriori concretus, & ater redditus.

Dejectiones præterea istæ pessimæ censendæ sunt, cum spontè processerint: *sponte* quidem, quoniam significant talem, ac tantam esse humoris virulentiam, ut sponte sua; nullo adigente medicamento, viam faciat; & exitum sibi pareat. *Procedentes* verò, id est non semel exeuntes, sed iteratis vicibus, & per universam ferè morbi latitudinem perseverantes, etiam inter initia. Si quidem symptomaticæ evacuationes solum à principio comparent, & continenter perseverant; at verò criticæ, statim absolvuntur, & non nisi circa declinationem accidunt. Unde si dejectiones istæ nigræ semel tantum appareant, non erunt æquæ malæ, ac si integra morbi duratione perseverent.

Neque

Neque verò est necesse illas cum febre conjungi, ut malæ sint, quoniam haudquaquam à febris societate malitiam suscipiunt, sed ab humoris excurrentis conditione, ac pravitate, & à viscerum discrasia. Quare perinde erit, si febris adsit, vel absit. Est tamen verum, quòd longè peiores censendæ erunt, si febrim comitem habeant; nam præter morborum, & symptomatum pluralitatem, arguunt quoque sanguinis vitium, indebitamque inductam in illo fermentationem, & Cordis, atque viscerum læsionem: idque si febris symptomatrica putetur, si ve essentialis dicta.

Cæterum pessimas dixit Hippocrates, non exitiales, sicut de atra bile pronunciavit, & cum ad morbos acutos, vel diuturnos cum extenuatione, ac languore, consequuntur: etenim istæ medelam non admittunt, ut inferius ostendemus: at verò quæ hic memorantur, poterunt artis industria temperari, & corrigi, si potissimum diu non perduraverint, & vires aliundè constitierint, in aetate non admodum provecta: quod sanè præstari poterit usu roborantium medicamentorum, & acidum superabundans corrigentium, qualia præsertim sunt ex chalybe composita, & alkalina appellata.

Verum enim verò pravitas, & pluralitas colorum apparentium in excretis augent malitiam, & periculum affectorum: an quia ex humorum heterogeneitate, varia quoque viscerum discrasia significatur, quæ propterea non tam facile queat artis auxilio emendari; an quia extremam denunciant corruptelam, varii, pluresque humores, degenerati in virides, & porraceos, æruginosos, lividos, & atròs. Unde

idem Hippocrates 2. *Aph.* 14. dicebat: *In profluviis alvi mutationes excrementorum iuvant, nisi ad mala mutatio fiat.* Pluralitas autem colorum in excretis hoc loco intelligitur eorum, qui omnino præter naturam sunt, scilicet verò si secundum naturam forent: quamobrem rectè in textu dicitur: & quanto colores pravi fuerint plures; Pravi autem colores à naturalibus, & consuetis penitus declinant, cujusmodi esse solent vitellini dicti, porracei, æruginosi, lividi, &c. Atque hinc facile occurri poterit difficultati ex præcitato *Aphor.* 14. 2. ubi mutationes excrementorum utiles referuntur, cum hic dicantur perniciose: ibi enim mutatio fieri intelligitur in coloribus Naturæ consuetis, & à malis in bonos; hic verò in morbofis, & de malis in peiores, ac pessimos.

Sed cur à medicamento præcedentes nigra dejectiones meliores reputandæ sint? Et quidem nigras non solum, sed & flavas, virentes, aliasve dejectiones vi medicamentorum habitas nemo ampliùs reformidat, cum unicuique compertum sit eas potissimum consequi conditionem, & tincturam medicamentorum: Rhabarbarum enim ad flavum, senna, & castia ad nigrum, agaricus ad album excretos humores colorant; quin pro varia eorumdem excrementorum vi, & miscela, multi quoque, & varii colores in excrementis comparere solent, & non raro absque ullo viscerum vitio, aut morbose constitutionis vestigio. Sed etsi morificam causam consequantur, adhuc decedentes ex assumpto medicamento humores pravi validam arguunt Naturam, & seipsos non adeò rebelles, ut eidem evacuantibus obsistant, vel non statim

obsequantur. Non tamen hinc quis existimet, omnino periculo vacare, quæ à medicamento prava, & atra procedunt: etenim Hippocrates non simpliciter nigras dejectiones ope medicamento habitas bonas dixit, sed meliores, comparatè nimirum ad eas; quæ sponte Naturæ contingunt; nam nigra dejectiones ex pravis humoribus semper malæ existimandæ sunt, eo quod denuncient pravas inesse Corpori dispositiones, undè nigra illæ prodeant, adeò à naturali statu recedentes.

Postremò advertit Hippocrates, quò plures colores in excretis à medicamento comparuerint, eo minùs malos esse, quoniam universam humorum colluviem, omnemque malum Corporis apparatus indè evacuati significatur, adeoque Naturam medicamento adiutam potuisse modico temporis intervallo vitiosos humores deponere, & expurgare absque partium solidarum noxa sensibili. Colores autem plures, & non pravi, si omnino secundum Naturam sint, certè nedum meliorem, sed etiam optimam indicabunt. egestionem, ut antè ex *Aphor. 14. 2.* memoratum est: si verò præter Naturæ morem accidunt, denunciant quidem profuturam evacuationem in genere causæ, cum pravi humores excernantur; at verò in genere signi malam saltem arguunt viscerum dispositionem, undè tam prava colorum varietas exoritur.

APHORISMUS XXII.

Morbis quibuslibet incipientibus, si atrabilis vel supernè, vel infernè exierit, lethale.

PRæcedenti aphorismo Hippocrates nigras simpliciter deje-

ctiones vituperavit; nunc verò specialius, quæ atrabilis conditionem referunt, omnino exitiales asserit, neque solum per inferas partes, verum etiam per supernas, modò morbus inchoet.

Et quidem initiantibus morbis solummodò, illius evacuationem exitialem esse docet: quandoquidem *nil tunc excernitur* (inquit in *comm. Galenus*) *Natura ratione, sed omnia sunt symptomata earum, quæ præter Naturam sunt in Corpore dispositionum; unde cum adest cruditas humorum, aliquid utiliter evacuari est impossibile: siquidem oportet coctionem præire, subsequi verò discretionem, & postea evacuationem, ut bona sit crisis.* Hinc communi voto damnantur à Medicis evacuationes habitæ in principiis morborum, cum vel multitudinem, vel pravitatem significant; at verò iisdem declinantibus, & post humorum coctionem, quælibet excretio salutaris est, veluti procedens à victrice Natura corpus à suis impuritatibus repurgante.

At quamvis cujuslibet humoris evacuatio inter initia morborum mala sit, longè tamen periculosior crit, si atram bilem reddeat. Dicitur autem à Medicis Atra bilis, humor ille, qui colore nigricat, sed non concrefcit, ut sanguis, immò in terram decidens fermentescit, & bullulas excitat, velut Acetum, aut Vinum, lumini objectum splendet, & acrimoniam, mordacitatemque sapit; quamobrem viscera, per quæ transit, erodit, & ulcerat instar aquæ stygiæ. Hinc inter humores omnes, qui statum Corporis morbosum consequuntur, pessimus hic omnino reputatur, & venenosus, veluti extremam naçus corruptionem, vitæ penitus inimicam.

Verum

Verum quo pacto ejusmodi deleterius humor Atrabilarius in humano corpore generetur, non inutiliter quæri potest. Hactenus est creditum, Bilem duplicem in humano Corpore reperiri, naturalem unam, & alibilem, in venis unâ cum sanguine contentam; alteram nonnaturalem, & excrementosam in cysti fellea collectam, ac continenter in tenuia intestina confluentem; fieri autem, ut eodem ægrotante, vi, atque perniciæ morborum, viscera, & præsertim Jecur intemperetur, atque ejusmodi biliosi humores putredine, & exustione degenerent in vitellinos, croceos, mox etiam in æruginosos, porraceos, ac denique in atrabilarios, extremum corruptionis terminum designantes, qui propterea veluti summè recedentes à consuetu Nature, ubicumq; comparuerint, lethum prænunciant.

Sed jam satis, superque ab Accuratoriis Medicis, de Bile in venis contenta excogitatum, vanum, & futile detectum est, ut de illa ulterius verba facere pudeat. Solùm Bilem in cysti fellea contentam, & per cholidocum in jejunium intestinum transmissam, gravem, nocuamque mutationem subire posse constat Anatome, si nimirum indebita fermentatione cum aliis humoribus, & præsertim Pancreatico, illuc confluentibus, præter morem invertatur, & nedùm colore, sed etiam acritate, & malitia, commutetur in naturam fermè deleteriam; unde appositè quidem Galenus 6. de loc. affe. 5. animadvertit generari non raro posse in humano Corpore humores veneno similes, qui scilicet idipsum agant, quod à venenis assumptis, vel insiactis fieri experimur.

Et quidem si felleus hic humor

acer, & oleosus redditus cum acido pancreatis, aliove, commisceatur in Intestinis tenuibus, ita ingenti fermentatione exacuitur, ut erodendi vim adipiscatur; neque solum in Intestinis, sed & in Ventriculo ex depravato ejusdem fermento, corruptisque cibis; pariterque ex lymphâ acriori cum fermento glandularum vitatio. Nec dissimilem pati solet serum urinarium depravationem, si acrius sit, & sale acidiori inspergatur; itemque si menstruus sanguis, atque alia Uteri recrementa fermentis hystericeis coinquinentur, & subsistant. Quamobrem ubique ex mala, atque indebita mistura fermentorum poterunt pravi, & deleterii humores progigni, & è diversis egeri emissariis, venenorum Naturam redolentes; unde erosiones, pustulæ, ulcera, gangrænæ, aliaque hujus generis perniciosissima.

Quoties itaque ex inconvenienti mistura, ac fermentatione succorum, alii, & quidem præter Naturam exorti, præsertim acres, ætri, & venenosi, per alvum, aut per os egeruntur, multis ex rationibus mortem prænunciant: quippe significant viscera non bene suos humores fecernere, & repurgare, sed potiùs ex vitiata textura, & crasi, illos inficere, unde fermentationes, dissolutiones, distributionesq; alimentorum pessimæ sunt in prægrande virium dispensium: sed & humores ipsi depravati acritudine veluti arsenicali, & acore fermè vitriolico; partes, quas pervadunt, pungunt, erodunt, ulcerant, & gangrænâ, aut sphacelum inferunt; immò sanguinem ipsum, aut coagulando, aut exsolvendo, ineptum circulationi reddunt: infecto autem sanguine,

no, & vel concreto, vel exsoluto, motus Cordis definit, & vita. Ceterum agestiones istiusmodi aut supra, aut infra habitæ, sunt tantum nobis indicia, quibus malam viscerum, & fermentorum constitutionem conuicimus jamjam lethum comminantes, nam non ex eo, quod nigra prodeant, sed quod intus genita vitæ fomitem inficiant, & corrumpant, mors imminet.

APHORISMUS XXIII.

Quibuscumque per morbos acutos, vel diuturnos, aut vulnera, aut quemvis alium modum extenuatis, nigrabilis, aut veluti sanguis niger, per inferiora subderit, postridie moriuntur.

V Idetur hic Aphorismus multum cum XXI. congruere: verum ubi antea dejectiones nigras universim vituperavit Hippocrates, nunc specialius exitiales eas inquit in extenuatis. Decernit enim nigræ bilem, aliumve nigrum humorem per inferiora excretum in valde extenuatis postridie mortem portendere.

Cum igitur indefinitè asserat paulò post successuram mortem iis, qui extremè extenuati sunt, si nigra dejectiones, inutilis procul dubio censenda est quorundam Interpretum controversia, quæ ambigunt, nam de atræ bile propriè dicta, an verò de melancholia sermonem habuerit. Nam quæ adjecta sunt; *aut veluti sanguis niger*, manifestè declarant, omnem quascumque nigri humoris dejectionem voluisse illum comprehendere, ut proinde parum, vel nihil interfit, num bilis atræ, an melancholia, vel alius niger humor, egeratur, modò Corpus vi morbi

sit extenuatum; etenim imminētis mortis causa propriè ad languorem, & Corporis extenuationem refertur; undè hujus Aphorismi rationem afferens in comm. Galenus, subdit: *est enim in talibus, id est extremè extenuatis, natura imbecillis adeo ut non possit concoquere, neque discernere, neque excernere, quæ ita prava existunt.* Quin Heurnius historiam cujusdam ducis militum refert, qui cum diu quartana febre laborasset, indeque macruisset, tandem à concreti sanguinis per alvum excretionē postridie obiit. Porro in hoc nec atra bilis, nec melancholicus humor prodit.

Quamvis autem hoc loco, nigra solum dejectionis, sive atræ bilis, sive melancholiæ, aut sæculenti sanguinis Hippocrates inuenerit, veluti omnino exitialis in extremè emaciatis; non tamen hinc erunt eximendi aliorum humorum, immò etiam ipsius sanguinis, & chyli egressus inconuenientes: etenim 5. *Aph. & alibi*, tabidos etiam brevi morturos ait; si alvus immodicè solvatur; sed, si dejectio nigra lethalis est extenuatis, ob extremam maciem; & virium languorem, sanè longè periculosior erit dejectio sanguinis, aut chyli, quod arguat summam naturæ labefactionem, quæ difficillimè in extenuatis remittitur. Quare in his quælibet evacuatione magnificienda est, sed hujus porissimum humoris, qui tuendæ vitæ magis confert, cujusmodi est sanguis, & chylus.

Sed quod de dejectione Hippocrates adnotavit, an exponi quoque possit de vomitu, non irratio-
nabiliter ambigitur; cum atram bilē infensè, vel serpente exentem mortiferam præcedenti Aphorismo pronuntiaverit. Et quidem si causa

instantis mortis provenit ex extrema macie, & summo virium languore, nulli dubium, quod etiam vomitus niger valde extenuatis lethalis sit: Raro autem tabefactis, & languidis vomitus accidit, quibus præ summa virium jactura vomendi conatus nullus esse potest: unde factum puto hanc evacuationis speciem Hippocratem tacuisse.

De cæteris evacuationibus, veluti per urinam, sputum, itemque futiles, sudamina, tubercula, adhuc dubitari potest, an non citam mortem portendant, si nigra compareant in extenuatis. Et dicendum lethalia plerumque indicia esse, sed non ad tam breve tempus, ut postridie mortem afferant; immò dubiam aliquandò fieri conjecturam, cum ob morborum, sive acutorum, sive chronicorum, eorumque temporum varietatem, diversimodè sit prognosticandum; atque aliter in viris, ac in foeminis, & aliter adhuc in epidemiis constitutionibus. De qua re legendus idem Hippocrates in *epidemiis*, & in *prognost.*

Quoniam verò hic solum nigri cuiuscunque humoris lethalem exitum in extenuatis adnotavit, videndum, cujus generis extenuatos intelligere voluerit. Interpretes communiter eos exponunt, quibus nedùm spiritus, & humores consumpti sunt, sed etiam solidæ partes exhaustæ, tum acutæ, & prævixatæ, tum morbi longitudine cum evacuatione conjunctæ: etenim extenuatio talis, ac tanta esse debet, quæ virium dissolutionem, & Naturæ languorem inferat, ut proinde vitiosi humores sponte sua effluant. Nisi quippè penitus extenuati forent ægrotantes, profectò non tam citam mortem subirent, ut in Aphorismo dicitur, quandoquidem plurimi ab eodem Hippo-

crate referuntur in *libris epidemiorum*, qui nigra dejecerint, & minimè obierint, vel saltem in longius tempus vitam protraxerint. Sic Herophon *agrotus III. 1. epidem.* quinta die nigra dejecit, & 17. judicatus est. Et *Aeger III. 3. epidem. sect. 1.* qui decumbebat in Dealcis horto, quinta, sexta, & octava die, ac denuò quintadecima, & decimaseptima, & per universum forè morbi decursum nigra egressit, & graveolentia, quadragesima tamen perfecte convaleuit.

De tempore tandem jure etiam dubitari potest, num in principio solum, an solum in augmento, & statu, aut in declinatione, comparentes nigra dejectiones exitiales sint; an verò quocunque tempore indiscriminatim. Et sane, cum de extenuatis sermo sit, nequit intelligi de morbi principio; quando omnia symptomata debilia, & levia sunt, nec tantus marcor esse potest, quantus videtur exigitus ad carniū dissolutionem, & virium languorem; quin & Hippocrates ipse per *morbos acutos*, dixit, vel *diuturnos*: modò diuturni morbi dicuntur; qui quadragesimam diem transilierunt. Ad declinationem verò deducti, nunquam morbi lethales esse consueverunt, etiam ex documento Galeni 3. *de crisib. cap. 5.* dicentis; *Nemo unquam vi morbi, in ejusdem declinatione mortuus est, nisi solum ex accidenti, aut ex aliquo errore commissio, vel à Medico, vel ab ægrot.* Igitur in augmento, & statu morborum id evenire fatendum: in augmento quidem, si morbus fuerit acutus, quippe tunc extenuatio provenit ex virulentia, quemadmodum in Pestilentia; In statu verò, si fuerit chronicus,

nicus; cū ex ipsa morbi diuturnitate Corpus languescat, & contabescat.

APHORISMUS XXIV.

Difficultas Intestinorum, si ab atra bile inceperit, lethalis est.

INter plurima damna, quæ Atra bilis deorsum excreta asserere potest, memorat hoc loco Hippocrates Dysenteriam, veluti frequentius ex illa procedentem, cū in fernas partes petierit in alvum delata. Est enim difficultas Intestinorum, græcè Dysenteria, frequens, cruenta, & dolorosa dejectio. Quamquam nomine Mysenteria quicumque alvi fluxus cum dolore iunctus non raro intelligatur, ut propterea Diarrhœam quoque comprehendat, quemadmodum deducitur ex Galeno 3. *de sympt. caus. cap. 8.* Plurimumque illa fieri dicitur ab humoribus acris, qui vellicando Intestina, & dolorem afferant eum torminibus, & sæpius compellant egrotantes desiderare: Nonnumquam etiam à mucosis, & salsis humoribus, qui tenacitate assiduò torqueant, salsedine verò erodant, & ulcus inferant.

Et quidem ab his inducta Dysenteria non tam facile sanatur, immò omninò lethalis dicitur, si ab atra bile inceperit, quoniam ab illa non solum Intestina ulcerantur, sed exeduntur, ac mortificantur, ob virulentam ejusdem conditionem. Atque hinc monendi sunt quicumque rem medicam sunt facturi, ut non tam glutinantibus remediis Dysenteria opulentur, quam corrigentibus, & acidis, ac acres humores temperantibus: quo pacto non semel vidimus dysentericos veluti re-

pente sanatos hujusce generis medicaminibus, tormentilla, bistorta, plantagine, centinodio, verbasco, baccis sambuceis, croco Martis, colchotæ Vitrioli, hæmatite, sanguine leporino, & similibus. Hac quippe ratione non solum affectis intestinis consulitur, sed specialius humori ulceranti, & corrumpenti, unde affectio ortum ducit, quemadmodum ex antea traditis facile est deducere. Verum de hac re latius in nostra praxi.

APHORISMUS XXV.

Sanguinem quidem supra ferri, qualis eumque sit, malum: infra autem, bonum, cum niger deiciatur.

Specialius hoc Aphorismo sanguinis excretio consideratur, & tam per superiora, quam per inferiora; sed cū supra fertur, malum dicitur, cū infra, bonum, si niger deiciatur.

De evacuatione itaque sanguinis per os habita, manifeste intelligendus Hippocrates, ut interpretatur Galenus, excepta illa, quæ per nares fit. Siquidem è naribus sanguinem fundi, & sæpissime salubriter, innumeris fere constat experimentis; cū & febres tertianæ, & continuæ, & ardentes, non raro etiam malignæ, & pestilentes, critice terminentur, ut extant exempla tum apud Hippocratem, & Galenum, tum etiam apud reliquos rei medicæ professores. Solum vituperantur stillæ sanguinis è naribus erumpentes, veluti signum ingentem pravitatem denuncians, sicut pariter immoderata hæmorrhagia, quæ non facile sistitur: cæterum in reliquis conferre consuevit; unde plerisque novi,

novi, qui à periodica per eas partes sanguinis eruptione nedùm à gravissimis capitis doloribus evaserunt, sed etiam ab aliis pessimis ægritudinibus præservati diutissimè vixerunt.

Sanguis igitur per os excretus hoc loco vituperatur, & quidem tum ratione sui, qui de genere earum rerum est, quæ nunquam egeri debent, tum ratione vicerum, & vasorum, in quibus asservatur, quoniam ea reſerata, aut erosa credendum, cum prodit. Et quidem sive è Capite, sive ex Ventriculo, sive demùm ex Thorace proſiliat, semper sui, & principalis alicujus visceris noxam arguit, & non levem vitæ labefactionem, quippè quæ suo fomite depauperetur.

Neque verò ab his solum egrediens cruor malus est, sed, quod majus, quia alicubi stagnans, ut facile est, illico concreſcit, acorem contrahit, & corrumpitur, actandem in pus vertitur: ex pure autem innumera propemodùm detrimenta exoriuntur, febres potissimùm, ulcera, marcores; Unde idem Hippocrates 2. *Aph. 47. Dum pus conficitur, dolores, ac febres accidunt: & 6. Aphor. 20. Si in Ventrem sanguis præter naturam effunditur, necesse est suppurari.* Et 7. *Aphor. 15. à sanguinis sputo, puris sputum; à puris sputo Tabes, & Mors.*

Quamvis autem sanguis per os excretus semper aliquid mali reſeratur, & sive spumofus sit, & floridus, sive nigricans, & concretus, quemadmodùm colligitur ex adjecta voce: *Qualiscumque sit*; idest cuiusvis generis, & conditionis; Nichilominùs levius malum portendit in sceminis, in quibus sanguinis excreationes utiles esse consueverunt,

etiam per tussim, modò à suppressis menstruis purgationibus procedant; quamobrem idem Hippocrates 5. *Aphor. 32. Mulieri, inquit, sanguinem evomenti, menstruis erumpentibus, solutio fit*; reſeratis nimirum uteri ductibus, atque excurrente sanguine per loca convenientiora. Et *Aph. 33. ejusdem: Menstruis deficientibus, sanguis ex naribus fluens, bonum.*

At quod sceminis salubriter accidit ex menstruorum suppressione, non rarò etiam contingit viris ex pleuritide, si nimirum sputum sanguineum comparuerit, ut dicitur 1. *Aph. 12. Quare generale hoc Hippocratis effatum in aliquibus excipietur; Verumtamen oportebit diligenter advertere, num sanguis ipse immediatè è suis vasis prodeat, sequaturque alicujus principalis visceris erosionem; an verò ex tumore jam disrupto, vel suppurato, excernatur; etenim sicuti in priori casu semper malum, ità in posteriori sapissimè bonum; quinimò morbo laterali laborantes si in quatuordecim diebus non repurgantur, ad suppurationem vertuntur, 5. *Aph. 8. Suppurati verò nisi in quadraginta diebus purgentur à die, quæ ruptio facta fuerit, in tabem transeunt, eodem 5. Aphor. 15. Quòd si sanguis è glandulis faucium excludet, & sputo excernatur, non solum nil mali portendere solet, sed sæpenumerò etiam prodest: comperit enim pluries est vehementi capitis dolore vexatos veluti momento convaluisse, excreto è prædictis locis faucium sanguine. Quo sensu exponendus idem Hippocrates 7. *Aphor. 37. ubi sibi ipsi contradicere visus, inquit: Quicumque evomunt sanguinem, si sine febre quidem salutare; si verò cum febre, malum:* Adco-**

Adeoque non omnem sanguinis per os evacuationem malam pronunciat, immò salutarem vocat, si sine febre sit. Planè is intelligendus de sanguinis exitu haudquaquam à Ventriculo, cujus vomitus peculiaris actio est, sed à glandulis faucium, & gulæ, è quibus profluiens sanguis evomitur. Quamquam & absq; ulla Ventriculi læsione, ex viscerum naturalium obstructione, aut timore, possit sanguis ubertim evomi, aut excreari, pari modo ac ex utero malè affecto contingit, ut antea notatum est.

Sicuti suprà ejectus sanguis, quicumque sit, malum dicitur, ita deorsum excretus, bonum, si tamen niger egeratur: at qua ratione, non bene constat, præsertim si ad memoriam revocetur, quæ præcedentibus Aphorismis sunt recensita, in quibus dejectiones nigras pessimas Hippocrates promulgavit. Quare cum in præsentiarum nigrum sanguinem per inferiora excretum bonum proferat, videtur sibi ipsi manifestissime repugnare. Verù quamvis hæc apud ceteros Expositores non sint facilia soluta, sic tamen à nobis explicantur, ut quemadmodum Hippocrates superioribus Aphorismis nigras damnaverit dejectiones, ortas ex mala, indebitaque mistura, ac fermentatione fucorum felci, & pancreatici in Intestina tenuia confluentium: ita hic laudabiliorem existimet nigram dejectionem procedentem à sanguine ex venis hæmorrhoidalibus concrecente: manifestè enim hoc loco opponit sanguinem per os excretum sanguini deorsum exeunti, ubi antea non sanguinem, sed dejectiones nigras sanguini atro similes retulerit, easque ab interioribus, & malè affectis visceribus promanantes .

Sed & multum quoque interest nùm sanguis in ipsis visceribus degeneratus concreverit, an solum in venis sedis sua crassitie subsederit, aut tanquam impurus à reliquo sepositus sponte sua prodierit. Quamobrem jure addit Hippocrates, *cum niger deiciatur*: nam si fortasse purus, & floridus egeratur, profectò malum erit, & quidem præter Corporis languorem, ac decolorationem, pulsum imbecillitatem, viscerum labefactionem, minabitur tabem, vel hydropem. At verò si niger deiciatur, & per intervalla, periodo latiori, plurimum prodierit, præsertim Melancholicis, & Niphritide laborantibus, ut dicitur 6. *Apb.* 11. immò solet à gravissimis ægritudinibus præcavere 6. *epidem. sect.* 3. ubi, qui hæmorrhoidas habent, neque pleuritide, neque peripneumonia, neque phagædena, neque furunculis, neque tuberculis terebinthi figuram habentibus, neque lepra, neque vitiliginibus correpti referuntur. Iis enim omninò suppressis, Hydrops, aut Tabes subsequitur, ex eodem *cap.* 6. *Apb.* 12. Unde nec suprà modum fluere, nec omninò suppressi, salubre erit.

APHORISMUS XXVI.

Difficultatem Intestinorum habenti, si veluti caruncula deiciantur, lethale est.

Hic iterum de Dysenteria sermonem habet, quam terminum sortiri lethalem inquit, si in egestionibus caruncula deiciantur. Neque verò incipientem intelligit, veluti in *Apb.* 24. sed aliquantulum protractam, ut ostendunt verba illa, *difficultatem intestinorum habenti*: quæ sanè ægrotantem diutius

ea affectione detentum significant. Sed enim neque carunculae, & strigmenta Intestinatorum statim inter initia comparere possunt, quippe primum humores varii, & acres, mox verò mucosa quædam, deinde cruenta, postremo strigmentosa, veluti carunculae, egeruntur: his autem apparentibus lethale signum est, *quodd neque caro concrefcere, neque cicatrix obduci in his possit*, ut subdit in comm. Galenus.

Adnotat autem non ineptè Cardanus lethale hoc loco intelligendum, quod plerumque mortem affert, & natura sua, non tamen necessario, nec semper, nisi adjungatur virium imbecillitas, materiae pravitas, vel fragmenti intestini excretio; quo casu æger omnino morietur. Quamobrem in Dysenteriis consideranda sunt quaecumque in ulceribus perpenduntur, conditio videlicet ipsius ulceris, pars ulcerata, & causa vel faciens, vel fovens ulcus: ex his enim oritur, unde ulcera lethalia fiant. Ab ulceris namque conditione prælagire solemus lethalem eventum, si magnum, profundum, malignum, putridum, exedens, cum inflammatione, aut gangræna conjunctum, illud sit. A parte affecta, si principem partem occupet. A causis demùm, si ab acris, erodentibus, venenosisque humoribus foveatur. Id ipsum planè observandum in Dysenteria, siquidem cum intestina gracilia sunt affecta, à pravis, ac deleteriis humoribus, unde fætida, livida, nigra, egerantur, cum ramentis Intestinatorum, ingenti dolore, cibi fastidio, febre, virium jactura, certè mors præsto erit. Porro cum ista desint in Tenesmo, etsi non rarò carunculae egerantur, mors non idèò necessario subsequitur. Sub Ca-

runculis autem comprehenduntur nedùm glandulae internæ Intestinatorum tunicam occupantes, sed etiam fibræ illæ carnae, quibus interiorum eorumdem substantiam communiri Anatomicorum nupera diligentia detectum est, ad motum peristalticum perpetuandum. Si ergo ulcus eò pervenerit, ut exesa interna tunica duriori, fibras istiusmodi erodat, & exteriorem pervadat longè molliorem, irreparabile profectò exitium portendetur, & eo citius, quo priora intestina, & tenuia, magis fuerint affecta, cum ista discissa non coalescant, ex eodem Hippocrate 6. Aph. 18. & 24.

APHORISMUS XXVII.

Quibus febricitantibus sanguinis fluxerit multitudo quacumq; ex parte, cum reficiuntur, alvi iis humectantur.

Prognosis proponit hoc Aphorismo Hippocrates succedentis alvi humectationis in febricitantibus ex fluxu sanguinis præcedenti, undecumque prodierit: Rem tam rarenter visam, ut per pauci sint, qui illam observaverint; unde factum quoque est, ut Expositores de ejusdem veritate plurimum etiam dubitaverint; proinde non mirum, si quod Fuchsius non solum in febribus, verum etiam in aliis morbis fieri dixit, alii ex adverso ad febres dumtaxat contraxerint; & quam sententiam Cardanus universaliter veram fassus est, probabilem solum, neque necessariam, statuerit Argentarius. Sed videamus quomodo illam nos congruis aptemus argumentis.

Sanguinem immodicè fluentem jam antea nocuum adnotavimus, cum

cum indè vita humana sensim fatiscat, ac tandem desinat, si fortalsè ad eam pertingat quantitatem, ut motum Cordis interceptiat. Si ergo febrientes accidat larga sanguinis profusione debilitari, etsi extincta febre evaserint, à resumptis viribus faciliè oriri putandum non levem alvi laxitatem; tum quia ubi antea excrementa cujusvis generis detinebantur, mox statim vigorata natura, deponuntur, & alvus fit lubrica, idque potissimum si à languente Ventriculo cibi nec benè digesti, nec benè sint distributi; tum quia lymphæ, causa febris, tenuior reddita, ac detenta, propter immoderatum sanguinis exitum, incipit deindè, cum Corpus reficitur, ad alvum deponi, ideòque excrementa solvere; atque intestina reddere lubriciora; tum demùm quia, refectionis partibus, omnia illarum excrementa, pari modo deferuntur ad alvum, quæ priùs vi morbi detenta fuerant: quo scilicet pacto experimur, declinantibus febribus cunctas promoveri evacuationes, tum sensibiles per alvum, urinam, sputum, sudorem, tum etiam insensibiles, per poros cutis perspiratione. Porro ab immodica sanguinis evacuatione fieri plerumque solet, ut multo sero in vasa inanita intruso per febrim scateat, & deinceps revalescens, in alvum, aut vesicam deponat.

Speciatim autem notavit Hippocrates id febricitantibus accidere, quoniam per febrim plerumque Corpora exarescunt, undè serosa excrementa non tam faciliè per id tempus egeruntur; at verò desinente febre, cum gravamini illa deindè sint toti Corpori, solent à Natura in pristinum statum restituta, per proprios, & patentiores ductus evacuari. Hinc

meritò adjecit, id dumtaxat accidere, cum corpora reficiuntur. Atqui non parùm in idem conseret fellex humor, qui per febriliū accessionum tempora depravatus, ineptus evaserat fœcum repurgationi, mox in salubrem statum revocatus consueti ului secretionis, excretionisque intestinalium excrementorum, reficitur.

Verùm alvum humectari solummodò animadvertendum, cum memorata excrementa feruntur ad Intestina; at si fortalsè in vias urinarias ducerentur, copiosior urina potius, quàm lubricior alvus fieret, ut deducitur ex 3. *prorheticis*. 40. Sic pariter, si ad convalescentis Corporis refectionem ciborum frugalitas servetur, undè multa excrementa nequeant cumulari, nec profectò alvus humectior evadet: sequitur enim lubricitas alvi immodicam excrementorum collectionem, quæ nonnisi largiorem ciborum usum consequi solet, cohærenter his, quæ idem Hippocrates edocuerat 2. *Aphor.* 7. & *Aphor.* 17. *eiusdem*: ubi cibum præter naturam plùs ingestum morbum facere dicitur, idque patere sanatione, hoc est, collectionum excrementorum expurgatione, ut subdit *in comm.* Galenus.

APHORISMUS XXVIII.

Quibus bilioſæ ſunt deſectiones, hæ ſuperveniente ſurditate ceſſant, & quibus ſurditas adeſt, ſupervenientibus bilioſis deſectionibus, ceſſat.

A Translatione humorum de una in aliam Corporis partem varias, diverſasque accidere aggritudines, in conſeſſo eſt apud omnes, cum illi pro varietate partium, in quas ferun-

feruntur, varias quoque excitent operationum læsiones, adeoque morbos omnino differentes; unde qui humor stomachum vellicando cardialgiam affert, si fortasse in Cerebrum, vel meninges deducatur, phrenitidem, aliumve morbum pariet: & qui suo acore alvum stypticam facit, in renes delatus lapides procreat, in liene restagnans scirrhum, in pleura pleuritidem, atque alibi aliàs promovet affectiones. Hinc perpendens Hippocrates in febribus potissimum ejusmodi humorum in caput, & aures decubitus, vel ex his in alvum depositionem, adnotat, surditatem oriri, vel desinere.

Pro biliosis autem dejectionibus eas intelligit, quæ tenuium, & labilium sunt humorum, qui sponte sua mobiles faciliè ex una in aliam partem deducuntur. Hæ verò tam sunt frequentes in febricentibus, ut vix unum ex millenis invenias, qui ejusmodi humorum egestionem per alvum non patiatur: cum enim in febribus sanguis indebitè fermentescens, secundum aliquas sui partes saltem acrior evadat, fit propterea, ut ejusmodi acrium succorum in cysti fellea copiosior secretio, ac repurgatio habeatur, unde fæces, urina, immò etiam sudores, catæraque cutanea spiramenta consimilem referant conditionem, & non raro cutis ipsa pariformiter inficiatur. Igitur si fortasse per consueta Corporis emissaria recrementa ista minimè repurgentur, sed in sanguine detenta ferantur in caput, & aures, procul dubio surditatem afferent, oppletis nimirum ductibus auditui conferentibus, cum etiam in statu sano, ejusdem generis excrementa in primam auditus semitam deponantur, unde Cerumen exori-

tur, flavum simul, & salitum. At verò si ab his in alvum deferantur, flavæ dejectiones comparebunt, & quidem affluentiores, desinente interea surditate.

Verùm advertit & rectè Galenus, non de ea hic surditate Hippocratem locutum, quæ ex habitu difficulter solvitur, & propriè surditas appellatur, sed quæ repente in febribus, vel aliter fieri solet, & subsurditas, seu gravis auditus dicitur: illa quippe vitium organi sequitur, vel saltem à tenaci, hærentique humore dependet: hæc verò, quæ febricitantibus accidit, quoniam à fluente humore procedit, perseverans esse non solet; quomobrem qua facilitate evenit, eadem, detruso inferius humore, brevissimè desinit.

Cæterum hæc tunc solum eventui prælagito respondebunt, cum surditas, seu subsurditas ex memoratis humoribus provenit; nam si fortasse aliunde illa oriatur, ut accidit Hermocrati *agrote II. 3. epidem.* certè prognosis fallit. Sed & poterit quoque humor in auribus collectus aliò diverti, & per sudorem, aut urinam expurgari, desinetque surditas, absque ulla per alvum evacuatione. Itaque debent ista reciproce respondere, ut aphoristica hæc sententia ubique vera inveniat.

Undè autem consensum hunc Aurium cum Intestinis deducamus, ut his fluentibus illæ laborantes exaudiant, arduum sanè est ex *Anatome* explicare, nisi solum communes Arteriarum vias recenseamus, & mutuo inter se referentes ambarum partium glandulas; unde non semel vidimus brevi solutas parotidas ingenter tumefactas, egestionibus per alvum habitis. Attamen credi-

derim istiusmodi subsurditatem febricitantibus evenire ab humoribus dumtaxat circa Ventriculum collectis; sicut enim sæpenumerò experimur aures obsurdescere, & tinnitum, sibilumque pati in vertiginosis ab affecto Ventriculo, immò & dolores, cæteræque capitis affectiones à stagnantibus ibidem humoribus excitari; sic pariter credere licet in furditate hic ab Hippocrate memorata ex suppressis egestionibus obtingere. Neque verò verisimile videtur tantam humorum coluviem posse Aures occupare, quanta solet per alvum deinde in febrientibus egeri. Satis enim est, nervos pereas partes excurrentes præter naturam affici, vellicari, atque à pravorum succorum præsentia gravari, aut extorqueri, ut mox Cerebrum, ejusque organa sensuum coarctantur: fiet autem, ut potiùs Aures in his lædantur, quàm sensus alii, à conditione vitiosi humoris acris, & biliosi, quippè is, ut antea dictum, multum respondet cerumini, quod Aurium recrementum est felleum, & amarum.

APHORISMUS XXIX.

Quibus febricitantibus sexto die rigores fiunt, difficile iudicium sequitur.

AD prognosim quoque pertinet hic Aphorismus, quo edocemur rigorem febrientibus contingentem sexto die difficile iudicium præmonstrare.

Rigor quidem adeò solet esse febricitantibus familiaris, ut unum ex peculiaribus symptomatis, quæ febres comitantur, recenseatur. Potest autem & Periodicus, & Criticus, & Symptomaticus esse. Periodicus, cum accessiones febrium intermittentium, potissimum tertia-

narum iníat, renovatque, & sicuti is inseparabile, propriumque signum earumdem esse solet, ità quoque bonum existimatur, de quo Hippocrates *hoc eodem libro t. 63. quibus in febribus quotidie rigores fiunt, quotidie febres solvuntur.* Criticus est, cum continuus, vel continenti- bus febribus supervenit, præcedente coctione: eo namque febres aut desinunt, aut in intermittentes commutantur; unde Hippocrates *Aphor. 78. huius*, inquit: *febre ardente laboranti, rigore superveniente, solutio fit.* Symptomaticus demùm febricitantibus accidit, sed absque ulla febris remissione, irritamentum, ac pravitatem humoris arguens, & si fortasse ægro jam debili accidat, lethale signum dicitur, *tex. 46.* Modò rigor hoc loco memoratus nec periodicus, nec criticus esse potest, sed omninò symptomaticus, adeoque non bonus.

Neque verò ex uno tantum capite malus ille censendus est, nam sexto die contingens veluti inter initia febris, & vigente cruditate, malignitatis nota esse solet, ut ex Hippocrate pluribus in locis epidemiorum clarissimè deducitur, & quicumque per hæc tempora contingunt, mala sunt; unde & morbus regius, & sudores sexto die incidentes, pessimi ab eodem Hippocrate proclamantur: quamobrem Galenus tyrannicum illum appellavit.

Sed quàm nocuus, molestusque sit Rigor febricitantibus, ex ipsius natura deducendum: est namque universalis concussio Corporis cum sensu frigoris illata ab humore partes ejusdem sensu præditas irritante. Ex hac autem concussione adeò totum Corpus affligitur, ut veluti à longo itinere defatigatum, ac verberibus cæsum conqueratur: succeden-

V. Gal.
de Sym-
pt. caus. &
ult. de
Rigor.
trem.
palp. c. d.
& comm.
63. huius.

cedente verò intermissione, qua omnino febre vacet, quodammodo reficitur, & quiete compensat, quod à febre rigorifica perpestum est. At verò si febris intermissio nulla sequatur, talem ex rigore molestam concussionem rependere cum non possit, magis, magisque debilitatur, & fatiscit, ut tandem succumbat. Accedit, quod causa rigoris humor est partibus omnibus infensus, itemque sanguini, lymphæ, & liquori nervorum, quapropter nisi deinde repurgetur, & per aliquam evacuationem egeratur, procul dubio mala minabitur periculiosiora.

Quamquam autem Hippocrates speciatim notaverit rigorem sexto die malum, non ideo cætera accidentia, si forte eodem die, aliove non critico, contingant, bona censenda erunt, cum & sudores, & vomitus, & dejectiones, & Icterus, aliaque hujus generis, tum sexto die, tum aliis diebus, nec criticis, nec indicibus, antè coctionem, difficile judicium portentant: quælibet namque evacuatio non ex præcedente coctione, secretioneq; contingens, pro symptomatica habenda est, veluti ex pravitate, vel multitudine proveniens, nec tamen ejus humoris, qui morbum facit. Hinc Philini uxor 1. *epidem.* cum octava die superriguisset, vigesima obiit: & uxor Dromeada: passa rigorem tertia, & sexta, paulò post periit. Sic & Hermocrates 3. *epidem.* morbo regio affectus sexta die, periit vigesima septima. Contra verò Epicratis uxor, quæ superriguit decimaquarta, judicata est quadragesima. Quare, ut rigor, aliive Naturæ motus, criticus, & salutaris censetur, coctionem, secretionemque peccantis humoris consequi debet, cum febris intermissione conjuncta, concurrentibus quo-

que aliis bonæ judicationis indicis.

Qualenam sit ejusmodi difficile judicium, deduci potest ex 1. *epid.* s. 2. *const.* 2. ubi Hippocrates, *cruda, et incocta, & in malos abscessus conversa* inquit, *aut judicatione non futura, aut dolores, aut diuturnitatem, aut mortem, aut recidivam significare.* Quod & in *comm.* istius Aphorismi rememorans Galenus subdit: *eos, qui in hoc die (puta sexto) fiunt rigores, difficile habere judicium, hoc est malum asserre, ac si male judicantes dixisset; vel certe infirmum, ut qui facile recidivam facerent, vel in longum tempus protraherentur, ac si dixisset difficulter solubiles.*

APHORISMUS XXX.

Quibuscumq; accessiones fiunt, quacumque hora febris dimiserit, si eadem cras occupaverit, judicium habent difficile.

ET hic Aphorismus ad partem pertinet prognosticam eventus febrium, & quidem ex repetentibus paroxysmis eadem hora inconcussa, & invariata, eas solutu difficiles testatur. Exemplum affert Galenus febris, quæ semper eadem hora, puta tertia, redeat, & tum primo, tum secundo, tertio, ac quarto die initium resumat, & sic deinceps, licet alia quavis hora intermittat, & desinat. Tales enim, inquit, febres horam sui principii in accessionibus inconcussam, & invariata habentes, futuras longas, & difficulter solubiles; idque sive quotidie, sive tertio, sive quarto quoque die, illæ repetant.

Et sanè, quod de quibuscvis periodicis febribus sermo hic sit ab Hippocrate prolatus, colligi posse videtur ex adjecis dictionibus. *Quibuscumq; accessiones fiunt.* Accessiones

autem indefinitè comprehendunt quotidianas, tertianas, & quartanas. Verùm cum idem dicat *si eadem cras occupaverit*: quotidianas potius expressas voluit, vel tertianas, quartanasq; duplices, triplicesq; singulis scilicet diebus affligentes. Quamquam probabile quoq; sit voluisse id exempli loco notatum, quemadmodum a libi consuevit, pari loquendi formula usus, generalia medicinæ dogmata singularibus exemplis tradere.

Sed num voluerit sub quacumque hora intermissione febris designare repetitionem, in ceptionemq; sequentis accessionis, ita ut finis unius sit initium alterius; an verò principium singulorum paroxysmorum eadem semper hora contingat, licet finis, & declinatio cum intermissione variet, ab Expositoribus disceptatur. Sub priori sensu interpretatur Heurnius, qui vult casum ab Hippocrate fingi, si sequenti die, invaleat febris eadem hora, qua desiit antecedenti. At verò sub posteriori exponit Galenus, qui servari quidem semper horā, in qua accessio suum faciat initium, nō servari verò aliās, in quibus finitur, ut antea notatum est, commentatur; parumq; interesse, an quacumq; hora, & citius, & tardius febris desinat, dummodò eadem semper hora redeat, & incipiat. Et quamvis utraq; expositione sensus Aphorismi cohereat experimento, suisq; rationibus fulciatur; lōgè tamen probabilior videtur, & menti Hippocratis congruentior interpretatio, si finem unius accessionis, alterius principium excipiat, ut cum expectatur intermissio precedentis, & altera subsequens febris accessio subingreditur. Etenim hic Aphorismus videtur scriptus de febris continuis, licet periodicis, cū intermittentes *Aph. 43.* dicantur periculo vacare, quæ propterea difficile

judicium habere nequeunt. Cū igitur febres accidunt, quarū remissiones initiantes succedentiū accessiones excipiunt, ut quotidiana, tertiana duplices, hemitritæ, aliæque *per subintrantiam* dictæ, tunc profectò difficile judicium sequitur; in his enim multi, & mali solent esse humores ingeniti, foci februm sordidi, & fermenta viscerum non minimū depravata. Accidit præterea ex ejusmodi februm generibus ingens in viribus jactura, cū neq; coctiones ciborum, neq; alimenti distributiones commodè peragantur, & quod gravius, ob accessiones sibi subito succedentes Natura nequeat, ut in intermittebus, restaurari, sed sensim hebescit, & elanguet. Secus autem accideret, si febris omnino intermitteret, desineretque, ut existimat Galenus.

Quam præterea idem Galenus rationem difficilis judicii affert, desumptam ex fixa, firmataq; causa accessionum, quæ idcirco difficulter solubilis sit, multis improbat Argenterius, sed potissimum ex eo, quod erratica febres deberent esse facillimè solubiles, ob vagam, instabilemque causam, ex qua oriuntur, cū tamen ex eodem Hippocrate habeatur difficillimè solutionis esse, atque adeò longissimas evadere; quin & illæ, quæ fixam, stabilemque causam recognoscunt, ob id ipsum solvi facilius deberent, quippè quæ melius lubiciantur coctioni, secretioniq; quam si erraticam, vagantemq; consequantur; unde concludit facilius concoqui biliosam materiam stagnantem, quam fluentem, vagantemque pituitam; itemq; citius febres cōtinuas ex humore in venis concluso, quam intermittentes, procedentes ex humore per habitū Corporis diffusio, ut idemmet Galenus arbitratur: sed enim experimur tertianas, & quartanas in-

ter-

termittentes, mensuras, & annas evadere, cum hyemem præsertim attigerint.

At quamquàm hæc adversus Galeni expositionem ab Argenterio proposita non levis momenti videantur, haud tamen improbabilis illa penitus dicenda erit, si repetitiones febrilium accessionum statim semper horis habitæ, invariata temporis invasionem servant. Siquidem reditus accessionis febrilis eadem semper hora immutabiliter arguit æquabilem, constantemque in vasa sanguinea fermenti febrilis intrusionem, atque in visceribus, seu focus februm, per uniformem, determinatamque fermentescens sanguinis in sua emissaria depositionem. Verùm quo pacto ista accendant, clarius infra explicabuntur.

APHORISMUS XXXI.

Febricitantibus lassitudinem habentibus in articulos, et circa maxillas potissimum abscessus fiunt.

2. Aph. 5.

A Libi dixerat Hippocrates spondaneas lassitudines morbos prænnunciare, iisque propterea usus est veluti signis futuras ægritudines præmonstrantibus; nunc & easdem assumit in signa prognostica futurorum abscessuum in articulis, & circa maxillas, si febricitantibus accendant, & absque ulla causa manifesta.

Notavit autem speciatim febricitantes, quoniam licet abscessus quibuscumque ægrotantibus accidere possint ex multa, & tenui materia, cum virium languore, vel ex tenaci, & crassa expulsionem repugnantibus contingunt, eo quod humores febrim excitantes per indebitam fermentationem motui magis subii-

ciatur, & de loco in locum ferri possint.

Cùm itaque hi citrà quancumque evidentem causam, membra Corporis defatigare valentem, lassitudinem incurrunt, ut vel si minimum, leviterque moveantur, se impotentes percipiant, abscessibus subiiciuntur; etenim exinde significatur humores ad partes musculosas, itemque ad tendines, & ligamenta articulorum decumbere, unde impedimentum motus, & impotentia regendi Corporis pondus exoritur.

Quoniam verò lassitudo triplex memoratur à Galeno *comm. ejusdem Aph. 5. 2. lib.* prima quæ ulceris, altera quæ tentationis, tertia quæ inflammationis sensum refert, dubitari hoc loco potest, quænam potius hic sit adicienda, quæ futuros abscessus in loca articulorum prænnunciet: Et dicendum, omnem, & quancumque esse comprehensam, cum unaquæque ab humoribus exoritur, & solum inter sese differant sensu, quem partibus inferunt; quamobrem non immerito Hippocrates indiscriminatim lassitudines nominavit. Porro ad partes lassitudine affectas veluti debiliores facile quicumque humores appellant, & abscessus inferunt.

At verò non ex modica, ac momentanea Corporis lassitudine, hi protinus sunt prælagendi, sed ex continuata, diuque perseverante afflictione, ut propterea in Aphorismo notentur, qui *habent*, hoc est, qui perpetim patiuntur *lassitudinem*, non qui *babuerunt*, vel passi sunt. Indè enim arguitur imbecillitas artuum, qui facillimè eapropter excipere possint decumbentes humores.

Sed & in articulis, & circa maxillas potissimum memorantur abscessus fieri, quoniam humores à

partibus nobilioribus sepositi non alibi promptius recipi, & consistere possunt. Sunt enim in articulis vacuitates; glandulæ verò veluti partes Corporis spongiosæ facillè etiam excipiunt, & detinent: harum autem præcipuè notavit, quæ circa maxillas sunt, uti in buccis, juxta aures, itemque in collo & in jugulo ad linguæ radicem; quippè in has sæpissimè vitiosos humores à Cerebro, aliisque internis visceribus abscedere experimur.

Quamquam autem articulos, & glandulas circa maxillas abscessus pati retulerit Hippocrates, non tamen reliquas idipsum subire posse negandum: etenim sectis cadaveribus, pluries abscessus inventi sunt in glandulis Mesenterii, & Pancreatis, itemque in glandulis lumborum, & Renum, aliisque, & sanè, quæ ratione pone aures, & in collo glandulæ suscipere possunt vitiosos humores, eadem, & cæteræ tum internæ, tum externæ abscessus pati poterunt; quinimmo non semel expertum est multò antè quàm exteriores glandulæ tumerent, interiores in Mesenterio intumuisse; undè rationabiliter quidem dissolventia, & diaphoretica medicamenta, in ejusmodi tumoribus à peritioribus Medicis commendantur, quæ scilicet impactos, hærentesque humores incidunt, attenuent, dissolvantque, & per patentiores ductus foras amendant, quemadmodum de urina multa, & crassa idem Hippocrates *Apb.* 74. hujus fassus est; inquiens: *Quibus speratur futurus abscessus ad articulos, eos liberat ab abscessu urina multa, crassa, & alba qualis in laboriosis febribus quarto die quibusdam incipit fieri, &c.* de qua re inferius.

APHORISMUS XXXII.

Quibus autem convalescentibus ex morbo pars aliqua dolet, ibi fiunt abscessus.

QUOD de febricitantibus ex lassitudine præcedenti Aphorismo pronunciavit, nunc de convalescentibus ex dolore partem aliquam infestante idipsum profert Hippocrates. Quare & hic Aphorismus prognosticus quoque est, alterum tradens indicium abscessus futuri, & quidem ea in parte, quam dolor exeruiat.

Proponit autem convalescentes ex morbo, idest, qui nuper è morbo servati sunt, præsertim acuto; nam ex morbis chronicis non tam facillè abscessus eveniunt, resoluta nimirum sensim materia morbifica ex morbi diuturnitate: quippè ex reliquiis humorum non benè subactis, nec expulsis, ejusmodi abscessus fiunt.

Pro dolente verò parte non solum intelligit; quæ révera dolore, sive pungente, sive gravante afficitur, sed quocumque modo laborantem, imbecillam, & languidam. Cum enim abscessus, translatio sit humoris de una in aliam partem, præsertim ignobilem, certè nisi hæc languida sit, & imbecilla, commotum humorem minimè excipiet; undè sive à dolore re ipsa cruciante, sive ab imbecillitate undecumque induta, pars aliqua laboret, obnoxia fiet abscessui. Hinc experimur in partes torpidas, exangues, extenuatas, aut doloribus affectas, commotos humores decumbere, & abscessus parere. Quod verò vulgò dicitur dolorem trahere, veluti cucurbitula, ridiculum est, cum & Galenus

genus ipse 3. de natur. fac. 13. languorem in partibus, non dolorem accuset.

APHORISMUS XXXIII.

Sed si ante morbum aliqua pars doluerit, ibi morbus statuitur.

Quemadmodum præcedentibus duobus Aphorismis ex indicis concomitantibus, vel consequentibus morbos, conjuncta videlicet lassitudine, aut insequente dolore, prognosum futuri abcessus deduxit. Hippocrates; ita hic ex præcedente morbum dolore in aliqua parte Corporis conicit futurum morbum ibidem consistere, & firmari. Quamobrem inquit Galenus in comment. si quis velit connectere duobus prioribus sermonibus illum, qui nunc dicitur, ad unius Aphorismi integritatem, sive seorsum unumquemque scribere, nihil refert, nam & communitas eorum ostensa est, & singulorum proprietates in sermone præposita.

Cum igitur antequam morbus invadat, pars aliqua Corporis ad ægritudinem disposita dolore afficitur, vel aliter molestat, aut languet, ibi futurus morbus firmabitur, sumpta conjectura ex languore ejusdem partis affectæ. Nam si cuti spontaneæ lassitudines, ante morbi invasionem contingentes, Corpus obnoxium ægritudinibus protendunt; ita labor, dolor, languor cujusvis partis, prænunciat futuram in eadem parte affectionem; quippe pars dolens, aut aliter affecta subiicitur recipiendis humoribus præter naturam adauctis, & vitiatis, qui propterea ibidem consistentes morbum excitabunt, inflammationis, tumoris, aut ab-

cessus naturam referentem; nisi tamen evacuatione per vias urinæ, vel Intestinelorum, aut etiam per sudorem, vel narium hæmorrhagiam, aliterve, vitiosus, ac collectus humor egeratur, ut ex eodem Hippocrate deducitur 6. epidem. sect. 4. inter initia.

APHORISMUS XXXIV.

Si febre habenti suffocatio repente supervenerit, nullo tumore in faucibus existente, est lethale.

Pertinet quoque hic Aphorismus ad partem prognosticam, atque eo interitus prælagitur febricitanti, si repente suffocatione corripitur citrà faucium tumorem.

Quandoquidem inquit *febre habenti*, procul dubio is, cui hæc accidunt, febre multo antea correptus existimandus est: idque magis, quoniam suffocatio dicitur supervenire; quare eadem repente contingens erit symptoma superveniens febricitanti.

De qua verò febre intelligat Hippocrates, dubitat in comm. Galenus. Et quamvis de eo, cui magna insit febris, videatur interpretari; contingit tamen, subdit, etiam sine magna febre, strangulatione repente superveniente, hominem interire; inevitabilior autem, & citior est mors, ut ne sperari quidem possit illius salus, cum vehemens febris detinet ægotantem, ob majorem respirationis indigentiam.

Sive igitur acuta, & gravi febre, sive etiam leviori æger afficiatur, si nullo tumore fauces occupante videatur repente suffocatione corripitur, is prædicatur interiturus. Cum enim citrà causam evidentem suffocatio supervenit, vel in pulmone, vel in as-

V. Hipp. in Coacis præ. ubi eadē die, vel tertia peritum ægrum scribit.

pera arteria vitium aderit, & quidem ejus conditionis, ut non tam mole, quàm venefica pravitate respirandi organa inficiat; vel etiam à Spinæ vertebris luxatis, atque introrsum inflexis partes respirationi dicatæ comprimuntur: quorum utrumque lethale est, medellam haudquaquam admittens. *Suffocatio* namque *non aliud est*, inquit Galenus, *nisi interitus subitus propter defectum inspirationis, qui fit ex angustia alicujus instrumenti ex iis, quæ observantur respirationi*. Quoniam verò dixit nullo tumore in faucibus existente, implicite proinde intelligendum voluit tumorem guttur occupare: quæ enim internam partem asperæ arteriæ infestant, vel exterius circum obstitunt, haudquaquam visu spectari possunt, etiam si os undequaque amplificetur: inflammato autem gutture, ejusque musculis, impeditur inspiratio, & exspiratio, vel per compressionem, si fortè exterius inflammatione gravetur, vel per obstructionem, si interius constipetur.

Sed quid, si tumor in faucibus appareat, an non lethale signum existimandum sit? Et quidem sine vitæ periculo ejusmodi in faucibus tumor non erit, cum non minus periclitentur ægrotantes ex impedita respiratione, quàm ex impedita ciborum deglutione. At verò longè periculosior censenda est læsio respirationis, quàm deglutionis; cum sine respiratione, & aere diù vivere nequeamus, absque deglutione verò, & sine cibo ad plures dies vivere possimus. Accedit, quòd tumor apparens in faucibus, multis, variisque medicamentorum generibus tractari potest, & non rarò ad

maturationem, vel resolutionem perductus ægrum incolumem relinquit, secus verò qui guttur, & asperam arteriam occupat; & si fortassè maturitatem subeat, delabente in pulmonem, & thoracem purulenta materia, necem quoque affert.

Dubitari præterea solet, quinam tumor hic ab Hippocrate memoratur, cum apud Medicos tres species tumorum (excepto Erysipellate) communiter recensentur, phlegmonis, scirrhi, & œdematis. In codice græco scribitur *œdema*, id est tumor mollis factus à phlegmate; undè is videtur speciatim in Aphorismo notatus, eoque magis, quia citrà dolorem est, cujus ne quidem verbum facit Hippocrates in textu. Verùm crediderim potius inflammationem intelligendam esse, cum febricitanti superveniat, ubi humores acritudinem, tenuitatemque sortiuntur. Præterquamquod tumores œdematosi veluti à lentis humoribus induti sensim, & per paulatinam congestionem fiunt, nec faciliè gutturi, aut asperæ arteriæ adnascuntur; in Aphorismo autem dicitur repente suffocationem fieri oportere, & minime apparentem. Quamquam si fortassè œdema exoritur adhuc vitæ periculum minetur, ob interclusam respirationis semitam. Usus est autem nomine œdematis Hippocrates, quod omnem tumorem, seu inflammationem significat, ut etiam *in comm.* Galenus advertit.

Non est autem prætereundum periclitari aliquando ægrotantes, & suffocatos interire, absque ullo tumore, aut inflammatione gutturis, vel faucium, ob malignam solum, venenatamque inspirati aeris conditionem, quemadmodum contigit circa Annum Domini 1618, quo

tempore per Italiam, sed præsertim in hoc Regno Neapolitano sæva lues contagiosa viguit, qua innumeri ferè pueri periere. Id verò potissimum illa affecti patiebantur, ut fauces, & guttur livescerent, & fetorem emitterent pestilentem. Comperit quoque est suffocari homines, cæteraque animalia peculiari-
bus halitibus è quibusdam caver-
nis, ac fodinis erumpentibus, non dissimiliter ac iis accidit, qui æ-
rem illum exhauriunt è crypta ad
lacum Anguianum sita. Ex densio-
ri etiam, aut plùs iusto tenuiori
aere id ipsum pluries visum, quem
admodum in cellis vinariis ex-
fermentescente musto, locis ocllusis,
specubus subterraneis, thermis,
hypocaustis, aliisque, ut latius in
nostra Medicinæ parte theoretica.
Verumtamen suffocatio in hoc A-
phorismo memorata nonniß grave
Pulmonis vitium sequitur, atque
ab interna, non autem ab ex-
terna causa illatum, ut antea di-
ctum est.

APHORISMUS XXXV.

*Si febrem habenti repente collum
pervertatur, ac vix possit devo-
rare, non existente tumore,
lethale est.*

UBi præcedenti Aphorismo le-
thale signum ex subita suffo-
catione febricitanti superveniente
à læsogutturæ, vel pulmone, desum-
ptum est; nunc ab impedita deglu-
titione idem indicium sumitur ob
vitium faucium, & gulæ. Equidem
sicuti respiratio pertinet ad asperam
arteriam, ejusque ductus, ita ad fau-
ces, & œsophagum deglutitio.

Et sanè utrumque symptoma con-
siderat Hippocrates in febricitanti-

bus, quibus semper gravius, ac pe-
riculosius est ejusmodi extraordina-
riis accidentibus molestarì, cum per
febrim vires magis labefactentur, vi-
tæ usus, & operationum vitalium
commoda sensibilius afficiantur,
quæ planè diutius læsa esse non pos-
sunt, etsi in cæteris ægritudinibus
facilius sufferantur.

Quoties ergo præter incommoda
febris, & symptomatum, illam fre-
quentius concomitantium, accidit
febrientes rarioribus, insuerisque
aliis vexari, longè majus periculum
imminet. Et quidem de vita magno-
perè ambigendum, si repente illis
collum pervertatur, contorqueatur-
que, ut vix, ac ne vix quidem pos-
sit deglutire. Significatur enim, ta-
lem, ac tantam læsionem in muscu-
lis moventibus, flectentibus, & cir-
cumvolventibus collum inductam
esse, ut etiam nervi, & vertebræ spi-
nalis medullæ coarctantur; unde
etiam gula, quæ per fibras, & mus-
culos, spinæ adhæret, suo munere
deglutiendi defungatur. Atqui hæc
non sine luxatione, inflammatione,
paralyti, aut convulsione contin-
gunt, quæ febricitantibus omninò
mortifera esse solent. Sed & impedi-
mentum deglutitionis non leviter
quoque incommodat, cum Corpus
alimento, & debita virium instau-
ratione privet. Quod autem ab in-
flammatione ex luxatis vertebris, a-
liæve simili affectione spinæ id oria-
tur, clariùs expressit idem Hippo-
crates 2. epidem. sect. 2. & Galenus 4.
de loco affect. c. 3. Quamobrem quo-
modocumque spinæ vertebræ offen-
dantur, adhuc contusione, vulne-
re, contorsione, valdè de exitu
lethali timendum erit.

v. Celf.
lib. 2. c. 6.

APHORISMUS XXXVI.

Sudores febricitanti si incaperint, boni tertio die, & quinto, & septimo, & nono, & undecimo, & decimoquarto, & septimodecimo, & vigesimo primo, & vigesimo septimo, & trigesimo primo, & trigesimo quarto: Hi enim sudores judicant morbos; qui verò non ita fiunt, laborem significant, & morbi longitudinem, & rectitudinem.

Pergit Hippocrates examinare sudores in febris evenientes, per quos hæc sæpius judicantur: eos autem inquit, si incaperint diebus imparibus, potissimum indicibus, & decretoriis, bonos, & salutares esse; secus in aliis. Quare considerat hic solummodò tempus apparitionis sudoris, nam de substantia, qualitate, loco, & modo, infra.

Quamquam autem ferè omnes Interpretes unanimi consensu generalem hanc Hippocratis sententiam exponant, indeque rationem dierum judicatoriorum tueantur; si nihilominus perpendantur accuratius, quæ hic eorumdem serie is complexus est, procul dubio plures, & quidem non levis momenti difficultates occurrent excutiendæ.

Primum autem se offert examinandum, cur ad seriem criticorum, & indicum, quartum diem in hoc Aphorismo non retulerit, recensuerit verò tertium, & quintum; itemque cur vigesimum primum, non vigesimum, qui tamen ab eodem inter potiores criticos alibi refertur, & cur vigesimum septimum, non vigesimum octavum, veluti per se ptenos comparatum ad vigesimum primum,

Nec deinde difficultate caret; quare tempus sudoris incipientis in febris sit hic per dies impares, veluti crismos recensitum, cum tamen idem Auctor i. *epidem.* judicatorios dies diviserit in impares, & pares; eo sanè discrimine, ut si morbi per dies impares exacerbentur; imparibus quoque judicentur, & per pares, diebus paribus.

Sed etsi per dies impares ingravescentes morbos speciatim voluerit hoc Aphorismo designare; unde postmodum non decimum tertium, sed quartumdecimum recensuit, & trigesium quartum, non trigesium tertium, vel trigesium quintum, in quibus accessiones repetunt sensibiliores, graviusque affligentes, cum febres periodum servant tertianarum.

Undè præterea tantam fidem hoc loco judicatoriis diebus præstitit Hippocrates, qui in *libris epidemiorum* quamlibet diem tum impari, tum parem, decretorii annotat. Equidem Larissæam Virginem sexta die judicatam refert, ut & filiam Eurianactis. Pythion æger primus i. *epidem.* decima die sudavit, & judicatus est; aliique plures pari modo judicati commemorantur, ut latè à nobis ostensum est alibi *cap. de crifibus, & diebus critiis.* Quamobrem Celsus diligentissimus cæteroqui præceptorum Hippocratis observator nullam dierum criticorum rationem habendam voluit, sed tantum accessiones repetentium febrium considerandas, cum ex illis morbi judicium fumant.

Animadversione pariter dignum videtur, cur omiserit quadragesimum diem ultimum criticum acutorum morborum, in quo multi à gravissimis morbis vindicati memorantur, ut præteream reliquos dies

in chronicis considerabiles, sexagesimum, octogesimum, centesimum, & centesimum vigesimum. Hinc traditam criticorum dierum rationem suspectam plerique habuere, neque solum ex Recentioribus, sed apud Vetusiores quoque, ut testis est ipsemet Galenus, qui in *comm. huius Aphorismi* hæc habet: *Non parva est de diebus scriptis in Aphorismo discordia, cum alii alios pro arbitrio scribant.*

Adhuc insuper inquirendum foret, quomodo possit sudor die tertio, vel quinto, criticus, & salutaris esse, cum tunc morbus in principio sit, quo tempore nunquam salubriter Natura movet, quæ tam brevi concoquere, & malos humores secernere nequit. Contra verò qui fieri potest, ut sudor post vigesimumseptimum, vel trigessimumprium erumpens tam malus sit, ut morbi longitudinem, laborem, vel recidivam potendat, si aliter succedat, cum jam per diu is duraverit, ejusque causa morbifica magna ex parte domita putanda sit, cum signis coctionis, & criseos, præsertim quia sudores ab humoribus tenuibus proficiuntur, & hic ab Hippocrate considerantur, veluti acutis morbis finem imponentes, qui propterea ultra quadragesimum producti non referuntur.

At quamvis hæc plurimi facienda sint, ut alias quoque meminimus; aphoristicam hanc tamen Hippocratis sententiam non incommodant, quippe is sudores hic memorat, qui frequentius febrientes allevant, & potius iteratò febres sensim solvunt, quam semel per absolutam, exactamque crism judicant, quemadmodum Galenus 3. *de crisi* adnotavit, rarò nimirum febres præsertim productas unica, perfectaq;

crisi terminari, sed sæpius repetitis evacuationibus desinere, quas idem solutiones appellavit, coherentur his, quæ Hippocrates ipse *Apb. 63.* hujus, ex rigoribus quotidie recurrentibus, febres quotidie pariter solvi animadvertit, potissimum per sudores. Quoniam verò istæ per dies plerumque impares invadunt, nec quadragesimum transcendunt, ideò factum, ut impares præsertim notaverit, omiseritque quadragesimum. Quòd autem de sudoribus non semel apparentibus, & judicantibus febri, sed incipientibus apparere, & pluries redeuntibus agere constituerit, patet manifestè ex contextu ejusdem Aphorismi, nam inquit: *Sudores febricitanti si incaperint:* si ergo enarratis diebus incaperint, ac deinceps progrediuntur, utiles existimandi erunt. Cum imparibus autem connumeravit quartumdecimum, & trigessimumquartum, an quòd voluerit sequi Priscorum morem, qui ex Pythagoreis hos dies magis commendabiles fecere; an quia sub his adjacentes comprehensos voluit, quos ideò non retulit; an demum quia, quæ sæpius observavit, scripsit. Atqui anticipantes, aut seriùs redeuntis febres non rarò in causa sunt, ut crises, quæ cæteroqui die impari evenirent, pari accidant; etenim fieri potest, ut tandiù iteratis accessionibus præveniant, aut remorentur, ut tandem dies permutent. Cæterum quarti diei Hippocrates non meminit, quoniam sudores hic consideravit in declinationibus febrium comparentes, quæ cum per dies impares ponantur exacerbari, propterea illi non nisi in diebus imparibus quoque prodibunt. Sed & rarò crises observatas testatur Galenus in quarto die, qui se semel tantum,

tum, & Archigenem bis in tota vita vidisse faterur.

V. etiam
Hippocr.
progn. 2.
c. 16. &
Mercur.
3. de ex-
crem. 1.

Quod postremo sudores aliis diebus contingentes, quam in his, qui notantur in Aphorismo, laborem portendant, morbi longitudinem, vel recidivam, intelligendum, cum absque signis coctionis accidunt, neque vi Naturæ post secretionem expellentis; tunc enim humorum multitudinem, aut pravitatem consequuntur, adeoque morbum futurum longum, molestum, redeuntem, ancipitem, & non raro etiam capitalem, si præsertim alia pravitas indicia simul copulenter.

APHORISMUS XXXVII

Frigidi sudores cum acuta quidem febrem mortem; cum mitiori vero longitudinem morbi significant.

Qualitatem nunc sudoris in febrientibus considerat Hippocrates, & præsertim eam, quæ ad tactum pertinet; veluti sensibilibiorem, frequentioremq; frigoris videlicet, aut caloris. Inquit autem frigidos sudores semper malos esse, sed tamen cum acuta febre iunctos, mortem; cum mitiori vero, solum longitudinem ægritudinis præsignare.

Et quidem oportet sudores in febribus calidos persentiri, tum quia à partibus viventibus calore præditis emanant, tum quia sanguinis, vitæ fomitibus, serositates redolent, & salium misturas, unde sensationem tactui inferunt caloricam: quo scilicet pacto calor è corporibus percipitur, media actione sensui tactus illata: quam obrem quæ acrius tactum afficiunt, patentiusque cutis poros divellunt, discerpuntque, ea

quoque calorem excitant urentiorem. Contrà verò quæ coarctando constipant, vel obtundunt, sicuti tenuiores partes hebetant, ac fiunt, ita sensum frigoris inducunt, & non raro etiam stupefaciunt, si fortasse modum excedant. Hæc autem ab uno, & solo sanguine, vel in motum celeriore adacto, vel contra præpedito, contingunt; siquidem quoadusque sanguis mediocriter fluidus per venas, & arterias excurrit, atque portione sui florida, & vivifica cunctas Corporis partes irrigat, & quæquaversum inferitur, calor, quem vitalem appellamus, in iisdem persentitur, quæque inde prodeunt, etiam excrementa, caloris quoque sensum exhibent. At verò, ubi præter naturam is afficitur, & vel exsoluta portione volatili, vel etiam coagulata, vel aliter irritata, circuitum æquè benè persolvere nequit, immò effæctus, vapidusque, nec arteriolarum externarum partium subit, nec cutim convenienter fovet; cumque ab acido potissimum serosiores, & lymphicæ portiones ex eodem malè affecto, pressius, insensiusque exprimantur, & per glandulas subtercutaneas in exteriorem Corporis ambitum protrusæ, ab ambiente Aere figantur, sudor proinde frigidus exoritur.

Atque hinc sudores frigidi cum acuta, & continua febre conjuncti mortem prænunciant, quippè qui significant eam in sanguine, cæterisque liquoribus Corporis discrasiam, & depravatam affectionem inductam esse, ut jam jam cruorem, floridamque illius portionem figendo, aut exolvendo circuitum remoretur, & pulsationes in corde, & in arteriis intercipiat, magno cum vitæ discrimine. Frigidis quibus sudoribus

doribus legimus periisse Philiscum, Silenum, uxoremque Drömedæ & i. *epidem*. Quòd si febris acuta, & continua non sit, sed levis, & pusilla, ut ex adjunctis symptomatis, ab humore potius in glandulis subcutaneis concreto, atque sensim per febrim extenuato, ejusmodi sudor exorietur, quare longitüdinem solummodò præsignabit.

Est tamen verum, quòd multum differt sudor frigidus cum febre acuta copulatus, ab eo, qui mitem febrem comitem habet: qui enim febris acutæ, & continuæ jungitur, veluti ab exsoluto sanguine procedens, præter sensum frigoris, instar glutinis adhærescit, undè liquatæ substantiæ alibilis portionem exhibet; qui verò febris mitiori sociatur, cum nonnisi lympham crassiores in glandulis hærentem, sensimque contabescentem pro materia recognoscat, procul dubio feriores conditionem participabit, adeoque minus malus erit, quoniam nil aliud mali arguit, quàm multam, crassam, crudamque materiam, quæ tandem diuturnitate temporis dissolvetur, & superabitur.

Debent autem mites ejusmodi febres tales reverà esse ex sui natura, modicum scilicet, levemque recessum à consueto, & sano statu Corporis inducentes: nam si fortasse mites, & pusillæ forent ex maligna, venenataque conditione, quemadmodum Galenus animadvertit, pusillas febres inquires quandoque valde malignas esse, certè majus, celeriusque periculum minantur, an quòd internam alicujus visceris inflammationem consequuntur, an etiam quia corruptionem, & gangrenam.

Quoniam verò indiscriminatim dixit Hippocrates, frigidos sudores

malos esse in febricitantibus, meritò dubitari potest, an de sudore quocumque morbi tempore erumpente intelligere voluerit; an verò de sudore solum in diebus criticis. Et quidem cum superiori Aphorismo sudoris meminerit certis solum diebus prodeuntis, videtur notasse dumtaxat eum, qui, quo die crisis expectatur, erumpat, ut existimat Heurnius. Verum, non est, ut Aphorismum, ad hos tantummodò sudores contrahamus, cum & reliqui etiam inter initia febrium comparantes, si frigidi sint, id ipsum præfagiant. Immo fatetur Mercurialis rarissime contingere, quòd ægri in principiis morborum multum sudantes, aut non periclitentur, aut longa ægritudine non corripiantur. Quin & calidi quoque sudores lethales esse consueverunt, si ægrum non allevant, & vires dissolvant. Quamobrem non ideò, quia sudores Hippocrates frigidos vituperavit, calidos perpetuò utiles putandum, cum & hi, nisi modum, quantitatemque servant à viribus tolerabilem, atque universales sint, è toto nimirum Corpore manantes, in febrium declinationibus, quæ propterea subindè intermittant, pessimi quoque censendi sint. Atqui non semel vidimus ejusmodi frigidos, exitialesque sudores còpescuisse diaphoretica alexipharmaca, veluti Antimonium diaphoreticum ritè preparatum, & convenienti dosi Diafördii Fracastorii commistum, itemque Bezoardicum minerale, aut martiale cum extracto ligni aloes, sal volatile viperarum, aquam magnanimitatis, spiritum salis ammoniaci dulcem redditum, elixir vitæ, idque genus alia; fortis interea partibus extimis spiritu vini, vel simplici, vel cum caphura misto: quod planè plerisque paradoxum,

3. de ex-
crem. 6.1

V. progn.
2. 26. &
aph. 56.
infra.

qui

qui tamen vel ex ipso Nicolao, ad id *Resatam novellam* præscribente, discere deberent, quæ ratione istiusmodi mala tractanda sint.

APHORISMUS XXXVIII.

Et quæ parte Corporis sudor est, ibi significat morbum esse.

Sudores in febribus, ut salutes sint, nedum calidi, sed è toto Corpore stillantes esse debent, cum inter evacuationes universales à Medicis referantur. Quandocumque igitur particulares sunt ex una, vel altera corporis parte manantes, mali putantur ex 2. *prognost.* 26. Damnat itaque illos hic Hippocrates nedum ut causas morbosas, verum etiam ut signa, ostendit illam partem, undè effluunt, speciatim affectam esse. Non tamen hæc cutanea solum intelligenda, quasi verò sudor ex poris cutis erumpens, eandem cutim laborantem designet, sed potius viscera interiora recondita; quamobrem è capite profluens, Cerebrum, ejusque meninges laborare designabit; è pectore verò Pulmonem, & Cor. Neque insuper ex illo semel erumpente, id ipsum conjectandum erit, sed ex iteratis, recurrentibusque sudoribus; Undè experimure eos, qui Cerebro distillationibus obnoxio laborant, in somno circa frontem, & cervicem sudore perfundi, & nares humectiores pati: quæ ratione dicebat Hippocrates 6. *Aphor.* 2. Quibus nares natura humidiores, & genitura humidior, si minus integra sanitate fruuntur: quoniam Cerebrum serositatibus abundat. Oportet autem sudorem in his spontè prodire, nulla causa externa impellente, puta

æstu aeris, exercitiis, hypocaustis; quippè à superabundanti humore necesse est, ut is solummodo erumpat; quamobrem sicuti egestionem per alvum, aut per vias urinæ spontè habet, & plusquam Natura postulat, excedentes, multitudinem humorum ostendunt, eorum præsertim, quæ inum ventrem occupant: ita pariter exsudationes particulares adauctæ, atque alicubi collectæ serositatis indicia sunt. At verò plerumque in glandulis, quæ innumerabiles per habitum Corporis dispersæ detectæ sunt, serosi isti humores colliguntur, ut præ cæteris prodidit Uvarthonus in *sua Adenographia*: hæc autem vel cum à frigore ambientis exprimuntur, vel cum ab ejusdem æstu attenuantur, & rarescunt, vel cum adeo turgidæ, ulterioris lymphæ incapaces evadunt, solent spontè sua illam in sudorem adigere. Atque hinc obesiora corpora, veluti succi plena, faciliè ex quacumque levi causa copioso sudore perfunduntur.

Neque verò sudor quæ parte erumpit, malè affectam illam solum indicat, sed eam quoque, undè provenit. Expertum enim, Caput aliquando sudare ab affecto Ventriculo, aut Utero, ut in Vertigine sympathica, & hysterica affectione. In his enim non tantum morbus in Capite, & Cerebro designatur, ubi sudor comperet, sed potissimum in Ventriculo, in Utero, unde affectum Cerebrum titubat: sic pariter sudat cervix, & frons ex syncope, inopino timore, Cordis anxietate, aliisque vehementioribus animi pathematis, neutiquam morbo Cerebrum afficiente, sed Cor; quoniam ex Corde vehementer perturbato, sanguis tumultuariè commovetur, & in serositates extillat, caput,

put, & faciem potissimum perfundentes, ob Imaginatricis conturbatam vim, molestamque impressionem, à tristi, & injucundo objecto suscepram.

Postremò ejusmodi sudores plerumque noctu, & inter dormiendum contingere solent. Comperimus enim habemus, eos, qui pectore laborant, vel laxiori, imbecilliorique capite sunt præditi, per noctem sudare circa partes easdem, in quibus se læsos experiuntur; sensim scilicet se exonerante Natura, quibus superfuitatibus opprimitur. Vigilantes quoque consueverunt nonnulli circa Stomachum, & Ventericulum sudare; cum præsertim multò cibo, immoderatòque potu infarciuntur. Qui propter dolo-ribus articulorum obnoxii sunt; solent sæpius ex nullo, vel levi motu in plantis pedum, & volis manuum crassiori humore interdum madescere. Quare pars sudans significabit morbum in seipsa latentem à susceptis ex imbecillitate humoribus, vel aliunde transmissis, vel ibidem aggestis, & ingentis. Hinc medicamenta ejusmodi humores abscondentia dirigi debebunt tum ad partem ipsam, quæ sudat, tum ad eam, quæ sudoris materiam procreat, & suppeditat.

APHORISMUS XXXIX.

Et quaparte Corporis calor, aut frigus, ibi morbus est.

N Edum à sudore particulatim erumpente latentis ibidem morbi indicia sumere possumus, verum etiam ex aliis accidentibus, quæ eidem insueta contingunt; unde ex murato cutis colore, ex tumore, dolore, alopecia, asperitate, &

duritie, aliisque, idipsum conicere solemus. Notat autem speciatim in hoc Aphorismo Hippocrates sensum caloris, aut frigoris, qui si fortasse in aliqua parte diutius perseveret, nec facile cedat, eam ægritudine laborantem, designabit.

Et quidem calor, aut frigus partem affectam indicabunt, si modum, & temperaturam exceßerint, cum recessum arguant à consueto, & naturali: calor etenim alicubi exuperans; sicut & frigus, designant humorem ibidem collectum hære- re, qui aut indebitam fermentationem excitet, aut circumeuntem sanguinem retardet, aut consuetam perspirationem impediat, aut alibilem succum depravat, aliudve præter Naturæ morem agat, quod sensum acuat, vel obundet; quemadmodum à sanguine restagnante plerumque accidit, ut in tumoribus. Sed & aliquandò fit, ut partem exsolutam, vel mortuam denunciet, adcoque præsentem; vel imminentem gangrænam. In his etiam, qui quartanas, vel tertianas febres patiuntur, frigus molestissimum, quale glaciei, inter initia paroxysmorum circa lumbos perferitur, designans ad easdem partes ejusmodi febrium focos pertinere; quemadmodum novissimè demonstravit Franciscus de leboe Sylvius.

Necesse autem est, caloris, aut frigoris excessum ita partibus accidere, ut diutius perseveret; nam si fortasse illicò dispareret, cum non à firma, stabilique causa procederet, certè vel nullam, vel levem tantummodò partis ægritudinem indicaret, sed solam ejusdem imbecillitatem, qua obnoxia illa denotaretur perturbationibus subeundis, præsertim ex halitibus, è quibus fugaces ejusmodi calores excitari solent.

Pariratione, si fortis calorificus sensus frigoris desineret, nec liceret latentem in parte morborum arguere: etenim non raro ab aestu aeris immoderato facies plurimum calere solet, quæ frigida ablutione illico mitescit; & contra sæpissime per hyemem algent manus, pedesque, nullo interius latente morbo, quoniam mox igne, aliove corpore calorifico in naturalem, consuetumque calorem restituntur. Quare ejusmodi excalefactiones, refrigerationesque, ab internis causis induci debent, neque ut levis momenti sint, oportet, ut proinde obfistant adhibitis extrinsecus medicamentis, secus latentem sub cute morbum non indicabunt.

Morbus denique ex ejusmodi sensu frigoris, vel caloris, in partibus affectis indicatus, materialis esse debet, nam quemadmodum dolor non fit nisi à solvate continuum; ita frigus, & calor in partibus excitatus non sine aliquo sensu doloris, absque causa materiali nequit haberi, puta ab humore sensum frigoris, vel caloris inferre valente. Porro omnes istiusmodi sensationes cum tactu sunt: Tangere autem, vel tangi, nisi Corpus, nulla potest res.

APHORISMUS XL

Est ubi in toto Corpore mutationes sunt, si Corpus refrigeretur, vel rursus calefiat, vel color alius ex alio oriatur, longitudinem morbi significat.

Etiam ex coloribus in Corpore apparentibus, mox verò disparentibus, cæterisque mutationibus repente subortis, atque evanidis; morbi conditio iudicium ferri posse decernit Hippocrates; & ubi

præcedentibus Aphorismis partem affectam ex sudore, ac sensu caloris, aut frigoris dignoscendam protulit, nunc ex mutationibus Corpori contingentibus, futuri morbi chronici prognosim exhibet.

Mutationes ægris Corporibus evenientes quamvis plurimæ esse possint, sensibiliores tamen, frequentioresque referuntur, quæ visu, & tactu cunctis innotescunt, veluti excalefactiones, refrigerationesque, & colorum mutationes, præsertim in facie. Hæ modò cum subinde fiunt, & sæpius evariant, malè affectam Corporis, & sanguinis, aliorumque humorum, constitutionem designant. Sicut enim colores, qui naturaliter Corporibus accidunt, ex sanguine, cæterisque succis cum sanguine commistis exoriuntur; unde vulgò fertur: *qualis color apparet in cute, talis humor abundat in Corpore*. Ita in statu morbofo, colores varii in cute apparentes varietatem confluentium in sanguinem humorum consequuntur, atque adeò depravatam ejusdem sanguinis habitudinem. Itemque sicut calor moderatus, conformis, & consentaneus vitæ à sanguine convenienti est, ita ab eodem malè affecto, ac vitiatò, variæ, differentesque colorum mutationes proficiuntur.

Non tamen hic intelligendas vult Hippocrates eas Corporis mutationes, quæ sensim, aut progressu temporis ægrotantibus eveniunt, vel certa solum periodo, statutoque ordine redeunt, sed subitaneas, repentinas, inordinatas, quemadmodum colligitur ex eodem lib. de iudiciis, unde hic Aphorismus videtur desumptus. Et sanè: Siquidem mutationes periodum servantes, & per intervalla redentes, cujusmodi in febribus intermittentibus, in qua-

V. etiam
Cels. lib.
2. c. 5.

rum initiis cutis friget, & pallet, calet verò, & rubet in augmento, non semper morbi longitudinem portendunt. Quare tunc potius erunt observabiles, cum repente accidunt, & evanescunt; ut cum facies e.g. mox robet, mox pallet, modò livescit, modò flavescit, calet, & friget; quodque uni parti accidit, contingat quoque reliquis, ac toti corpori, & quidem vel simul juncta partium omnium extimarum, vel unius post aliam, continuata mutatione.

Sed cur hujusmodi repentinae mutationes morbi longitudinem prænuncient, difficilius est inquisitionis. Ecrediderim id ex mala, variaeque sanguinis affectione verisimilius provenire. Cum enim partes acres, acidas, serosas, crassas, exsolventes, coagulantes, aliasque in se ille suscipit, varias affectiones partibus, quas per meat, imprimit; unde acritudine calorem, & ruborem, acore, pallorem, & frigus, serositate molliem, alborem, & madorem, crassitie nigrorem, tumorem, & hebetudinem, & si fortasse salilaginem contrahat, pruritum, asperitatem, & erosionem partibus inferet. Hinc Hippocrates lib.

In fine.

de ossibus scribit: *laxatis venis*, seu potius arteriis, *ex corde fiunt colores rubicundi, ac lucidi; adstrictis verò virides cum pallore, aut etiam lividi*. Laxantur autem, aut constringuntur arteriae, & venae, prout sanguis acrior, & floridior, vel contrarius acidior, & consistentior evaserit. Modò sanguis, cum varias contrahit affectiones, atque diversorum succorum mixturas, certè longius tempus exigit, ut percolatione, fermentationeque in emissariis habita, in statum naturalem redigatur. Accedit, quòd ex varia, ac multigena san-

Tozzi Op. Med. Tom. III.

guinis constitutione viscera Corporis diversimodè quoque afficiuntur, illorumque fermenta vitiantur, quocirca ob differentem eorumdem discrasiam, non tam facillè potest ægritudo inde deducta removeri, sed in longum tempus necessariò protrahitur; sed & neque periculo vacabit, si præsertim alia copulentur, quæ illius pravitatem, ac malitiam ostendant, quippè non sine vitæ discrimine fit sæpenumero morbi longitudo: neque hic Hippocrates longum morbum attestatus, securum illum, & salutarem est ausus affirmare.

Verùm hæc non ex quacumque causa profecta putandum, sed ex infixa, ac tenaciter hærente, secus morbi longitudinem minimè portenderent, veluti si à vaporibus tantummodò provenirent memoratæ colorum mutationes: hæc etenim in affectionibus hysteris, in morbillorum, ac variolarum eruptionibus, in Renum, & Intestinorum doloribus, sæpissimè accidunt citrà diurnitatem.

APHORISMUS XLI.

Sudor multus ex somno factus absque causa manifesta, Corpus uti plurimò significat; Si verò cibum non accipienti hoc accadat, scire oportet, quòd evacuatione indiget.

Perutili sanè documento admonet hoc Aphorismo Hippocrates, quid ex multo sudore conjectandum, quidque agendum sit, tradita causa immoderatæ istiusmodi sudationis. Undè ad diagnosin ille pertinet, qua curatio congruenter institui possit. Verùm sunt hic plura distinctim animadvertenda.

K

Su-

Sudor primùm refertur multus , seu copioſus : quandoquidem ſalutaris , utiſſe ſit , non parcus , & imperfectus eſſe debet , ſed qui univerſam cauſam morbiſicam extrã Corpus educat . Jure ergo adnotatur multus , ut exindẽ ambigere non liceat ab ejus paritate catharſim judicari neceſſariam , quẽ compleat , quod à ſudore fortaiſſis perſici non potuit .

Dicitur inductus ex ſomno ; nam ut ſuperius innuebamus , ſudor ſalutaris eſſe debet calidus , univerſalis , & in ſomno factus : ſi modò is calidus , univerſalis , & copioſus , in ſomno contingens , non proſit , illius malitia aliundẽ petenda erit , cum iteratò profluat , & non allevet .

Sed & præterea abſque cauſa manifeſta adiicitur : id eſt , quòd prodeat non ex aſtu ambientis aeris , aut hypocauſti , nec ab aſſumpto medicamento ſudorem eliciente , nec aliquam aliam cauſam , quẽ ipſum promovere valeat , ſed ſolum internam , reconditamque , conſequatur .

Cùm igitur hæc ſimul junguntur , ſudor autem non ſemel accidat , ſed ſæpiùs repetat , Corpore interea nihilum proficiente , ſuſpicari primùm licebit eum à ciborum , & potuum copia provenire , unde tanta ejusdem materia ſuggeratur : ſolent quippè partes Corporis , præſertim extenuatæ , aut etiam viribus exolutæ , ſtatim ab aſſumpto cibo , dilutiores ejus particulas in ſuis poſis excipere , quibus deindẽ gravatæ , cum nequeant omnes in ſui nutritum tranſmutare , coguntur in adjacentes glandulas deponere , & mox per ſudorem excernere , qui ſanè deſinet aſſumpto cibo , & potu frugaliiori , quantus ſcilicet ſatis ſit viribus reſcindiſis , abſq; ullo partium gra-

vamine . Si autem ſudor multus ciborum , & potuum copiam non ſequatur , planè designabit ingentem aquei , & ſeroſi humoris collectiõnem , quæ omninò evacuatione egebit . Veruntamen ſudor ſi modicus foret , languorem potiùs Naturæ , vel rariorem cutis texturam argueret , cum fortaiſſe diutiùs repeteret .

At quo genere evacuationis impurum ejusmodi Corpus repurgari debeat , in Aphoriſmo Hippocrates non explicavit . Quare licet preſſiùs iatelligi poſſit , quæ per cathartica peragitur , quibus compactiones , craſſioresque ſucci , à ſudationibus relictĩ , efficacius educuntur ; nihilominùs etiam , quæ per vias urinæ fieri ſolet , admitti poterit , ſi præſertim ad eas vergere videantur , qui excernendi ſunt . Nam qua ratione craſſi humores ad articulos deponendi , ſolent non rarò per vias urinarias expurgari , poterunt & eadem , qui per cutim omninò excerni nequeunt , in Renum ductus tranſmitti , & evacuari . Sæpè etiam expertum eſt ex ſtypticiori alvo , laxatis urinæ meatibus , uberiùs illam profluxiſſe , craſſam , turbidamque , ac multò ſedimine ſaturam . Verùm tutius ſemper erit catharticiſ uti , ſi non ſemel & vehementioribus , ſaltem blandioribus , & per intervalla , prout res ipſa , & vires tulerint . Ea autem ejus potiffimùm ſint generis , ut ſimul incidant , & attenuent , referantq; conditionem hydroticam , aut phlegmagogam .

Neque verò hic reticebo , quod jam pridem iterato uſu comperi , contumaces morbos , atq; reconditas morborum cauſas , in penitioribus Corporis partibus hærentes , tutò , ſalubriterque fugari , & quod admirabiliùs , abſque ulla multoties evidenti evacuatione , bicipiti pulvere noſtro ,

nostro, ex cerussa stibii Salæ, & nitro ex lotionibus ejusdem elicito, atque ad plures dies exhibitò, dosi tamen varia pro Corporum, & ætatum diversitate. Mirum enim quàm efficaciter omnes istiusmodi ægitudines depellat, quæ cæteroqui aliis cujusvis generis medicamentis obsistunt. Verùm in illius præparatione diligens, & sagax artifex expostulatur, ut res ex voto succedat.

APHORISMUS XLII.

Sudor multus calidus, vel frigidus, semper fluens, frigidus magis, calidus minus, significat morbum.

Sudorem quoque hic multum, seu copiosum, superque fluentem considerat, illumque ait omninò morbum indicare, leviorè tamen, si calidus, graviore, si frigidus ille sit. Equidem modicus sudor utpotè levis momenti ab Hippocrate parvipenditur, veluti levem quoque causam designans; at verò abundans, & perpetuò profluens, non semel scilicet, aut unico die, præsertim critico, sed tota morbiduratione contingens multitudinem simul, & malitiam arguit, quæ saltem diuturniori tempore emendari poterit: Pravitatem autem significabit majorem, vel minorem, prout frigidus, vel calidus ille fuerit; nam calidus tenues, mobileque humores designabit, qui facilius exsolvi, & expurgari possint; frigidus verò, crassos, & consistentes, coctionis longè difficilioris. Quamobrem non *magis, & minus* legendum existimant Fuchsius, & Heurnius, ut Leoniceus vertit, sed *majorem*, seu longiorem morbum, & *minorem*, seu breviorè.

Consideratur præterea hic sudor

è toto Corpore manans, non verò ex aliqua tantum parte. Ita enim melius nescitur Aphorismo præcedenti: nam de sudoribus particularibus antea verba fecerat. Quamquam nil repugnat, ut etiam aptari possit sudoribus ab una, vel altera parte erumpentibus; equidem sicut se habet sudor universalis ad totum Corpus, ita sudor particularis ad speciales Corporis partes, ideòque sudor multus, sive frigidus, sive calidus semper fluens morbum omninò magnum indicabit, vel dignitate partis affectæ, vel symptomatum magnitudine, ac sævitiâ, aut curandi difficultate. Hinc omnis sudor bonus, calidus est; at verò non omnis sudor calidus, bonus est, nisi alia conjungantur, quæ sudoris bonitatem attestentur, ut præsertim, si in declinatione morbi fiat, præcedentem coctionem subsequatur, feratque deinceps ægri levamen, ac morbi, causæ morbosæ, & symptomatum abolitionem.

APHORISMUS XLIII.

Febres quæcumque non intermit- tentes tertio die fortiores fiunt, magis periculose. Quocumque autem modo intermiserint, periculum abesse significant.

Orditur nunc Hippocrates accidentia febrium, quidque boni, aut mali ex illarum accessionibus, ac progressibus prælagiri possit, pluribus Aphorismis edocet. Primum autem illarum continuitatem, atque intermissionem memorat, atque intermittentes periculo vacare, continuas verò, & præsertim tertio quoque die ingravescentes, periculosas magis, magisque fieri, quo graviores, validioresque fuerint.

V. etiam in eo-
p. 1. not.
ubi: Fe-
bres co-
tinuæ
per ter-
tium an-
gescētes
pericu-
losæ.

Omnes itaque febres complectitur, cum dicat *quacumque*: quo nimirum nullam excipit, modò non intermittat. Dicuntur autem non intermittere, cum ægrotum nunquam febre vacantem deserunt, licet magis, vel minùs excrucient, prout magis, minùsve ad augmentum accesserint, in quo omnia symptomata vehementiora sunt. Has febrium species Græci consueverunt *synochas* appellare, id est continenter affligentes, non quòd suis quoque temporibus particularibus careant, sed quia ægrotum nunquam immunem relinquunt, quamvis pro varia materiæ morbificæ motione, modò incipiant, modò augeantur, aut stent, modò denique in declinationem vergant, quam nondum absolutam alia accessio febrilis excipiat, eum iisdem omninò molestiis, ut priùs; sed & non raro tertio quoque die vehementius adoriuntur, & affligunt.

At quænam sint ejusmodi febres continuæ tertio quoque die vehementius affligentes, controvertitur apud Expositores. Fuchsius semitertianas interpretatur, græcè *hemitritæos*, de quibus Hippocrates 1. *epid. const.* 1. hæc habet: *Febres horridæ, continuæ, acutæ, omninò non intermittentes; forma autem erat semitertiana, uno die leviores, altero verò gravius invadentes, & in summa acutiores evadentes.* Hinc duas statuunt exigi conditiones in Febre semitertiana, ut nimirum continua, & acuta sit, itemque horrida, & alternis diebus gravius affligens: quas ut Galenus eidem aptaret; semitertianam fecit febrem compositam ex tertiana intermittente, & continua quotidiana: hæc enim ratione inquit simul horridicâ fieri, tertiis quibusque diebus ingravescentem, & continuam, atque acutam.

At crediderim, voluisse hic Hip-

ocraticam eas febres memorare, quæ græcè *Tritæophyes* appellantur, tertianarum naturam referentes. Harum quoque meminit Galenus 2. *de differ. febr. c.* 2. vocatque tertianas extensas, quæ scilicet de uno in alterum diem adeò protrahuntur, ut antequam prior accessio definat, nova per triduum subingrediatur. Tritæophyes ergo istæ febres, præterquam quòd sua natura molestissimæ, cum continuæ sint, & de tertio in tertium novis semper accessionibus recurrentes, solent etiam gravissimis symptomatibus stipari, quæ procedentibus paroxysmis magis, magisque increbescunt: quamobrem prælanguidi redditi egrotantes facillimè succumbunt; jure igitur in Aphorismo referuntur periculosiores.

Verum quomodocumque intermittentes periculo vacare, qua ratione adjectum sit, non omninò benè constat; cum apud plerosque gravissimos Auctores habeatur, ab intermittentibus febribus egrotos periis-
se, & non sine nota malignitatis; quamvis à Galeno proditum sit in *commisissus Aphor.* Solæ illæ, quæ in quietem febrem vacantem desinunt, periculo carent, etiamsi vehementissimam, & valdè longam habuerint accessionem. Non absque ratione autem eas, quæ in quietem febrem vacantem desinunt, esse absque periculo, inquit, ut quæ non ex inflammatione aliqua, neque ex maligna humorum putredine occasionem habeant: neutra enim harum ad quietem pervenit febrem vacantem. Attamen non desunt, qui vel omninò falsum, vel non perpetuò verum hunc Aphorismum afferant, præsertim quia citrà inflammationem, & absque humorum maligna putredine continuæ, & periculosæ febres observatæ
sint.

V. 2. in 6.
epid. 23.

2. de differ.
sen. febr.
c. 2.

sint, immò exitiales, & malignæ sæpèpiùs videantur cum intermissione, ut de Hermocrate scribit Hippocrates 3. *epidem. agr.* 2. qui licet pluries à febre liber visus fuerit, nihilominus vigesima septima die mortuus est.

At esto hæc à quibusdam opponantur, haud tamen rationabiliter evinci poterit, febres vera intermittentes periculosas esse, ni prius successu temporis in continuas permutantur. Per id enim, quod verè intermittunt, periculo vacant, unde ut periculum minentur, continuæ fieri debent. In quacumque cuiuslibet accessionis intermittentium febrium declinatione febrile fermentum, veluti sanguini extraneum, repurgatur, & expellitur, vel per sudorem, vel per dejectionem, aut vomitum, vel per urinam, vel saltem insensibiliter media transpiratione: cumque mors contingere nequeat absque proxima, & continuata sanguinis, & cordis latione, qua utriusque motus interrumpatur, fit proinde, ut cum febris intermissione illa haberi nequeat.

Quæ verò febres referuntur intermittentes, & mortem attulisse, revera intermittentes non fuerunt, vel continuæ mox evaserunt. Et quidem sunt, quæ remissionem, declinationemque subeunt, non tamen omnino desinunt, sive ad quietem febre vacantem perveniunt, unde apparenter solum videtur intermittere; quemadmodum Hermocrati accidit, qui visus est à febre immunis, sed reverà febricitabat, idque ex eo potissimum, quia numquam symptomatibus fuit vacuus, ut bene etiam observat Mercurialis *hoc loco*, unde de non legitima, & vera intermissione suspicari jure possumus; quin & sæpèpiùs absq; ulla

evacuazione, vel manifesta causa, perfectè declinasse non licet credere.

Sunt præterea quæ priquam intermittentes, deinde transeunt in continuas, ut cum fermentum febrile antea extraneum sanguini, deinceps intraneum evadit, aut ex mala sanguinis habitudine, aut ex viscerum discrasia, unde perpetim sanguis inficiatur, contrahatque simile vitium, quod aliunde suggerebatur. Sic aliquandò acidum ex Pancreate sanguini suggestum, ita illum succedentibus paroxysmis vitiat, ut nedum acorem imprimat difficulter secernibilem, verum etiam eundem reddat concrecentem, unde febres simul continuæ, & malignæ.

Sed dubitari potest, an Hippocrates hunc Aphorismum voluerit intelligendum de omnibus febribus intermittentibus, ut nimirum illæ vi solum intermissionis periculo vacent; an verò solas tertianas expresserit, cum earum dumtaxat, quæ tertio die fortiores fiunt, in priori Aphorismi parte meminerit. Et quidem probabile videtur excipere voluisse solum tertianas febres quomodolibet intermittentes; etenim hac ratione exceptio memorata in secunda parte Aphorismi responderet adamussim generali assertioni primæ. Verum quia febres istiusmodi periculo vacare dicuntur, uti intermittentes, procul dubio parum intererit, an tertianæ, quotidianæ, vel quartanæ sint, dummodo intermittant, & ægrum febre vacantem deserant. Febres liquidæ omnes à periodis desumptæ, possunt ab uno, eodemque humore diversimodè tamen affecto exoriri, ut aliàs à nobis est ostensum. Quare eas periculo vacare putandum non à conditione peccantis humoris, qui idem in omnibus

nibus esse potest, sed ab intermissione; Quamvis tertianæ cæteris semper securiores hoc Aphorismo notentur, cum intermiserint, fortè quia cæteris breviores. Cæterum dicuntur intermittentes febres periculo vacare, secluso quocumque alio morbo, cum quo illæ copulari possunt: quippè quartanæ febres, cæteroqui tutissimæ, ubi intermiserint, sicum obstructione, & scirrhus Lienis conjungantur, lethales esse consueverunt, sicut pariter tertianæ cum Ictero, ac Jecinoris tumore, & quotidianæ cum Ventriculi languore, fluxuque cæliaco: Idipsum de cæteris dicendum. Porro quò tempus intermissionis longius fuerit, eò febris securior fiet: habet enim Natura, quò melius seipsam rescire valeat.

APHORISMUS XLIV.

Quos febres longe exercent, iis tubercula, vel labores in articulis sunt.

FActa distinctione febrium quarumcumque in acutas, & chronicas, quemadmodum illæ solent sepius per sensibiles evacuationes terminari, potissimum verò per sudores, urinam, ac defectionem, quoniam excitantur ab humoribus auxiliariis, & facile mobilibus: ita istæ potius per abscessus desinunt, quod crassi, tenacesque humores difficilius extrà Corpus per consuetam emissaria queant expurgari. Hinc Hippocrates, eos, hoc Aphorismo prædicit, qui longis, ac diuturnis febribus laborant, in tumores, & articulorum dolores incidere, quo tempore declinationem attigerint. Humores enim in his febribus, cum ex crassitie, & ineptitudine ad mo-

tum, tum ex imbecillitate Naturæ, quæ tanta diuturnitate debilis evasit, nequeunt nisi in articulos decumbere, ut antea quoque monstratum est; unde postmodum labores, & dolores accidunt. Tubercula verò licet in articulis pariter non raro oboriantur, nil tamen prohibet, quin etiam in reliquis partibus, præsertim adenosus, erumpant, ubi facile ejusmodi humores adhærescunt, & in tumores attolluntur. Hinc tubercula non ad articulos referenda putat Cardanus, & Fuchsius Aphorismum legendum esse arbitratur cum particula disjunctiva, *vel*, ita ut tubercula ad totum Corpus, labores verò, seu dolores ad articulos pertineant. Verum quæ de causa longis febribus hæc accidunt docet Hippocrates Aphorismo sequenti.

APHORISMUS XLV.

Quibus tubercula, vel in articulis labores, ex febribus accidunt, iis plenior utuntur cibo.

Explicat hoc Aphorismo Hippocrates, quibus tubercula, vel in articulis dolores ex febribus accidunt, eos nimirum, qui plenior utuntur cibo, à febribus evasi. Quare de convalescentibus post febres diuturnas, dictum exponunt cum Galeno Fuchsius, & Cardanus; nec absque ratione; siquidem remanent ab his febrientes multum languidi, & extenuati, proindeque partes diu alimento depauperata, mox uberius pasta, facile ob debilem concoquendi facultatem pravis, atque indigestis succis opplentur, qui deinde ad glandulas Corporis, vel ad articulos depositi, abscessus, tubercula, & dolores articulorum excitant. Hac eadem ratione experi-

mur à diuturnis ægritudinibus sanatos, plurimum famelcentes, nec tamen bene cibos conficientes, excrementorum pluralitate, obstructions incurrere, aliaque hujus generis mala. Neque verò poterunt aliunde hæc accidere; etenim qui ex febribus convalescunt, post evictam, expulsamque causam, vindictos esse oportet; si ergo non ab humoribus, qui febrem excitant, nec à reliquiis eorumdem tubercula, & labores articulorum pendere possunt, quippe eos expulsos credere est, si febris desit; procul dubio à copia ciborum, & ab excrementorum inde emergentium superfluitate tubercula, & articulorum dolores exoriri putandum. At verò pro varia excrementorum, five acutum, five ad articulos, motione, depositioneque, modò articuli dolores, modò tubercula excitabuntur, ut etiam superius animadvertum est.

APHORISMUS XLVI.

Si Rigor incidat, febre non intermittente, agro jam debili, lethale est.

Rigor, ut in febribus sit salutarius, sequentem opus est, ut habeat intermissionem, seu quietem omnino febre vacantem. Si enim exinde febris non intermittat, nec ægrum immunem deferat, certè mali morbi testimonium erit, & ingentis pravitatis indicium; ut latius à nobis *Aph. XXIX* est ostensum. Si præterea ægrum debilem in vadat, lethale signum omnino erit, ut hic ab Hippocrate indicatur.

Advertit autem, & rectè Galenus, aliud quid referre verbum *incidit*, ac *incidat*; *Inciderit* enim

unum significat Rigoris insultum; incidat verò, plures. Unde Rigor hoc loco notatus, non erit qui semel contigerit, sed qui pluries repetierit. Plurimum namque affligitur æger à Rigore ob vehementem totius Corporis concussionem, per quam vires infringuntur, & universa membra delaxantur, quæ sanè incommoda, nisi febris intermissione, restauratis scilicet viribus, compensentur, gravissima existimanda sunt. Quod si præterea aliqua evacuatio rigorem subsequatur, quæ nullam faciat intermissionem, propter utrumque dissolvi hominem par est, tum quia vis imbecillis ferre non potest rigoris agitationem, tum quia ab evacuatione dissolvitur. Si verò solus accidat rigor, nulla evacuatione subsequente, utroque modo casus caret bonitate, nam tanquam causa mala vires hominis tentat; & malum signum erit, illius indicans imbecillitatem, quæ solita erat noxios humores in rigoribus evacuare, nunc verò hoc non potest efficere, Hactenus Galenus.

Insuper animadversione dignum est, quod verbum *incidat* non significat Rigoris repetitionem à principio habitam, sed vel in augmento, vel in statu contingentem, cum antea febris absque rigore invaserit, unde *incidat* perinde est, ac *superveniat*, five calq, & sine ulla causa rationabili contingat. Potrò ita sit, ut ab humore maligno, & irritante, non verò à Natura, quæ causam morificam adoriatur Rigor excitetur; unde meritò Galenus illum vituperat, & veluti causam malam, vim, facultatemque Corporis lædentem, & tri signum malum ejusdem indicans imbecillitatem, idque potissimum.

quia febris non intermittebat.

Quoniam verò Hippocrates inquit in agro debili ejusmodi Rigorem lethale signum esse, videndum quam imbecillitatem intelligat, partis scilicet naturalis, vitalis, animalis. Et quamvis de omnibus exponi possit, cum unaquæque in ægrotantibus mala sit, & à singulis benè constantibus salutis spes affulgeat, juxta ac idem auctor scripsit 2. *Aph. Monte constare, & bonè se habere ad ea, quæ offeruntur, bonum; contra verò malum.* Nihilominus specialius vires attenduntur, quibus Natura pugnam cum morbo sustinet. Parùm autem refert an debilitas absque causa manifesta contingat, an etiam aliquam evacuationem, aut extremam inediam consequatur, modo talis sit, ut Naturam ferendo impotentem effecerit. Ceterùm de Rigore legi meretur idem Hippocrates lib. 1. *de morbis*, & Cardanus in comment. istius *Aphorismi*.

APHORISMUS XLVII.

Excretiones, in febribus non intermittentes, livida, eructa, fatida, & biliosa, omnes mala. Sed si prospere excernuntur, sive per alvi excretionem, sive per urinas, bona. Si verò aliquid eorum, quæ non confert excerni, per hæc loca excernitur, malum.

STatim in ipso timine commentarii incusat Galenus Hippocratem proximitatis, asserens potuisse sententiam hanc dici compendiosius; Sed nedùm is à Cardano defenditur, verùm inscitia potius ipsemet Galenus infirmatur. Etenim Hippocrates excreta in febribus

trifariam hic considerat, examinata primum illorum natura, deinde excretionis modo, postremo successu. Excreta siquidem præter Naturæ morem semper reipsa mala sunt: quæ faciliè educuntur, bona; difficulter verò mala: & demùm si exinde levetur æger, atque in melius proficiat, bonum; contra, malum. Aphoristicam hanc propterea sententiam ita exponit Cardanus, ut excreationes in febribus non intermittentes, qualitercunque pravæ fuerint, seu colore, seu odore, seu substantia, seu permissione, aliterve, malum significant, itemque si difficulter prodeant, & absque levamine, secus bonæ erunt. His adiecti quoque debet locus, per quem fiunt, quæmadmodum ex textu deducitur; nam si per loca consuetæ, & consentientia habeantur, bonum; per aliena verò, & insueta, malum.

Quamvis insuper Hippocrates retulerit excreationes speciales per alvum, & vias urinæ, qui debuisset generalioribus Aphorismum describere, ut obijcit idem Galenus, implicite tamen continentur sub his quæcumque evacuationes. Mos enim Hippocratis est, sub speciali cuiuspiam exemplo generalem proponere doctrinam. Sed & voluit ita quoque universas evacuationes eum particularibus comparare, pendentes ex affectionibus similiter universalibus ad particulares relatis; quoniam ut benè idem Cardanus *specialia signa in morbis universalibus, & universalia in morbis specialibus, non significant bonum, neque salutem.* Unde *excreationes in febre non sunt bonum signum, sicut nec nimia in morbo laterali, sed sunt signa impertinentia.* Hæc pro Hippocrate

crate adversus Galeni calumnias ex Cardano. Nunc sensum Aphorismi aperiamus.

Memorat Hippocrates excretiones, seu per os expurgationes, in febribus, veluti evacuationes particulares nihilum facientes in febricentibus, in quibus commendabiles solum sunt universales. Illæ etenim veluti non pertinentes, nec facientes ad rem, causamque morbosam, malæ censendæ sunt, & præsertim si fuerint lividæ, cruentæ, fatidæ, & biliosæ, quippè quæ incongruentes simul, & ineptæ, quoniam lividæ, cruentæ, fatidæ, biliosæ. Nam lividæ, & fatidæ, corruptelam; cruentæ, & biliosæ, sanguinis vitium, & vasorum laxitatem, aut erosionem arguunt. Hæc autem si continuè febricitantibus accidunt, pessimam in sanguine diathesim, & in visceribus peioris, aut capitis gravem indicant affectionem.

Verumtamen quæ ex propria substantia, aut conditione excreationes malæ sunt, poterunt aliquandò bonitatem participare, si prospere, & facili ter prodeant. Neque verò hæc solum, sed propterea quæ per alvum, & vias urinæ contingunt, bonæ erunt, si modum servaverint Naturæ convenientem, putæ absque dolore, aut anxietate, & sine ullo virium dispendio. Etenim quamvis excrementa alvi, & vesicæ pravam referant conditionem, si tamen commodè, & absque molestia egerantur, salutaria sunt, expulsa nimirum causa morbofa. Contrà verò oberunt, si Natura potius lacescant, & eruciant, viresque labefactiant: quod autem bene prodeant, argumento erit *coctio, & bona tolerantia*, inquit *in totum Galepus, atque cum his,*

& morbi species, & tempus anni, & regio, & ætas, & natura egrotantis.

Concludit demùm Hippocrates: *Si verò aliquid eorum, quæ non confert excerni, per hæc loca excernatur, malum.* Quibus admonet malam, & perniciosam esse evacuationem per has vias eorum, quæ excerni non debent, veluti chylus, sanguis, vel alius ab illo, qui morbum faciens, debet evacuari, nam quemadmodum expellenda si retineantur nocent, ita retinenda si egerantur, non proficiunt: quod planè intelligendum nedùm de substantia rei excretæ, sed etiam de qualitate, & tempore excretionis. Unde sex universim semper sunt in quacumque evacuatione consideranda, substantia, & natura rei, quæ excernitur, num sanguis, chylus, pus, caro, vermis, lapis: Qualitas rei excretæ, num calida, frigida, bene, vel male olens, mordax, salsa, acida, tenax, aut fluida, alba, vel nigra: Quantitas, num moderata, vel immoderata, servata præsertim proportionem cum morbo, & causa morbofa: Tempus, num cocta, vel cruda materia, inter initia, aut in declinatione morbi. Locus, an per loca consentanea, & consueta Naturæ, an verò per dissentanea, ut si feces per os, non per alvum. Modus demùm, num cum dolore, anxietate, vel sine ulla molestia, nulloque negotio: Hinc faciliè quispiam conjectabit, num utilis, salubrisque sit, an perniciofa evacuatio; unde cumque illa prodierit, quemadmodum hoc loco Hippocrates edocere visus est.

APHORISMUS XLVIII

*In febribus non intermittentibus, si partes exteriores sint frigidae, interiores verò urantur, & si-
tim habeant, lethale est.*

IN hoc Aphorismo interitus præ-
sagitur his, qui febre non inter-
mittente laborantes frigent exte-
rius, interius verò æstuant, & si-
tiunt. Et quamvis ferè omnes In-
terpretes id accidere fateantur fe-
bribus ardentibus malignis, veluti
lipyriis, quarum proprium est in-
genti siti ægotantes cruciari, & æstu
immodico exurere, non tamen ca-
teris quoque febribus id ipsum quo-
que evenire posse negandum, si in-
ternam inflammationem conse-
quantur. Verùm necesse est, febres
hæc continentur affligere, cum e-
iusmodi accidentia nequeant cum
intermittentibus conjungi, ut pru-
denter ab Hippocrate est animad-
versum, fuitque pariter notatum à
Galenò *comm. 43. hujus*, qui inter-
mittentes febres nec ab interna in-
flammatione, nec à maligna humo-
rum putredine oriri posse docuit.

Ut autem hæc interitum porten-
dant, non satis est ægotantem in-
terius uri, atque ingenti siti crucia-
ri, sed etiam necesse est exteriora
frigere: quippè viscerum interno-
rum æstus ab inflammatione proce-
dens sanguini circumvenienti impedi-
mento est, inuod signum est mani-
festissimum remorantis sanguinis,
qui non nisi ab acido figente resta-
gnat, adeoque non solum frigus ex-
timis partibus incutit, verum etiam
gangrænam internam inducit, uti
sectionibus Cadaverum pluries in-
notuit.

Sed & Erysipelas non rarò inte-

riores partes occupat, unde æstus,
& sitis ingens. Quemadmodum enim
partes cutaneæ erysipelate sæpe sæ-
pius affici solent, & quandoq; etiam
erratico; ita internæ, præsertim
Pulmo, Diaphragma, Jecur, alia-
que parimodo erysipelate infestantur,
ut propterea multos in praxi
eiuscemodi molestiis vexatos, cum
inquietudine, anxietate, linguæ
scabritie, hoc mali genere ægotan-
tes suspicari liceat; unde postmo-
dum sit, cur non semper suppura-
tiones consequantur, cum deinceps
isti convalescunt, resoluta nimirum
insensibiliter materia, quemadmo-
dum externo erysipelati contingit.
Porro erysipelata interius progenita
nedum admittit Galenus *in comm.*
& alibi, sed etiam Aetius, qui præ-
terea *lib. 5. ap. 89.* ex diversis parti-
bus erysipelate affectis, varias quo-
que febrium ardentium species di-
stinguit; unde *lipyriam* appellat,
quæ fit ex erysipelate in Ventriculo,
Typhodem, quæ in Jecore, & *Cry-*
modem, quæ in Pulmone. Hippo-
crates etiam *5. Aph. 43.* meminit e-
rysipelatis in Utero, itemque ery-
sipelatis in Pulmone *2. de morbis*;
unde ab exterioribus ad interiora
idem verti, malum scripsit *6. Aph.*
25. ab interioribus autem ad exte-
riora bonum.

Adjecit in textu Hippocrates si-
tim, veluti symptoma omnino cum
febre ardente conjunctum; siquidem
duo referuntur signa illius pathog-
nomonica, calor exurens, & ingens
sitis. Verùm crediderim, functum
etiam futurum eventum ex solo in-
teriorum viscerum æstu, atque ex-
timarum partium refrigeratione.
Sitis autem sive adsit, sive desit, nil
quidpiam perniciosi detrahet, ac
addet: equidem si adsit, ardentem
viscerum confirmat; si verò desit,

eorum-

V. etiam
Gal. 7.
Aph. 42.

Idem p.
de mor-
bis.

eorundem stuporem, & gangrænam arguit. Atqui sicim fortasse adjunxit Hippocrates veluti signum, quo internarum partium æstus patientius possit internosci, non tam ex sensu ipso, quo sæpe istiusmodi febrientes carent, quam ex linguae scabritie, & ariditate, quæ in his numquam abest.

APHORISMUS XLIX.

In febre non intermittente si labrum, palpebra, vel supercilium, vel oculus, vel nasus pervertatur, vel non videatur, vel non audiat, jam debili existente Corpore; quidquid horum evenierit, mors proxima est.

TRADIT & hoc alio Aphorismo Hippocrates imminuentis exitii signa in febricitantibus, desumpta ex læso sensu, & motu animali; atque adeo ex hebetatis organis in id concurrentibus, hisque potissimum quæ Cerebro sunt proximiora, ac visui, & auditui sunt destinata, atque ex contractis partibus ad labia, & palpebras spectantibus.

Et quidem hæc febre non intermittente laborantibus si acciderint, instantis interitus indicia esse testantur, nam si fortasse inter initia paroxysmorum intermittentium febrium eveniant, quo tempore per rigorem, horroremque universum Corpus concutitur, nil damni timendum foret; febre enim intermittente, illa statim desinere; neque verò tam facile est ejusmodi symptomata intermittenter febribus per rigorem, aut horrorem evenire, & diutius perseverare.

Animales autem operationes hic speciatim læsas memorat, & tum quæ ad motum, tum quæ ad sensum per-

tinent, contorsionem nimirum, seu contractionem labii, palpebræ, supercilii, oculi, vel nasi, atque hebetudinem visus, & auditus. Contingunt enim ejusmodi contractiones vitiæ Cerebri, & nervorum, indeque derivantis liquoris, qui fibras nerviceas irroraturus, acritudine potius, atque insensa conditione vellicat, & compungit, unde convulsionem manifestam parit in partibus proximioribus, & Cerebro attiguis. Solent etiam non raro nervi, & Cerebri meninges phlogosi, aut erysipellate corripui, ut propterea potius proximiores, quam remotiores partes contorqueantur: Id ipsum quoque arguit læsa videndi, atque audiendi facultas, cum perceptiones, sensationesque quæcumque, ut fiant, ad Cerebrum per nervos referri debeant.

Verumtamen ægro jam debili hæc accidere oportere animadvertit, quandoquidem perfractis viribus vitalibus, læsiones istæ partis animalis omnino erunt incmendabiles, nequeunte scilicet Natura per sanguinem operationum Animalium vitia corrigere, atque in pristinum vigorem restituere. Symptomata autem virium languorem comitantia, aut consequentia, semper cæteris pejora sunt, & mortem mox futuram portendunt, succumbente nimirum violentiæ morbi Natura.

Ne quis autem putaret symptomata isthæc partem animalem læsam indicantia junctim esse intelligenda, advertit postremo Hippocrates, unumquodque illorum satis esse ad exitum lethalem prænunciandum, cum ad virium vitalium languorem, quæcumque animalis operatio læsa si consequatur, naturam omnino labefactam, ac summè

mè fatiscentem designet. Itaq; debilem aegrotantem in operibus vitæ, præsertim pulsu, nullo negotio è mediotorollunt, & è viventibus eripiunt quæcumque alia partis animalis læsiones etiam in externis sensibus, si ab internis proficiantur. Cæterum de tempore nequidem verbum fecit Hippocrates, quoniam quodcumque prodierint, semper mala sunt, quamvis plerumque in augmento, aut statu febrium universali comparare soleant, & lectum afferant.

APHORISMUS L.

Obi in febre non intermittente difficultas spirandi, & delirium acciderit, lethale.

PRæcedenti Aphorismo læsas in febricitantibus partis animalis operationes tum ad motum, tum ad sensum pertinentes adnotavit Hippocrates, nunc eas considerat, quæ organis spiritalibus debentur, nempe respirandi difficultatem cum delirio conjunctam, hancq; exitiosam quoque pronunciat, si febrem non intermittentem consequatur.

Difficultas autem respirandi hic ab Hippocrate memorata, non quæcumque, & levis solum, per intervalla recurrens, sed gravis, & continens intelligitur: quippe illa ferè semper febres acutas comitatur, etiam intermittentes, saltem inter initia, aut cum increverint, sed citrà periculum, quoniam his remittentibus desinit. At verò, quæ hic considerata proponitur in febre non intermittente, perseverans esse debet, quæque nedùm statis horis invadat, sed quousque febris duraverit, ægrotum continenter afficiat. Porro hæc accidit febricitan-

tibus non ex sola febris conditione, quæ plerumque respirationis usum depravat, ob novi semper, recentisque Aeris indigentiam, sed potissimum ob maximam in Pulmonibus sanguinis exagitationem, fermentationem, & phlogosim, quæ non rarò etiam erysipelatodem inflammationem arguit, Pulmonibus ipsis, & Cordi summopere insensam, à qua paucissimi sunt, qui mortem effugiant.

Respirandi difficultati adiciè Hippocrates delirium, ut propterea hæc duo juncta voluerit. Ex ambabus enim, vitali scilicet, & animali potentia læsis, mortem præmonstrari animadvertit. Et quidem, cum utrumque in febribus non intermittentibus jungitur, infernam indicat inflammationem, potissimum pulmonis; undè respirandi difficultas veluti consequens inflammationem, esset quodammodò causa delirii. Sed & inflammatio diaphragmatis idipsum asserre potest, cum illud arteriosum, & nervosum viscus sit, ac principale respirationis Instrumentum, quamobrem ipso inflammato, & respirandi, & ratiocinandi vis, atque facultas, sæpissimè læditur; quinimò Antiquis semper putatum, delirium quodcumque sympathicum, & interruptum ab una, & sola diaphragmatis inflammatione proficisci: quod tamen non omnino verum, ut latè ostendimus in nostra praxi *capite de phrenitide*.

Verum cum plures difficilis respirationis differentias retulerit Hippocrates 6. *epidem. sect. 2.* sub illis verbis: *spiritus pravi, crebri, magni, rari, hic quidem tardus, ille verò veloc:* Jure dubitari potest, quam hic specialius notatam ille voluerit. Et acutè quidem Fuchsius, si hæc,

fi hæc, inquit; duo symptomata difficultas spirandi, & delirium conjungantur, necesse erit Hippocratem interpretari de magna, & rara spiratione, quòd scilicet illa proprium sit delirii symptoma, quemadmodum in prognosticis discretè iis verbis testatur: magnus spiritus, & ex longis intervallis, delirium declarat. Et mox rationem assignans subdit: quippè ambo hæc, magnitudo scilicet, & raritas spirationis, veluti obliæ actionis pathemata sunt. Si verò sensim de difficultate spirandi loquamur, delirio amoto, tunc hæc ipsa, propter mala, quæ instrumentis spirationi inservientibus accidunt, & quæ à Galeno *in comm.* recensentur, evenire solet, velox, & crebra erit. At verò concludit, hæc duo symptomata in hoc Aphorismo conjungit Hippocrates, atque esse lethalia, quod nimirum, & Cerebrum, & Instrumenta spirationis læsa esse significant.

Sequitur autem Pulmonis, aut Diaphragmatis inflammationem Cerebri commotio, & delirium, non tam propter nervos mutuò communicantes, quàm ob arterias, & medio sanguine, qui sua per inflammationem contracta acritudine, Cerebrum vellicat, atque ad depravatè operandum laceffit, ac disponit, ut aliàs à nobis demonstratum est. Cæterum hæc nonnisi febres continuas comitantur, proinde scriptum; *ubi in febre non intermittente*: hæc enim delirium propriè inter sua symptomata non admittit.

Infebribus abscessus, qui ad primas judicationes non solvunt, longitudinem morbi significant.

QUAMVIS Hippocrates simpliciter dicat *in Febribus*, tacite tamen subintelligendum *productis*, ac *protractis*. Etenim, ut superius animadvertum, istæ sæpèpius per abscessus judicantur. Cum autem superveniens abscessus illas non terminat, diuturniores futuras significat, nondum scilicet univerfa februm materia ad habitum Corporis seposita, sed crassiori, compactiorique adhuc interiùs hærente, quæ febrim in longiùs protrahit.

Quoniam verò abscessus morbi longitudinem significare dicuntur, qui ad primas judicationes non solvunt: jure propterea dubitari solet, quid pro illis intelligere voluerit Hippocrates. Sed bene Fuchsius ex græco codice interpretatur, qui in primis diebus judicatoriis contingunt; at non prima, aut secunda septimana, cum febres istæ longè sint, nec tam citò possint primis hebdomadibus judicari, sed posterioribus; undè non referenda prioritas hæc ad dies ipsos criticos, sed ad abscessus eruptionem ita ut sensus fiat, futuras febres lōgas, cum nō desinunt statim, ac abscessus apparuerit, argumento, quòd adhuc causa persistat, nec sufficienter per abscessum sit evicta, nec perfectè à sanguine seposita. Qui verò cum Bravolo Philotheum sequuto, pro *non solvunt* ad febrim relato, passivè vertunt *non solvantur*, id est abscessus, plurimùm aberrant à veritate, & ab Hippocratis mète; cū impossibile videatur, abscessus, statim ac apparuerint, solvi, & evanescere, quippè qui sūt ab humoribus crassis, & consistentibus,

tibus, nonnisi diutissimo tempore solubilibus, ut bene etiam Fuchsius advertit. Quamquam & abscessus ipsi si diutius persistant, nec tam facile solvantur, aut maturentur, aliam diuturni morbi speciem inferant, in adaucta magnitudine dictam.

APHORISMUS LII.

Iis, qui in febribus, vel in aliis morbis spontè illacrymant, nihil horribile accidit; qui verò non spontè, horribilius.

Signum hoc à lacrymarum apparitione desumptum pertinet etiam ad Cerebri, & partis animalis læsionem. Non voluntariæ autem illæ esse debent, quæ scilicet ægrotantibus invitis, & citrà quancumque causam manifestam accidunt, & absque ulla oculorum, & palpebrarum ægritudine. De his quoque meminit pluries idem Hippocrates, præsertim verò 1. *prognost.* 13. 4. & 6. *epidem. sect.* 1. & 1. *epidem. const.* 3. Undè Celsus *lib.* 2. *cap.* 4. inter mala signa retulit *sine voluntate lacrymare*: quippè profiliunt lacrymæ istæ ob languorem, laxitatemque; caruncularum ocularium, itemque Cerebri, & meatum in oculos patentium, undè serositates extillant, quæ plerumque etiam in his acritatem sapiunt, à confimili lymphâ procedentes: Quòd si voluntariæ profiliant lacrymæ, vel patentem aliquam causam, aut oculorum ægritudinem consequantur, nil mali præfagiunt, nisi quòd ab ipsis oculis male affectis indicatur, quemadmodum ex lippitudine, inflammatione, dolore, quibus nil horribile accidit illachrymari. Sic pariter si ob mærorem, commiserationem, gaudium, itemque fumum, pulverem, solare

lumen, aeris alicujus corporis contrectationem, aliudque simile lacrymæ defluant. Cæterum in eo, quod culpatur Hippocrates, aut primus librarius, à Galeno, quòd scripserit in Aphorismo *horribilius* comparativè, cùm antea nihil horribile dixerit per negationem, scitè defenditur à Cardano *in comm.* qui præterea non solum *malum*, sed etiam *mortem* ex non voluntariis lacrymis præfagiri animadvertit, ut accidisse refert suæ uxori Lucie Bandaretæ, cui ob diarrhœam pereun- ti fluxere ubertim lacrymæ per tres horas antè obitum. Verum tum crediderim eas minari lethum, cùm cæteris, & quidem gravioribus symptomatis associantur, ut accidit Dealcis uxori *agra XV.* 3. *epidem.* Porro ipsæ solæ non omnino sunt exitiales, ut pluries expertum.

APHORISMUS LIII.

Quibus circa dentes in febribus quidam lentores nascuntur, iis fortes sunt febres.

A Lentore circa dentes adnato in febrientibus præfagit hoc Aphorismo Hippocrates febres futuras vehementes. Sunt autem lentores tenaces quidam, glutinosique succi faucibus sæpenumero adhærescentes, & non rarò etiam linguæ, ac dentibus, cùm uberius cumulantur, undè in oris hiatu per ducta labia in linguat glutinis modum extenduntur. Necdum verò ex viscosis, crassisque humoribus Ventriculi, & œsophagi tunicas, glandulasque occupantibus, gignuntur, verum etiam ex lymphâ crassiori è ductibus Stenonianis derivante per palatum in gingivas, & dentes, quæ deinde partim inspirati, expirant: A-

rismiscela, partim ex halitibus à Ventriculo, & Pulmone elevatis acorem præferentibus, partim denique ab æstu febris adeo densatur, ut glutinis tenacitatem referat.

Ab his igitur portenduntur febres acerbiores, tum quia acris lymphæ, aliæve succus similis febrilem fermentationem potentiùs promovet, & diutiùs conservat, copia simul, & crassitie; tum quia viscosi ejusmodi humores oris hiatum liberiores impedièntes, ægros in respiratione anxios faciunt, præpeditis non leviter Aeris ductibus; undè etiam sitis, & æstus major. Sed & sanguis ejus generis lymphæ irretitus, mirum quàm subigi, & commoveri debeat, ut seipsum per febrim extricet.

Opitulabimur verò ejusmodi malis, nitro aqua dissoluto, vino albo veteri, ejusque spiritu, os sæpiùs abluendo; itemque elixire proprietatis Helmontii, spiritu salis ammoniaci dulci reddito, balsamo salis, aliisque, etiam assumptis, ex liquoribus in idem conferentibus.

APHORISMUS LIV.

Quibus plurimum sicca tussis leviter irritantes in febribus ardentibus sunt, non multum siti infestantur.

Memorat hic Hippocrates, quàm pro sint sicca tussis leviter guttur irritantes, febrientibus, cum eos à molesta siti eximant. Febres namque ardentes duobus semper, tamquam pathognomonici signis, sociari solent, urente nimium ardore, & siti molestissima: modò hæc abesse solet, vel non plurimum urgere, cum sicca tussis leviter fauces, & guttur proritant, sci-

licet irrorantis partibus, tum Pulmonem, tum Ventriculum spectantibus, undè sitis originem sumit, ut aliàs ostendimus.

Siccas tussis intelligit eas, ex quibus nil, vel tenue admodum, & serosum expuitur, ad differentiam tussis humidæ, per quam crassum, multumque sputum educitur. Eas autem fieri credendum à serosa, & aquea materia, ad partes faucium, & gutturis pertingente, quam Recentiores Anatomici lympham ex primo ejus Inventore Th. Bartholino appellant. E Cerebro, & glandula pituitaria putarunt Veteres in os extillare; at sagaci industria Thomæ Vvarthoni, & Nicolai Stenonii, detectum est per peculiare ductus à postica capitis parte, & ex glandulis circa aures sitis, in radicem lingue, & in musculos buccinatos depluere, quamobrem madidum os in statu sano perpetuò experimur. Ab his igitur madescit guttur, & sitis, infringitur, cum in febribus fortassè liquatur, diluiturque plus equo lymphicus ejusmodi humor, ut etiam exindè tussicula excitetur.

Atqua de causa per tussim hanc sitis præcipuè remittatur in febriçantibus? Antea meminimus ex doctrina ejusdem Hippocratis, & Platonis, sitim vigere in gutture, & Pulmone, ut propterea illa faciliùs, promptiùsque sedetur collutionibus, & gargarismis, quibus partes istæ irrorentur, & madescant, defluentibus non nihil per latera asperæ arteriæ sensim, ac pedetentim in Pulmones. Cum itaque vi febris lymphicus hic humor tenuatur, & confluens in laryngem, titillando, tussim promovet absq; creatu, non multum contingit siti febrientes infestari, qui ceteroqui Causone affecti vehementer sitirent. Debent autem

autem ejuscemodi tussiculæ leviter irritare; sic enim arguunt tenuem, serosumque humorem in eas partes illabi; nam si fortassè copiosior, vel crassior humor tusses pareret molestiores, tale emolumentum haudquaquam afferrent, immò pectus, & Pulmonem molestè admodum concutiendo, febrim potius exasperarent, & sitim adaugerent. At verò levis irritatio, neque molestam tussim infert, neque partes spiritales concutit, sed blando solum madore illas lenit, & irrigat.

Quia verò tusses dixit Hippocrates leviter irritantes, sanè non semel, sed iteratò repetentes, ac perseverantes intellexit: hac enim ratione poterunt illæ sitim lenire, si nimirum sæpius fauces, & guttur humefaciant; quamobrem non immeritò adjectum est adverbium *plurimum*, quo significetur, multoties per tussim eas partes irrigari oportere.

Tandem dicitur non multum siti febrientes infestari, non quòd omninò siti careant, sed quòd mitius afficiantur, adeoque illa, quæ per febrim ardentem molesta nimis esset, & inextinguibilis sitis, per ejuscemodigutturis, & Asperæ arteriæ irrorationem plurimum remittatur, sedaturque, ut proindè magna ex parte tolerabilis evadat.

APHORISMUS LV.

Ex inguinum tumoribus febres omnes male, præter diarias.

LOca tumorum, nempè inguina, quæ Leonicenus adjecit in sua versione, alii Expositores detraxerunt, feceruntque sententiam universaliorem, comprehendentem quemcumque Tumorem glandula-

rum: etenim, ut advertit præcæteris Fuchsius: Bubones græcè Hippocrati in Aphorismo notati significant tumores omnes adenum, seu glandularum, ex Galeno 2. *ad Glauconem* cap. 1. Undè malè Leonicenus hanc vocem ad inguinum tantum adenas tumefactas contraxit, cum omnium adenum tumores significet. Occasionem autem (subdit idem Fuchsius) errori huic dedit vox ambigua *Bubon*, quæ, ut testis est Phavorinus, & locum Corporis, & malum denotat, inguina nimirum, & tumorem adenum.

Itaque non solum ex inguinum tumoribus, sed ex aliis quibuscumque tumefactis glandulis febres obortæ malè censendæ sunt, exceptis diariis: etenim diariæ febres cum sua natura brevissimæ sint, vixque spatium unius diei transcendant, certè non poterunt aliundè pendere, quàm à materia faciliè diffilabili, vel ad summum à confluxu, & suppuratione humorum in adenibus collectorum, citrà sanguinis, aliorumque liquorum, vel viscerum infectionem, quare levis omninò momentierunt. At verò cum terminum Diariarum transegerint, & in longius producantur, ab alia planè materia, præterquam ab halitibus originem trahent, ad eoque vel grave vitium glandularum, vel internarum partium infectionem arguunt difficulter resolvablem, præsertim quia glandulæ in humano Corpore talem, ac tantam interse-

v. Hipp.
6, epid. 2.

Pan-

Pancreate, lumbis, ceterisque visceribus, ut alibi etiam notatum.

Quamvis autem videatur loqui Hippocrates de bubonibus sponte subortis, si tamen ex venerea lue proveniant, judicium longè diversum faciendum erit: ex ea enim, cum præter materiæ depositionem, vitium in sanguine, ceterisque liquoribus, immodè & in partibus solidis præsignetur, etiam absque febre, periculo illi non vacant, nam, & dolores articularum, exosteses, ulcera, tabes, aliaque gravissima symptomata, consequi solent, ut passim experimur.

Solent quoque bubones malignam, pestilentemque febrem ostendere, quæ absque dubio pessima est, & lethalis. Quin & non rarò ab illis mox apparentibus, febre necdum conspicua, ægrotantes veluti repente perierunt, ut malo fato experti sumus anno 1656. cum gravi pestilentia Regnum hoc Neapolitanum devastaretur. Sed hæc meminisse non juvat.

Salubriter autem ejusmodi malis occurrere expedit ope dissolventium medicamentorum, sanguinem, & viscera à labe veneni repurgantium, ut sunt omnia Bezoardica, & Alexipharmaca, spiritus theriacalis, spiritus capharæ, & salis ammoniaci dulcis redditus, extractum ligni Aloes, tinctura Alexipharmaca, elixir vitæ Quercetani, & proprietatis Helmontii, Bezoardicum minerale, & Joviale, Mercurius diaphoreticus, idque genus alia. Glandulis verò tumefactis primum extrahentia, ut emplastrum fodicationum Paracelsi, tum suppurationia, deinde caustica, & exedentia, tandem digerentia, detergentia, & repurgantia, erunt admoveenda, ut nimirum per eas diutulè refe-

Tozzi Op. Med. Tom. III.

ratas Corpus universum, fortassè labe infectum, inaniatur.

APHORISMUS LVI.

Febricitanti sudor superveniens febrem non deficiente, malum. Prorogatur enim morbus, & multam significat humiditatem.

Sudor, ut febricitantibus prosit, debet febrem vel adimere, vel remittere; cum autem neutrum affert, profectò malus erit: & quidem si cum aliis signis pravam febris naturam denotantibus copuletur, etiam mortis periculum minabitur; at verò si his destituatur, morbum fore longum tantummodò præmonstrabit, quippè qui ab humorum copia proficiatur, ut hic memorat Hippocrates:

Advertit autem Fuchsius sudorem crebrò, & assidue repetentem esse oportere, ut multam materiam, productumque morbum prænunciet. Et quidem si semel accideret, non mirum si febris non esset defutura; considerabilis autem sit, cum repetit, & febrem non interrumpit. Eo enim ex universo Corpore fluente, fieri nequit, quin vires langueant, & à perseverante febre magis, magisque debilitentur. Sed & idem omnino accidere poterit, si sudor semel contingens copiosus fuerit, atque universalis, nec tamen febrem præcidat; æquè enim vires infringuntur iterato sudore, ac uno, & copioso. Malus quoque istiusmodi sudor erit, quia etsi calidus, ac universalis, consentaneusque febribus, morbum tamen non solvit: decretoria enim non decernentia mala, aut difficilis judicii.

Cum ergo febris sudor superveniens non interrumpit, profectò morbum longum ostendit, quippè qui is

Hic Aph. scribitur etiam lib. de Judicationibus.

L fit,

fit, qui per sudorem veluti per evacuationem convenientem, nec desinat, nec intermittat, idque nonnisi à copia, & multitudine ferossæ substantiæ, quæ planè longius tempus exigit, ut secernatur, ac repurgetur. Præstabit ergo ad ægritudinem hanc breviam paulatim imminuere tantam ferossæ materiæ superfuitatem, & quidem non solum dejectoriis, præsertim hydragogis; verum etiam diureticis convenientioribus, quæ sanè hac in re plurimum prodesse poterunt.

APHORISMUS LVII.

Qui à convulsione, aut distentione nervorum tenetur, febre superveniente, liberatur.

Febrem non adeò malam esse, ut plerisque persuasum, sed plerumque juvamento esse, atque plurimis ægritudinibus suffragari, jam alibi ex pluribus ejusdem Hippocratis testimoniis demonstravimus; sed tamen vel ex hoc præcipuè Aphorismo palam fieri potest, quo Auctor confitetur, Spasmodum, ac Tetanum ea superveniente sanari. Sunt enim istæ ægritudines nervorum, & musculorum, inducæ ab humoribus fibras eorumdem rigidas, contractas, obduratasque reddentibus, ut propterea motui, & flexioni incommodent; undè describuntur à Medicis contractiones nervorum, ac musculorum, ad propria capita: quàm autem febris his attenuandis, dissolvendisq; opportuna sit, cuique notum. Neque verò solum in ejusmodi capitis affectionibus, sed in cæteris quibuscumque, in quibus digerere, diluere, secernere, ac repurgare opus sit. Hinc quemadmodum convulsiones, distentionesque nervorum, ac

similes aliæ ægritudines febre superveniente desinunt, quippè quæ dissolvendo, repurgandoque vitiosos humores, remedio est; ita ex adverso si illæ febri accendant, omnino exitiosæ sunt, ut idem Hippocrates ^{Aph. 26.} *in Coac. prænot.* inquit, cum febre acuta convulsiones perniciosæ. Sed de hac re alias.

Inutiliter autem videntur allaborare, qui nimis anxie exponere student, quid per convulsionem, quidque per distentionem nervorum, sit hic intelligendum, cum ex græco codice habeatur memoratus in Aphorismo *Spasmus*, & *Tetanus*, qui nonnisi nominibus differunt; altero generaliori, specialiori altero; cæterum tum parte affecta, tum causis conveniunt, iisdemque ferè remedium generibus tractari solent.

Quamquam autem à convulsione, & distentione nervorum habito febris superveniens salutaris sit, illa tamen neque lenta nimis esse debet, neque multo post tempore à convulsione, distentioneque; compertum enim non semel mihi est, febres modum quemdam non servantes convulsis ejusmodi nulla ratione profuisse, sed potius mortem prænucciasse, veluti quæ ab interiori sanguinis, & liquoris nervorum labe illata, exsolutam vitam compagem, arguant, & lentæ admodum tenaces succos nervos infarciunt nequeant digerere. Debent itaque febres convulsis supervenientes neque mites omnino esse, neque admodum vehementes, & molestæ; sed diariarum naturam quodammodo sapere, ut nimirum convenienti colore, ac moderata humorum commotione hærentes in fibris nervorum succos dissolvant, & per convenientiora Corporis emissaria deponant; undè idem Hippocra-

pocrates in Coac. inquit *convulsio- nem solvit febris superveniens acuta, qua prius non fuit, si verò fuit prius, jam exacerbata*; sed & paulò postquam convulsio acciderit, febrem expedit super- venire, impactos siquidem humores, hebetatas partes, contractas, obduratasque nervorum, ac mul- culorum fibras, non tam facilè fe- bris concoquere, atque ad pri- stinum statum revocare poterit, præsertim quia hujus generis hu- mores acidi, austerique esse so- lent, & cum diuturnitate tempo- ris concreverint, inemendabiles fiunt, quamobrem Hippocrates coac. prænot. sect. 3. v. 55. ait *si- derationes repente exolutorio mo- do fientes, temporis progressu fe- bre accedente, perniciose sunt*: Hac eadem ratione contingit mem- bra jam pridem paralyti resoluta difficillimè sanari, etsi magna, & efficacia medicamenta adhibean- tur, quæ proximè ad febrem in- ferendam accedant: Procedente enim tempore adeò illa ab humo- ris impactu vitio hebescent, ut tandem veluti emortua videantur.

Sed num liceat febrem, cum fortet fortuna non supervenit, me- dicamentis ad id facientibus, ex- citare, quæri hic non absre po- test. Et quidem videtur Hippo- crates suadere 2. epidem. sect. 5. ubi *si Puerperis*, inquit, *convul- sio fiat, febrem excitato*. Verùm neque tam facilè est id agere, neque tutum, & nec ex voto sor- titum pro libitu deinde arcere; semel enim inducta febris diutius planè hærebit, aut etiam exaspe- rabitur, ex mala humorum, ac viscerum habitudine; licebit autem solummodò, iis remedium gene- ribus uni, quibus passim experi-

mur tenaces humores attenuari, hærentes dissolvi, atque per sudo- rem, vel urinam, sensim, paula- timque deduci. Idque fortasse crediderim, voluisse Hippocratem sub nomine febris significare, cum ejusmodi medicamenta, sudorem potissimum prolicientia, poten- tia præstent, quod à febre natura fieri consuevit. Sed de his etiam aliàs.

APHORISMUS LVIII.

Febre ardente laboranti, rigore su- perveniente, solutio fit.

Rigor febricitantibus undequa- que molestissimus, tum ex sen- su frigoris etiam penitiores partes cruciante, tum ex universi Corporis ingenti, atque inæquali concus- sione, qua vires plurimum infringuntur, solet aliquando criticus, & salutaris fieri, cum subsequenter febrem vel interruptit, vel termi- nat. Et quidem cum post præceden- tem vitiosæ materiæ coctionem, se- cretionemque, ejusdem extra Cor- pus propulsionem, vel per sudorem, quod frequentius, vel per dejectionem, aut urinam, quod rarius, con- sequenter retrahit.

Meminit autem hic speciatim Hippocrates febris ardentis, quip- pe quæ continens (qua natura est, nec unquam ægrum immunem dese- rit, quin non raro, ut idem Hippo- crates auctor est, septima die peri- mit; neque verò quam notham, & spuriam vocant, sed legitimam, & exquisitam notasse, credendum est, cum sine ulla adjectione illam protu- lerit, & cui rigor accidere possit: constat autem hunc nonnisi exquisi- te posse supervenire.

At unde possit Rigor continenter

febrientem arripere? Hippocrates 1. *de morbis* id ita definit: *Frigeſcente ſanguine, neceſſe eſt & reliquum totum Corpus perfrigerari, & ubi huiusmodi quid factum fuerit, Rigor appellatur. & ſi quidem vehemens fiat rigor, vehementior etiam fiet tremor, nam dum contrahuntur vene, ſanguine coaſto, & congelato, Corpus etiam contrahunt, & tremere faciunt; ſi verò minus aliquanto ſanguinis coaſtio fiat, hic Rigor appellatur; Horror autem dicitur debiliſſimus rigor.* Verùm ardens febris, vel ab eo, quod in ſanguine vitioſum eſt, per indebitam commotionem, fermentationemque excitatur, vel etiam ex eo, quod aliundè ſuggeritur, & cum ſanguine commiſcetur. Per Rigorem autem, univerſalemque Corporis concuſſionem ſæpenumerò utrumque repurgari ſolet, ac per ſudorem, aliamque evacuationem, à ſanguine ſecedere, & extramitti, undè poſtmodum febris vel omnino deſinit, vel ſaltem intermitit, quamobrem idem Hippocrates animadvertit: *Quibus in febribus quotidie Rigores ſiunt, quotidie febres ſolvuntur.* Hinc Rigor in his eſt indicium futuræ ſolutionis per aliquam evacuationem, quam Natura moxmo tentans perficiet aliquando, cum & nonnumquam ipſa eadem acceſſione Rigoris, interdum etiam ſuccedentibus diebus contingat. Sic mulier, quæ decumbebat in littore *Agra XIII.* 1. *epidem.* trimeſtri ſætu gravida nonniſi criſim paſſa eſt per vomitum, & ſudorem in decimaquarta die, licet riguerit in undecima. Qui verò in ſutrina decumbebat, judicatus eſt cum ipſo rigore in ſeptima, 4. *epidem.* Sed & neque

Rigore ſolum, verùm etiam Horrore idem contingit; ut de Nicodemò in Abderis, & de Virgine Lariffæa; aliique meminit idem Hippocrates 3. *epidem. ſect. 3. agrot. X & XII.* neque tantum febres ardentes, & continentes, ſed alias quoque exindè judicatas teſtatur 1. *epidem. agrot. VI.* & alibi.

Sed quid, ſi à Rigore, vel Horrore febris nec deſinat, nec intermittat? Proſectò mali iudicii ſignum erit: arguit enim Naturam tentare ſui exonerationem, ſed ex defectu ſecretionis, concoctioniſque, non poſſe, atque adeò imbecillioſiorem fieri per Rigorem, ſine ſpe ſuccedentis criticæ evacuationis; hinc mortua decimaquarta die reſertur 3. *epidem. agr. 12. ſect. 2.* quæ mulier decumbebat in mendacium foro, cum in quarta riguiſſet, & bis in ſeptima, ſemel rursus in decima, bis denuò in undecima, atque ſemel iterum in tertiadecima. Verendum etiam plurimum in iſtiusmodi iteratis Rigoribus abſque criſi, ne Cerebrum, Diaphragma, aliæque nervoſæ partes metaſtaſim patiantur ab irruente humore ſeroſo, & acri, undè poſtmodum internæ inflammationes, eryſipelata, deliria, atque huius generis alia, ut non ſemel in praxi ſumus experti.

APHORISMUS LIX.

Tertiana exquiſita ſeptenis circuitibus, cum longiſſima eſt, iudicatur.

Cum de Rigore nuper meminifſet Hippocrates, veluti futura iudicationis indicio, iſque tertianas

tianas exquisitas intermittentes spectari comitetur, harum terminum nunc proponit, ut inde coniciamus, quo tempore cæteris febribus continentibus ille superveniens possit criticam referre evacuationem, & salubriter easdem desituras indicare. Est autem tertiana exquisita intermittens hic per antonomasiam intelligenda, quæ nimirum alternis diebus invadit, in singulis accessionibus spatium duodecim horarum non transcendit, rigore incipit, sudore, vomitu, vel dejectione terminatur, præter ea, quibus ad illam internoscendam adnotavit Galenus 2. de differ. febr. c. 3. et 1. ad Glauconem c. 5. Septenis verò circuitibus desinere omnino dicitur, quia causam tenuem, facileque subigibilem recognoscit, quæ sponte sua secerit, & à reliquis humoribus repurgatur, ut alias ostendimus in nostra praxi tractatu de febribus. Cumque circuitus alternatim repetant tertio quoque die, proinde fit, ut ad summum, non, ut plerique putant, XIV. sed potius XIII. die, qua septima accessio recurrit, penitus terminetur, ni tamen error aliquis contingat, aut ex parte Medici importune medicamenta præcipientis, vel ex parte ægrotantis, qui fortasse in sex rerum nonnaturalium usu deliquerit.

Sed, ut tardissime, inquit, judicatur; nam fieri potest, ut etiam ante hoc tempus desinat, puta quarto, quinto, aut sexto circuitu, seu septima, nona, vel undecima die, pro corporum affectuum varietate, & humoris febrem foveantis, fortasse parioris, ac benignioris, faciliiori resolutione; quamobrem rectè dixit extremum illius terminum esse septimum accessionis reditum, cum scilicet nullo artis auxilio interrupta, sponte sua, ut consuevit, procedit;

Tozzi Op. Med. Tom. III.

si enim ope antifebrilium medicamentorum, quemadmodum nostra ætate fit, usu Corticis Peruviani, ejus impetus infringatur, & periodicum fermentum hebetetur, profecto citius esset abitura, sicut jam nunc passim experimur.

Verum quod hic septimo circuitu, ut tardissime, tertianam febrem desituras inquit, in Coacis prænotionibus, ad nonum protulit; ibi enim: *Tertiana exquisita in quinque, aut septem circuitibus, aut ad summum in novem judicatur*, fortasse ex mala habitudine Corporis patientis, ex abundantiori, consistentiorique humore, ex inclementi tempestatum constitutione, aliave de causa, quæ illius solutionem retardare queat. Hinc putaverim finem tertianarum hic ab Hippocrate recensitum plerumque intelligendum, cum pro rerum, causarumque in id concurrentium varietate, & ocyus, & seriùs, & faciliùs, & difficiliùs, desinere possint; quemadmodum easdem experimur modò simplicibus, levioribusque, modò plurimis, & gravioribus symptomatis stipari.

APHORISMUS LX.

*Quibus in febribus aures obsurdue-
runt; sanguis ex naribus fluens,
aut alvus turbata, solvit mor-
bum.*

ET si antea Aphorismo XXVIII. scripserit surditatem desinere supervenientibus biliosis dejectionibus; hic tamen non per dejectionem solum, sed è naribus hæmorrhagiam, si febrientibus accidat, eandem, neque jamdiu genitam, stabilemque; sed ipso febris decursu inductam, à metastasi peccantis humoris solu-

tum iri docet. Id ipsum expressius retulisse videtur *libr. de judicationibus* iniquens: *Quibus in febribus aures obsurduerunt, his, non soluta febre, insanire necesse est. Solvit autem sanguis ex naribus erumpens, aut alvus biliosa egerens, aut dysenteria accedens, aut coxarum, aut genuum dolor.* Hinc autem colligere est oportere febrim definire, vel saltem multum mitemere, cum subinde aures obsurduerint, translatione scilicet humoris in organa aurium, & præsertim in eam auditionis semitam, quæ Tympano attigua est, atque in glandulas aures circumjacentes, unde postmodum in alvum is ferri possit; Si verò febris exinde non solvatur, delirium accedit, perturbato potius per humoris metastasim Cerebro, adigente, commoven- teque non leviter febre superfluit, quam sanè absurditas veluti novum symptoma sequetur, haud verò ut criticus abscessus judicabit; delirium autem si non vocis, saltem mentis erit. Porro id cum surditate solvetur, aut erumpente affluenter è naribus sanguine, aut diarrhæa, vel dysenteria superveniente, aut translato in coxas, vel genua humore aures occupante, unde postmodum in his dolor, & fortassis etiam tumor sensibilis, ut in cæteris judicatoris abscessibus fieri solet. Quod autem fluens è naribus sanguis Cerebri sensoria gravata, & malè affecta levet, atque alvus soluta surditatem adimat, jam cunctis notum, estque à nobis latius antea demonstratum in expositione *Aph. XXVIII.* Advertere hinc modò est, non dixisse Hippocratem solvi ex ejusmodi evacuationibus febres ipsas, sed morbum, cum scilicet, qui ex metastasi aures in surditatem, & Cerebrum in insaniam deduxerat.

APHORISMUS LXI.

Febricitans, nisi diebus imparibus febris reliquerit, solet recidere.

Dubitat in comm. Galenus, sitne reverà hic Aphorismus Hippocratis; an à quopiam alio interfectus; *siquidem is, inquit, non modo die quartodecimo multos vidit iudicatos, sed etiam in vigesimo, & quadragesimo, & sexagesimo, & octuagesimo; ipsi verò iudicant, & vigesima quarta, & trigesima quarta.* Sed cum alibi id ipsum omninò scriptum sit ab Hippocrate præsertim verò 2. *epidem. si non die impari febris dimittat, reverti necesse est.* Et in *Coacis pranonionibus: quibus cumque desinunt febres non in diebus iudicatoriis, his recidiva fiunt:* profectò ad alium, quàm ad Hippocratem, sententiam hanc referre, nefas. Sed tamen quæ commentatus est Cardanus, ut eandem generalem faceret in febribus quibuscumque; non tantum sunt, ut mereantur assensum; quin in plurimis ab Argenterio redarguitur, quippe qui in decretoriis diebus colligendis, reducendisque ad septenarios, lophistam sapiat. Quamobrem præstabit in aliorum Interpretum sententiam concedere, qui cum Galeno pro imparibus iudicatorios substituunt; vel cum Philotheo ad acutas tantum febres mentem Hippocratis contrahunt.

Verum cum à nobis aliàs ex eodem Hippocrate sit ostensum, quemlibet diem sive imparem, sive parem, criticum esse posse, si cum signis cotionis conjungantur, & causæ morbificæ motionem, evacuationemque comitetur, planè hunc Aphorismum referre licebit ad eas tantum febres,

quæ diebus imparibus suos paroxysmos proferunt, aut in iisdem exacerbantur, cuiusmodi sunt tertianam periodum iterantes, sive simplices, sive duplices; Sed enim scribitur 1. *epidem. sect. 3. Quæ paribus diebus exacerbantur, paribus judicantur*; unde credere decebat voluisse hic solum eas febres memorare, quæ circuitum subeunt per dies impares, cæteroqui inter acutas frequentiores. Porro constat apud omnes iis diebus febres omnes judicari, in quibus accessiones incutiunt, nam quibus crisis imminet, nox præcedens molesta fit, nec unquam visa est crisis in die à febre vacuæ, aut absque magna colluctatione Naturæ cum morbo, & causa morbosa; & licet decimaquarta dies in acutis dicatur critica, revera tamen crisis accedit in fine accessions tertiezdecimæ diei, quæ cum soleat ex impetu paroxysmi, ob maximam morbificæ causæ commotionem, molestior fieri, atque ex conatu Naturæ crisin promoventis in longius tempus produci, fit propterea, ut beneficium criseos reluceat in decimaquarta die, cum victrix Natura, morbosa causa depulsa, immunis à febre remanet. Atqui accessiones febrium intuiti, sapientissime quoque experimur, in septima accessione febrem finiri, quamvis illa ad decimaquartam diem extendatur, ex motu nimirum ejusdem febris in suis repetitionibus quodammodo variantis, & paroxysmos postponentis; equidem, ut alibi meminimus, oportet non dies, sed accessiones intueri.

Cum igitur febres desinunt in iis diebus, in quibus accessio vel nulla fit, vel levis, & admodum remissa, de illarum reditu plurimum verendum, quippe quæ desinant absque crisi, sive morbificæ causæ evacua-

tione; hæc autem, ut dictum, numquam accidit sine vi, atque impetu ejusdem, sese vehementius commoventis, & Naturæ propellentis ad consueta Corporis emissaria; idcirco cum adhuc intus remaneat, procul dubio febrem denuo excitabit, nam quæ relinquuntur in morbis recidivas facere consueverunt.

Verum dixit Hippocrates, *solet recidere*; non enim est omnino necesse, ut febricitans recidat, cum à febre evaserit in die non critico, aut impari, & absque crisi: expertum enim pluries est, defuisse febres citrà quamcumque evacuationem, & absque vehementi Naturæ commotione: an quia iteratis egestionibus per singulos præcedentes paroxysmos solutionem sensim passæ sunt; an quia modicus, exiguusque humor illas fovebat, qui insensibiliter diffilatur; an etiam quia antisebrilium medicamentorum usu pedetentim extenuatus, edomitique est; nisi verò aliò translatus, & è primigenia conditione mutatus, aliam morbi speciem excitet, ut in abscessibus.

APHORISMUS LXII.

Quibus in febribus morbus Regius ante diem septimum accidit, malū.

Mirum sanè est, quàm sit Hippocrates ex hoc Aphorismo reprehensus, quòd in eo sententiam protulit vel erroneam, vel saltem ubique veram. Plinius enim *lib. 26. cap. 12.* illum falsitatis arguit, cum se scire fateatur *vixisse aliquos ab hac desperatione*. Averroes etiam *lib. 4. collect. cap. 43.* in suis Regionibus id ipsum experientia reprobaturum contestatur. Sed & Galenus quoque *in comm. 81. super 4. de ratione victus in acutis*, consimilem ferè

V. etiam
libr. de
jud. ca-
tionibus,
ubi mor-
bus regius,
&
singulus
in arde-
te s. die
lethale
dicitur.

sententiam interpretatus, quodammodum etiam Hippocratem sugillat. Quem textum exponens Prosper Martianus, ut veritatis istius Aphorismi pariter consuleret, voluit hic adiciendum esse *sine rigore*, nam si fortasse cum rigore Icterus accidat antè septimum, salutarem putat.

Verum meminisse juvat eorum, quæ à nobis dicta sunt in nostra *Præfatio cap. de Ictero*, sæpius illum fieri præsertim in acutè febrientibus, à sanguinis vitio ex corruptente veneno, & à lymphâ vitiata lixivii conditionem adeptâ, ut quemadmodum à vipera demorsis accidit momento ferè temporis flavescere, serpente nimirum brevissimè per totum Corpus veneno, atq; universum sanguinem corruptente; ita febris pravitatè à consimili humore sanguinis diathesim invertente, verisimile admodum est Icterus morbum in ægrotantibus proficisci. Neque verò credere fas est voluisse hic, Hippocratem Regium morbum commemorare, qui ex Jecoris inflammatione, scirrhus, obstructione, ac duritie fieri putatur. Nam, præterquam quod ejusmodi morbi sæpè sæpius visi sunt nullum planè Icterus attulisse: & contra hic visus est pluries ab omni Jecoris vitio alienus, de his adhuc sejunctam orationem idem Auctor habet *Aph. 64. huius, & Aph. 42. sexti*, ubi ab affecto Jecinore Icterus memorat. Hic autem ejus dumtaxat meminisse videtur, qui citrà viscerum læsionem à solo sanguine per febrem commoto procedit; cumque is criticè prodire nequeat in tam brevi temporis spatio, quo secretio fermenti febrilis nondum facta est, meritò calamitosus ab Hippocrate existimatur. Atque hinc planè fit, cur febrem solvere ipse dicat *6. 4. de rat. vi< in acutis*, si

cum rigore conjungatur; absque rigore verò exitialem esse, si præsertim accedat intempestivè, quoniam per rigorem motus Naturæ criticus designatur, qui febrile fermentum à sanguine repurgat, atque ad Corporis habitum deponit; at verò absque rigore, is omninò symptomaticus habebitur corruptentis veneni malitiam arguens.

Quamquam autem plerumq; accidat malè cedere febrientibus Icterus antè septimum; fieri tamen potest, ut prævalente Natura, etiam antè septimum repurgatio illa, quæ in sanguine à fermento maligno, desideratur, commodè, & salubriter habeatur, ut in suis Regionibus calidioribus fatetur Averroes: multum enim variant morbi pro climatum varietate, & qui alicubi longiores observantur, sunt alibi breviores, beneficio Aeris, ciborum, & potuum natura meliori, aliisq; de causis. Quamobrem cum Icterus acritatem, tenuitatemque humorum consequatur, & hi promptius fecerantur, ac diffentur sub cælo æstuariori, quàm frigidiori, quemadmodum facilius æstate, quàm hyeme, idcirco fit, ut in Regionibus calidis citius, atque antè septimum, in frigidis serius ille febrem judicet: Porro Hippocrates (ut alias animadvertimus) ea posteris tradidit, quæ observavit, & frequentius accidisse vidit. Neque verò in hoc Aphorismo dixit, exitialem esse morbum Regium antè septimum, sed tantummodò malum; quippè negari non potest, quòd lateat in sanguine tantæ commotionis, ac fermentationis incitamentum, ut illum, ceterosq; liquores tumultuariè perturbet. Quòd si præterea Jecoris phlogosim, aut phlegmonem erysipelatodem consequatur, nedum malus, & ca-

v. hist.
Philist.
7. epid.

V. eriam
Hiltor.
Hermoe-
eratis
a gr. 2. 3.
epidem.

lamitosus, sed planè exitialis dicen-
dus erit, non quòd omninò perimat,
sed quòd plerumque perimere con-
sueverit: nam ex eodem Hippocrate
1. *epidem. const. 3.* habetur. *Quibus-
dam morbus Regius accidit sexta
die. Verùm bis purgatio per vesti-
cam, aut alvus exturbata profuit,
aut larga sanguinis eruptio, velut
Heracides, qui decumbebat apud
Aristocpdam, nam huic & naribus
sanguis erupit, & alvus turbata
est, & per vesticam purgatus est,
vigesima die iudicatus est; non ve-
lut Pbanagora servus, cui nihil
tales factum est, & mortuus est, &c.*

Cæterum rectè quidem advertit
Galenus in *comm.* morbum Regium
antè septimum malum esse, sed non
tamen post septimum periculo vaca-
re, si præsertim cum delirio conjun-
gatur; ut propterea jure scriptum
sit ab Hippocrate *Aphor. 64. hujus:*
*quibus in febribus morbus Regius
septimo, vel nono, vel undecimo,
vel quartodecimo supervenerit, bo-
num, nisi dextrum hypochondrium
obduruerit; si verò non, malum est.*
Cum enim ex inflammatione Jeco-
ris, vel cystis felleæ oritur, quocum-
que tempore accidat, semper malus:
Atque hinc patet, de Ictero hic me-
minisse Hippocratem, qui febribus
accidit ex solo sanguinis vitio, citrà
cujusvis visceris obstructionem, aut
torem; in Aphorismo verò LXIV.
sequenti; de eo etiam, qui ex ma-
lè affecto Hepate procedit. Verùm si
dextrum hypochondrium non ob-
duruerit, & à sola febre Icterus pro-
ficiscatur, nisi crisis conditionem
referat, & sanguinis repurgationem
consequatur, adhuc malus erit, cum
evacuationes quæcumq; non tempo-
ra, aut dies ageritudinum, sed cri-
ticum Naturæ secernentis motum, ut
salutares sint, consequi debeant.

Pro Coronide tandem hic non diu-
tius reticebo Aquam illam *ex albo
albi, cap de Ictero*, à nobis memo-
ratam, fieri ex albumine ovi, quo-
uque in spumam abierit, conqual-
sato, & cum aqua graminis, vel fon-
tis permisto, adjecto saccharo can-
dido ad gratiorem portionis sapo-
rem. Hæc autem mane, & vespere,
jejuno stomacho, ad uncias quatuor
pluries exhibita, mirum quàm tutò,
feliciterque Icterus quemcumque
fanet, etiam ubi cætera non profe-
cerint: quod sanè millies expertum.

APHORISMUS LXIII.

*Quibus in febribus quotidie Rigores
fiunt, quotidie febres solvuntur.*

Rigorem in febribus periodicis
succeedentis intermissionis in-
diciu esse docet hoc Aphorismo
Hippocrates, ut qui semel nonnum-
quam incidens in febre continenti;
post signa coctionis, illam omninò
judicet, si in cæteris quotidie recur-
rat, illarum saltem singulares paro-
xysmos terminet, atque ab aliis suc-
cedentibus interrumpat, quemad-
modum in tertianis febribus, sive
simplicibus, sive duplicibus, passim
experimur.

Quamvis autem acriter plerique
disceptent, an Rigor propriè causa
dici debeat ejuscemodi intermissio-
nis in febribus, an verò potius indi-
cium, de re tamen mihi videntur
vel levissima movere altercationem;
nam utrumque, vel alterutrum si
dicatur, parum ad medicinam fa-
ciendam intererit. Et quidem esto
sic causa, per universalem Corporis
concussionem, quæ noxiùs humor
febrim excitans à sanguine repurge-
tur, ut vult Galenus; vel ut indi-
cium, denotans accessionem illam
jamjam

jamjam iri terminatum, ut plerique alii arbitrantur; profectò non tanti erit, ut peculiaris de illo ratio habenda sit, quin simul febrem ipsam, cujus symptoma præcipuum est, non æquabiliter respiciat. Verumtamen quoniam in istiusmodi febribus intermittentibus, quas rigor anteit, fermentum febrile sanguinem in motum fermentationis indebitum adigens, extraneum est, atque à visceribus naturalibus accedit, rationalibus videtur illum indicem, non opificem intermissionis appellare. Cum enim sanguis indebitè fermentescit à dissenteo humore, aliunde suggesto, undè frigora, & rigores ineunte paroxysmo, argumento est, iterata circulatione seipsum petentem repurgaturum, atque in propria secernicula, immò in partentiora emissaria, quod alienum, vitiosumque est, depositurum, ut a libi demonstravimus. Hinc Rigor præcursor est intermittentium febrium, & cum continuus, aut continentibus supervenit, illas pariter interruptit, sin secus, malignitatis nota est periculi plena, ut antea dictum.

Non est igitur, ut setantoperè torqueant hic Commentatores in divinando, num Hippocrates propriè Rigores, an potiùs frigora voluerit intelligenda, comprehendendi ergo cæteras quoque febres quotidianas, semitertianas, duplices tertianas, duplicesque quartanas. Nam indefinitè eas memorat, quæ rigoribus arripiunt, quemadmodum *lib. de judicationib.* inquit: *quibus febribus Rigor accedit, febris solvitur*: Idem singularis illa accessio, quæ Rigorem prodromum fortitur; ut propterea sicuti continuus superveniens Rigor paroxysmum illum interruptit; ita intermittentibus quo-

tidie recurrens, quotidianas accessiones infringit, & terminat. Quia verò non omnes quotidianæ febres, idest quotidie repetentes, rigoribus sociantur, idem fit, ut non omnes ad *ἀναψέλλειν*, seu quietem febre vacantem, revera perveniant, cum adhuc febres illæ quotidianæ, fieri putatæ ab humoribus phlegmaticis, accessiones tam longas sortiantur, ut vix ægrum à febre immunem deferant, veluti Galenus ipse testatur. Verùm quid de his verisimiliùs liceat existimare, jam à nobis latè dictum est de febribus *in Praxi*: Cum & ipsemet Hippocrates plerasque omnes febres ex bile oriri crediderit, quasi verò ab uno, eodemque humore, diversimodè tamen affecto, aut cum aliis succis commisto, varias parere possit febres, atque pro ejusdem collectione, & ad fermentescendum promptitudine, citiori, vel tardiori, nunc quotidie, nunc verò alternis diebus, & ultrà, repetentes efficiat. Sed tamen advertere decet, speciatim voluisse Hippocratem admonere, quam utilitatem sint febriles ex rigoribus suscepturi, ut etiam si quotidie febribus divexentur, algeant, & vehementer concutiantur, per Rigorem tamen, quietem febre vacantem, & *ἀναψέλλειν* nanciscantur, qua omni periculo se exemptos credant. Hinc de Rigoris beneficio monitos voluit Medicos, & ægrotantes, nihilum interea reliquarum febrium, aut symptomatum illas comitantium sollicitus, sive intermittant, an non, & sive periodo quotidiana, tertiana, aut quartana, redeant. Cæterum usus est voce solutionis, non judicationis: Nam reverà febris ipsa integrè non finitur (aliter minimè rediret) sed solum accessiones illæ repetentes singillatim desinunt, & humores ser-

v. lib. de
Natura
humana.

v. Bra-
savalum,
& Fuch-
sium hic.

mentationem indebitam in sanguine excitantes in singulis paroxysmis solvuntur, tametii ab aliorum suggestu, novi, & novi ingruant; at verò non plures in una, eademque die, ut in febribus subintranantibus dicitur, evenit, etenim *quotidid* inquit, idest semel in die, sed iteratò in succedentibus diebus, ne fortè inter initia febris solùm, Rigor invadat, nec deinceps repetat, velut in continuis mali moris. Quamquam duplex tertiana intrà unumquemque diem bis affligens, rigore si inchoet, etiam aliquandiu intermitrat.

Quod de Rigoribus hic tradidit Hippocrates, licebit pari ratione ad Horrores extendere. Siquidem duplices, triplicesque quartanæ horrore prodromo invadentes ad *diuturnitatem* quoque deveniunt, & in singulis accessionibus solvuntur; ut propterea non semel datum sit, illas iteratò usu Corticis Peruviani, aliove simili medicamento, pro re nata, sigillatim salubriter fugasse, quemadmodum ad tertianas fieri consuevit. Quomodo autem istæ, sicut pariter Rigores, & Horrores inter se differant, dictum est à nobis in parte Medicinæ præctica.

APHORISMUS · LXIV.

Quibus in febribus morbis Regius septimo, vel nono, vel undecimo, vel quattodesimo, supervenerit, bonum: nisi dextrum hypochondrium obduruerit; si verò non, non bonum.

REstè quidem advertit Galenus, melius fuisse, hunc, qui nunc scribitur, Aphorismum, illi fuisse conjunctum: *Quibus in febribus morbus Regius ante diem septimum accidit, malum*, ut totus sermo ta-

lis fiat: *Antè septimum quidem diem morbum accidere regium, malum omnino; post septimum verò bonum, nisi dextrum hypochondrium obduruerit*: nam absque ordine videtur hic interjectus. At hoc non multum refert. Id verò magis intererit, morbum Regium hic recensitum pertinere potius ad Jecoris affectionem, ut proinde sensus sit, illum à septimo deinceps febricitantibus supervenientem, meliorem esse, ut potè qui probabilius sanguinis repurgationem consequatur, nec corrumpentis veneni malitiam arguat, sed fecernentis Naturæ vim, & efficacitatem. Conferendus autem huic est alius Aphorismus ex Coacis prænotionibus (undè hic planè desumptus est) sententiam procul dubio clariorem reddens: ibi enim scribitur: *Morbus Regius ante septimum diem accedens, malum. Septimo verò, ac nono, & undecimo, ac decimo quarto, judicatorius est, si non præcordia induret; sin minus ambigua res est*. Nam si fortasse ex Naturæ repurgantis motu, fellis humor in cystum quoque plusquam deceat, irumpat, & tumorem, inflammationemque pariat, profectò ex istius malitia, pessimi morbi indicium erit. Quamobrem inquit, *si non præcordia induret*, quasi verò is causa sit ejusmodi tumoris, & inflammationis. Quod si Icterus veluti symptomata dextri hypochondrii inflammationem potius consequatur, planè pessimus existimandus erit, tanquam pejoris morbi testimonium, nec absque veneni corrumpentis malitia, per quam habitus Corporis universus colore ad croceum, cum virore commistum, inficitur. Verùm cum Hippocrates adnotaverit hanc coloris ad cutim translationem à septimo per dies indices, aut judices,

Idè fere lib. de Judication.

V. 3. de morbis.

ſuſpicandi anſam præbet futurum in his Icterus, veluti à febre, non ab Hepatis inflammatione, oriundum, ut propterea voce uſus ſit generaliori, duritiei, ſeu duri tumoris in hypochondrio dextro: durities autem nedum inflammationi, ſed etiam obſtructioni, & ſcirrho convenit. Sed hæc non tanti ſunt, ut ſententiam aphoriſticam invertant: nam, ut antea dictum, quælibet Hepatis ægri- tudo quocumque tempore contingentes per ſe perpetuò mala eſt, ſecluſo morbo Regio.

Si verò, ſubdit, non in his, ſed in aliis à ſeptimo diebus, intra decimum quartum Icterus accidat, non bonum, nam reverà malum adeò non eſt, ut de diebus antè ſeptimum antea dixerat, nec ex altera parte bonum, quia ſit in diebus, in quibus Natura movere per criſim non ſolet, cum non niſi per dies acceſſionum, cujuſmodi in his generibus febrium ſunt impares, in morbum, cauſamque morbi, impetat: quamobrem phraſi clariori ſcripſit in *Coacis præmotionibus; ſin minus, ambigua reſeſt*: ut nimirum ſignificaret, anticipem inde futurum eventum, ſaltem ægri tudinis diuturnioris, aut in deteriorem, puta hydropem, permutatæ. Ultrà decimum quartum diem non meminit, fortè quia de Ictero in acutis febribus ſermonem habendum voluit; at non ideo, ſi ultrà hoc tempus febrientibus contingat, omnino bonus, ſi à Nature expellentis motu, poſt coctionem, ſecretionemque non oriatur, quamvis deinceps malitiam ſemper diminuat; attamen rarenter accidit Icterus ſupervenire febribus in longum productis, modò alias ægri tudines non arceſſant, vel in deteriores commutentur. Cæterum etiam abſque febre, *morbo Regio laborantibus*,

Hepar durum ſi fiat, malum eſt, 6. Aph. 42. tunc enim durities Jecoris ſequitur Icterus, & periculum non ex Ictero naſcitur, ſed ex Jecoris duritie, ac tumore, qui ſemper malus: ſiquidem ſcirrhum, cachexiam, hydropem ſive humidum, ſive ſiccum, alioſque graves morbos minatur. Spes autem ſalutis aderit, ſi ſubinde ſpontè ſua per alvum, aut per vias urinæ, vel etiam per hæmorrhagiam vitioſus humor egeratur, ut accidit Heraclidi 1. *epidem. c.*

APHORISMUS LXV.

*In febribus circa Ventriculum for-
tis æſtus, & cordis morſus,
malum.*

Videntur hæc duo hic ab Hippocrate memorata, cum acutis, continuisque febribus conjuncta, inflammationem præmonſtrare imminentem in iis præſertim partibus, quæ Ventriculum, ejuſque oriſcium ſuperius circundant: illa autem eryſipelatis potiùs conditionem referret, undè major acritudo, morſus, & vehemens æſtus oriatur. Anatome enim pluries compertum, ejuſcemodi malorum cauſam extitiſſe excitatas circa Stomachum, aut Pylorum, inflammationes, itemque in Hepatis lobo, qui Ventriculo ſuperincumbit, in Omento, in Pancreate, immò etiam in exteriori Ventriculi membrana, ut proinde egrotantes brevi vita defuncti ſint. Sed & non raro etiam contigit hæſiſſe in his partibus acres quosdam, virulentosque humores, qui non tam mole, aut copia, quàm pravitate nocerent, & nervos, qui plurimi per eaſdem partes ſparguntur, acriter compungerent, & laceſcerent. At hæc proſectò non niſi in acutis febribus fieri poſ-

possunt, quas plerique non irrati-
onabiliter existimarunt, numquam
ab internis inflammationibus, vel ab
hærentibus humoribus in apicibus
arteriarum, esse subiectas. Cum
autem in febribus ista copulantur,
palàm est fieri non posse ægotantes
non periclitaturos. Sive ergo *Kardias*
Ventriculum, sive inferiorem Ven-
trem interpretemur (cùm utriusque
dolores magnificat Hippocrates
in Coacis prænotionibus) idem om-
ninò timendum erit; quamquàm
Cordis morsus, in græco codice
Kardiaspudis si pro stomachi dolore
exponatur, minus periculum ar-
guat, quàm si Cordis motus palpi-
tationi similis intelligatur; quippè
hæc longè deterior putanda est, ve-
luti proximior Cordis affectio, at-
que eo magis, quo acutis, conti-
nuisq; febribus fociatur, veluti
disparis omninò conditionis. Atqui
malum, inquit, non lethale: siqui-
dem etsi ista periculum vitæ minen-
tur, non tamen spem salutis adim-
unt, ut de malignis febribus, qui-
bus hæc plerumque accidunt, scripsit
alibi Galenus. Verumtamen si par-
tium extimarum frigus accedat, om-
ninò exitiosum; ut antea dictum.

APHORISMUS LXVI.

*In acutis febribus convulsiones, &
circa viscera dolores vehementes,
malum.*

Convulsionem febris supervenien-
tem pejorem asseruit Hippo-
crates 2. *Aphor.* 26. nunc verò sim-
pliciter malam ait; fortè quia hic
iteratas, & pluries invadentes in-
telligit, neque unius tantùm partis,
sed totius, jam antea acuta febre
correpti, cui etiam circa viscera do-
lores vehementes accidunt. Sed gra-

vius profectò est, quòd scribit *in fi-
ne libri de iudicationibus*, ubi: *si à
febre detentum convulsio corripue-
rit, sedatur febris eadem die, aut
postridie, aut tertia die.* Et libr.
Coac. prænot. *Convulsio in febre
fiens, sedat febrim eadem die, aut
postera, aut tertia.* Undè non vi-
detur tam mala convulsio acutis fe-
bribus contingens, quemadmodum
in hoc Aphorismo memoratur. Ver-
ùm si perpendantur, quæ ibidem
Hippocrates adnotavit, nullo ne-
gotio hæc diluentur. Is enim paulò
ante inquit: *Convulsio in febre
fiens, & eadem die desinens, bona
est, & mox; si verò tempus, in quo
incepit, transgrediatur, & non
desinat, malum est.* Quare tunc con-
vulsio febris superveniens bona est,
cum eadem die desinit, cùm autem
tempus istud transgreditur, omninò
mala. Si præterea repetat, aliisque
ægritudinibus locietur, veluti hoc lo-
co referuntur vehementes circa vis-
cera dolores, procul dubio nedùm
mala, sed exitialis existimanda erit.

Et quidem vehementes viscerum
dolores fieri nequeunt, nisi ab hu-
moribus acris, acidis, aculeatis,
partes præsertim membranofas, &
nervæ lincinantibus, qui per fe-
brim acutam impensius irritati con-
vulsiones planè molestissimas exci-
tant, quamobrem non immeritò eas
cum viscerum doloribus conjunxit in
hoc Aphorismo Hippocrates, ut vel
ex hoc coniceremus ab his easdem
profecturas; & quamvis perpetuò
malæ putandæ istæ sint, peiores lon-
gè tamen erunt, si ad febres acutas
consequantur, quippè quæ nedùm
viscerum, sed & totius sanguinis dia-
thesim viciatam designant, quam et-
iam per convulsiones iteratas ner-
vorum liquor non dissimiliter comi-
tabitur. Verumtamen malum solum-
modo

In coac.
prænot.

modò dixit, non lethale; quandoquidem possunt quoque febriliter ab utrisque tuto evadere, si nimirum vitiosi humores ferantur in alvum, aut vesicam, & criticè, ut moris est, egerantur, quo sanè modò lactentes vidimus sapius liberatos, qui cum à lacte in intestinis concreto acerbè simul ventre dolerent, febrerent, & convulsionibus corriperebantur, soluta posthac alvo, in pristinum salutis statum fuere restituti.

APHORISMUS LXVII.

In febrilibus ex somnis pavores, vel convulsionem malum.

Aph. I. 2.

Aliàs meminimus, somnum Animantibus concessum, ad levamen, & quietem Corporis; & Animi, ubi potius laborem afferret, & lassitudinem, lethalem eventum portendere, ex Hippocrate, nunc verò si pavoribus interrumpatur, malum dicitur, in febrilibus acutè. Accidit enim sæpe numero illos absque ulla externa causa inter dormiendum frequenter exterreri, immò neque ex phantasmatibus horrificis, aut somniis tumultuosis, è genere terculamentorum, expavescere, idque toties, quoties sopore arripi contigerit. Subitos autem istos, repentinosque à somno timores, quamvis plerique ad Cerebri læsionem reulerint, quasi verò vaporibus melancholicis, aut atrabilaris suffundatur, quia tamen quasi de his terculamentis agrotantes nil se visum passos conquerrunt, cum cæteroquin nec somno re ipsa, in quo insomnia, capiuntur, putaverim ego illos oriri ab irritamento potius pravorum humorum circa præcordia restagnantium, quibus nervæ illorum partes laceffitæ quodammodò

convellantur, & Cerebrum excitent cum terrore, ob concussionem, exagitationemque fibrarum nervearum, & liquoris eadem irrigantis. Equidem ejusmodi pavoribus sæpius à lacte coagulato, & acido febricitant; quod cum Ventriculo, & Intestinis infensum fiat, nec promptè egeri possit, partes istas in illis exquisito sensu præditas vellicat, & laceffit, adeoque repentinas expefactiones, & pavores inducit. Id ipsum à vermibus etiam pati solent; unde est, ut huic malo indiscriminatim nostrates feminæ occurrere sagittant remediis lumbricos enecare creditis. Modò quis unquam in his Cerebrum feriètes humores, aut vapores melancholicos effinger? nisi melancholicos cum acidis confundat. Atqui contingunt plerumque ex somno (si tamen verus somnus is sit) punctiones istæ, quoniam per id tempus laxatæ quodammodò nervorum fibræ, magisque hiantes poruli facilius admittunt, qui ex acidis, pravisque succis fermentescitibus halitus, vaporesque infensi quaquaversum diffunduntur: Hinc ad convulsionem non irrationabiliter ejusmodi repentinos ex somnis pavores referrem, inductas tamen nobis affecto nervorum principio, sed ex horum apicibus, fibrisque proripitatis. Quæ fortasse ratione Hippocrates cum his junxit in Aphorismo convulsionem, nimirum ut eas febriliter malas pronunciarer, quæ veræ convulsionem sunt à Cerebri vitio proximo, & quæ à sola, atque interrupta irritatione fibrarum nervearum in partes desinentium. Porro in veris convulsionibus proximè Cerebrum, & principium nervorum afficitur à vitiatò illorum liquore in acidum pariter degenerato; unde &

hæc,

hæc, & graviora mala proficisci facile est. Sive ergo illæ oriantur ab acido liquore, nervorum principium afficiente, sive ab humoribus circa præcordia restagnantibus, & partes sensu præditas vellicantibus, semper malum, designata nimirum malitia, tum à pravis humoribus, tum à partibus affectis. Quod si somnus majori ex parte, vel suavis, vel molestus provenit, ex bonè, vel malè affecto Ventriculo, & adjacentibus visceribus, ut Helmontio non sine ratione visum est, planè cum in his partibus pravi succi hærent, fieri nequit, quin turbulenti somni fiant, & pavoribus interrupti.

APHORISMUS LXVIII.

In febribus spiritus offendens, malum: convulsionem enim significat.

lib. 3. c. 7.

ID hic significat spiritus offendens, sive spiritus in faucibus elisus, ut vertit Celsus, ac Respiratio subsistens, & interrupta, quem admodum ex eodem Hippocrate deducitur 2. epid. sect. 3. & 6. epid. sect. 2. & quidem tum in inspiratione, tum in expiratione, ut adnotat Galenus in comm. Id autem passim accidit pueris ejulantibus, & suspiriosis, pleurumque ex angustia spiritalium organorum. Hanc autem interruptam Respirationem in febricitantibus, instantem convulsionem arguere, atque adeò malam esse, monet hic Hippocrates, veluti quæ fiat à languente vi musculorum Thoracem, & Diaphragma attollentium, ac deprimentium pro Respiratione; illi verò, cum motus suos peragant ope nervorum, quandocumque deficiant, hos quoque fatiscere designant: & quidem in febribus à vitio, exso-

lutoque liquore, qui nedum illos haudquaquam convenienter irrigat, & confirmat, sed potius inficit, & perturbat; undè etiam non rarò anxietas, angor, & cordis tremor, cum pulsu inæquali: semper autem ac sanguinis vitio ex febribus indicato, per indebitam ejusdem ab extraneo humore fermentationem, accedit quoque liquoris nervei malitia, proculdubio non solum dubius eventus, sed omnino perniciosus pertimescendus est; quandoquidem partes cunctæ Corporis ab his proximius robur adipiscuntur, suasque exerunt operationes; quin immò Cor, & Vita ipsa sustinetur. Quamobrem ipsis à consueta, naturalique constitutione permutatis, depravatisque, necesse est reliqua omnia non dissimiliter titubare,

APHORISMUS LXIX.

Quibus, adhuc febricitantibus, urina sunt crassa, grumosa, pauca, multitudo earum tenuis superveniens juvat: præcipue vero tales veniunt, quibus ab initio, vel non ita multo post, sedimentum inest.

URinas in posterum considerat Hippocrates cum excretorum in illis varietate, ut exindè, quoad fieri potest, coniciamus, quanam in febricitantibus meliores, pejoresque dici queant, cum febrilium fermentorum mutationem consequuntur, quippè non semper è liquoribus cum sanguine commistis procedunt, neque perpetuò serum illud referunt, quod cum sanguine circumfluit, atque ejusdem vasa, partesque cunctas Corporis pervadit, sed sæpe numero à cibo, potuque nuper assumpto, à Sacco lacteo, & ductibus chy-

Idem dicitur in coac. pignot.

V. Gal. 3. de diff. h. resp. 9. & 6. Aphor. com. 54.

chyliferis, à glandulis Mesenterii, & vasis lymphicis, atque à visceribus hypochondriorum, per compendiosiores vias, recta in renes, & vesicam fertur; undè dubias profectò, & infideles notas ex illa elicere cogimur, idque potissimum in iis, qui peculiari quadam constitutione varias perpetim, differentesque urinas proferunt, & quandoque à consuetudo hominum alienas. Cum ergo à sanguinis sero prodeunt urinæ, atque à fermentis partium vitiatas fecernuntur, observandas verisimile est hic Hippocratem voluisse, præsertim in febribus, quandoquidem in his, per indebitam sanguinis fermentationem, plerumque solent cum serosis ejusdem portionibus aliæ impuritates per vias urinarias repurgari, ideoque quæ penitus latent, quodammodo denunciare.

Quibus itaque non sine febre, inquit, urinæ sunt crassæ, & grumosæ, sed paucæ; si contingat tennes deinde fieri, & affluentius profluere, proderit. Pro crassis, grumosisque intelligit, quæ commistam, compactamque simul referunt serolam substantiam cumcrementis è sanguine semotis, ut grumos quodammodo plurium Corporum unâ collectorum exhibeant, vel, ut communius dicitur, substantiæ simul aquosæ, & hypostasis, concretæ: hæc enim cum debeat, ut salutaris sit, in urinis innatare, si fortasse sit sparsim concreta, & cum illis commista, ex nondum peracta secretionem, concoctionemque, urinam procul dubio reddet crassam, & grumolam, quam idem Auctor lib. 1. de morbis, à pituita progenitam existimat. Oriri autem ejusmodi crassitiem grumolam, hoc loco memoratam, à concretionem, mitionemque summa hypostasis cum sero urinario, deduci potest ex ap-

pendice ejusdem Aphorismi, ubi adicitur: *tales equidem prodire, quibus ab initio, aut non multo post sedimen in urinis adsuit*; cum scilicet primum urinæ visæ sunt cum suo sedimine innatante, mox verò ita cum illo commistæ, & concretæ, ut grumum referant; at postmodum per fermentationem febrilem dissolutæ; ac secretæ, tennesque redditæ, crassitiem in copiam commutant, & conferunt, tum quia compingentia salia cum sero commista dilutaegerunt, tum quia coctionem, secretionemque fermenti febrilis jam peractam indicant. Tennes autem urinæ hic memoratæ non simpliciter aqueæ, & pellucidæ intelligendæ sunt, sed ut à crassis, & grumosis contradiſtinctæ; sicut enim nimium crassæ, & in grumos compactæ malæ hic referuntur, ob coctionem; secretionemque deficientem; ita ex adverso bonæ existimandæ sunt, quæ tennes deinde fiunt, ac dissolutæ, idest non amplius grumosæ, habentque sedimentum omnino secretum, dissolutum, & innatans. Hinc rectè Actuarius lib. 1. de judiciis urinarum cap. 11. scripsit, *nonnunquam in morborum sine copiam profluere urina albiore, & tenuioris, atque mediocrem continentis subsidentiam*; præsertim cum præcesserit urina crassior, & grumosior.

Judicium autem ab eodem Hippocrate prolatum lib. de judicationibus, huic planè nullatenus contradicit. Ibi enim inconstantes omnino urinas in febribus vituperat, ac de crassis in tennes, iterumque de tenuibus in crassas vicissim permutatas; Inquit enim: *In febribus simulationes habeat urina, diuturnitatem temporis significat, & necesse est agrotum mutari, & ad deteriora, & ad alteram partem. Et si*
urina

urina ab initio non sibi similes fuerint, sed ex tenuibus crassæ fiant, iterumque penitus tenues; tales agere judicant, ac inconstantes sunt.
In hoc autem Aphorismo non solum constantes, sed etiam crassas in moderate tenues permutatas recenset, easque solito affluentiores.

APHORISMUS LXX.

Quibus febricitantibus urina sunt perturbata, quales jumentorum, is dolor Capitis vel adest, vel aderit.

Cum recrementa sanguinis, aliique humores per Renum tubulos repurgati, & cum sero urinario commisti, sua quique non petunt loca, sed sursum, deorsumque tumultuariè feruntur, urinas reddunt confusas, & perturbatas. Has ergo considerat in hoc Aphorismo Hippocrates, utque eas à turbidis, sed mox postea subsidentibus, distinguat, adicit, *quales jumentorum*; siquidem in his nedum paulò post quam fuerint excretæ, sed deinceps adhuc, perpetuòque turbulentiam, confusionemque servant; sed neque à frigore ambientis aeris concreverint, neque diù sepositæ in corruptionem abierint, aut Renum, & Vesicæ ægitudines consequantur; quæ mobrem non immeritò advertit, & eas in febricitantibus hic notari, & quæ non semel turbatæ comparent, sed quæ perturbatæ sunt, & tales perseverant.

Equidem in febris dumtaxat fieri potest (quicquid in contrarium opinetur Cardanus) ut urina omninò perturbatæ sint, & perseverent, quales jumentorum, quandoquidem in aliis ægitudinibus citrà febrim, quod turbulentum in iis ex-

Tozzi Op. Med. Tomo III.

cernitur mox subsistit, vel evolat, quæ, madmodum in Renum affectionibus, catarrhis, aliisque; sicut etiam ab esu ciborum diuresim promoventiù. Oportet autem urinas ejuscemodi turbatas, ab intimiori causa serum urinarium confundente, exagitari, quæ profectò in sanguine, cæterisque liquoribus inhærebit, ut talem in ipsis fermentationem excitet, & tumultuariam commotionem pariat, quæ sanguinis serum, recrementa partiù, & salia fermentorum turbet, & implicet; veluti pluries expertum in febris malignis, & pestilentibus, à fermento sanguini immisto omnia depravante, & confundente. Hinc brevi vita defuncti referuntur uxores Dromeade, & Philini, Polyphantus, & Evalcidæ famula ab Hippocrate 1. & 7. epid. Nam, ut idem subdit: *urina dense, & conturbatæ certum signum sunt doloris capitis, convulsionis, & mortis*; procul dubio à veneno dissipante, & corrumpente. Sed & nequeunt deinceps contenta urinarum perturbata adhuc à liquoribus Corporis seposita subsidere, quia per intraneam fermentationem acorem nacta, ita simul compinguntur, & cum sero urinario commiscuntur, ut ab invicem disungi non possint; quæmadmodum experimur in Vino, quod per æstus dierum Canicularium, aut à tonitru, ventisque Australibus impetuosioribus, indebita fermentatione effervesceat, confunditur, & perturbatur, ut tandem in corruptionem desinat.

Hinc modò palàm fit, quæ de v. etiam in coac. prænот. causa dolor Capitis exinde sublequatur, aut immincat; quoniam ex acritate, & virulentia in sanguine inducta, nervæ partes Capitis ab illius transitu, & percolatione, vehementer vellicantur, & compunguntur. Neque verò hinc dolent solum, sed

M etiam

etiam non raro inflammantur, undè phrenitides, lethargi, convulsiones, ut memoratis ex Hippocrate agrotantibus accidit; quamobrem sub nomine Cephalalgia comprehendas crediderim reliquas omnes Capitis affectiones, dolori analogas, vel affines.

Quòd si turbida ejusmodi urina pedetentim progressu temporis subsideant, procul dubio meliores fient, atque ab enarratis Capitis affectibus præcavebitur: quippè portentent sensim quoque internam sanguinis commotionem sedari, & fermentantes humores ab utilibus secerni, ac repurgari. Undè idem Hippocrates 6. epid. sect. 6. commonefacit, *urinas multam subsidentiam habentes à mentis motione liberare*, quemadmodum in Dexippo. Non est igitur, ut tam facile credamus perseveranter turbidas excerni urinas à statibus, ut plerique sunt arbitrati, adeoque illos excutere oportere, sed potius diaphoreticis pluries memoratis compagem fermenti febrilis dissolvere, alexipharmacis ejus malitiam oppugnare, & evictam, secretamque per easdem vias urinas expellere.

APHORISMUS LXXI.

Quibus septimo die fit crisis, iis nubecula rubea quarto die in urina apparet, & alia ex ratione.

A Libi dixerat septenorum quartum esse indicem; nunc sumpto exemplo à febribus, quarum crisis incidit die septima, inquit, nubeculam rubeam in quarta præcedere in urinis. Verùm hoc non ubique verum experimur, sed in quibusdam solum febrium generibus, quæ nimirum fermentationem in sanguine

consequuntur à vitio ejusdem intra-neo, quales Veteribus synocha dicebantur, ex non benè repurgato ejusdem sanguinis sero, cujus causa in fervorem, & indebitam commotionem adigitur, ut seipsum ab illo extricet, potissimum quia ob remoram in vasculis sanguineis contractam nimia infectus acritate cunctis visceribus molestia est. Sed neque nubecula hæc revera rubra est, sed vel pallida, vel flava, vel ad summum subrubra comparet, si crisis ad bonum furura sit: Quamobrem & prognost. dixit: *Nubecula, quæ feruntur in urinis, alba quidem bone sunt, nigre verò male*: Undè rectè Heurnius non rubram, sed subrubram vertit. Meminit autem dumtaxat crisis septimæ diei; nam in cæteris non planè constant ejusmodi indicum, & judicum dierum proportionem, quippè sæpissime Crises præmonstrata in undecima, evenere postmodum non decima quarta, sed decima septima, vel vigesima, ac ulterius, pro ratione peccantium humorum, & viarum laxitate; immò pro diversitate morborum, causarum, & affectarum partium, ista non minimum variabunt substantia, colore, situ, tempore. Hinc appositè addidit, & alia pro ratione: potissimum si cætera concurrant ad bonam, salutaremque crism, eo die perficiendam, ut propterea significare voluerit, Morbum salubriter judicandum die septimo præferre signa coctionis, ac secretionis in quarto, reliquos ad alios dies differendos, non dissimiliter suis inditiis præmonstrari, eosque non unico evacuationis genere, sed pro ipsorum varietate, puta sudoribus, sputis, dejectionibus, atque etiam uberioris urinae profusione, prout Natura in unam, vel aliam partem incli-

inclinaverit. Caterum, quod idem Hippocrates protulit *c. lib. prognost.* de urina subrubra, & sedimento simili, indicante morbum diuturniorem, licet salutarem, intelligendum, cum tota urina, ejusque serum, sanguineum ruborem refert, non verò cum in sero urinario convenienter colorato nubecula solum subrubra innatat, ut hic, veluti inchoatæ coctionis indicium.

APHORISMUS LXXII.

Quibus urina albe sunt, & perspicua, male: præsertim verò si in phreneticis appareant.

V. in
Coac.
prenot.
lib. 2.
prognost.
Ric. & de
dieb. ju-
dicat.

Cum urina alba, & perspicua, seu aquosa, ut, interpretatur Galenus, multis ex causis excerni possint, & pluribus in morbis comparere soleant, potissimum verò Renum, ac Vesicæ, atque non raro indicent crism futuram per alvum, aut per abscessum, præter eas, quæ in statu sano quibuldam accidunt, vel ex consuetudine, vel ex largiori potu aquarum, præsertim diuresim invenientium, visum est ita hunc Aphorismum vertere, aliter ac Leonicenus, qui malas ejusmodi urinas indefinitè videtur interpretari; comparere autem solere in delirantibus: quasi verò exemplum dumtaxat apparitionis illarum voluisset Hippocrates hoc loco referre, cum tamen in Phreneticis maximè sint perniciosæ, quemadmodum & Celsus hoc idem Hippocratis documentum sequutus exponit, *lib. 2. c. 4.* inquit: *diluta quoque, atque alba urina vitiosa est, sed in phreneticis maxime.* Et Philorheus: *sed in phreneticis magis male.* Quamobrem Fuchsius Aphorismum hunc ita tradidit: *Quibus urina perspicua, &*

albe sunt, male: maxime verò ubi in phreneticis apparuerint. Rectè autem admonet *phreneticos*, non *delirantes*, hic Hippocratem adnotasse: quippe phrenetici à delirantibus differunt, etenim non omnes delirantes phrenetici sunt.

Urinæ itaque albæ, & pellucidæ, quamvis plerumque à consuetu Naturæ declinent, non tamen omnino malæ illicò sunt existimandæ, quasi verò semper morbosam reipsa Corporis constitutionem attestentur, cum non desint, qui à natura ferè illas assiduò proferant, & benè valeant; quinimò plerisque novi, quise tunc morbosos existimarent, cum urinas benè coloratas egere rent. Malæ ergo solum dicuntur, quia non omnibus communes, & quodammodò à consuetis remotiores. At verò si in phreneticis observentur, omninò malæ, atque ex Galeno perniciosæ, quippe qui testetur *se nullum vidisse phreneticum salvatum, in quo talis urina apparuisset.* Verum tamen non sunt hæc adeò cum phrenesi conjuncta, ut illam perpetuò comitentur, aut consequantur, siquidem sæpissime etiam fit, ut in ea compareant nimium coloratæ, multòque sulphure saturæ; sed si fortasse cum illa socientur, omninò malæ sint, nisi verò semel tantum appareant: quippe tunc perniciosas penitus illas credere licebit, cum diù perduraverint, & quocumque tempore uniusmodi aquosæ prodierint. Hac enim ratione significant, partes sanguinis muriaticas, & sulphureas, acritate ingenti præditas, per febrilem fermentationem, cum sero primario non repurgari, sed interius detineri; adeòque per Cerebrum, ejusque meninges, ac ductus, cum sanguine remeantes, continenter illius

V. etiam
in coac.
prenot.
ubi: albæ
urina à
phrenet-
icis mor-
tifica.

plexus, glandulasque vellicare, unde etiam liquor nervorum, & universa Hegemonicarum operationum Oeconomia coofficiatur, siquidem ros ille è sanguine per Cerebri corticem exudans, quo universa Animalis regio irrigatur, & viviscit, ex vitiosa utriusque diatthesi, omnia perturbat, depravat, atque adigit in furorem. Cum itaque eo eventum est, ut partes Vitæ, & Rationi destinatæ perpetim laborent, à mutata tum sanguinis, tum nervi liquoris constitutione, procul dubio brevi futurum est, ut æger concidat. Spes autem inerit revalescendi, si ejusmodi sanguinis, & liquoris nervorum impuritates per consueta emissaria depellantur, potissimum verò per urinas, quæ primum flavescentes, & crassæ, mox etiam copiosiores, & sequestratæ repurgentur: quod planè usu Antimonii diaphoretici suo nitro sociati non semel peractum vidimus, sicut etiam ope Bezoardicorum.

Sed & advertere est, quod memorat Hippocrates 1. *epidem. conf.* 3. accidisse Bioni apud Silenum decumbenti, Cratiæ apud Xenophanem, & Aretonis filię uxori Mnesistrati, ab urinis aquosis, multis, puris, & tenuibus, post judicationem, eos scilicet bene fuisse judicatos per dysenteriam; quasi verò istiusmodi urinæ post coctionem appareates crissim portendant per alvum futuram. Possunt quoque hæmorrhagiam è naribus præsignare, præsertim in Juvenibus, si postquam diù probæ visæ, repente attenuentur, & in crudeſcant, morbo ad declinationem perducto.

APHORISMUS LXXIII.

Quibus Hypochondria suspensa murmurant, lumborum dolore superveniente, is alvi humectantur, nisi status erumpant, aut urine multitudo proveniat. Hec verò in febribus.

DE veritate istius Aphorismi valdè dubitat Argenterius, quippè qui non tam facile existimet, quomodo tria hæc genera evacuationum accidere possint in febribus ex hypochondriis inflatis, & dolore lumborum. Verùm si in memoriam revocentur, quæ aliàs à Nobis, *hoc eodem libro*, sunt recensita, c. Em. 12 benè poterunt, quæ hic ab Hippocrate referuntur, Rationi, atque Experimento congruere. Instantur siquidem, tumentque hypochondria à flatibus, seu halitibus elevatis ab humoribus crassis simul, tenacibus, & acidis, qui non raro loca utriusque hypochondrii, occupant, præsertim verò glandulas Mesenterii, Pancreatis, & Omenti; cùmque per febrem sensim attenuentur, & dissolvantur, per arterias pedentim in Intestina feruntur, vel etiam per vasa lymphica, aliosque ductus inconspicuos deducuntur in Renes, adeoque vel alvi fluxu, vel urina copiosiori, criticè evacuantur. De his ergo sermonem facit hoc loco Hippocrates, atque, quibus in febribus (iisque potissimum, quas Fernelius omnium primus recensuit ex hypochondriis insarctis oriundas) hypochondria tument, ac instantur, ut suspensa, & elata fiant, si lumborum dolor superveniat, planè fieri, ut laxata alvus congestam succorum colluviem deponat, nisi aliunde in status exolvatur, aut

aut per Renes deducta urinam efficiat copiosorem. A tumidis porro, inflatisque hypochondriis coniciemus crassorum, consistentiumque succorum copiam, fermentatione febrili, & acida conditione, in flatu evaporantem, adeoque epigastrium utrinque attollentem. A murmure, & lumborum dolore conjectabimus humores ipsos jam attenuatos, & dissolutos, vergere per Mesenterium in Intestina: murmur etenim à motu eorundem peristaltico provenit; lumborum verò dolor, à pondere Mesenterii, quod cum lumbis alligetur, juxta ac Peritonæum, ubi flatulentis humoribus turgat, gravat simul illos, & extorquet.

Quod verò hæc citrà Jecoris, Lienis, aliorumque adjacentium viscerum inflammationem evenire scripserit Hippocrates, colligere clarè est ex 2. *prognost.* ibi: *Præcordiorum dolores, ac tumores, si fuerint recentes, & non cum inflammatione, solvit murmur in præcordio obortum, & maximè quidem si pertransierit cum stercore, & urina, ac flatu; sin minus, etiam ipsum per se, si transferit, prodest.* Dixerat autem lib. 1. *eiusd. oper.* tumores omnes in hypochondriis subortos, inter initia quidè, mortem brevi affuturam significare; post dies viginti verò, febre non desinente, ad suppurationem converti. Ea autem, quæ in hoc Aphorismo memorantur, his profectò non consonant, cum & nos compertum habeamus, sæpius feliciter successisse, ex turgidis hypochondriis febres enatas, alvo, quæ prius adstricta erat, laxata, aut copiosiori urina, solutas. Verùm, ut id promptius, feliciusque contingat, medicamentis insitendum, quæ ama-

rore acorem corrigant, & incidenti, attenuandique vi, crassos humores ad exitum disponent.

APHORISMUS LXXIV.

Quibus speratur abscessus futurus ad articulos, eos liberat ab abscessu urina multa, crassa, & alba, qualis in laboriosis febribus, quarto die, quibusdam incipit fieri. Si verò ex naribus fluxerit sanguis, brevi admodum solutus fit.

A Libi ex eodem Hippocrate ostensum est, non rarò febrientibus, ex crassis humoribus, abscessus ad articulos evenire, atque ita febres desinere. In hoc autem Aphorismo memoratur, undè sit, quòd febris, quæ desitura per abscessum visa est, & indicia ejusdem prætulerit, abscessu deinde non judicetur; idque propterea fieri, à crassa, & alba urina affluenter profusa. Equidem ubi humores in artus ferendi, vias urinarias petunt, fortè tenuiores, fluxioresq; reddit, procul dubio vindicabunt ab abscessu. Verumtamen oportet crassam simul, albam, & copiosam excerni urinam: etenim hac ratione certimur, illos eosdem humores, qui febrem fovebant, & ad artus abscedere præmonstrabant, salubriter per Renes in Vesicam fuisse translatos. Quoniam verò à lymphæ pleuræque consistentiori ejusmodi febres accidunt, undè Rheumatismi, cum lassitudinibus, & doloribus articulorum; proinde adjectum, *qualis in laboriosis febribus*, cujusmodi sunt, quæ cum sensu laboris, doloris, & lassitudinis in toto Corpore, contingunt: quippè vasa lymphatica plurima per articulos re-

cóm. 31.
hujus.

punt, & non raro in eisdem exonerantur. In laboriosis autem febris cum Rheumatismo lociatis, sæpius accidit, à quarta die in succedentes, consimilis conditionis urinam affluenter expurgari, exsoluta nimirum per febrim lymphæ, atque simul cum sero sanguinis secreta, deductaque in Renes, & Vescicam, quemadmodum passim experimur in praxi. Atque hinc planè dictum puto, nedum abundantem, sed etiam albam, & crassam urinam esse oportere, cuiusmodi lymphæ est.

Quod præterea additur: *Si verò etiam ex naribus fluxerit sanguis, brevi admodum solutio fit*: in dubium revocat Fuchsius, an simul cum urinæ profluvio, an verò seorsim proficere, sit intelligendum. Et quamvis utrumque rationi, atque experimento congruere visum sit, & alterutro evacuationis genere febriliter ab abscissibus evasisse; nihilominus si mentem Hippocratis attendamus, verisimilius asserere cogemur, junctim utramque evacuationem esse comprehensam: nam inquit, *si verò etiam ex naribus fluxerit sanguis*: Vel, ut alii vertunt; quòd si narium quoque accedat profluvium, multo celerius liberantur. Idque clarius cap. 6. epidem. sect. 4. si verò ultra hoc, adhuc sanguis ex naribus largè eruperit, valde etiam, seu, prorsus levat. Quæ verba utramque omnino evacuationem referunt, simul junctam. Cæterum sanguis è naribus profluens maximè quoque his confert, excreto indè ejusdem sero orgasum in humoribus excitante: quo fortasse respiciens Hippocrates junctim urinam, & sanguinem profluentem, citius egrotantem liberare inquit, ut è nari-

bus tenuior, è renibus crassior humor simul educatur. Cui enim commo esset narium hæmorrhagia, si sanguinis à lymphæ, & sero, repurgationi minimè opitularetur? Illum autem egredi Natura finit, ut simul acres, tenuesque serosas ejusdem partes depellat, nisi verò ex accidenti deferat, acritate sibi exitum sero parante.

At verò eam ex his evacuationibus promovere satagemus, quæ tutior planè est, per vias urinæ. Hac enim & crassior, & tenuior humor commodè potest educi; quin si tantum crassior expurgetur, is satis erit, ut ab abscessu tueatur, cum tenuior facile possit adhuc insensibiliter diffari. Conferent ea propter in hanc rem, quæ attenuando, & incidendo, diuresim movent, adjuncta his quoque congrua victus ratione attenuante, ut Naturam huic operi intentam adjuvemus, vel diutius cunctantem excitemus.

APHORISMUS LXXV.

Si sanguinem, aut pus mingat, Renum, aut Vesicæ ulcerationem significat.

SIve hic Aphorismus scribatur per particulam, *aut*, disjunctivam, sive per, &, conjunctivam, magnam semper patitur difficultatem: quippè sanguis solummodo excretus per urinam, non semper indicat Renum, aut Vesicæ ulcerationem, cum multis aliis de causis egeri, & à plerisque aliis partibus prodire possit. Si verò simul cum pure excernatur, quamvis ulcerationis indicium certò sit, non proindè ex sanguine, sed ex pure certitudinem nanciscitur.

See

V. 6. epidem. 4. 2. unde hic Aph. desumptus.

V. Heurnii hic.

Eandem sententiam habet Cel. lib. 3. cap. 7. V. Gal. 6. de loc. aff. 3. Hippoc. etià lib. de natura humani: quibus cruentæ urinæ sunt, his venæ laborant.

Sed & præterea fieri potest, ut ab erosa Renum arteria, aut vena, sanguis ad tempus solus prodeat, deinceps transiturus in pus, adeoque inchoata ulcerationis symptoma sit, secundum à pure. Præstaret itaque pro utraque particula, deinde, vel, mox, substituere, ut sensus fiat: *si quis sanguinem, deinde pus mingat, &c.* si enim Aphorismus veritati perpetuo consonabit. At verò nec semel, nec ad breve duntaxat tempus, sanguinis, & puris mictio, Renum, aut Vesicæ ulcerationem designabit, nam pluries expertum, ex dirupto apostemate partium superidrum, & à Renibus remotissimarum, pus cum urina prodiisse; immò etiam ex Pulmonis vomica, atque ex Empyemate per easdem vias repurgato. Quamobrem necesse est, ut diutius mictio ista perduret, & continenter purulentus sanguis cum urina egeratur, ut à Renibus, vel Vesica manans dici queat. Atqui etiam, præter ejusmodi egestionis diuturnitatem, à Renibus, aut Vesica ulceratis, pus prodire concipimus, si in urinis subsideat, vix, ac ne vix quidem, cum illis commistum: quoties enim cum iisdem omnino commiscetur, & confunditur, ex altiori profecto loco descendere credendum, ut multis ostendit Galenus *lib. 6. de loc. aff. cap. 4.* Contra verò si secundum ab urina pus egeratur, procul dubio è meatu urinario, aut ex glandulis parastatis, gallica contagione infectis, sponte sua defluet, ut in virulentis Gonorrhœis passim experimur. Hinc tunc solum purulenta mictio exulcerato Renes, aut Vesicam indicabit, cum continua fuerit, cum numquam ab urinis secundum, cum subsederit, & cum san-

guinis exitum consequetur. Denique prognosim mictus sanguinis, ac puris, retulit idem Hippocrates *lib. 2. prædict.* inquit: *sanguinem mingere, raro quidem, & sine febre, ac dolore, nihil mali significat, sed lassitudinum solutio fit. Si verò sæpius mingat, & aliquid ex his accesserit, malum est. Verum prædicere oportet, si cum dolore mingatur, si cum febre, fore ut insuper pus mingat, atque ita dolores, ac afflictiones quiescant.* Verum conferet in his plurimum partem affectam internosse, & num pus ex aliis partibus procedens in transitu per Renes, Ureteres, & Vesicam, sua acrimonia, ac virulenti conditione, illas exulceret, atque adeò, diversarum partium affectarum complexu, nequeat tam benè distingui, unde pus prodeat, cum ex pluribus confusum emanet. Non multis ab hinc mensibus curandus ad me venit, qui ex mictu sanguinis in urinam purulentam inciderat, cum antea gallica gonorrhœa teneretur, adeoque ex meatu urinario, & ex renibus pus effunderet, nimirum quandoque simul cum urina, & aliquando seorsim. Mirum autem quam in his proficiat usus pastillorum ex Cinnabari, itemque Cerussæ stibii. A. Salæ, cum gummi terebinthi, balsamo ligni guajaci, & peruviano, extracto hyperici, & capphura.

V. Gal.
6. de loc.
aff. c. 4.

V. Gal.
in côm.

V. etiam
Prosp.
Martian.
hoc loco.

APHORISMUS LXXVI.

Quibus cum urina crassa caruncula parva, aut veluti capilli, una exeunt, iis à Renibus excernuntur.

lib. a. c. 7.

QUOD hic disjunctim scribitur de Carunculis parvis, aut veluti capillis, cum urina crassa excretis, Celsus junctim vertit, inquit: *Si urina crassa carunculas quasdam exiguas, quasi capillos habet, utique in Renibus vitium est.* Sed & idem Hippocrates lib. de Natura humana, unde hic Aphorismus videtur desumptus, in hanc eandem sententiam concedit, dum inquit: *Quibuscumque in urina, crassa existente, caruncula parva capilliformes simul prodeunt, eas à Renibus prodire nosse oportet, & ab Arthriticis.* Hinc P. Martianus pluribus contendit legendum esse hunc Aphorismum absque particula, aut; immò quo pacto scriptus invenitur cap. lib. de Natura humana.

propt. h. nem.

Sed quamvis ita verisimiliter liceat ex mente Hippocratis opinari, non tamen falsa erit, ut hic traditur, ejusdem sententia. Quia immò Galenus in comm. omnino existimat alterum de carunculis, alterum de capillis sermonem hic factum, nam nullo modo, inquit, carunculas parvas assimilari posse capillis, ut propterea cum dictione, aut Aphorismum legendum velit. Expertum enim aliquando est, ab erosus, ulceratisque Renibus, carunculas, seu frustilla carnium durissima cum urina prodire. Et quamvis è sphinctere Vesicæ musculo similes substantiæ excerni possint, cum tamen dolor,

febris, aliaque affecti Renis indicia concurrunt, non est cur Vesicæ musculum erosum existimemus, qui nec alioqui tam dura substantiæ est, nec, si semel ulceretur, urina exitum poterit impedire, aut aliquantulum remorari, vel saltem sine ingenti dolore esse.

Mictum autem pilorum, aut capillorum, græcè *Trichiasin*, quamvis rarum, nonnulli conspexere, eosque referunt, nedum molles, flexibilesque, sed duros, rigidolque interdum etiam fuisse, ut setas porcinas æmularentur. Unde verò illi procedant, non satis benè à Veteribus est explicatum. Galenus enim in hoc comm. illos gigni ait ex humori crassiori in Renibus quodammodo usto, ideòque quemdam memorat talia corpora tam longa minxisse, ut incredibilis longitudinis viderentur, qui tamen toto fere anno in usu cibario habuerat legumina, & fabas fractas, & sæpissimè caseum tenerum, ac siccum. At verò lib. 6. de loc. aff. 3. eosdem in venis generari probabilius putat. Verum, cum ea, quæ ad Renes feruntur, non per venas, sed per arterias, lege Circulationis, deducantur, propterea verisimilius videtur in ipsis Renibus crassos istos, consistentesque succos in capillamenta commutari; formam autem, & longitudinem, capillorum ad instar, sortiri, non quidem in Renum pelvi, sed in eorumdem tubulis, & fibrillis urinariis, per quas serum transcolatur, quippe alveoli isti quàm apte, præ nimia exilitate, congruunt producendis ejusmodi filamentis, cum nimirum per ipsos protruduntur viscosi, conrescentesque succi, fortasse ab acido indurati.

V. Mili. dan. C. 7. obs. 50. & 51.

Vide Fuchs. in annot.

V. Clar. Malpighi lib. de Renib.

Quoniam verò in Renum alveolis contingit viscosos istiusmodi succos inspissari, & formam, figuramque

ramque capillorum induere, merito proinde Hippocrates in hoc Aphorismo dixit, illos à Renibus excerni: nullibi enim, quàm in eorundem exilibus tubulis, talem, ac tantam spissitudinem, longitudinemque; capillarem possent adipisci, præsertim quia ibidem consimiles succos, cum in pelvim extillaverint, lapideam conditionem sortiri passim experimur. Plerumque autem viscosi isti fucci à tenaciori lymphâ, vel à portione sanguinis glutinosa progignuntur, cum utraque extra suos ductus effusa facillimè concrelescere solet. Atque hinc idem Hippocrates *c. lib. de Natura humana*, nedùm à Renibus, sed ab Arthriticis capilliformes carunculas prodire fassus est; quandoquidem Arthriticis à lymphâ vitiata afficiuntur, & circa artus plurima vasa lymphatica perreptare ex Anatome observantur.

Neque verò temerè adjectum credere est, ista cum urina crassa excerni oportere; etenim, si cum tenui egererentur, verendū valdè foret, ne ab aliis partibus, quàm à Renibus prodirent, nam cum tennes, & percolatæ minguntur urinæ, tubuli illi, & fibrillæ urinariæ obstructæ sunt, adeoque transitum carunculis, & capillamentis non concedunt. Crassa igitur esse debent, ut patentes Renum tubulos designent, & nullum in venis, ac arteriis vitium consequantur, cum absque febre ista plerumque prodeant, adeoque urina inculcata existente, quemadmodum in statu naturali excerni consueverat, moderatè crassa. Conferet ea propter in id mirificè, præter alia, usus chalybis, quo acritudo feri urinarii in Renum erosione, & concretis acidorum succorum malitia in capillamentis retundatur.

APHORISMUS LXXVII.

Quibus cum urina crassa fursurea quadam simulexunt, iis Vesica scabie laborat.

NE hæc quoque excretorum in ^{Idem} ^{Eb. de} ^{Natur.} ^{human.} urinis vitia ad sanguinem, & vasa sanguifera referrentur, cum urina crassa, non tenui, nec aquosa, excernenda inquit. Si enim cum hac efferrentur, degenerati sanguinis, succique alibilis, exaridenti, pravaque febre, indicia forent, ut etiam admonet *in comm.* Galenus. Sic ergo Aphorismum hunc Hippocrates voluit intelligendum; ut ubi absque febre reliqua omnia benè se habeant, si urina moderatè crassa fursurea proferat, Vesicam scabie laborantem denunciet. Accidit autem Vesicæ scabies pari modo, ac externæ cuti pruritus, ab acritate ejus liquoris, qui in nutrimentum ejusdem cedere deberet, atque ex mistura salium cum urina densatur in fursures, & ima petens fursureum sedimentum exhibet, eo quòd referat exteriorum tritici corticem, non benè molitum. Ejus autem speciatim meminit Hippocrates *5. epidem. in histor. Filii Theophrasti*, qui id potissimum ex Vesicæ scabie patiebatur, ut dum mingere inciperet, ac desineret, pudendum confricaret, ex pruritu nimirum ingenti ejus partis, ad Vesicam pertinentis. Solet etiam sæpissimè scabies ista in vulcuscula commigrare, & saniem proferre, ut dicitur *Aphorif. 81. huius*, ut propterea quibusdam occasio fuerit, utramque Vesicæ affectionem confundere, non quòd vera

vera eadem sit, sed quòd altera in alteram facillimè commutetur, præfertim cum ea, quæ urinis commiscantur, acria, & erodentia sunt, ut infra.

APHORISMUS LXXVIII.

*Quicumque spontè sanguinem min-
gunt, iis à Renibus venula rup-
ta significatur.*

Pro eo, quòd Leonicens legat *sponte*, visum est aliis *repentè* substituere, quasi verò satis non sit sanguinem è Renibus absque ulla causa manifesta prodire, nisi etiam *repentè* exeat. At Hippocrates usus est ἀπὸ ταυτομάτης, quæ dictio utrumque significat. Et quidem nullam causam evidentem ex iis præcessisse necesse est, quæ valeant venas adaperire, vel dilacerare; sed & opus prætereà est, ut *repentè* mitis sanguinis suboriat, ne fortasse sensim erumpens, & guttatim, à Vesica erosa emanare credatur, quæ cum non multò sanguine scatet, profectò multum sanguinem effundere non potest. Ab ejusdem verò musculo janitore, si fortasse ulceretur, manabit quidem sanguis, sed ab urina sejunctus, ut propterea fieri non possit, quin *repentè*; & sine causa manifesta sincerus prodiens sanguis cum urina, à Renum venulis adaperitis, vel erosus non proficiscatur.

An autem à Venis propriè, an potius ab Arteriolis is prodeat, jure dubitari potest: etenim post detectam sanguinis circulationem, cunctis notum, sanguinem in partes per arterias ire; redire verò per venas, quæ cum suis interficiantur valvulis, nil profectò poterunt effundere, quod semel in

suis conceptaculis fuerit exceptum. Verum cum nomine venarum, tam venas propriè dictas, quam arterias consueverit Hippocrates indiscriminatim sumere, non erit hic, ut diutius mentem ejusdem exagitemus, dummodò constet de parte, quam ille potissimum hic considerandam voluit, affectam, cui sit remediis succurrendum.

At à quibus causis sanguifera Renum vasa interiùs dirumpantur, tacuit Hippocrates, quippè illæ innumeræ esse possunt. Attamen hic commodè ad tres generaliores revocabimus: ad ea scilicet, quæ ipsius sanguinis sunt, ad vasa illius continentia, & ad ea, quæ per Renes transeunt, vel è Renum tubulis transcolantur. Quæ in sanguine sunt, & cum eo continuo commiscantur, serum, lympa, chylus, si acritatem, aut muraticam conditionem, præsertim à visceribus hypochondriorum, nanciscantur, planè poterunt exilia Renum vasa, ut ejusdem generis alia, cum illuc appulerint, erodere, aut relaxare, undè is spontè deinde exeat. Sic aliquos novè diutius sanguinis mictu, ab ejusmodi causa, detentos, qui à corrigentibus è re medicamentis postmodum convaluere. Vasa ipsa sanguifera per Renum substantiam perperantia si fortasse præter exilitatem, naturalem quodammodò constitutionem sortiantur, debilem, laxam, tenuem, vel etiam procedente tempore flaccescant, & extenuentur, facile poterunt habenas quoque dare sanguini præterfluenti. Quæ denique per Renes, Renumque tubulos transeunt, serum urinarium, & cum eo diversis generis humores, salia, multa-
Emulges-
tes arte-
rix si frā-
gantur,
aut ape-
riantur,
ubi serū
sanguini-
nis exo-
cerave-
rint, pa-
rient A-
scitem;
quò res-
pexisse
videtur
Helmon-
tius, qui
ex labe-
factis re-
nibus la-
ticem à
sanguine
non re-
purgan-
tibus,
hydropē
oriri di-
xit.

taque è superioribus visceribus in eas partes deposita recrementa, pus, sanies, ichor, viscosi, acidi, con- crescentesque succi, undè postmo- dum, arenulæ, calculi, sabulones, idque genus alia, quàm facillimè poterunt erodendo, lacerando, di- stendendo, gravando, aut aliter afficiendo, sanguinis exitum repen- tè provocare. Sed & quædam casu deglutita, dura, aspera, acuta, angulosa, cum Renum alveolos su- birent, mictum sanguinis non raro excitantur; ut fileam nunc ea, quæ veneni naturam referunt, & idip- sum asferre solent, ut de canthari- dibus memoratur, Vesicæ specia- tim insensibilis, cum ex his sanguis nec spontè, nec citrà caulam manife- stam egeratur. Quod verò de muti- latis fertur per certa intervalla con- ductis sanguinem mingere, vel per alios ductus evacuari, nil penitus evincit, quin etiam sanguis cum u- rina prodiens, venulam, aut arte- riolam ab impetu sanguinis dirup- tam, significet.

Ad sistendum autem ejusmodi sanguinis mictum, variè proce- dendum erit, pro causarum il- lum excitantium varietate, de qui- bus planè, præter ea, quæ hic breviter sunt memorata, fusè à no- bis actum est in parte Medicinæ Practicæ; Verumtamen specialiora hic in usum ducenda erunt, quæ glutinandis vasis, & sanguini cor- rigendo, videntur magis accom- moda, cujusmodi præsertim sunt ex Vitriolo, & Marte parata.

APHORISMUS LXXIX.

In quorum urinis arenosa subsi- stunt, iis vesica laborat cal- culo.

Cunctis Expositoribus magna- rum difficultatum præsens hic Aphorismus, quippè qui adversan- tem habeat Experientiam, qua plu- rimos constitit toto ferè vitæ spatio arenulas minxisse, citrà ullam cal- culi Vesicæ suspicionem. Hinc au- tem factum, ut nonnulli Interpre- tes, Vesicæ vitio Renes quoque ad- junxerint, quasi verò Hippocrates brevitatigratia illos omiserit, qui tamen cum Vesica compatiens, forent hic omninò cumulandi, ut vel hæc, vel illi, ex arenoso sedi- mento laborare intelligerentur. Sed nec defuere, qui in alia divagati, ne verbum quidem fecerint de sensu istius Aphorismi, exterriti fortasse, quomodò possent illum in rationa- bilem sententiam accommodare. Eum alii Hippocratis nomine indig- num existimarunt, adeoque esse expungendum à serie reliquorum Aphorismorum. At melius Musa sa- gaci planè solertia invertendum il- lum voluit, ut potiùs ex Vesicæ cal- culo arenosa in urinis subsistere deducerentur. Sed tamen nec mutata sententiæ phrasi, nec ordine verbo- rum inverso, adhuc in commodum sensum illum revocabimus, si urina arenosa contineat, crassa, mucosa, neque semel, sed assiduò ejecta, & quocumque diei tempore. Equidem comparent sæpenumero arenulæ in quorundam urinis, citrà calculi sus- picionem, sed illæ subsident omni- nò, ab his cæteroqui benè coloratis separatæ, atque matutino solum tempore excretæ, vel certis solum- modò

V. quæ
Heurn.
ex Casio
Aurel. &
Arch.
gene hic
refert.

V. Gal. &
Fuchl.

V. Profs.
Mart.

Brasavo.
hic.

modò diebus ; at verò quæ ex calculo Vesicæ proveniunt, perpetuæ sunt, immò cum multo, crassoque fabulo commistæ, & quacumque ferè mictione, urina interim lixivium æmulante. Atque hinc Hippocrates *in urinis*, dixit, *arenosa*, seu potiùs fabulosa, non verò simpliciter arenulæ, *subsistant*, idest crassæ, & compactæ resident ; ut scilicet prædictas conditiones breviter simul complecteretur.

Est præterea quod adiiciam, noluisse Hippocratem ad præsens tempus tantummodò hanc sententiam aphoristicam coarctare, sed illam extendere quoque putavit ad futurum, ut sensus esset, eos, quibus urinæ cum arenoso sedimento contingunt, vel jam tum laborare, vel in posterum Vesicæ calculo laboraturos ; etenim ejusmodi fabulones in urinis indicio sunt multam crassorum, mucosorumque excrementorum in Vesicæ cavo congeriem coadunari, ut exindè calculus jam sit compactus, vel facilè deinceps sit compingendus. Porro aliàs est à nobis demonstratum, lapides ex hisce recrementis viscosis simul, & salino-acidis exoriri, atque pluribus veluti lamellis paulatim in crustari, & incrementum. At verò ex hoc docetur, non solum quid nobis sit coniiciendum ex ejusmodi arenoso sedimento, sed quibus præsidii occurrere possimus calculo imminenti, potissimum de eorum genere, quæ tantam saburram corrigere, & educere, alioque avertere valeant, meliori victus ratione servata, ut alibi fufius est à nobis memoratum.

APHORISMUS LXXX.

Si sanguinem mingant, & grumos, & stillicidium urinæ habeant, & dolor in anum incidat ventrem, & pectinem, & interfemineum, ad Vesicam labor est.

Laborantis Vesicæ, & partium adjacentium indicia specialius tradit in hoc Aphorismo Hippocrates, desumpta ex situ, ex excretis præter naturam, operationibus læsis, ac dolore, ut propterea illa junctim, non separatim, sint sumenda, si non eodem simul temporis momento, saltem eadem morbi duratione, cum fieri possit, ut ex his modò unum, modò aliud magis in singulos dies vigeat. Fiunt autem grumi, quoties sanguis è suis vasibus exiliens in Vesicæ cavo colligitur, ibique nedùm propter glutinosam substantiam, sed etiam à sale urinario in ejusmodi affectibus acidiori reddito, facilè concrefcit, & coagulatur. Eadem de causa urinæ stillicidium accidit, & dolor, potissimum ex acritate ingenti ejusdem musculi janitorem, & Vesicæ collum vellicante; cùmque hæc ad pubem sita sit, & fundo interfemineum occupet, seu perinæum, spatium scilicet illud, quod anum, & scrotum interjacet, idcirco utrumque locum dolor infestat, immò ab his, qui Vesicæ calculo laborant, gravior semper noxa percipitur in perinæo, ut nec equitare, nec sedere, citrà gravem ejus partis dolorem, valeant. Ab his ergo inquit ad Vesicam esse laborem: sive autem is revera lapis sit, sive topus, sive tumor, aut concretum, compactique sabuli congestus, crassus, mucosusque succus, aliudve simile, non expreffit, for-

fortè quia hæc omnia, modò acorem referant, & compungant, idipsum possint excitare, neque solum in ipsa Vesica, sed etiam in circumstitis partibus, ut experimentis pluries constat.

APHORISMUS LXXXI.

Si sanguinem, & pus mingat, & squamulas, & gravis odor adsit, vesicæ exulcerationem significat.

Etsi sanguinis, & puris mistio non semper ulceratæ Vesicæ indicium sit, cum etiam Renibus egeri possit, ut dictum *Aph. 75.* attamen si præterea pus malè olens cum squamulis mingatur, nonnisi à Vesica prodibit. Malus enim odor; quamvis pus, undecumque processerit, consequatur, nihilominus cum è Renibus, aliisque superioribus partibus emanat, magna ex parte in longo itinere remittitur; at verò proximè derivans ex Vesica longe gravius foetet, præsertim ex urinæ mistura. Squamulæ verò idipsum fortius attestantur, cum exsiccata Vesicæ certiora indicia sint. Hinc ista junctim sumenda, ut omnis dubietas adimatur, aliarum, quam Vesicæ, partium affectarum. Meminit autem primò sanguinis Hippocrates, deinde puris, tum squamularum, & denique pravi odoris, servato nimirum ordine, quo ista prodire solent ex illius ulcere; siquidem seriatim accidere necesse est, quamvis unum absque altero satis non sit ad ostendendam Vesicæ exulcerationem. Quare nonnisi ex diuturniori tempore hæc omnia evenire credendum est, cum verisimile non sit statim ipsa prodire, vel modico post tempore sibi invi-

cem succedere: non immeritò proinde usus est Hippocrates verbo, *minxerit sanguinem, & pus*, quo nimirum designaret multò antea urinam sic intinctam, & sædatam prodiisse; mox verò adjecit, *gravis odor adsit cum squamulis*, qui ex præcedentibus excretionibus consequatur, & perseveret. Verumtamen & plus, & minus, & gravius, & levius, ac inoffensius isthæc Vesicæ accidere possunt, pro varia ejusdem exulceratione, majori, vel minori, magis, minùsque sæda.

APHORISMUS LXXXII.

Quibus in urinaria fistula tubercula nascuntur: iis suppuratione facta, & eruptione, solutio advenit.

Mictionis mala nedum à partibus supra Vesicam positis, verum etiam infra ipsam, atque ab illius meatu provenire possunt, potissimum cum urinæ exitus impeditur à re quapiam ibidem hærente. Hic autem non ea, quæ simul cum urinâ loco moveri, & egeri possunt, sed quæ infixæ, & stabiliæ sunt, considerans Hippocrates, meminit speciatim tuberculi, quod plerumque in ipsa urinaria fistula innascitur, & mistui impedimento est, ad eoque Stranguriam, vel Ischuriam parit.

Quoniam verò tuberculorum meminit, quæ ad suppurationem perducipossint, videtur propterea ejus dumtaxat generis illa cõprehendere quæ ex sanguine, & carne ex crescente proficiuntur: multa enim in meatu urinario præter naturam gigni solent, quæ recentior admodum, immò sepe numero difficillimè suppurationi subiciuntur; quin & ex lue venerea sunt,

sunt, qui carunculas iis in partibus patiuntur tam difficulter sanabiles, ut plerique ad extremum usque senium, maximo cum dolore, & mendi difficultate immedicabiliter deducantur. At verò de iis solum videtur locutus Hippocrates, quæ tubercula sunt nil quidpiam pravitas, ac virulentæ conditionis participantia, sed ex simplici affluxu, aut congestione benignioris humoris progignuntur. Nisi etiam dicere velimus, non omnino, sed sub conditione solum, si maturuerint, tubercula hic suppurable voluisse illum adnotare. Et quamvis in meatu urinario progenita memorare visus sit, verisimilius tamen ad Vesicæ colum, & ubi Sphincter musculus jacet, istiusmodi tubercula nasci putandum est: scribitur enim in Coacis prænotationibus: *Quibus tuberculum est circa Vesicam; quod mingendi difficultatem facit.* Ubi de Vesicæ ductu, ejusque orificio, sermo est. Et sanè Sphincter musculus cum excoriatur facillimè excrecentem carnem, & tuberculum contrahit.

Si ergo contingat istud suppurari, planè erumpente pure, deterlaque parte tumefacta, & suppurata, fieri necesse est, ut solvatur morbus, qui ex enato tuberculo ærotantem diexavera; id enim est suppuratiois beneficium in tumoribus, ut quod mole exeeserat, & dolorem inferebat, adimatur, indeque symptomata consequentia desinant, cuiusmodi esset Stranguria, vel Ichuria, in casu istius Aphorismi. In hunc eundem sensum conferendus est Aphorismus *LVII. libri septimi*, ubi in consimilem sententiam scribitur, ex tuberculorum suppurazione, atque eruptione, dolorem ex tumore inductum desinere. Dixit autem Hippocrates fieri solutionem dum-

taxat morbi præcedentis: an autem alterius ex suppurazione consequentis mentionem factam significare voluerit, valde ambigo, nam plerumque suppuraciones istiusmodi partium perpetuò excrementis mudentium difficillimè curantur, nec tam promptè ad consolidationem perducuntur: qua ratione desinere solet Pleuritis per suppuracionem, superveniente tamen Empyemate. Hujus autem rationem nullam habendam censuit Hippocrates in Aphorismo, in quo solum, undè urina suppressi posset, & non aliatum partium superiorum, aut ipsiusmet Vesicæ affectus, edocere constituit, siquidem urinarum vitia, atque mendi difficultates, & impedimenta proficisci possunt, affecta nedum Vesica, verumetiam partibus tum supra, tum infra ipsam sitis: id quod in his Aphorismis monitum voluit.

APHORISMUS LXXXIII.

Mictio noctu plurima contingens, paucam significat desectionem.

QUàm inter sese convenient alvi solutio, & urinæ excretio, advertit in hoc Aphorismo Hippocrates, ut propterea unius evacuatiois copia, alterius paritatem designet, quod nedum experimentis, & usu quotidiano, comprobatum passim testantur Authores, verum etiam manifestissimè constat Anatome. At verò quamvis una alteram minuire possit, non tamen inde universaliter deducere licet, perpetuò verum esse, alterutram fieri copiosiore, cum non rarò contingat utramque suppressi, vel saltem magna ex parte diminui, præsertim in febrilibus, in Colico-nephriticis, Asciticis, aliisque. Solet etiam non rarò sudor,

cū

cum ubertim effluit, utramque egestionem parcam admodum reddere, absumptis nimirum humoribus percutim, qui fortè in vias urinæ, vel in alvum decubuissent. Itaque non videtur omnino verum, ut mictio noctu plurima facta modicam significet defectionem.

Verumtamen credere licet voluisse hic dumtaxat Hippocratem, istiusmodi evacuationes inter sese comparare, cum vel ex criticis egestionibus partium infernarum, futura morbi solutio speratur; vel cum, absque ulla alia causa, alterutra illarum diminuitur, quæ præcedenti tempore spontè, convenienterque fluebant: vel cum in affectibus Renum, aut Vescicæ sine ulla ope medica, aut medicamenti diuretici beneficio, urina multiplicatur, & abundantior mingitur: fore enim, ut tum si illa affluentius profluat, deficiat alvi exoneratio, ideòque nullus sit admirationi locus, quamobrem urina sine evidenti causa copiosior habeatur. Equidem adhuc benè degentibus id sæpissimè contingit, ut quàm ex assumpto cibo, potuque operiuntur evacuationem, illa, altera congenere supplente, deficiat; atqui hyeme potissimum abundantius mingere solemus, alvo interea restrictiori, ut & ex suppresso Sudore sæpissimè quoque evenit.

Adjecit, nec abs re, *noctū*: quando quidem ex ambiente aere crassiori, pori cutis constipantur, & quicquid exinde perspirare interdū consuevit, quodammodo retardatur, aut detinetur, indeque fertur in vias urinæ, quæ propterea copiosior redditur: qua etiam ratione fit, ut serosi humores per noctem corpus aggravent, & glandulas præsertim oppleant; unde vulgò perhibeatur, per idem tempus catarrhos promoveri.

Sed præterea, cum alimenti coctiones noctu, & quiete, melius peragantur, distributiones verò, secretioneseque citius interdū; fit proinde, ut ubi serosæ illius partes, motu, ac vigilia, per diem promptè admodum è vasis chyloferis, aut sacco lacteo, per compendiosiores ductus, in Renes, & Vescicam feruntur; noctu diutius detentæ, adeoque cum chylo commistæ, possint per vasa thoracica in Cor meare; indeque cum sanguine in arterias emulgentes saltem iteratò deduci, & mox per fibrillas, & glandulas urinarias in Renum pelvim, atque deinde in Ureteres, & Vescicam, transcolari. Unde si major pars humoris à cibo, potuque, elicit, adhuc noctu feratur in Renes, procul dubio fæces in Intestinis relictæ, exuccæ admodum, nimiumque compactæ, & obduratæ remanebunt; quamobrem defection, & alvi exoneratio, vel nulla, vel modica, & tarda erit, eoque magis, si peculiaris urgeat causa, ob quam serosæ alimenti portiones memoratum circuitum, haudquaquam perficiant, sed etiam recta in vias urinarias deducantur. Non immeritò igitur inquit: *Noctū*: Equidem, si per id tempus, quo urina diutius detineri solet, crebrius adhuc, & affluentius egeratur, planè ex copiosiori ejusdem egestionem, fæcum evacuatio nedum parciore fiet, sed etiam in longius tempus prorogabitur.

Quoniam verò indefinitè inquit Hippocrates, plurimam mictionem noctu habitam paucam significare defectionem; ista sanè poterit urinam subsequi, vel præcedere copiosiore. Etenim cum causa mictionis uberioris, ex sero, aut sanguinis, aut cibi, & potus assumpti, in Renes corrivante, proveniat, unde

feces exhaustæ, & nimium constipatæ remaneant; profectò non minus mictio copiosa futuram mox alvi defectionem modicam significabit, quàm hanc eandem nimis adhuc parcam præcessisse: modò cætera, quæ cum his concurrere possunt, paria sint; nilque aliundè intermisceatur, quod istiusmodi permutationem, vicissitudinemque perturbet: cum id, quæ sponte Naturæ sunt, potissimum consequi soleat.

Hinc postremò admonemur, utramque evacuationem fortasse

immodicam, posse alterutrius beneficio, prout necessitas exposulaverit, diminui, aut sedari, promota nimirum, usu medicamentorum, irruentis humoris derivatione, aut in Intestina, si urina affluentior mingatur, aut in Renes, si fortè alvus lubricior sit, quemadmodum peritiores Practici in harum partium affectionibus agere consueverunt, & quidem cum ægrotantium emolumento: quamvis fluxuros potius, quàm fluxos humores avertere, tutius semper, faciliùsque sit.



F I N I S.

I N D E X

R E R U M N O T A B I L I U M

Tertizæ Partis.

A

A Bortus qua tempestate facilius
accidant. 31.32
Abortus quomodo præcaveri
possit. 34
Abortus catharticus promovetur. 84
Abcessus quid, & quo fiant modo. 134
Abcessus unde, & cur ægrotantibus fa-
miliars. 133
Abcessus quænam in parte frequentius
fiant. 133
Abcessus futuri signa. 133.134
Abcessus an possint citò solvi, & evane-
scere. 157
Abcessus futurus febricitanti, urinarum
multitudine diversitur. 181. 182. 183.
morrhagia narium. 182
Abcessus quomodo diverti possit. 182
Abcessus nisi febres solvantur, in longum
producentur. 157
Abcessuum internorum curatio. 134
Accessiones. v. Paroxysmi.
Acor amarore corrigitur. 181
Actio quomodo Siciliam à Peste præfer-
vaverit. 17
Acuti morbi desinunt plerumque in Chro-
nicos. 76
Acuti morbi an purgationem indicent ex
Argenterio. 99
Acute febres numquam sine internis in-
flammationibus. 173
in Acutis febribus convulsiones, malum.
173.174. an semper. 173
Adolescentes Vere optime degunt. 45
Adolescentia morbi an ab Hippocrate
prætermissi. 77
Adolescentulorum morbi. 69. & seq.
Ægyptiis an Ver saluberrimum. 25
Æquinoctia vitanda in purgationibus. 93
Æquinoctium utrumque periculosissi-
mum. 6. quando nobis accidat. 7
Aer cum sanguine commiscetur in Pul-
monibus. 63
Aer morborum causa potissima ex Hippo-
crate. 5
Aer quibus anni temporibus immutetur. 7.8
Aer, principium alimenti, Hippocrati
dicitur. 9
Aer causa indifferens à Medicis vocatus. 9.

Tozzi Op. Med. Tomo III.

Aer à ventis alterari potest. 9
Aer depravatus quomodo corrigatur. 9
Aer humidior transpirationem intertur-
bat. 16
Aer sua natura nec calidus, nec frigidus,
sed fluidus. 40
Aer canicularibus diebus vaporibus dif-
fertior, & quare. 94
Aer caliginosus æstuosior, & quomodo. 94
Aeris vis in perturbanda, & cuenda huma-
ni corporis oeconomia. 5
Aeris repentinz vicissitudines nocuz. 7
Aeris vis quæcumque corpora alterandi,
& corrumpendi. 8
Aeris elater. ibid.
Aeris mutationes canicularibus diebus,
qua de causa periculose. 94
Æstas si sit Veri similis, sudores in febribus
contingunt. 18. & quare. 18
Æstas si sit Veri similis ægri ad sudorem
disponendi. 18
Æstas Aquilonia, & Autumnus Australis,
quæ mala portendant. 34
Æstate corpora debilia cur melius degant.
10
Æstate, quæ ætates melius se habeant. 45
Æstate Vernales morbi nonnulli contin-
gunt. 55
Æstate qui accidunt morbi. 55. & c.
Æstate medicari per superiora, & quare.
88.97
Æstate cur os amarescat. 89
Æstate cur humores ventriculorum occu-
pent. 90
Æstatem Austrinam, qui morbi insequan-
tur. 38
Ætatis principium Veris naturam sapit.
46
Æstivi morbi quomodo curentur. 58
Æstivi morbi plerumque à Ventriculo. 89
Æstus magnus imbres insequens unde. 28
Æstus internarum partium, si cum frigore
externarum copuletur, lethalis. 154
Ætates ad quædam tempora, loca, &c.
benè, vel malè se habent. 12
Ætates singulæ quibus anni temporibus
benè se habent, vel contra. 45
Ætatum morbi. 64. & seq.
Ætatum mutationes plerumque morbos
judicant. 76

N Albara

I N D E X

Albura nigra quid.	53	Apyrexia quid.	170
Alvi dejectiones in pluviarum multitudi- ne.	41.44	Aqua intercus quomodo colligatur.	60.
Alvi contipatio in Aquilonia tēpestate.	43	v. Hydrops.	
Alvi fluxus immodicus medicamentis diu- reticis sedari potest, & contra.	192	Aqua nostra ex albo albi quid.	169
Alvi profluvia tēstate.	56.v. Diarrhoea.	Aquæ gelidæ potus purgationem promo- vet.	119
Alvi fluxus dentitionis tempore undē.	67	Aquilonarium Ventorum vis.	13. quos morbos pariant.
Alvi lubricitas largiorem ciborum usum consequi solet.	128	Aquiloniæ constitutionis commoda, & incommoda.	42
Alvi solutio, & urinæ excretio, quā in- ter sese conveniant.	190	Arati phænomena Cicero in latinum transiit	92
Alvos duras habentibus molestius dentes erumpunt.	67	Arcturi occasus in purgationibus vitan- dus.	93
Alvus humida febricitantibus accidit, dum reficiuntur à Sanguinis profluvio, & quare.	127	Ardentes febres an à putrescente bile.	58
Alvus turbata sordiditatem in febribus sol- vit.	165	Ardentes febres Viris, undē.	79
Alvus laxa Hypochondriorum murmur solvere potest.	180	Ardentes febres ex Erysipelate interno ex Actio.	154
Amarore acor retunditur.	181	Ardentes febres rigore superveniente, solvuntur.	163
Amblyopia quid. 82. ejus causæ. ibid. &	83	Ardentes febres nothæ, & exquisitæ. ibid.	
Anafarca quid.	60	Ardentis febris signa pathognomonica.	154. & 159
Angina pueris lethalis Neapoli, anno 1618 48.73. & 137.		in Ardentibus febribus sicæ Tussis sitim mitigant.	159
Angina cur Autumno.	61	Arenæ in urinis subsidentes an Vesicæ calculum designent. 187. an futurum.	188
Angina an purgationem indicet.	111	Argentarius Galenum impugnatur.	132
Anginæ ex pluvia tempestate.	42	Arteriæ sub Venarum nomine compre- henduntur ab Hippocrate.	186
Animalis operationes quæ quasi vitalium vitio lædantur, periculosum.	155	Arthritidis causa, lymphæ.	185
Animalium operationum læsio in conti- nuis febribus quanti momenti.	155	Articulorum dolores Vere, undē.	54
Anni temporum mutationes morbos pariunt.	6	Articulorum dolores Senibus.	81
Anni quaternaria divisio non omnibus congruit.	7	Articulorum dolores fiunt ex longis fe- bribus. 150. si pleniori cibo æger uta- tur.	150
Anni tempora si constantia sint, constantes sunt morbi, & contra.	20	Ascites quid.	60. 102
Anni tempora legitima, & constantia, quæ.	21	Asthma qua de re Autumno observetur.	61
Anni tempora quomodo variantur. ibid.		Asthma Pueris quam ob rem.	69
Anni 1690. constitutio hic Neapoli.	22	Asthma Virorum morbus.	79
Anni temporum constitutionem variam quæ morborum genera insequantur.	27. &c.	Asthma Senibus familiare.	80
Anni tempora quæ singulis ætatibus con- veniant.	45	Asthma non semper affectis Pulmonibus ex Platone.	80
Anni temporum singulorum morbi. 49. & seq.		Astronomia maximam partem confert ad rem medicam ex Hippocrate.	6
Annum Veteres in septem tempora divi- dere.	7	Astronomia Medico summè utilis.	91
Anseres cur clamosiùs obstreant immi- nente pluvia.	28	Atra Bilis. v. Bilis atra.	
Anticenis quid ex Galeno.	92	Auditus gravis Senibus, undē.	83
Aphræ Pueris undē.	64	Aurium cum intestinalis consensu, undē.	129
Apoplexia Hyeme quare.	28	Aurium humiditates Puernis.	65
Apoplexia cur Senibus contingat.	81	Aurium dolores quomodo aestate, & quibus accidunt de causis.	57
Apoplexiæ quomodo ex imbrici copia.	41	Australium ventorum efficaciam. 13. & quo- modo Aerem conturbet.	15
		Austri corpori officiant, & quare.	16
		Austrinæ constitutionis incommoda.	42
		Autumnus cur morbos pariat.	13.

RERUM NOTABILIMUM.

Autumnus Tabidis *malus*. 25. & quare. 26
 Autumnus Australis si Aquiloniam Æl-
 tem insequatur, quæ mala accidant. 34
 Autumnus Aquilonaris quibus pro-
 quibus obfit. 37
 Autumnus Senibus periculosus. 46
 Autumnus tempus quale. 23
 Autumnus cur procellæ, & tonitrua. 15
 Autumnus quæ ætas melius se habeat. 45
 Autumnus Æstivi plurimi morbi accidunt. 58
 Autumnus morbi acutissimi, & lethales
 ex Hippocrate. 22. & quare. 23
 Autumnales morbi incostantes. 12
 Autumnales morbi an lethales ob atram
 bilem, an ob elum fructuum, &c. 25
 Autumnales morbi quinam. 58
 Autumnales morbi quomodo præca-
 veantur. 62

B

Bilis putrescens an febrium causa. 55
 Bilis nutritia an illa sit in huma-
 no corpore. 121
 Bilis omnium febrium causa ex Hippo-
 crate. 56. 170
 Bilis degeneris effectus. 121
 Bilis in febribus depravatur. 128
 Bilis atra in morbi principio exiens le-
 thalis. 120
 Bilis atra quid, ejusque qualitates, & ge-
 nerationis modus. 121
 Bilis atra dysenteriam lethalem parit. 124
 Biliosæ dejectiones surditate sanantur, &
 contra. 128. &c.
 Biliosi qui dicantur. 98
 Borealiū ventorum vis. 13. quomodo
 Aerem serenū faciant. 15
 Brechtometrum, seu instrumentum ad
 Aeris humiditatem mensurandam ad-
 perrimè excoctum. 16
 Bubones quid. 16
 Bubones Veneri, & pestilentes. 161. quo-
 modò eorundem malis occurrendum.
 ibid.

C

Cachexia Senibus qua de causa. 81.
 quomodo curretur. 83
 Calculi vesicæ Pueris accidunt. 69
 Calculi vesicæ quomodo fiant, quove
 præcaveantur modo. 188
 Calculi vesicæ signum an sit arenarum ex-
 cretio. 187
 Calor qua parte corporis percipitur, ibi
 morbum esse significat. 143. si permanes,
 & non à causa externa fuerit. 143.

Calor non sine aliquo sensu doloris. 144
 Caloris sensus quomodo fiat. 140
 Caloris, & frigoris eadem die vicissitu-
 dines morbos Autumnales præsignifi-
 cant. 12
 Caninorum dentium eruptio summas
 parit molestias. 68
 Caniculares dies. 7
 Canicularibus diebus an omnino cavendæ
 purgationes. 95
 Canicularium dierum numerus ex Argo-
 lo, Magino, Keplero, Hippocrate. 93
 Canicularium dierum æstus, unde. 93.
 item cur eodem tempore manè frigus
 experiamur. 94
 Canicula iis, qui illam habent in vertice,
 frigus parit. 93
 Caniculæ nomen cuinam Cani tribuen-
 dum. 91
 Caniculæ an ulla insit erga nos vis. 93. 94
 Caniculæ amplitudo ortiva. 94
 Canis in firmamento duplex. 91
 Canis utriusque varius, pro temporum, &
 locorum varietate, exortus. 92. 93
 sub Cane, & ante Canem difficiles sunt
 purgationes. 91. quodnam sit hoc
 tempus. 91
 sub Cane, an oppositum tempus ortus
 Canis designet. 94
 Cantharides vesicæ peculiariter insensæ.
 187
 Capillorum cum urina excretio, unde.
 184. & seq. quomodo curari possit.
 185
 Capitis dolores vehementissimi quomo-
 dò ab Aultrina Autumni tempestate.
 35
 Capitis dolor febricitantibus ex urina
 perturbata. 177
 Cardanus Galenum reprehendit. 75
 Cardanus in criticorum dierum septena-
 riis numerandis sophistam sapit. 166
Cardanus quid. 173
 Canes lanas habentibus Helleborus spal-
 mum parit. 108
 Carnosi mediocriter per inferiora pur-
 gandi. 97
 Carunculæ si egerantur in dysenteria, le-
 thale. 126
 Carunculæ urina crassa mistæ è renibus
 educuntur. 184
 Caruncularum nomine quid veniat. 127
 Catarrhus capitis dolores prænunciant.
 63
 Cathartica gravidis an exhibenda. 84. y.
 Evacuationes.
 Cathartica opportuno tempore exhibita,
 conferunt. 91

- Cathartica sub Cane, & ante Canem diffi-
cilia. 91. num ratione caloris, vel in-
fluxus. 93. 94
- Cathartica præservatoria canicularibus
diebus interdiciuntur ex Galeno. 95
- Cathartica diuretica fieri solent. 110
- Cathartica quando locum habeant. 112
- Cathartica quomodo vim suam in intesti-
nis exerant. 114
- Catharticum spontaneas evacuationes
imitari debet. 87
- Catharticum haud à morbi acutie in-
dicatur. 100
- Cathartici necessitas quibus signis in non
febrientibus designetur. 116
- Cathartici utendum statim in valde acu-
tis, si materia turgat. 99
- Catharticonum usus Hyeme magis. 90
- Catharticonum assumptionem cur suis
sequatur, & an completam designet
evacuationem. 112. & seq.
- Catharticonum operatio gelidæ potu ma-
gnoperè promovetur. 116
- Celsus an Hippocrati contradicat. 96
- Celsus Latinus Hippocrates. 17
- Ceruminis exortus, & natura. 119. 130
- Chlorosis quid. 75
- Cholera Viris undè accidat. 79
- Chronici morbi minimè securi. 145
- Chronicæ febres in tubercula desinunt. 150
- Chronicos, eosque contumaces morbos
fugans remedium. 146
- Cibus copiosior sudores in somno facit.
145. & seq.
- Cibus exhibitus evacuationes per alvum
silit. 107
- Ciborum largior usus alvi parere solet
laxitatem. 118
- Ciborum digestio Hyeme citius peragi-
tur, & quare. 90
- Ciborum digestio quibus perficiatur. 103
- Ciborum fastidio quid designetur. 110
- Ciborum confectio, & distributio somno
meliùs, an vigilia peragatur. 191
- Climatum varietate variant morbi. 168
- Coctionem quæ præcedunt symptomatica
censenda. 131
- Colla* quid apud Hippocratem. 173
- Collum si febricitanti pervertatur, itaut
deglutitio impediatur, lethale. 137
- Color cutis internos corporis humores
designat. 144
- Color nimium non est credendum. 67
- Colorum pluralitas in excretis an augeat
malitiam. 119. & 120
- Coloris mutatio in morbis, ejus lon-
gitudinem significat. 144
- Colostrum puerulis utilissimum. 66
- Comitialis morbus. v. Epilepsia.
- Conferentia, & tolerantia in evacuatio-
nibus. 88
- Conspiciliorum varius usus in visus he-
betudine. 82
- Contagii natura multiformis. 72
- Continua febre laborantes, si exterius fri-
geant, interius urantur, lethale. 154
- Continuæ febres tertio quoque die ingra-
vescentes magis periculosæ. 147. &
quænam hæ sint. 148
- Continuæ febres, quæ dicuntur. 148
- Continuæ febres quomodo ex Intermit-
tentibus fiant. 149
- Continuæ febris si dyspnœa, vel delirium
superveniatur, lethale. 156
- in Continuis febribus faciei distorsiones,
ac sensuum hebetudines lethales. 155
- in Continuis febribus quomodo possit
æger rigere. 163
- Convalescentes à febribus in tubercula
incidunt, si pleniori utantur cibo. 150
- Convalescentibus si aliqua pars doleat, ibi
sunt abscessus. 134
- Convulsio quomodo ab Helleboro. 108.
& qualis. 109
- Convulsio an febris superveniens bona esse
possit, & quo id modo. 173
- Convulsionis causa. 162
- Convulsionis curatio. 163
- Convulsionem febris superveniens solvit.
161. si statim. 163. & qualis. 162
- in Convulsione an liceat medicamentis
febrem excitare. 163
- Convulsionem dentitionem comitantes. 67
- Convulsionem partium faciei in continuis
febribus, lethales. 155
- Convulsivi motus ab Helleboro quomodo
curentur. 109. 110
- Côvulsionem in acutis febribus malum. 173. 174
- Cordis morsus in febribus, malum. 172
- Coryza ab Autumno Aquilonari. 38
- Coxendicum dolores quomodo Autum-
no contingant. 61
- Craissimi puelli dentium eruptione mo-
lestius afficiuntur. 68
- Crisis cur aliquandò paribus accidunt
diebus. 139
- Crisis rarissimè quarto die. 139
- Crisis nunquam in die febre vacuo. 167
- Crisis à quibus promoveatur. 167
- Crisis cum sit septima die, nubecula quar-
ta die in urina apparet. 178
- Critici dies & pares, & impares. 138
- Criticis diebus an ullam fidem Hippo-
crates, & Celsus habuerint. 138
- Criticus dies quicumque esse potest, &
quomodo. 166

RERUM NOTABILIMUM.

Crymodes febres quænam apud Aetium.

134

Cutanearum affectionum diversitas, undè.

54

Cynodontes qui.

67

D

Debiliores partes humorum depositiones recipiunt.

134

Declinantes morbi nunquam lethales ex Galeno.

123

Declinantibus febribus cunctæ promouentur evacuationes.

128

Decretoria non decernentia, mala.

161

Deglutitio si ob colli torturam febricitantibus impediatur, lethale.

137

Deglutitionis læsione, respirationis læsio periculosa.

136

Dejectiones nigre spontaneæ, & à medicamento, quid portentant.

137

Dejectiones nigri sanguinis an bonæ.

136

Dejectiones nigre sanguini atro similes quænam apud Hippocratem.

117

Dejectiones illæ quomodo corrigi possint.

118

Dejectiones nigre, & multicolores à medicamento, an timendæ.

119

Dejectiones nigre extenuatis mortem ad sequentem diem portendunt.

123

Dejectiones hæ nonnisi in Augmento, & Statu contingunt.

123

Dejectiones biliosæ quomodo sanentur, & sordiditatem sanent.

128. & seq.

Dejectiones tenuium humorum febricitantibus, undè.

129

Dejectionibus parotides sanantur. 129. v. Evacuaciones.

Delirium si continuæ febris superueniat, lethale.

156. &c.

Delirium inflammato Diaphragmate.

156. 157

Delirantes à Phreneticis differunt.

179

Dentes in infancia an verè generentur.

66

Dentibus qui adnascuntur lentiores, fortes significant febres. 158. quomodo tollantur.

159

Dentati pueri ex utero prodeuntes.

66

Dentitionis incommoda. 66. quomodo præcaveantur.

69

Dentitionis incommoda, crassissimi, & alvos duras habentes pueri vehementius patiuntur.

68

Destillationes tussiculosæ Senibus familiares.

80

Diaria febris ex inguinum tumore, an mala.

160

Diaria febris cujusmodi sit.

160

1. Texæ Op. Med. Tomo III.

Diarrhoea gravius stypticos afficit, quam lubricos.

68

Diarrhoeæ puellis dentitionis tempore contingentes, quam recognoscant causam.

67

Diarrhoeæ Viris diuturnæ.

79

Dies, an accessiones in morbis considerandæ.

167

Difficultas spirandi. v. Dyspnœa.

Dolor in parte aliqua si convalescenti superueniat, ibi futurum abscissum indicat.

134

Dolor an attrahat veluti cucurbitula.

134

Dolor partis alicujus si morbum præcedat, ibidem illum futurum præmonstrat.

135

Dolor nonnisi soluto continuo fit.

144

Dolores quomodo à succis humefaciētibz excitentur.

38

Dolores purgationem expostulantes, si partes supra præcordia occupaverint, vomitus provocandus; si infra, dejectio.

111. & seqq.

Dolores viscerum in acutis febribz, malum.

173

Dorsalis Tabes quæ.

25

Dysenteria à pluvioso Vere quomodo.

30

Dysenteria qua ratione Autumno accidere possit.

61

Dysenteria quo pacto Virorum sit morbus.

79

Dysenteria ab atra bile lethalis.

124

Dysenteria si carunculæ egerantur, lethale.

126

in Dysenteria, quæ perpendenda.

126. 127

Dysenteria morbos judicans.

180

Dysentericæ nomen, definitio, causæ.

124

Dysenteriam genuina curandi methodus.

124

Dyspnœa si continuæ febris superueniat, lethalis.

156. &c.

Dyspnœa inflammationes internas infequens.

156

Dyspnœæ differentia.

156

Dysuria senilis morbus.

81

E

Elater Aeris quid.

8

Elephantiasis descriptio ex Areteo; Elephanticus Neapoli nullo comite contagio.

53

Empyema vomitu curatum à Rulando.

111

Endemii morbi.

48

Epilepsia cur Autumno accidat.

62

Epilepsia sympathica Juvenibus plerumque accidit.

78

N 3 Epilepsia

Epilepsia quomodo à pluviarum multitudine. 41
 Erotica febris quæ. 75
 Erratica febris quomodo Autumno contingant. 59
 Erratica febris difficillimæ solutionis. 133
 Erysipelas ab intus extra bonum, non contra. 154
 Erysipelata interna. 154. &c.
 Etæsi venti, quomodo aeris æstus temperent. 15
 Etæsiæ salubres, & sereni. 29
 Evacuatio quæcumque, non præcedente coctione, pro symptomatica reputanda. 131
 Evacuatio quænam opus sit in copiosis sudoribus. 146
 Evacuaciones eorum sunt promovendæ, quæ sponte prodeunt. 87
 Evacuaciones spontaneas quas appellaverit Hippocrates. 87
 Evacuaciones humorum, quos natura non utiliter educeret, malæ. 87
 Evacuaciones motu promoventur. 106.
 107
 Evacuaciones per alvum cibo compescuntur. 107. v. Dejectiones.
 Evacuaciones symptomaticæ, & criticæ. 119
 Evacuaciones quæcumque nigra extenuatis plerumque lethales. 123
 Evacuaciones omnes promoventur declinantibus febribus. 128
 Evacuaciones malorum si commodè succedant, commendabiles. 152. 153
 Evacuaciones minimè dierum numero æstimandæ. 169
 Evacuacionis utilitas undè coniicienda. 88
 Evacuacionum per determinatas partes indicationes undè desumendæ. 89. & sequent.
 in Evacuacionibus quibuscumque sex perpendenda. 153
 Epidior à χυμῶν, quomodo interpretandum. 31
 Excreaciones in febribus nihil ad rem. 152
 Excreaciones in febribus quænam bonæ, quæ verò malæ. 152
 Exomphalon cur patiantur pueruli. 65
 Extenuatis dejectiones nigra ad sequentem diem mortem portendunt. 122
 in Extenuatis quilibet evacuatio magnificienda est. 122
 Extenuatorum nomine quænam hic veniant. 123

F

Faucium tumor an lethale signum. 136
 Febris convulsioni superveniens illam solvit. 162. si statim superveniat. 163. & qualis. 162
 Febris plerumque utilis. 162
 Febris cum rigore nisi desinat, vel intermittat, malum. 164
 Febris surditate superveniente mitescit. 166
 Febri convulsio si accidat analiquando bona. 173
 Febrem an convulsis liceat excitare. 163
 Febre corpora exarescunt. 128
 Febres acutissimæ, quomodo ab Austris, & imbris fieri possint. 29 v. Acutæ.
 Febres diurnæ pluviosam constitutionem insequuntur. 41
 Febres quænam æstate accidunt. 55
 Febres omnes ad fermentationem variam reducuntur. 55
 Febres omnes à bile fiunt ex Hippocrate. 56. 170
 Febres quænam Autumno contingant. 58
 Febres dentitionis undè. 66
 Febres quænam Juvenibus accidunt. 58
 Febres ardentes Viris undè. 79. v. Ardentes.
 Febres per subintransiam dictæ, difficilis iudicii. 132
 Febres pusillæ quandoque valde malignæ. 141
 Febres continuæ, quæ tertio quoque die exacerbantur magis periculosæ. 147. & quænam hæ sint. 148
 Febres intermittentes omnes ab uno, eodemque oriri possunt humore. 149.
 170
 Febres longæ in tubercula desinunt. 150.
 si cibo pleniori æger utatur. 150
 Febres, quas non solvunt abscessus, in longum protrahuntur. 157
 Febres ex inguinum tumoribus an malæ. 160
 Febres nisi diebus imparibus reliquerint, recidive fiunt. 166
 Febres quandoque circà ullam evacuacionem solutæ. 167
 Febres Hypochondriorum Fernelianæ. 181
 Febres laboriosæ quænam. 181
 Febrium causa, quæ juxta mentem Hippocratis. 29
 Febrium continuarum, ardentium, & tertianarum differentia, undè. 55
 Febrium

RERUM NOTABILIMUM.

Febrim paroxysmi, si constantes sint, iudicium difficile significant. 133
 in Febribus continuis ætus internarum partium, ac externarum frigus, lethale. 154. v. Continuz.
 in Febribus circa Ventrículum ætus, & cardiogmos, malum. 172
 in Febribus respiratio interrupta, malum. 175
 in Febribus tantum, urinæ, quæ perseverant perturbata, egeri possunt. 177
 Febricitanti suffocatio absque tumore lethalis. 137
 Febricitanti si deglutitio impediatur ob colli torturam, lethale. 136
 Febricitantibus si sexta die rigores fiant, difficile iudicium. 130
 Febricitantibus in somno pavores, malum. 174
 Febricitantibus lassitudo, abscessus in articulos præsignificat. 133
 Febricitantibus sudor frigidus quid portendat. 140
 Febricitantium cibus vulgaris. 175. & seq.
 Febricitantium urinæ. 175. & seq.
 Fermentorum indebita mistura deleterii humores progignantur. 121
 Fernelianæ febres quænam. 180
 Flatus an causa sint urinarum perturbarum. 178
 Flatuum eruptio Hypochondriorum murrur solvere potest. 181
 Foetus quibus de causis imbecillis reddantur. 31
 Foetus in utero quo tempore moveri incipiat. 36
 Foetus in utero fructui ex arbore pendenti comparatus à Galeno. 86
 Frigoris sensus quomodo percipitur. 140. 141
 Frigus qua parte sentitur, ibi morbus. 143.
 si permanens sit, & non ab externa causa. 143
 Frigus, & calor eadem die si accidunt, morbos Autumnales prænuunt. 12
 Frigus circa lumbos in Tertianis, & Quartanis undè. 142
 Frigus non nisi cum sensu aliquo doloris. 144
 Frigus externarum partium, si cum internarum ætu copuletur, lethale. 154
 Frigus externarum partium undè. 154
 Fructuum usus an morbos pariat Autumnales. 12
 Fuchsius Celsum Hippocrati conciliat. 96

Fuligines putridæ an febrim causa. 56
 Furfuracea urina quid denotet. 185
 Furor quæ anni tempore accidat. 49. 50
 Furorum species. 50. quare Autumno. 62

G

Galenus à Cardano reprehensus. 75
 Galenus Hippocratem norat. 77
 Galenus ab Argenterio impugnatur. 132
 Galeni de siti doctrina enervata. 112
 Genuum gravitas quid significet. 116
 Glandulæ subtercutaneæ innumera. 117
 Glandulæ potissimum cathartici medicamentis inanuntur. 116
 Glandularum omnium consensus. 160
 Glandularum tumores quotollantur modo. 161
 ex Glandularum tumoribus quænam febres nascuntur. 160
 in Glandulas potissimum externas, & internas Abscessus fiunt. 134
 Glaucedines Senibus decrepitis undè. 83
 Gonorrhoeas virulentas purulenta mictio comitari solet. 183
 Graciles, & facile vomentes per superiora purgandi. 95. & quando. 96
 Graciles, ut plurimum vegetiores, & quare. 95
 Gracilitatis causa. 95
 Gravedines quam tempestatem insequantur. 36
 Gravedines an ex Hippocratis mente Autumnum Aquilonarem insequantur. 38
 Gravedines Vere undè. 52
 Gravedines Hyme undè. 63
 Gravidæ. v. Thero-gentes.
 Grani qui fiunt in Vesica. 288

H

Hæmorrhagia pueris quæ de causa. 75
 Hæmorrhagia narium an, & quando proficua. 125
 Hæmorrhagia narium sordiditatem in febribus solvit. 125
 Hæmorrhagia narium an ab abscessu liberet. 122
 Hæmorrhagia quomodo ab urinis signifi-
 cetur. 180

Hæmorrhoides Virocū morbus. 79
Hæmorrhoides an ab humore melancholico. 118
Hæmorrhoidum commoda, & incommoda. 126
Halcyonia tempestas. 7
Hebræi tantum Patavii gravi morbo quondam affecti ex Cardano. 48
Helleborus duplex, albus, & niger, atque utriusque vires. 104
Helleborus quondam terribilis, deinde promiscuus Antiquis evasit. 106
Helleborus quando uberius purgabit. 107
Helleborus carnes sanas habentibus parit convulsionem. 108. & quando. 109
Hellebori usus, à pag. 104. ad 109
Hellebori potionem quæ præcedere debeant. 105. quæ insequi. 106
Hellebori usus jam exolevit. 106
Hemitritæ quid. 148
Hemitritæum cur periculosum dixerit Hippocrates. 21
Hepatis vitio Icterus. 168. 169. 171
Hepatis morbus quilibet alæ plenus. 172
Heterogenei humores morbos pariant difficilis solutionis. 21
Hippocrates à Galeno prolixitate notatus: à Cardano defensus. 151
Hippocrates reprehensus. 45. 167. defensus. 46
Hippocrates oblivione notatus à Galeno. 77
Hippocrates à Galeni calumniis vindicatus. 106
Hippocrates an sibi ipsi contradicat. 126
Hippocratis artificium ad pestem arcendam. 17
Hispani ab Indis pro Variolis lœm Venercam retulerunt. 71
Horror, Rigor, Tremor. 164
Horrores quotidie facti, an quotidie febres solvant. 172
Humida constitutione, an sicca salubrior. 39
Humoris in Aere copiam, vel inopiam internoscenti modus, ope cuiusdam instrumenti. 16
Humorum translatione diversæ accidunt ægritudines. 128
Humorum quaternarius numerus in derisum abiit. 55. & 118
Humores quandoque in venenosiorem degenerant naturam ex Galeno. 121
Hydrocele quid. 60
Hydrocephalos quid. ibid.
Hydrops quomodo fiat, cuiusve partis vitio. 60

Hydropis sicci causa: 101. 102
Hyemales morbi. 61. & seq.
Hyemales morbi quomodo præcaveantur. 63
Hyems sicca, & Ver pluviosum quos pariant morbos. 27. & an necessario. 28
Hyems pluviosa, & Ver Aquilonium quas inducant affectiones. 30. quomodo vitentur. 33
Hyems siccior quid. 81. 32
Hyems Austrina simul, & clemens. 32
Hyems, quæ ætates melius se habeant. 45
Hyems an Autumnales morbi contingat. 62
Hyeme purgare per inferiora magis, & quare. 89. 96
Hyeme cur humores vitiosi intestina occupent. 90
Hyeme lientericos per superiora purgare malum. 104
Hyeme quare abundantiùs mingamus. 191
Hypocatharfeos incommoda. 115
Hypochondriorum murmur quando alvus lubrica consequatur. 180
Hypochondria quomodo inflari possint. 180
Hypochondriorum tumores quemnam habeant exitum. 181
Hypochondriorum durities in Ictero febricitantibus mala. 181

I

Icterus quo tempore febris commendabilis. 171
Icterus ante septimum an in febribus malus. 167. 168
Icterus cum rigore febrem solvit, non contrà. 168
Icterus Jecoris inflammationem insequens exitialis. 169. & 171
Icterus post septimū an periculo vacat. 169
Icteri causa. 168
Icteri remedium efficacissimum. 169
Ignis depravatum Aerem corrigere potest. 9
Ilei causa: & cur Autumno increbrescere dicatur. 61
Impetigines quid. 54
Indi Hispani pro Variolis lœm Venercam reddidere. 71
Indicatio potissima non à temporibus, sed à causis. 94
Infantis ætatis morbi. 64
Inflammationes an purgationem inducent. 111
ex Inguinum tumoribus febres an mala. 160
Instrumentum ad humorem Aeris mensurandum

RERUM NOTABILIMUM.

furandum nuperrimè inventum.	16
Intermittentium febrium signum insep-	
arabile, rigor.	130
Intermittentes febres minimè periculo-	
sz. 147. seculi quocumque alio mor-	
bo.	150
Intermittentes febres an aliquando leth-	
ales.	148. 149
Intermittentes febres quomodo quandoq;	
transcant in continuas.	149
Intermittentes febres nec ab inflamma-	
tione, nec à malignitate ex Galeno.	
154	
Intestina discissa non coalescunt.	127
Intestinelorum cum auribus consensus,	
undè.	129
Intestinelorum levitas, & difficultas. v.	
Lienteria, & Dysenteria.	
Intestinelorum interior tunica glandulis	
innumeris referta.	103
Intestinelorum glandulæ, & fibræ carneæ.	
127	
Isthiades quare Autumno consingant.	
61	
Isthuriæ à tuberculo.	180. & seq.
Juvenes quo anni tempore salubritus vi-	
vant.	47
Juventutis morbi.	77

L

Ac maternum infantibus præfere-	
dum.	66
Lactis conditio ad naturam, & mores	
facit.	33. & 66
Lacrymæ spontè profluentes an lethales.	
158. &c.	
Lassitudo febricitantibus abscessus in ar-	
ticulis futuros significat.	133
Lassitudo triplex ex Galeno, & quænam	
ex his abscessus in febribus præsignifi-	
cet.	133
Laudani opiat in vomitu cauta exhibitio.	
108	
Lentores dentibus hærentes fortes signifi-	
cant febres. 158. quomodo tollantur.	159
Leipyriæ febres quænam.	154. 155
Lepra, quæ Vere dicatur contingere.	52
Lepra Hebræorum, Græcorum, & A-	
rabum.	53
Lethargi an Hyeme.	63
Lethargus Virorum morbus.	79
Lien Filco comparatus ab Alciao.	59
Lien Sanguinis officina exilimatus.	60
Lien frustra animalibus datus ex Erasistra-	
to, & Plinio.	ibid.
Lien tumores Autumno contingentes.	
59	

Lienis extractio in canibus instituta: an	
in hominibus.	60
Lienteria an ab intestinelorum levitate.	
103	
Lienteria quid.	102
Lienteria quomodo Autumno accidere	
possit.	61
Lienteria Viris.	79
Lienteria an vomitu curetur, vel deje-	
ctione.	102. 104.
Lienteriæ causa juxta Antiquorum.	82
Neotericorum doctrinam.	103
Lippitudines, undè.	29
Lippitudines quomodo à sicca tempe-	
state	42
Lippitudo quoruplex. 32. v. Ophthal-	
mia.	
Lumborum dolores, undè. 101. quid	
significent.	116
Lumborum dolores, ubi Hypochondria	
murmuraverint, quid denotent.	181
Lumbrici Pueris familiares.	70
Lumbrici timoris in somno causa.	144
Lumbricorum remedia.	74
Lunæ motus ventos huc, vel illuc diri-	
gere valet.	15
Lympha quid.	159
Lympha Rheumatismi causa.	182. 185
Lymphæ usus, & circuitus.	114
Lymphæ defectus, vel vitium sitis	
causa.	114
Lymphatica vasa plurima per articu-	
los.	182. 187

M

Malignæ febres quandoque pusillæ	
videntur.	141
Medicari quid significet.	99
Medici optimi est pro ratione temporum,	
ætatum, &c. ægitudines moderari.	
12	
Medicina non in omnibus regionibus iis-	
dem dogmatibus tractatur.	25
Melancholici morbi quomodo Vere	
orientur.	51
Melancholici morbi quomodo accidunt	
Autumno.	62
Melancholici qui dicantur: & an per	
inferiora purgandi.	98. & 99
Melancholici succi vehementioribus ca-	
thartici excalescunt.	99
Melancholicus humor an uspiam repe-	
riatur.	117
Menstruis deficientibus sanguis supra	
ferri solet.	125
Mictio noctu plurima paucam significat	
dejectionem.	190

Mictio.

Mictionis uberioris causa. 191
 Mictionis copiosæ remedia, ibidem v.
 Urina.
 Morbi in quibusdam ætatibus, locis, temporibus, &c. bene, vel male se habent. 11. & quare. 11
 Morbi quidam certis temporibus longiores, vel breviores. 12
 Morbi magna ex parte temporum constitutiones sequuntur. 20
 Morbi legitimi qui. 21
 Morbi legitimi, legitimis constitutionibus qui accidunt, plerumque boni iudicii. 22
 Morbi lethales ad declinationem non pertingunt. 23. 123
 Morbi quinam varias anni temporum constitutiones insequuntur. 27. & seq.
 Morbi quidam magis in quibusdam temporibus fiunt, & exacerbantur. 47
 Morbi omnes, omnibus fiunt temporibus. 47. & quare. 48
 Morbi peracuti ex se non indicant purgationem. 99
 Morbi longi minimè securi. 145
 Morbi variant pro climatum varietate. 168
 Morbis incipientibus evacuationes quæcumque contingentes symptomaticæ. 120
 Morborum diversitas. 23
 ad Morbos omnes contrumaces pulvis Auctoris efficax. 146
 Morbilli an ad sanguinem maternum referendi. 71
 Morbilli an ad siderum influentiam revocandi. 71
 Morbilli an ab Aere, & alimentis. 72
 Morbilli frigidis medicamentis reprimuntur. 74
 Morbillis, & Variolis affecti quomodo tractandi. 73
 Morbillorum nulla apud Græcos Medicos mentio. 68
 Morbillorum primò Arabes meminere. 71. 73
 Morbillorum causa ex Auctoris sententia. 72
 Morbillorum, & Variolarum fermentum contagiosam naturam sapit. 72
 Mortis occasio inevitabilis. 38
 Mortis causa: & an cum febris intermissione. 149
 Motu promovenur evacuationes. 106. 107
 Motus quinam vomitionem juvent. ibid.
 Mucæ ex folio infensores imminente pluvia. 29
 Mutationes omnes repentine nocuæ. 8. 13

Mutationes corporis longitudinem morbi significant. 144
 Mutationes quænam morbi significant longitudinem. 144. & quare. 145
 Myopia quid. 82. ejus causa, & curatio. 83

N

Narium humiditates Senibus. 82. quomodo tollantur. 83
 Naturæ nomine temperies venit ex Galeno. 10. quid ex Auctoris sententia. ibid.
 Naturarum aliz ad Æstatem, aliz ad Hyemem bene, malè se habent. 9
 Navigatio corpora turbat. 106
 Neapolitanus tractus humidior. 18
 Nephritis Senum morbus. 81
 Nervi liquoris in febribus malitia. 171
 Nervi liquoris impuritates, qui, & quibus viis sequestrari soleant. 180
 Nervorum distentiones febre superveniente solvuntur. 162
 Noctu quare urinæ copiosæ. 191
 Noctu quamobrem Catarrhi promoveantur. 191
 Nubecula quarta die in urina apparet Crisim septima futuram significat. 178
 Nubecularum bonitas, vel malitia. ibid.

O

Obei vomitioni inepti. 97
 Obesitas corporis undè. 95
 Oculorum morbus in Aquilonia temperate. 43
 Oculorum humiditates senibus. 82. quibus tollantur. 83
 Oedema quid. 136
 Ophthalmia Æstate undè. 56. v. Lippitudines.
 Opera quid. 7
 Oris exulcerationes. Æstate quæ de causa. 37

P

Pancreaticus succus acido-austerus dejectiones nigras parit. 118
 Paritithmia quæ. 69
 Parotides dejectionibus sanantur. 129
 Paroxysmorum constantia iudicium difficile significat. 131
 Paroxysmorum subitanea difficulte iudicium præmonstrat. 132
 Paritithmia puerulorum. 134
 Pavores puerulis in somno undè. 68
 Pectoris.

RERUM NOTABILIUM.

Pectoris, & Pulmonum morbi an vomitu
 curentur ex Rulando. 111
 Perinzus quid. 188
 Periodicæ febres possunt ab uno, eodem-
 que humore oriri. 149
 Periodicæ febres undè distinguantur. 56.
 59
 Peripneumonia an purgationem indicet. 111
 Peripneumonia Viris, quo accidat mo-
 do. 79
 Peripneumoniz Hyberno tempore. 63
 Pestis Græciæ ventorum afflatu delata,
 igneque correctæ. 9
 Phrenetici à delirantibus differunt. 179
 Phreneticis urinæ albæ, & pellucidæ
 malæ. 179. &c.
 Phrenitidem an semper urinæ comiten-
 tur pellucidæ. 179
 Phrenitides Viris quomodo accidant. 79
 Phthifis Juvenibus familiares. 78. v.
 Tabes.
 Phytalia quid. 7
 Piruitosi, qui dicantur à Galeno. 98
 Plejadam occasus in purgatione non vitan-
 dus. 93
 Pleuritis an purgationem indicet. 111
 Pleuritides cur Hyemali tempore. 63
 Pleuritides Viris quomodo. 79
 Pleuriticis sanguinis per os eductio salu-
 briter accidit. 135
 Pluviosa constitutio quos pariat morbos.
 41
 Pluviosa constitutione sicca salubrior. 39
 Potulentorum an aliquid ad Pulmones
 pertingat. 113
 Præcordia quas partes comprehendant.
 111
 Presbytia quid. 82. ejus causæ, & cura-
 tio. 83
 Procyon quodnam fidus. 92
 Procyonis ortus. 92. 93
 Prognosticum boni, vel mali judicii un-
 de defumendum. 21
 Pruritus totius corporis non ab Hepatis
 intemperie, sed aliundè. 81
 Pruritus totius corporis quibus curetur
 remediis. 83
 Puberum morbi. 75
 Pubertatis tempus. ibid.
 Pubertatæ morbi plerumque judicari so-
 lent. 76
 Pudendorum ulcerationes quid signifi-
 cent. 58
 Pueri Vere optimè degunt. 46
 Puerorum Angina endemia lethalis Nea-
 poli anno 1618. 137. & 48
 Puerorum morbi quo soleant judica-

ri tempore. 77
 Puerulorum morbi. 64. quomodo præ-
 caveantur. 65
 Pulmoniacæ Tabes quæ. 37
 Pulvis biceps Auctoris ad morbos contu-
 maces fugandos. 136
 Purgatio. v. Cathartica.
 Purgationis per superiora, vel inferiora
 faciendæ signa. 109. 116
 Purgationis completæ signum, sitis. 112
 Puris mictio an Renum, vel Vesicæ ulcus
 significet. 182. 189
 Purulentæ mictionis curatio. 183. 184
 Pus urinæ mistum, an ex relictis partibus
 excernatur, qui dignosci possit. 183
 Pustulæ sudorose ætate contingentes,
 undè. 58
 Putredines quænam pluviarum insequan-
 tur multitudinem. 41

Q

Quartana febris an ab humore melan-
 chotico. 56
 Quartanæ an inter morbos Aestivos con-
 numerandæ. 56
 Quartanæ Autumnales undè. 59
 Quartanæ quomodo aliquando lethales.
 150
 Quietis commoda. 107
 Quintanæ febres. 59
 Quotidianæ febres non omnes cum rigo-
 ribus sociantur. 179

R

Raucedines qua tempestate ingravef-
 cant. 36
 Raucedines Vere undè. 52
 Raucedines Hyeme undè. 63
 Regius morbus. v. Icterus.
 Renum tubuli. 184
 Respirandi difficultas. v. Asthma.
 Respirationis læsio deglutitionis læsione
 periculosa. 136
 Respiratio in febribus interrupta convul-
 sionem significat. 175
 Rheumatismi causa. 182
 Rigor sexta febris die si accidat, difficile
 arguit judicium. 130. & quare. 131
 Rigor febricitantibus familiaris. 130
 Rigor Periodicus, Criticus, & Sympto-
 maticus. ibid.
 Rigor inseparabile Intermittentium si-
 gnum. ibid.
 Rigor inembra relaxat. 151
 Rigor febre non intermittente, ægro de-
 bili, lethalis. 151. quænam hæc sit
 imbecillitas, 152. &c.
 Rigor

I N D E X

Rigor quomodo continenter febrientem
arripere possit. 163
Rigor crises designat. 164
Rigor, Tremor, Horror. 164
Rigor, si morbum regium comitetur, fe-
bres solvit. 168
Rigor causa, vel signum intermissionis.
169
Rigor quandoque malignitatis nota. 170
Rigoris definitio, incommoda, causæ.
130. & 163
Rigoris critici, & salutaris conditiones.
131
Rigoris beneficia. 170.
Rigore superveniente febris ardens solvi-
tur. 163
Rigore nisi intermittat, aut desinat fe-
bris, malum. 164
Rigores, qui quotidie in febribus fiunt,
quotidie illas solvunt. 169
Rufus Feltus Arati Paraphrastes. 92

S

S Alivalia vasa. 159
Sanguis it per arterias, redit per ve-
nas. 186
Sanguis Verenavam ferme induit natu-
ram. 50
Sanguis cum Aere commiscetur in pul-
monibus. 63
Sanguis in Variolarum, & Morbillorum
eruptione indebitè effervescit, & qua-
mobrem. 72
Sanguis obesitatis, & marcoris causa. 95
Sanguis si per os excernatur, qualiscunque
sit, malum. 124. 124. non tamen sem-
per. 125
Sanguis è faucibus fluens quandoque sa-
lutaris. 126
Sanguis niger infernè prodiens an bonum
signum. 126
Sanguis per os excretus in foeminis, pleu-
riticis, abscessibus, levius malum por-
tendit. 125
Sanguis floridus si infernè excernatur, ma-
lum. 126
Sanguis est causa caloris, & frigoris. 140
Sanguis acido figente restagnat. 154
à Sanguinis fluxu febricitantes dum resi-
ciuntur, alvum humidam acquirunt.
127
Sanguinis profluvia Vere quare contin-
gant. 52
Sanguinis superfluitates, quæ ad cutem
demandantur, dum intus continentur,
non tantæ sunt pravitatis. 54
Sanguinis per ætates mutationes. 76

Sanguinis spuitiones Juvenibus. 77
Sanguinis alicubi restagnantis effectus.
125
Sanguinis mistus quomodo curetur. 187
Sanguinis mistio an Renum, vel Vesicæ
ulcus denotet. 182. & 189. an aliquid
aliud. 186
Sanguinis impuritates quomodo seque-
strari possint. 180
Sanguinea vasa quotupliciter rumpi pos-
sint. 187
Sanguinei, qui dicantur à Galeno. 98
Saryriæ, Satyrismus, Satyrismos quid si-
gnificent. 79
Scabies Vesicæ, undè. 185
Semiteriana febris quænam. 148
Senectus Cruda, Media, & Matura. 80
Senectutis principium ex Hippocrate. 47
Senectutis morbi. 80. quomodo curen-
tur. 83
Senes quo anni tempore melius degant.
45
Senes acutis morbis non corripiuntur, &
quare. 78
Senibus qui morbi ex pluviosa Hyeme, &
siccò Vere immineant. 32
Senilis Tabes, quæ. 27
Sensum hebetudo in continuis febribus
lethalis. 155
Septemtrionales populi cur firmiores. 43
Septimanæ febres. 59
Serosæ superfluitates corporis quibus mi-
nuantur præditiis. 162
Sextanæ febres. 59
Sexta febris die rigores difficile judicium
pariunt. 130
Sextus dies tyrannicus. 131
Sicca constitutio præcedat, an comitetur
acutas febres. 20
Sicca constitutio an humidiori salubrior.
39. 40
Sicca constitutio quos pariat morbos. 42
Siccitas morbos breves parit, & cur. 19
Siccitas quid importet. ibid.
Siccitas an mortis causa Senibus. 49
Siccitates si extremæ fuerint, febres acutæ
hunt, & quare. 19
Sirii ortus Cosmicus, & Heliacus tem-
pore Hippocratis, Avicennæ, Magini,
Argoli, & Nostro. 92. 93
Sirii ortum quæ in terris consequantur ex
Plinio. 93
Sirio an ulla vis erga nos insit. 93. 94
Sirius stella pulcherrima ex Ptolemæo.
51
Sitis quam ob rem à purgante medica-
mento. 112. 115
Sitis an à caliditate, & siccitate. 113.
an ab

RERUM NOTABILIMUM.

an ab humoris inopia, vel caloris copia. *ibid.*
 Sitis fedes an pulmones. *113.* an ventriculus, &c. *114*
 Sitis remedium taciturnitas ex Hippocrate. *113*
 Sitis causa. *113. 114. 159*
 Sitis cur quandoque vino, ejusque spiritu fedetur. *114*
 Sitis nisi purgatis superveniat, an denuo purgandi. *115.* an verò movendum corpus. *ibid.*
 Sitis in purgationibus infidele signum. *116*
 Sitis siurgeat cum externarum partium frigore, lethale. *154. &c.*
 Sitis quid significet in ardentibus. *154*
 Sitis in ardentibus febribus sicca tussi mitigatur. *159.* & quare. *159*
 Solis radii ventos sæpè sæpius impellunt. *15*
 Solstitium utrumque periculosissimum ex Hippocrate. *6.* quando nobis accidat. *7*
~~Somnus in infanti bus familiaris.~~ *65*
 Somnus requies animorum ex Homero. *82. 174*
 Somno quæ evacuationes cohibeantur. *106*
 Somno sudor multus factus quid significet. *145. &c.*
 Somno halitus quaquaversum facilius diffunduntur. *174*
 Somnus à Ventriculo. *175*
 in Somno pavores febriçtantibus, malum. *174.* horum causa. *ibid.*
 Spasmus. v. Convulsio. *7*
 Sporatos quid. *7*
 Squamulæ in urina quid denotent. *189*
 Stellarum annuus motus in ortum quantus. *30.* ex Tychone. *93*
 Stellarum an ullasit erga nos potestas. *94*
 Stomachi morsus quid denotet. *110*
 Stranguria cur Autumno. *61*
 Stranguria à Tuberculo. *190*
 Stranguriæ Pueris undè. *70.* Senibus quomodo. *81*
 Stranguriæ quomodo à sicca constitutione. *42*
 Strumarum generatio in Pueris. *70*
 Strumarum remedia. *74*
 Sudor somno non cohibetur. *106*
 Sudor copiosus parcam reddit urinæ, & fecum excretionem. *190*
 Sudor salutaris an tertio, & quinto die. *139*
 Sudor frigidus quomodo fiat. *140*
 Sudor multus ex somno quid signifi-

ficet. *145. &c.*
 Sudor omnis bonus calidus, ac non contra. *147*
 Sudor nisi febrem solvat, malus. *147*
 Sudores in febribus expectandi, si æstas sit Veri similis. *17.* & quare. *18*
 Sudores boni quibus accidunt diebus. *138*
 Sudores ultra trigefimum primum diem an mali. *139*
 Sudores quinam laborem portendant, & morbi longitudinem. *140*
 Sudores frigidi in febribus quid significant. *140. &c.*
 Sudores frigidi in acutis febribus non ejusdem naturæ, ac in mitibus. *141*
 Sudores multi in principiis morborum periculosi ex Mercuriali. *141*
 Sudores calidi an semper probandi. *ibid.*
 Sudores frigidi diaphoreticis alexipharmacis compescuntur. *141*
 Sudores universales esse debent. *142*
 Sudor particularis ejusdem partis morbum designat. *ibid.* vel illius undè provenit. *142*
 Sudores nocturni, & diurni. *143*
 Sudores quomodo cathartici curentur. *146*
 Sudores multi calidi, vel frigidi, quid portendant. *147*
 Sudoris copia nec omninò formidanda, nec ultrò commendanda. *18*
 Suffocatio febriçtanti circa tumorem lethalis. *135*
 Suffocatio ex halitibus mineralium. *137*
 Suffocationis descriptio, & causæ. *136*
 Suppurationis beneficia. *190*
 Surditas undè. *43*
 Surditas biliosis dejectionibus sanatur, & viceversa. *138*
 Surditas quænam hoc modo sanetur. *129. 130*
 Surditas febriçtantibus undè. *ibidem.*
 Surditatem in febribus narium hæmorrhagia, & alvus turbata solvit. *165*
 Symptomaticæ evacuationes quandoque bonæ in genere causæ, malæ in genere signi. *87*

I N D E X

Synocha febres quænam. 148. 178
Synochas febres Arithmaticas Galenus
vocavit, & quare. 69

T

TAbes qua tempestate vagari soleat. 36

Tabes cur Autumno accidunt. 60

Tabes Juvenibus familiaris. 78

Tabi contrahendæ aptiores qui. 36. 97

Tabis species. 25

Tabidi per inferiora purgandi. 97

Tabidi quibus medicamentis purgandi. 98

Tabidorum sanguis cujus sit indolis. 26

Tabidis Autumnus malus. 26

Tabitudo quæ ex sicca oriatur constitutio-
ne. 42

Tactus corporum est passio. 144

Temperamenta quomodo explicentur. 10

Temperies naturæ nomine appellata. ibid.

Tempus quibus dentibus cuncta vorare
dicatur. 9

Temporum mutationes morbos pariunt. 5

Tenesmus Autumno familiaris. 61

Tertiana intermitteus periculo vacat. 149

Tertiana febris an à putrescente bile. 55

Tertiana exquisita septenis circuitibus ju-
dicatur. 165. ut tardissimè. 165

Tertiana exquisita quænam. 165

Tertiana exquisita an septimum circuitum
aliquando excedat. 165

Terræ-tremor Neapoli anno 1688. 15

Tetanus quid, & undè. 162

Theodorus Gaza à Cardano commenda-
tus. 44

Timores in somno febricitantibus mali,
eorum causæ. 174

Timores infantibus, undè. 65. 174

Tolerantia, & Conferentia in evacuatio-
nibus. 88

Tonsillarum inflammatio. 69

Tormina, & lumborum dolores, nisi me-
dicamentis solvantur, in Hydropem sic-
cum transeunt. 100

Tormina non febricitantibus si accidunt,
quid significant. 116

Torminum causa. 101

Tremor, Horror, Rigor. 164

Trichialis quid, & ejus causa. 184

Tritæophyes febres quænam, & cur peri-
culosiores. 148

Tubercula fistulæ urinariæ undè, & quo
modo solvantur. 189. & seq.

Tubercula quænam suppurent. 390

Tubercula verno tempore quare. 54

in Tubercula quandoque desinunt longè fe-
bres. 150. si pleniori cibo eger utatur. 150

1.

Tumorum species tres. 136

Turgens humor ex evacuatione quæ-
rit. 85

Turgentia in gravidis catharticum ad-
mittit. 84

Turgentia tripliciter inducitur. 85

Turgentia in valde acutis subitam purga-
tionem indicat. 99. & quare. 110

Tusses sicca sitim in ardentibus febribus
mitigant. 159

Tusses vehementes & febrem, & sitim
augent. 160

Tusses qua tempestate fiant. 36

Tusses Hyeme quare. 63

Tusses quam ob rem puerulis vehemen-
tes. 65

Tussis quæ dicatur ab Aristòtele sedari
cohibito spiritu. 17

Tussis sicca, & humidæ causa. 159

Tympanites quid, & ejus causæ. 102

Typhodes febres quænam Aetio. 154

V

VArices virilitatis morbus. 80

Variolæ an ad sanguinem mater-
num referendæ. 71

Variolæ an siderum influentiam sequan-
tur. 71

Variolæ an ab aere, & alimentis. 71

Variolarum nulla apud Græcos Medicos
mentio. 68

Variolarum Arabes primò meminere. 71.

73. v. Morbilli.

Vasorum sanguineorum diruptionis causæ.
186

Venarum nomine apud Hippocratem et-
iam Arteriæ comprehenduntur. 186

Venena quænam sanguinis mistum pa-
riant. 187

Venena quomodo à circumforaneis inno-
xiè assumantur. 109

Venti in Aere pariunt mutationes. 9

Venti non variantur pro locorum, per quæ
transeunt varietate. 14

Venti suaves Zonam Torridam persolant.
14

Venti hava remotas regiones percur-
runt. ibid.

Venti Solis, & Lunæ motum quadantenus
sequuntur. 15

Venti quidam quibusdam locis familia-
res. ibid.

Ventorum commoda, & incommoda. 9

Ventorum decrementa. 13. 15

Ventorum natura, & origo. 14

Ventorum causa non sunt exhalationes
terrestres. ibid.

Vento-

RERUM NOTABILIMUM.

Ventorum varietas ad quos halitus referenda. 15. hi verò halitus quo impellente moveantur. ibid.
 Ventorum incommoda quomodo præcaveantur. 17
 Ventriculi æstus in febribus malum. 172
 Ventriculus morborum Æstivorum. proxima causa. 89
 Ver pluviosum magis, quàm Hyems. 18
 Ver saluberrimum, & minimè lethale. 22.
 & qua ratione. 24. 48. & 49
 Ver quoque Tabescentibus malum. 26
 Ver pluviosum sicæ Hyemi succedens quos morbos excitat. 27. & an necessarium. 28
 Ver pluviosum quomodò Æstatem calidiorem efficiat. 29
 Ver Aquilonium Hyemi pluviosæ succedens, quæ pariat incommoda. 30. & quomodò vitari possint. 33
 Vere, quæ ætas melius se habeat. 45
 Vere, qui morbi contingant. 48. & seq.
 Vere cur cerebrum potissimum affici dicatur. 51
 Veris tempore sanguis quodammodò repurgatur. 50
 Vernales morbi abscessus naturam referunt. 51
 Vernales morbi quomodò præcaveantur, curenturque. 55
 Veratrum. v. Helleborus.
 Vermes. v. Lumbrici.
 Verrucæ quomodò erumpant. 70
 Verrucarum remedia. 74
 Vertebrae occipitis luxationes Pueris. 69
 Vertebrae luxatio quàm periculosa. 137
 Vertigo à Ventriculo. 110. 130
 Vertigo quænam ex Austrina constitutione accidat. 44
 Vertigo oculorum, & cerebri. 44. 63
 Vertigines Senum. 81
 Vesicæ affectæ indicia. 188
 Vesicæ ulceris signa. 189
 Vesicæ scabies quomodò accidat. 185
 Vicissitudo Aeris an morbos pariat Autumnales. 24
 Vicissitudines repentinae morbos inducunt. 13
 Vigessimus dies inter potiores criticos ab Hippocrate recensitus. 138
 Vigiliæ infantibus, undè. 65
 Vigiliæ Senibus familiares. 81
 Vinum æstu, vel tonitru effervescent. 177
 à Vipera demorsi quare flavescant. 168
 Virium languorem comitantia symptomata cæteris pejora. 155
 Virorum morbi. 79. &c. quomodò

curentur. 80
 Viscerum dolores in febribus, & eorum causæ. 173
 Visus hebetudo Senibus familiaris. 82
 Visus debilitas triplex: an à sola spirituum inopia. ibid.
 Vita an sit mansio caloris in humido. 39
 Vita an melius humiditate, vel siccitate conservetur. 40
 Vitiliginis quid. 54
 in Ulceribus, quæ perpendenda. 127
 Umbilici inflammatio Pueris qua fiat de causa. 65
 Umbilicalium partium dolores undè. 101
 Vulvuli causa, & cur Autumno observetur. 61
 Vulvulosa foemina secessus quosdam habuit ex Hippocrate, & quomodò. 62
 Vomentes difficulter per inferiora purgandi. 81
 Vomentes difficulter tantum Helleboro tractandi. 105
 Vomere Antiquis consuetum. 108
 Vomitus cur Æstate. 56
 Vomitus puerulis undè. 61
 Vomitus an rectè Utero-gredientibus provocetur. 88
 Vomitus an utilior Hyeme, quàm Æstate. 89
 Vomitus indicatio undè desumenda. 89. 90
 Vomitus an caput, & thoracem exoneret. 90
 Vomitus difficultas undè. 105
 Vomitus necessarii signa. 119. &c.
 Vomitus indicatio vera. 110
 Vomitus extenuatis lethalis. 123
 Vomitus ventriculi peculiaris actio. 126
 Vomitus quinam motus juvet. 106. 107
 Vomitus immoderatum an ciborum exhibitio compefcat, vel potius alia medicamina. 107
 Vomitoria Tabidis interdicenda. 97
 Vomitoria tutiora undè petenda. 111
 Vomiturientes quam sortiti sint primarum viarum dispositionem. 95
 Urina subrubra quid significet. 179
 Urina copiosior Hypochondriorum murmur tollere potest. 181
 Urina multa ab abscessu febrientes quandoque liberat. 181
 Urina purulenta ex Pulmonis vomica, Empyemate, &c. 183
 Urina fursuracea Vesicæ scabiem denotat. 185
 Urina arenosa an calculum Vesicæ designet. 187
 Urina quibus præpediatur causis. 190

INDEX RERUM NOTABILIVM.

- Urina noctu plurima excreta paucam significat dejectionem. 191
 Urina crassa cum carunculis, & veluti capilli, undè. 184
 Urinæ albæ, & perspicuæ malæ maximè phreneticis: an id perpetuò verum. 179
 Urinæ percolatæ quid significant. 185
 Urinæ stillicidii causæ. 188. v. Stranguria.
 Urinæ excretio, & alvi solutio, quàm inter se convenient. 190. & 146
 Urinæ excretio immodica medicamentis alvum solventibus sedari potest, & contra. 191
 Urinæ in febricitantibus quænam bonæ, vel malæ. 175. &c.
 Urinæ materia sæpè potus est nuper assumptus. 176
 Urinæ crassæ, & grumosæ quæ. ibid.
 Urinæ tenues quænam febricitantibus prosint. 176
 Urinæ febricitantium si inconstantes sint malæ. 176
 Urinæ perturbatæ febricitantibus quid portendant: earum causæ. 177
 Urinæ quæ perseverant perturbatæ solum in febricitantibus fieri possunt. 177
 Urinæ subsidentes in febribus meliores. 178
 Urinæ turbidæ an à flatibus. 178. quomodo corrigendæ. ibid.
 Urinæ nubecula quarta die apparens crissim septima futuram præsignificat. 178
 Urinarum, & fecum evacuatio consentiens. 146. 190
 Urinarum infidele signum. 191
 Urinarum hypostasis. ibid.
 Urinarum fistulæ tubercula, undè. 189. &c.
 Utero-gerentes an, & quo tempore medicandæ sint: 84. 86
 Utero-gerentes quibus catharticis tractandæ. 85
 Utero-gerentes an purgari possunt. etiam si humores non turgeant. 84
 Utero gerente, an quarto, & septimo mense purgationem admittant. 86
 Utero-gerentibus an vomitoria propinanda. 85

Z

Zona Torrida inhabitabilis ab Antiquis perperam creditæ.



FINIS.